


**MANUDUCTIO AD  
CONUERSIONEM  
MAHUMETANORUM  
IN DUAS PARTES  
DIUISA. IN PRIMA...**

Tirso González de Santalla, José  
Maria Fonseca de Evora









FD

B

DE MYKCI

B I A C

CSNONKXCIOR

MEVLOTI

MANVDVCTIO  
AD CONVERSIONEM  
MAHVMETANORVM  
IN DVAS PARTES DIVISA.

PARS SECVNDA.

IN QVA FALSITAS MAHVMETANÆ  
Sectæ convincitur.

TOMVS SECVNDVS.

SS. DOMINO NOSTRO  
INNOCENTIO XI.


PONTIFICI MAXIMO.

POST SACRORVM PEDVM OSCVLA,  
consecrat M. Thyrsus Gonçalez de Santalla è Societa-  
te Jesu, in Salmanticensi Academiâ Sacræ Theo-  
logiæ Primarius Antecessor emeritus.

VT CVIVS COPIOSISSIMIS SVMP TIBVS, SOLERTISSI-  
ma industria, infatigabili zelo, precibus, lachrymis, & gemitibus Mahumetismum cernimus subiugatum, eiusdem quo-  
que faultissimo auspicio tot Barbaris Nationibus sedentibus  
in tenebris, & vmbra mortis, victricem Christianæ veri-  
tatis lucem tandem affulxisse lætemur.

M A T R I T I.

Ex Officina Bernardi de Villa-Diego, Typographi Regij.  
Anno M. DC. LXXXVII.









# PARS SECVNDA

## MANVDVCTIONIS AD CON- versionem Mahumetanorum.

*IN QVA FALSITAS MAHVME-  
tanae sectae convincitur, paritèrque veritas  
Religionis Christianae, quae prima parte  
demonstrata est à nobis, iterùm argu-  
mentis stabilitur.*


### PROEMIVM.



VAMVIS quæ prima parte huius  
operis diximus de Christi Diui-  
nitate, & veritate Religionis  
Christianæ, euidenter sectam  
Mahumetanam de falsitate convincant;  
specialitèr in hac secunda parte placuit pro-  
ponere argumenta illa quibus sæpè vsus  
sum ad expugnandam Mahumetanorum



perfidiam, cum ad illos publicè conciones  
 haberem in pluribus Hispaniæ Ciuitatibus,  
 nimirum Malaga, Velez-Malaga, Marvella,  
 Gibraltar, Xerez de la Frontera, Puerto  
 de Sancta Maria, Cadiz, San Lucar de Bar-  
 rameda, Hispali, Ronda, Arcos, & in Curia  
 Matritensi. Nam his argumentis, gratiâ ad-  
 spirante diuinâ, in his locis ducenti per  
 moti sunt ad abiurandum Mahume-  
 tismum, & Christianam fidem  
 suscipiendam.



# LIBER PRIMVS.

EXIHENS BREUEM NOTITIAM  
de Mahumeti vitâ, & moribus, de Alcorani  
erroribus, & de artibus, quibus secta  
hæc introducta est.

## CAPVT PRIMVM.

Breuis notitia de Mahumetanorum erroribus, & qua arte  
Mahumetus suam sectam invexerit.

**L**EGEM Mahumeti graphicè describit Card.  
,, Bellarm. serm. 5. de Fide, his verbis: Nihil  
,, aliud est lex Mahumeti, vt ex lib. S. Ioann. Damasc.  
,, de centum Hæresibus cognosci potest, quam mon-  
,, strum quoddam horrendum, informe, ingens, ex  
,, multis Hæresibus, & superstitionibus conflatum. A  
,, Iudæis habet horrorem carnis suillæ, multitudinem  
,, vxorum, libellum repudij, Circuncisionem, cre-  
,, berrima baptismata. Ab Hæreticis Arrianis habet  
,, Verbum non esse Dei Filium, neque Patri consub-  
,, stantialem, sed creatum, & seruum. A Nestorianis  
,, habet Christum Dominum de Virgine quidem na-  
,, tum, sed solum esse hominem, non etiam Deum. A  
,, Manichæis habet, Christum, nec passum, nec  
,, mortuum esse; & à vino perpetuò abstinendum. Ab

## 6 *Demonstr. contra Mahumet.*

„ Aristippo, & Epicuro habet summam beatitudi-  
 „ nem in hortorum amœnitate, & vxorum multitu-  
 „ dine, cibo, & potu, alijsque corporis voluptatibus  
 „ positam esse. Porro ieiunium religiosè colunt Ma-  
 „ humetani, sed ab ortu Solis vsque ad occasum, no-  
 „ ctu verò quando periculum non est, ne saltem à  
 „ Sole videantur, liberū esse comedere putant, & bi-  
 „ bere vsque ad satietatem. Postremo, quod maximæ  
 „ stultitiæ signum est, cum lege Moylis, & Euangelio  
 „ pugnat, & tamen Christum, & Moysen tanquam  
 „ Prophetas sanctissimos, & veracissimos veneratur.  
 „ Itaque Mahumeti propositum non fuit aliud, quam  
 „ difficultatem omnem profligare, quam Christiani  
 „ homines in credendo, & operando patiuntur. Quia  
 „ difficile est cum vna vxore contentum esse, & eam  
 „ non posse dimittere, adhæsit Iudæis. Quia difficile  
 „ erat credere vnā essentiam in tribus personis  
 „ subsistere, adhæsit Arrianis. Quia difficile erat vnā  
 „ personam esse in duabus naturis, adhæsit Nestoria-  
 „ nis. Quia difficile erat credere, Deum, Christum pa-  
 „ ti, & mori voluisse, adhæsit Manichæis. Quia diffi-  
 „ cile erat propter spiritualia, & futura contemnere  
 „ corporalia, & præsentia, quæ videntur, adhæsit  
 „ Epicuræis. Quia difficile erat postremo, Christum,  
 „ & Moysen tam perspicuè Sanctos, & Dei amicos  
 „ non recipere, & non minus difficile erat cum lege  
 „ Moylis, & Euangelio Christi suam legem coniun-  
 „ gere, Christum, & Moysen recepit sed legem, &  
 „ Euangelium repudiavit.



2 Doct. Martinus de Vivaldo Auther illius operis moralis, quod inscribitur, *Candelabrum aureum*, glorians librum, cui titulus, *Zelus Christi aduersus Iudeos, & Sarracenos compositum à Doct. D. Petro de Cauellera*, fol. 13 r. n. 448. Catalog. contexuit errorum Mahumetanorum sub hac forma.

- 1 *Negant Trinitatem cum Sabellio, & Hebræis.*
- 2 *Christum creaturam esse affirmant cum Hebræis, Ario, & Eumonio.*
- 3 *Christum non esse Deum, sed Prophetam Sanctum, cum Cartoprace.*
- 4 *Deum habere Filium fatetur esse impossibile, quia uxore caret, cum Cerdone.*
- 5 *Quod Christus non fuerit crucifixus, sed alius sibi similis cum Manichæis.*
- 6 *Negant Christi mysteria, quæ à Christi Passione habent vim cum Donatistis.*
- 7 *Dæmones in fine esse saluandos, cum Origine dicunt.*
- 8 *Deum habere corpus affirmant cum Antropophitis.*
- 9 *Felicitatem in voluptate collocant cum Cherinto.*
- 10 *Circumcisionem admittunt cum Ebionitis.*
- 11 *Vinum prohibent cum Tacianis.*

3 Eundem Cathalogum contexuit Prateolus lib. 10. verb. *Mahumetes*, pag. 304. citatque Authores agentes de erroribus Mahumetanorum, videlicet Ricoldum Ordinis Prædicatorum in libro, quem inscribit, *Confutatio legis Mahumeticæ*: Ioannem Turrecrematā. Pium II. Papam in Epist. ad Mahumetem Turcarum Principem. Bartholomæum Hungarum.

Guillelmum Postellum in libris de Sarracenorum, & Turcarum origine. Agit præterea contra Mahumetanorum errores Euthimius Monachus in sua Pano-  
 plia orthodoxæ Fidei, part. 2. tit. 24. vbi enumerat  
 centum, & tredecim fabulas, quas Mahumetus in Al-  
 coranum congeffit: alios Authores, qui contra Ma-  
 humetanorum errores scripserunt, inuenies apud P.  
 Possevin. tom. 1. Bibliot. select. lib. 9. cap. 8. Copio-  
 sius verò contra Mahumet. scribit S. Petrus Pasch.  
 Martyr Gienensis Episcopus è Sacra Familia B. Ma-  
 riæ de Mercede Redempt. Capt. in speciali tractatu,  
 quem scripsit Granatæ ann. 1300. incarceratus cum  
 esset pro Christo, & in vinculis ferris constitutus: qui  
 tractatus cum alijs S. Martyris operibus denuo ex-  
 cussus est Matriti anno 1676.

4 Duos ego tractatus evolvi, qui mihi maximo  
 vsui fuerunt ad conversionem Mahumetanorū. Pri-  
 mus conscriptus est à Mossen Ioanne Andræa lingua  
 vulgari, & typis mandatus Valent. ann. 1515. duode-  
 cimque dumtaxat continet capita, eiusque titulus  
 est, *Confusio, seu confutatio Mahumetanæ sectæ*, quem è  
 Bibliot. D. Marchionis de Estepa eductum, Granatæ  
 legi, & in compendium redegei ann. 1669. Fuit hic  
 Author prius Mahumetanus, & Mahumetanorum  
 Alphaquinus, seu Sacerdos in Vrbe Xativa: postea  
 autem ad fidem nostram conversus, & prædicator  
 Christi effectus multos in Valentia Regno ab impu-  
 ro Mahumeto ad Christi Vexilla traduxit. Pervenit  
 huius ferventis viri fama ad Reges Catholicos, illū  
 que



quæ Granatam adduxerunt, ut suæ gentis homines à tenebris Alcorani ad Evangelij lucem tranſveheret; & ut maiori authoritate Verbum Dei prædicaret, illum Ecclesiæ Granatensis Canonicum effecerunt: & iussu Regum, librum illum edidit ad confutanda Mahumeti mendacia. Secundus tractatus, quo usus sum ad conversionem Maurorum, editus est in lucem ann. 1553. à Lup. de Obregon Abulensi Presbytero, & Parochiæ S. Vincentij Parocho, quem dicavit Illustr. D. D. Didaco de Alava, & Esquivel Abulensis Eccl. Episcop. & Supremi Senatus Granatensis Præsidi, fuitque approbatus à S. Inquisitionis Tribunali. In hoc tractatu diligenter depingit Mahumeti vitâ, mores, & prædicationem, & Alcorani fabulas detegit, secretiores notitias Mahumetanæ sectæ à Ioann. Andræa mutuatus. Huius tractatus copiam manuscriptam habet excellentissimus Marchio del Carpio in sua Bibliot. quam ego copiam vidi Matriti anno 1670. & ex illa selectiora quæque in meos codices retuli. Et hi duo Authores præ cæteris vitam Mahumeti, diligentius scribunt, notitias haurientes ex ipsorum Mahumetanorum libris, quæ proinde apud Mahumetanos maiorem fidem faciunt.

5 Mahumeti vitam describit Card. Baron. tom. 8. Annal. ad ann. 630. ex Annalibus Cedreni, & aliorum, & explicat quo pacto nefanda hæresis excreverit: *Nimirum, quod primum ad eum concurrerunt Iudæi existimantes ipsum esse, quem expectarent, Messiam: de- cemque ex ijs ipsum sectabantur, quod eum Circuncissio-*

*nem amplecti sciuiſſent : verum cum eundem immunda comedere cognouiſſent, nēpe Cameli carnem, ē ſententia re- ceſſere: ſed non ceſſarunt commouere eum in Chriſtianos. Excogitauit autem ad ſectam propagandam verſutus nebulo illecebras ex voluptatibus carnalibus comparatas, ſæminarum multitudinem ſuis concedens in hac vita, & in futura iſdem compoſitum Paradysum, in quo iſſis omnia ad cibum, & potum lautè, abundeque ſuppeterent, & ad coitum pariter atfore pulcherrimarum multitudinem ſæminarum; his verò potiſſimum potituros fore, qui vel hoſtem occiderent, vel occiderentur ab hoſtibus: iſta ſatis aſtutè proponens, quo ſuos in bello fortes efficeret.*

» 6 Vt igitur populos omnes alliceret, ex cūctis  
 » fermè aliqua miſcuit, nempe ex Iudæis Circumciſ-  
 » ſionem, Dei vnus cultum, abſtinentiam à carne  
 » ſuilla; ex Chriſtianis Chriſti nomen, ita tamen vt  
 » eum ſicuti Arriani, ſinè Neſtor. coleret. Rurſum  
 » verò vt omnes ſæces eiectas ad ſectam alliceret, &  
 » ſibi coniungeret, ex Manichæis etiam de Chriſto  
 » illud accepit, vt nequaquam Cruci affixum Chri-  
 » ſtum diceret, ſed vmbra Chriſti, Crucem pœni-  
 » tus abominatus. De eodem Chriſto inſuper blaſ-  
 » phemus iſta confinxit, quæ his verbis recitat Da-  
 » maſcenus; ait enim : Chriſtum autem dicit Ver-  
 » bum eſſe Dei, & eius Filium, ſed creatum, atque  
 » ſeruum, eumque fatetur ex Maria ſine ſemine ge-  
 » neratum. Ait enim, Verbum, ac Spiritum Dei cum  
 » in Mariam introiſſet, genuiſſe Filium, qui Dei  
 » Pro-

„ Propheta, & servus est: Iudæos autem contra le-  
„ gem eum in Crucem agere voluisse, & cum eum  
„ tenuissent, eius quidem umbram egisse in Crucem,  
„ Christum autem, nec in Crucem actum fuisse, nec  
„ mortuum, Deum enim ad se transtulisse in Cælum,  
„ quod ei esset charissimus. Hoc etiam commemo-  
„ rat, Christum cum in Cælum peruenisset, à Deo  
„ interrogatum fuisse, an Dei Filium se esse dixisset?  
„ Eumque facit hoc modo respondentem: in me,  
„ Domine sis placato animo: scis, hanc meam ora-  
„ tionem non fuisse, meque tuam non fastidire ser-  
„ vutem. Homines sunt isti, qui contra legem hoc  
„ me dixisse arguerunt, falsoque me circumvenerunt  
„ crimine, & vehementer errarunt. Tum Deum hæc  
„ ei respondisse. Scio hanc tuam non fuisse oratio-  
„ nem. Aliaque multa monstra similia in eo narrat  
„ Commentario, quæ ridicula sunt. Hæc Damascenus.

„ 7 Ad hæc, præterea alias circulator adiecit  
„ ineptias, nempe sibi ut veritatis cultori fideli tra-  
„ dendas claves Paradysi in die iudicij. Fatum insu-  
„ per asseruit, & siue ad bonum, siue ad malum ho-  
„ mines destinari. Cultum præterea astri, quod *Cubar*  
„ dicunt, nempe Luciferi, siue Lunæ, commiscuisse  
„ tradunt, ne Gentilitiæ sectæ exors existeret. Hanc  
„ autem de cultu Luciferi fuisse Sarracenorum an-  
„ tiquam superstitionem, testatur S. Hieronym. in  
„ Hilarione. Ista itaque, & alia pudenda infarciens,  
„ ad omnium conservationem vasum illud excogi-



„ taut , quod enim satis intelligeret cuncta , quæ  
 „ miscuisset , perfacile solvenda fore , si ad exactæ  
 „ disquisitionis reuocarentur examen : de traditis à  
 „ se institutis vetuit disputari. Sicque miseros , quos  
 „ decipiebat , coniecit in foveam , eosdemque , ne in-  
 „ de emergerent , excæcavit. Hactenùs Baronius.

8 Vt autē refert Guillelm. Torani in Fortalitio  
 Fidei fol. 244. calidus iste Impostor vt facilius Iu-  
 dæos atque Christianos deciperet , dicebat se esse  
 Prophetam ad eorum salutem diuinitus destinatum ,  
 vt legem Iudæis , ac Christianis datam , quia nimis ri-  
 gida , & seuera erat , mitiorum Præceptorum promul-  
 gatione temperaret. Quia verò Iudæi palam ob mur-  
 murabant , Mahumetum non esse Prophetam à Deo  
 missum , siquidem nulla edebat miracula in confirma-  
 tionem suæ legationis , sicut ederunt Moyses , & alij  
 Prophetæ , finxit reuelationem , quæ postea inserta est  
 Alcorano lib. 2. Zorà , seu cap. 9. quæ ita habet : *Tu*  
*miracula non edas coram incredulis , quia ea vt rem otio-*  
*sam explodent.* Dicebatque , quod petere miracula ,  
 erat Deum tentare. Et cum Iudæi non cessarent illum  
 coram populo , vt Seducatorem traducere , ne à suis  
 parui penderetur , aliam confixit reuelationem ibi-  
 dem insertam , quæ ita habet : *Increduli , quamvis vi-*  
*deant miracula , non tibi credent , nisi vicogantur , semper*  
*enim opponent , te illa virtute Diabolica conficere.*

9 Vnde suis persuadebat , se à Deo missum ad ex-  
 terminandam idololatriam , & vnius veri Dei cultum  
 introducendum , quia Deus alios Prophetas miserat ,  
 qui

qui multis editis miraculis id præstare non poterant; & ideo à se gladio, & non lingua, veram Dei legem introducendam, & propterea inseruit in Alcorano lib. 2. cap. quoddam sub hoc titulo, *De ense, seu gladio*: in quo sic iuber: *Occidite omnes incredulos*. Quæ verba exponens liber *Zunæ*, vel *Sunæ*, in quo dicta, vel facta Mahumeti continentur, & qui apud Mauros est paræ authoritatis cum Alcorano, ad ipsumque comparatur sicut inter Christianos comparantur Acta Apostolorum ad Euangelia, inquit: *Omnes occidite, donec Mahumetani fiant*. Cum primum autem armorum vi Almedinam, & Mecham occupavit Rex iuramento inauguratur, edictumque promulgavit, in quo severè præcipiebat ut omnes Gentiles, omnes Iudæi, & omnes Christiani in illis vrbibus commorantes eum ut Prophetam Dei acciperent, & legem ab eo promulgatam amplecterentur, sub pœna capitis, & confiscationis bonorum, & ita armorum vi sectam suam invexit.

10 Magna est dissensio inter Authores circa annos vitæ, & mortis Mahumeti. Bellarminus tom. 1. contr. lib. 3. de Romano Pontifice cap. 3. affirmat, Mahumerum natum ann. Christi 597. cæpisse autem se Prophetam appellare ann. 623. obiisse verò anno 637. Chronicum Math. Palmer. secutus, postea verò cap. 10. ait, secundum Ioannem Baseum in Chronico Hispaniæ mortuum esse anno 628. & secundum Cedrenum in compendio Historiæ ann. 630. & in eodem ponit eius mortem Baron. tom. 8. ad anno 630.



## 14 *Demonstr. contra Mahumet.*

Luppus de Obregon affirmat, Mahumetum natum anno 568. mortuum verò anno 631. ac proinde vixisse 63. annos, & idem affirmat Vir magnæ auctoritatis, qui circa tempora Mahumeti vixit, vt testatur Dionisius Carthusianus in suo opere contra Alcoranum lib. 2. art. 1. in fine: *Vixit autem* (inquit Author ille) *sexaginta tribus annis, quorum viginti tres in sua prophetia expendit.* Georgius Almacinus celebris historię Sarracenicę Scriptor Arabs, & professione Mahumetanus, de quo infra mentionem faciemus, affirmat vixisse 63. annos, & secundum alios 65. mortuumque esse anno vndecimo Egyptę die duodecimo mensis Rabij prioris; id est anno Christi 632. die 16. Iulij, vt exponit Thomas Erpenius in notis marginalibus ad historiam illam (quam ex Arabico latinam fecit) pag. 5. & pag. 11. Petavius definire non audet, quot annos vixerit Mahum. solum refert opinionem Theophanis affirmantis, decem annis occultam hæresim illum habuisse, ac novendecim postea vi, ferroque propagatam asseruisse: constanter tamen affirmat, obiisse anno 631. Archiepiscopus Rodericus in historia Arabum cap. 6. obiisse annis decem expletis, ex quo apud Damascum, Regni sui ceperat Principatum: Herà D. C. sexagesima sexta, anno Heraclij XVII. & Scentillę Regis Gothorum VII. id est anno Christi 628. Vitam alij duo suprâ quadriginta annis duxisse attestantur, quos inter eminet R. P. M. Petrus Abarca, qui in Salmantina Academia Primarius Theologiæ Antecessor nobis præluxit, ac modò in

Regio nostro Collegio rei litterariæ præest, in suis Aragoniæ Annalibus, ubi miram rerum copiam ad severioris historiæ fidem exactam eleganti adeo sermonis brevitare circumscribit, ut verbis energiam videatur addidisse, ne rerum dignitati derogaret. Sanctus Petrus Paschasius affirmat, eo anno, quo ipse scribebat Granatæ tractatū suum contra Alcoranum, nempe anno Christi 1300. Mahumétanos in Hispania existentes communiter asserere quod tunc esset annus 699. ab inceptiōe prædicationis Mahumeti: *Mauri* (inquit) *hac mea tempestate dicunt, quod nunc sit annus sexcentessimus nonagesimus nonus ab inceptiōe prædicationis Mahumeti.* Ita habet pag. 47. num. 56. & secundum hunc computū putat incepisse suam prædicationem anno Christi. 600. paulò plùs minuscè. Pauló autem antea, nempe pag. 44. num. 50. inquit: *Mauri dicunt, quod Mahumetus quando mortuus fuit habebat septuaginta tres ætatis annos; & quod vix in illius capite, & barba viginti reperiabantur cani.*

## CAPVT SECVNDVM.

*Quo pacto Mahumetana secta introducta sit?*

II **S**Ed merito quis scire desiderabit, quo dolo, quavè astutia Mahumetus se ut Prophetam incæperit venditare, aut quomodo aliquibus persuaserit tam insigne mendacium. Cedrenus apud Baronium, sic rem accidisse narrat: Cum enim (inquit)

„ quit) à Dæmone exagitaretur Mahumetus, & co-  
 „ mitiali morbo laboraret, vxorem suam, quæ gra-  
 „ uem ex eo capiebat dolorem, quod nobilis ipsa  
 „ egeno homini, & vexationibus obnoxio nupsisset,  
 „ ita demulsit, quod diceret ad conspectum Angeli  
 „ Gabrielis sibi apparentis cōcidere. Erat amicus ei  
 „ mulieri Monachus quidam, qui ob falsam fidem  
 „ ibi relegatus viuebat. Huic mulier totam rem ape-  
 „ rit, Angeli etiam nomine propalato. Hic autem  
 „ Monachus, vt opinionem eam prorsus in animo  
 „ mulieris confirmaret, verum Mahumetum Pro-  
 „ phetam dicere, ait. Eum enim Angelum ad quem-  
 „ vis vatem mitti. Mulier verbis impostoris illius  
 „ Monachi fidem habens, alijs suis gentilibus mulie-  
 „ ribus fabulam enarrauit, ab ipsis porrò ad Viros  
 „ alios dimanauit. Vbi verò semel innotuisse scisset,  
 „ & creditum se esse Prophetam, sibi ipsi per imagi-  
 „ nem quædam effinxit, eademque vt diuinitus ac-  
 „ cepta curioso atque simplici populo facile persua-  
 „ sit, ac volumen vanis figmentis plenū conscripsit,  
 „ quod è Cælo acceptum effinxit, suisque tradidit  
 „ sectatoribus observandum: sicque factum est, vt  
 „ ita error vane conceptus, non miraculorum virtu-  
 „ te, sed vi armorum magis, magisque apud posteros  
 „ atque etiam exteros inualeceret.

12 Sed rem hanc diligentius narrat Luppus de  
 Obregon ex Ioanne Andræa, & alijs Arabibus rem  
 deducens, & historiam Mahumeti contexens. Ait  
 enim, illum natum fuisse in Vrbe Mecha in Arabia



Abdalla, ex Patre Gentili, & Matre Iudæa; eiusque patrem nomine *Abdalla Motalib*, Virum fuisse nobilem, & in ea Ciuitate Prætozem, seu Iudicem ordinarium, & Merinum, vt loquuntur Arabes; exhiberatque eos, qui dicunt Mahumetum fuisse seruum, vel infimæ conditionis hominem; constat enim ex libro *Azear*, in quo vitæ Alcalifarum, seu Regum narrantur, & ex libro *Suna*, immò ex ipso Alcorano, Mahumetum, eiusque fratres fuisse nobiles, & ex illustri inter suos stirpe: eius Mater nomine *Imina*, illum peperit, mortuam Abdalla; illumque nutriendum tradidit *Halima*, cuiusdam agricolæ, seu pastoris vxori: post duos annos mortua est *Imina* eius Mater, ipseque in domo mansit suæ nutricis vsque ad decimum sextum ætatis annum. Tunc verò domum nutricis deferens, suam operam locauit cuidam prædiviti mercatori, nomine *Abdemonaphis*, qui vxorem habebat *Hadixam* Mahumeti consobrinam, in eiusque domum vt famulus admissus est, & mercium copiam in Cayrum, Persiâ, & Suriam connexa Camelorum serie transportauit simul cum domino suo, cui inserviebat, vel loco illius, novem annorum spatio. Post hoc tempus mortuus est eius herus: & ipse matrimonium contraxit cum vidua. *Hadixa*: illudque Agalonis, seu Camelionis officium alijs tredecem annis exercuit. Cum iam verò trigessimum sextum ætatis annum ageret, & se valde diuitem videret, ab illo laborioso officio abstinit, & Camelorum gregem famulo suo *Zeydin* commendauit, & per illum mercaturam exercebat. Ipse

Verò vitā otiosam degens, in vrbe cōmorabatur; & cū esset ingenij curiosi, & nouitatum amans, maximè delectabatur rebus novis audiendis, vt eas suæ gentis hominibus narraret. Liberque Azear, & Alcorani Glossatores narrant, hoc tēpore familiariter egisse, sermonesque habuisse creberrimos cū duobus Christianis, gladiatorum conflatoribus; qui ei exprobrabant idololatriam, & vnius Dei cultum persuadebant: ille verò cum esset acuto ingenio, ex Christianorum sermonibus facile cognouit vnum dumtaxat Deum esse adorandum, & idolorū cultum certam esse ad æternam perditionem viam, & decreuit non amplius ingredi famosum illius vrbis fanum. in quo incolæ adorabant idolum quoddam, quod *Hallete Haluza* vocabatur, & zelo veritatis incensus, vxorem suam, & fratres, & cōsanguineos ab idololatria auertere satagebat, & identidem ingeminabat, in vnum Deum Creatorem Cœli, & terræ esse credendum; cultum verò idolorum esse cultum Dæmonum. Mirificè autem delectabatur conversatione Christianorum, qui illi notitiam mysterij Incarnationis ingesserunt, & miracula, & opera mirabilia Christi Domini exposuerunt. Ille verò à Christianis instructus, quidquid ab illis audierat, vxori, & vicinis suis narrabat. Referebat ipsis historiam creationis primorum parentum, & ipsorum lapsum in peccatum, captiuitatem generis humani sub statu peccati: & quomodo Deus misit *Verbum suum ad Mariam Virginem*, & quo pacto post salutationem Archangeli Gabrielis conceptus est in eius




us vtero Christus Dominus sine semine viri, operatione miraculosa Spiritus Sancti, quæ audientes idolatra ipsum irridebant. Et sanè Mahumæus initio eadē de Christo videtur sensisse, vt docet Luppus de Obregon, ex Ioanne Andræa: vt enim inquit P. Monachus 1. part. quæst. 26. art. 1. disp. 1. inter alia hæc scribit in Alcorano: *Christus Iesus Filius est Mariæ, & Apostolus Dei, & Verbum Dei, quod in ea posuit per Spiritum Sanctum.* Rursus inducit Deum dicentem: *Deimus Iesum Christum Filium Mariæ, vt faceret prodigia, & miracula manifesta, & perfecimus eum per Spiritum Sanctum sanctificatum, & non communi operatione, sed virtute Dei conceptum ex Maria Virgine Sanctissima, & super omnes mulieres munda procreatum.* Et id quidem docet in Alcorano lib. 1. cap. 3.

13 Vt testantur Ioannes Andræas, & Luppus de Obregon: & S. Petrus Paschasius pag. 65. num. 83. aliasque laudes Beatæ Virginis habet in Alcorano, inter quas illa celebris, quod illam immunem facit à peccato originali, dicens: *Solam inter filios Adam Mariam non tetigit Satàn.* Legatur Sanderus lib. 7. de vitiis. Monarch. Eccles. Hæresi 125. & Canisius lib. 3. de Deipara cap. 20. Quamquam verò initio de Christo vera prædicauerit, postea verò à Sergio Pseudo Monacho Hæretico Arriano, deceptus; disserte docuit Christum esse purum hominem.

14 Sed quidquid de hoc sit, vt ad historiam redeamus, Mahumerus non cessabat suis prædicare Deum Creatorem Cœli, & terræ adorandā, & Chri-

stum Dominum Verbum esse Dei ex Virgine sine  
 opéra viri procreatum: & ut eos ad credendum fle-  
 cteret, pœnas inferni eis minabatur, referens suppli-  
 cia, quæ Deus intulit Ægyptijs, & Sodomitis, alias-  
 que historias veteris Testamēti referens, quas à Chri-  
 stianis audierat. Cum verò animadverteret, Mechaë  
 incolas suis verbis fidem non dare, nec suam vxorem  
 ipsi credere velle, depositis pretiosis vestibus, & pau-  
 peri habitu indutus vix be discedens, secessit in mon-  
 tem vicinum, vitam solitariam acturus: vbi diù, no-  
 ctuque animo versabat quo pacto posset vxorem  
 suam, suosque concives in cognitionem veri Dei ad-  
 ducere. Et hinc narrant Mahumetanorum libri ap-  
 paruisse Mahumeto Angelum Gabrielem, illique an-  
 nuntiasse, ipsum à Deo electum in Prophetam, ut ido-  
 latriam destrueret. Ut autem verè refert Obregon,  
 Diabolus animadvertens Mahumeti ambitionem, &  
 ardens desiderium comparandi sibi nomen authori-  
 tate, atque in alios dominatum, illi persuasit, ut se  
 Prophetam Dei acclamaret, promittens ipsi auxilium  
 ad introducendam novam legem, qua populum illū,  
 aliasque gentes suo subiugaret imperio, verique Dei  
 cognitionem inveheret, nihil curans, quod Mahume-  
 tus hanc veritatem doceret, dummodo illam doceret  
 coniunctam cum multis mendacijs, quæ homines  
 certissime ducerent in æternam perditionem, & illos  
 abduceret à Christiana professione, in qua vnice est  
 salus. Ut enim optimè observat Guillelmus Parisien-  
 sis lib. de legibus cap. 18. *In hac Mahumeti lege, & mē-*

cijs multa vera inserta sunt, & malis bona commixta, malignitate fallendi; ut scilicet falsis propter vera credetur, & mala propter bona reciperentur. Si enim nulum bonum præciperet, nec vllum verum doceret, finem non inveniret, sed dolus manifestè innotesceret. Fitur Mahumetus à solitudine, & spelunca sua, ad civitatem crebro revertens, vxori suæ narrabat, sibi apparuisse Angelum Gabrielem, & iactabat se Dei prophetam esse, & ab ipso missum, ad exterminandam idololatriam. Illa verò hæc cum risu excipiebat, & serio ei dicebat, illas esse Diabolicas illusiones, vel Mahumeti somnia. Dicunt autem authentici Mahumetanorum libri, nempè liber inscriptus, *Acear*, & alius inscriptus, *Afsifa*, Mahumetum hanc suæ vxoris reprehensionem, & derisionem tam acerbè tulisse, ut quadam die existens in sua solitudine se voluerit ex alta rupi præcipitare, eligens potius mori, quam ex dilectissimæ vxoris suæ gratia decidisse: tunc verò ei apparuisse Angelum Gabrielem, & sic illum allocutum: *Latere, o Mahumete, & gaudio exulta, quia Deus te amicissime salutat, & scio te ab ipso electum in suum legatum, Nuncium, & Prophetam, & iubet, ut legas. Et cum Mahumetus respondisset, se legere non posse, quia legere nunquā didicisset, nec litterarum characteres cognosceret: Angelum reposuisse, nihil hoc obstare: Quia Deus ipse (inquit) tuus erit Magister, & ipso Præceptore, calamus sumens pulcherrimos efformabis characteres, & deinceps legere, & scribere scies. Hoc fabulantur Mahumetani, & hæc fuit prima revelatio,*





tio, quam Mahumetus confinxit. Occasionem autem illam confingendi sumpsit ex contumelijs, quibus eum impetebat Hadixa, seu *Adiffa* eius vxor, sæpè ingemians, Mahumetum somnia sua pro revelationibus venditare: se verò nunquam adducendam esse, ut crederet, Angelum illi loqui; nisi revelationem ab Angelo scriptam inspiceret. Tunc verò callidus Impostor, ut vxorem deciperet, elegit in suum Secretarium iuvenem Iudæum, nomine Abdala Serralles, ex matre sibi cognatum; dicens, Angel. Gabriel. sibi familiariter sæpè apparentem, hoc ita præcepisse, illique suggerere, quæ secreto ab illis duobus Christianis audierat, illasque sententias eleganti stylo in Arabicum conversas, tanquam Dei revelationem suo Secretario dictabat scribendas in quadam schedula: illamque secum deferens, vxori ostendebat, & coram illa recitans verba illa, quæ in schedula erant scripta, simulabat se legere id quod memoriæ tradiderat: & schedulas illas tanquam à Cælo delapsas, custodiebat in arca, quam *legationis arcam nuncupavit*. Tunc simplex fœmina credidit, maritum suum miraculose à Deo edoctum scribere, & legere, illumque ut Prophetam venerari cæpit; & quoties à Dæmone arripiebatur, vel morbo comitiali correptus in terram cadebat, existimabat, ei Angelum apparuisse, quia callidus Impostor, dicebat tunc temporis se secreta Cœlestia diuinitus haurire, & notitiam mysteriorum accipere; quæ ipsis prædicabat.

15. Primus Mahumeto credidit Zeidin, eius servus,

us, eum vt Prophetam veneratus, propter quod ip-  
 am libertate donauit, & legem promulgauit, quod à  
 ruitute liberarentur quotquot eius legem suscipe-  
 rent: vt hac arte plures sibi aggregaret. Post Zeidin  
 edidit Hadixa eius vxor: & horum exemplum se-  
 uti sunt viri alij primæ nobilitatis, nimirum Anzà, &  
 labez, Mahumeti patrui, vel avunculi, Vbequar,  
 Omar, Hocmen, Haly, & alij ex primaria nobilita-  
 e. Quorum præsidio, & societate roboratus palam  
 ontra idololatriam prædicabat, & veritatem hanc,  
 imine naturæ evidentissimam, facilè persuadebat:  
 evelationes verò sūgebat prout tempus postulabat,  
 & prout expediebat ad devinciendos sibi eorum ani-  
 mos. Idololatræ verò ægre ferentes cultum deorum  
 prædicatione Mahumeti in dies minui, illum perse-  
 quebantur, Iudæi verò, quia magnas de Christo lau-  
 des publicabat, ignem accedebant. Interim Abdala  
 Serrale, qui ei erat à secretis, ex Christianis gladia-  
 rijs, cognouit, quæcumque ipsi Mahumetus, vt reue-  
 lata dictabat, ab eis accepisse; & fraude detecta à Ma-  
 humeto discessit: & ipse Sergium Pseudo Monachū  
 hæreticum Nestorianum eius loco substituit, qui ei  
 suos errores circa Christi Diuinitatem facilè persua-  
 sit. Abdala verò postquam à Mahumeto abscessit,  
 eius patris, & avunculis, *Coraxistas, & Haximistas* vo-  
 cabant, & alijs viris primarijs, qui ei vinculo san-  
 guinis, vel amicitiae coniuncti erant, apertè dixit, se  
 Mahumetum deseruisse, quia clare cognouit, eum  
 non esse prophetam, sed impostorem: & ipsis narra-

bat se apertè deprehendisse, Mahumetum, vt reuelationem Dei sibi scribendum dictasse, quod de Christo audierat à duobus Christianis, cum quibus familiariter agebat : addebatque, ad fraudem detegendam, sapè se substantiam eorum, quæ dicebantur mutasse, & hoc Mahumetum, non animadvertisse, vel nõ curasse, dummodò enim in scheda servaretur metrum, & versuum consonantia, de cætero nihil curasse. Et hoc referunt authentici Mahumeranorum libri *Azeas, & Assifa*, tanquam persecutionem magnam sui Prophetæ, asserentes Abdala Serrale hanc persecutionem commovisse præ invidia, quia cum Iudæus esset, ferre non poterat laudes Christi, quas Mahumetus prædicabat.

His accessit, quod cum Mahumetus à Sergio novo suo Secretario seductus capisset hæreses contra Christi Diuinitatem prædicare. Christiani, cum quibus familiariter egerat, & à quibus acceperat ea, quæ tanquam Diuinitus sibi reuelata prædicabat, in Mahumetum inveci, palam publicabant, eum non esse Dei Prophetam, sed nunc contraria docere ijs, quæ prius docuerat. Hæc & nova lex, quam nomine Dei promulgauit (quæ postea inserta est in Alcorano lib. 1. cap. 1.) quod videlicet quilibet vir posset sibi legitimo matrimonio duas, tres, vel etiam quatuor fœminas copulare, si eas alere posset, contra id, quod Idololatræ ipsi in ea vrbe obseruabant, apud quos vnus vnam dumtaxat fœminam, vt vxorem habebat, totam Ciuitatem valde commouit ; quia bene nouerant,



rant, hanc legem promulgasse Mahumetum, quia vna  
fœmina contentus non erat, & probrosum erat, scorta  
& meretrices, quærere, ei, qui se Dei Prophetam,  
& Dei nuntium proclamabat: ac proinde dicebant,  
eum sub honesto matrimonij titulo, velle suam luxu-  
riam obtendere: crevitque procella, cum Mahume-  
tus non contentus quatuor vxoribus, alias octo sibi  
copulauit, fingens secum Deum dispensasse, vt plures  
vxores habere posset, quam aliquis alius, quia Dei  
Apostolus, & Nuntius erat: & hanc dispensationem,  
tanquam de cœlo delapsam publicauit, & Alcorano  
inseruit lib. 3. cap. 17. His & alijs Mahumeti crimini-  
bus grauitè offensi Mechæ ciues, præsertim suorum  
idolorum destructione, & iam Mahumeti astutias ti-  
mentes, arma parabant, vt illum vi comprehende-  
rent, & capite plecterent. Cœterum Mahumetus, &  
sui cognito corû consilio, n̄ celeres insilientes equos,  
fuga noctû se subduxerunt; & in Almedinam à Me-  
cha octo dierum itinere distantem se receperunt.  
Hanc fugam Mahumetus adornauit quadragésimo  
sexto suæ ætatis, anno, vt refert Luppus de Obregon,  
decem annis postquam suas fictas reuelationes vul-  
gare cœperat. Degebant ea in vrbe quinque Iudæo-  
rû tribus, & inter eos non pauci Gentiles idololatræ:  
prædiues habitabat ea in vrbe Vbequar Mahumeti  
Socer, & ex præcipuis eius confederatis, qui eum ve-  
rum Dei Prophetam credebant; & hæc præcipua fuit  
causa, cur Almedinam confugerit.

Ibi astutia, & scientia Sergij adiutus suam sectam

extendere connabatur. Obsistebant Iudæi, palamque dicebant, Mahumetum non esse Prophetam, quia nulla edebat miracula: ipse verò ne apud suos notam incurreret, finxit reuelationem, qua Deus præcipiebat ne ederet miracula, quia increduli illa non erant accepturi, vt miracula, sed vt præstigias Dæmonum, finxitque se à Deo missum, vt gladio cultum veri Dei, inueheret, quandoquidem alij Prophetæ parum profecerant editis miraculis; vt constat ex Alcorano lib. 2. cap. 9. cuius verba supra dedimus. Vt autem Iudæos sibi conciliaret, laudabat Moysen, & legem ab eo datam: & iussit vt Discipuli sui dum orarent faciem verterent versus Hierusalem, vbi erat Dei Templum: præcepit vt sui ieiunarent more Iudæorum; & ne porcinam carnem comederent; & vt Iudæis placeret, circuncissionem ab illis sumpsit, aliaque multa. Dicebatque se id solùm in votis habere, ad quod exequendum fuerat ab ipso Deo sociatim deputatus; vt scilicet armorum vi idololatriæ vim repelleret. Iudæi tamen palam obmurmurantes, Mahumeti famā minuere non cessabant. Ille verò ardenti odio illos auersabatur, & vindictam cogitabat, & vt æstimationem apud suos sibi adsciret, finxit se per scalam quandam in cælum ascendisse, ducente Angelo Gabriele, & suis prædicauit fabulosum illum paradysum, quem Deus promittebat eis, qui eum adiuvarent in hoc magno negotio, quod moliebatur: & vt incredulos terreret, finxit se ab Angelo ductum in infernum, vt oculis suis inspiceret pœnas, quas Deus

idololâtris, & criminosis hominibus erat infligendus, & sæpè inferni pœnas minabatur eis, qui vnum Deū nō adorarent. Hac arte novos sibi in Almedina Discipulos adiunxit, & vt maiorem sibi conciliaret auctoritatem, hos secum extra urbem eduxit; & vt constat ex Alcorano lib. 4. cap. 13. sub arbore quadam longum sermonem ad illos habuit, eis persuadens, voluntatem Dei esse, vt gladio idololatriā profligarent, & vt incredulos, qui legem sanctam Dei noleant recipere, interficerent, eorumque bona diriperent, vt autem ad præliandum moueret, eis Dei nomine victorias promittebat, & ingentia hostium spolia: & commentitium illum paradysum post hanc vitam: dicebat adeo dulcem fore mortem eorum, qui in hoc sancto bello occumberent, vt ij, qui morte naturali obijissent, quamvis in Paradyso constituti, desiderarent in hanc vitam regredi, vt tam suauem mortem oppetere possent, & vt refert Ioannes Andræas cap. 12. sui operis contra Mahumetanam sectam: *Dicebat suis militibus, eos, qui in eo sancto bello occumberent, statim ad Paradysum euolare*: eis promissit Orbis imperium, eximiamque in hac & in alia vita felicitatem: facile esse, vi capere Almedinam, & Iudæos sibi infensos ingulare, eorumque diuitias inter se diuidere: vi Mecham occupare; & gentes sibi in dies aggregare, quibus veri Dei cultum per Orbem terrarum diffunderent. Hac oratione permoti, Mahumetum Regem renunciarunt, iuramento se obstringentes illi fidem seruandi. Ille verò ex eis in Duces suos



suos elegit Vbequar, & Homar soceros suos, **Hoz-**  
**men**, & Haly suos generos (quorum tres primi suo  
 ordine ei in imperio succedere) & alios septem, vel  
 octo ex nobilioribus, dicens, eos à Deo electos vt no-  
 men suum per Orbem portarent, idololatriam exter-  
 minando. Consilium cum suis ducibus secreto iniit  
 de subiuganda Almedina, & Iudæis iugulandis; & ne  
 Iudæi coniurationem hanc subodorare possent, suos  
 milites per pagos; & villas illius montanæ diuisit;  
 bonam autem occasionem nactus, eos congregans,  
 ciuitatem illam omninò imparatam, & nihil tale co-  
 gitantem armorum vi expugnauit, & plerosque Iu-  
 dæorum, sibi infensos iugulauit, spoliaque illius opu-  
 lentæ vrbis inter milites diuisit, quò auidius similia  
 aggredierentur facinora.

Citò fama huius victoriæ à Mahumeto obtentæ  
 Mecham peruenit, cursorem enim illuc statim mis-  
 ferunt aliqui ex Mahumeti hostibus, qui moneret, vt  
 celerrimè exercitum compararent, quo Mahume-  
 tum opprimerent, ni vellent eandem aleam cum Al-  
 medinensibus subire: exhorruerunt ad hoc nuntium  
 Mechanenses, & Mahumeti iram timentes, citò ci-  
 tius quingentorum equitum turmam Almedinam  
 mittunt, qui longis itineribus viam conficientes,  
 Mahumetum inopinatò aggredierentur. Sed non de-  
 fuit patriæ proditor, qui illum, de exercitu citò cō-  
 tra ipsum venturo admoneret. Hac notitia instru-  
 ctus Mahumetus propè urbem in silvis suos milites  
 abstrudit, qua erant hostes transaturi. Ad eum locum,  
 in

in quo Mahumetus insidias paraverat, pervenerunt Mechanenses equites prima noctis vigilia omnino ex via fatigati: & ut vires reficerent, ex equis exilerunt; & stationem ea nocte fixerunt, ut diluculo urbem invaderent: observabant omnia diligenter Mahumeti speculatores. Et cum eos somno sopitos vident, ex insidijs prodeuntes Mahumeti milites omnes iugularunt, quin vel unus superstes maneret, qui Mecham funestum hoc nuntium deferret. Mahumetus quingentos hosce equos, quos ab hostibus ceperant, suos milites conscendere iubet; & incredibili celeritate exercitum movet in Mecham, eamque expugnat: & se Alcalifam, seu Regem coronat die sequenti anno Christi 612. die veneris, quem idcirco Mahumetani colunt, sicut nos diem Dominicam: & quia Almedinae etiam primo Rex appellatus est die veneris. Post Mecham captam, edictum promulgavit Mahumetus, ut intra octo dies omnes in ea urbe habitantes, siue Christiani, siue Iudaei, siue Idololatrae, ipsum ut Prophetam Dei, & promulgatam ab ipso legem, sub poena capitis, & confiscationis bonorum acciperent; ut constat ex Alcorano lib. 2. cap. 3. & quia aliqui ex consanguineis eius id detrectarunt, crudeliter occisi sunt. Capta Mecha, ad famam tantae victoriae, & liberalitatis, qua militibus spolia hostium largiebatur, novae militum turmae ipsi adhaeserunt; exercitumque formavit, decem millibus pedum, & totidem millibus equitum constantem, qui Arabiam subiugavit, & deinceps maiora aggressus est.

est. Quare vt ait Clenardus, apud Poſſevinum tom. 1.  
 „ Bibliothecæ ſelectæ lib. 9. cap. 8. \* Mahumetus  
 „ primò nouas leges, quas ſtupidis ea tempeſtate  
 „ Arabibus impoſuit, ad Gabrielem Angelum refe-  
 „ rebat, quo monitore ſe omnia mentiebatur gere-  
 „ re. Deinde poſtquam fraus in ſuſpitionem, venit,  
 „ præſertim ob Iudæos, circa Mechem incolentes,  
 „ quibus odorandi naſus non deerat, robur induit  
 „ Tullanum, vim omnem in armis ponens, & quos  
 „ arte capere non poterat, viribus in novum dogma  
 „ ſubiugauit, atque ita deinceps propagata eſt hære-  
 „ ſis, iacto quidem dolis fundamento, gladijs tamen  
 „ poſteà ſic prolato imperio, vt Victorijs ingentem  
 „ mundi partem occuparit. \*

## §. I.

*Qualiter Arabum hiſtorici ſui Propheta vitam &  
 geſta narrent?*

**G**Eorgius Almacinus, profeſſione Mahumeta-  
 nus, celebris Hiſtoriæ Sarracenicæ Scriptor,  
 in compendium redegit Hiſtoriam Arabum concin-  
 natam à Mahumede Abugjaſuri, quem ipſe virum  
 Clariſſimum, & Doctiſſimum appellat, & in melio-  
 rem formam redactam à Kemaluddino Armunæo, &  
 ex omnibus Mahumetanorum Hiſtorijs ſuam breui-  
 ter, & dilucide compoſuit, in qua vitas, & geſta qua-  
 draginta nouem Chalifarum, ſeu Regum per tres li-  
 bros



narrat, incipiens à Mahummede sectæ Mahumæ institutore, & finem imponens in Atimedo abaso Mustadiro Billa, qui floruit ad annum Christi 1118. & Chalifatum finiuit anno solari ab ira Arabum 511. & ab orbe condito 669. secundum Chronologiam huius Authoris, quam ponit in fine suæ Historiæ, pag. 369. Hegiram appellant Arabes fugam Mahummedis à Mecha in Almediam, quæ accidit, die decimo sexto Iulij anno Christi

Hanc Historiam antea Christianis Europæis innotitam, & in Bibliotheca Serenissimi Ducis Batavæ asseruatam, Latinam reddidit Thomas Erpesius, linguæ Arabicæ peritissimus, & typis mandata Lugduni Batavorum in Typographia Erpiniana anno Christi 1625. simul cum Historia Arabum Archiepiscopi Roderici Ximenez. In hac Historia (quæ magno pretio habetur ab omnibus huius ætatis viris, qui Historica & Chronologica eruditio eminent) quem nos Hispanicè vocamus Mahomam, Latine Mahumetum, vel Mahumerem, vel Mahumetum, ipse appellat Muhammed. Et ita loquuntur Arabes: nam cum ego Malacæ Mahumetanis prædicavi, anno 1670. nobilis vir, qui in urbe Orân commoratus fuerat, mihi narrauit, Mahumetanos, qui me concionantem audiebant, contra me obmurmurare, quia eorum Prophetam *Mahomam* appellabam, existimantes id à me dici in ludibrium, & derisionem sui Legislatoris, quem ipsi Muhammed

accentu breui nominant, & ita deinceps ego nomi-  
naui, vt benevolentiam illorum captarem. Mahume-  
tanam verò sectam appellat *Islamismum*. *Religionem*  
(inquit) *Islamismi primus manifestauit, & obseruauit*  
*Muhammed Abulcasimus, Filius Abdalle: nomen matris*  
*eius erat Emina, quæ Filia erat Vuabebi.*

Affirmat hic Author natum fuisse in valle Lapido-  
sa vrbis Meccæ, circa auroram diei Lunæ, qui octa-  
vus erat mensis Rabij prioris (ita appellant Iulium,  
Augustum verò Rabium posteriorem) anno 882.  
Alexandri Magni.

Asserit obijisse patrem eius duobus mensibus ante-  
quam Muhammed nasceretur: matrem verò, cum  
sex annorum esset. Eumque educasse avum suum Ab-  
dulmutalib donec annū attigit octauum: post mor-  
tem verò avi educatum bene fuisse à patruo suo Abu-  
talib.

Vt autem annos impleuit 40. vocatum fuisse ad  
munus Propheticum (nimirum, quia tunc incæpit  
suas fictas reuelationes vulgare) die Lunæ, qui erat  
secundus mensis Rabij prioris, anno 922. Alexandri  
Magni, qui erat vigessimus Regni Cosroæ Filij Hor-  
misdæ (Alexander autem Magnus secundum suppu-  
tationem Claudij Clementis in tabulis Chronologi-  
cis, natus est ante Christum 361. annis.) Primam in  
prophetiam eius credidisse Chadigjam filiam patru-  
i eius: deinde eius servum Zeidum: deinde Alim, po-  
steà Abubecrum (Vbequar appellant nostri Histori-  
ci, Rodericus verò Archiepiscopus Toletanus ap-  
pel-

(Abubacar) cum alijs quinque, videlicet *Otsmam*,  
*ei*ro, *Abdurthamam*, *Suado*, & *Obeidalla*: *Atque*  
*uem* (inquit) *præiuerunt ad Islamismum*. Anno au-  
44. manifestasse vocationem; (id est fictionem)  
â enim clanculum tantum invitabat ad Islamis-  
um: \* Publicata autem vocatione (inquit *El-*  
*acinus*) iussit credere in solum Deum, eumque  
olere, & adorare, destruxitque Idolorum cultum:  
æcepit circuncissionem: sancivit ieiunium mē-  
s *Ramadani*; quinque orationes; munditiam; pe-  
grinationem ad Templum Meccanum, & ne  
comederetur sanguis morticinum, aut caro  
orcina. Atque eos, qui hæc non observabant,  
ello vexabat, & oppugnabat. Iussit quoque cre-  
de veritatem Prophetarum, & Apostolorū, qui-  
ue ad eos demissi sunt librorum. Item Christum  
ilium Mariæ Spiritum Dei esse, & Verbum eius,  
tque Apostolorum: approbavitque Evangelium,  
& Legem Mosaicam. \*

Etiā, *Coraisitas* fortiter *Muhammedi* obstitisse,  
ue inimicitias adversus eum denuntiasse: patrum  
em eius *Abutalib*, ipsum ab eorum insidijs libera-  
Et refert, anno quinto credidisse *Omarem*, fide-  
e sua reliquos *Muslimos* (id est *Muhammedis* le-  
tores) confirmasse: fuisseque quadragesimum, qui  
ligionem *Islamismi* suscepit, quia ante illum cre-  
erant 39. anno decimo vita defunctum esse *Abu-*  
*b Mahumedis* patrum in Religione maiorum,  
est in idololatria: & benè crevisse *Coraisitarum*



impetum contra Mahummedem, & spem illum vincendi: accessisse hoc tempore ad Prophetam aliquos tum ex Christianis, tum ex Iudæis, tum ex Paganis, accepto prius securitatis symbolo; & fidem eius accepisse; & iuramentum fidelitatis ei præstitisse; ea tamen lege vt tributum ei solverent. Anno autem decimo Mahummedem, vt insidias Coraisitarum evaderet, Mecca fugisse, & Medinam, seu Almedinam ingressum esse die duodecimo mensis Rabij prioris. Notat autem Thomas Espernius traductor huius historię in notis marginalibus, incidisse Hegiram, seu fugam Mahummedis in diem 16. Iulij æræ Christianæ 622. in quo parum differt à Chronologia Patris Marianæ, qui in suo opusculo de annis Arabum affirmat annos Arabum, qui computantur ab hac Hegira, seu fuga incepisse die decima quinta Iulij FERIA 5. Almacinus asserit, accidisse die Lunæ, & secundum alios die Iovis. Paulò aliter supputat Petavius Rationarij temporum partis primæ lib. 7. pag. 485. „ sic enim habet: \* Illud constat anno Christi 622. „ Iulij die 16. FERIA 6. fugam eum arripuisse, cum ob „ erroris novitatem de vita periclitaretur. Ab hac „ fuga, quam Hegiram vocant Arabes, idest persecutionem, nova illorum epocha proficiscitur. \*

Refert deinde Almacinus varia Mahummedis prælia, & victorias: aitque, eum cepisse Mechā anno octavo Egyræ (Christi 629.) mortuum verò esse anno „ no vndecimo Egyræ (Christi 632.) \* Obijt autem „ (inquit) die Lunæ, qui duodecimus erat mensis

33 Rabij prioris, cum natus esset annos sexaginta  
 33 tres, aut secundum alios sexaginta quinque. \*  
 Postmodum verò annos lunares ad solares reducens,  
 Chronologiam instituit ab Adami vsque ad Mahu-  
 33 medem ijs verbis: \* Traditur itaque Mahummed  
 33 obiisse, completis, annis solaribus 6123. mensibus  
 33 novem, & quatuordecim diebus; elapsis temporis  
 33 Hegiræ annis lunaribus decem, & diebus septua-  
 33 ginta: id est annis solaribus novem, & vndecim  
 33 mensibus minus vno die: primus enim Hegiræ dies  
 33 fuit Iovis, & vltimus vitæ eius, Lunæ. \*

Nullum hic Author de suo Propheta miraculum  
 scriptis suis prodit: solum cum appellat virum glori-  
 osæ memoriæ: eius autem virtutes his verbis des-  
 33 cribit: \* Erat optimæ indolis, voce suaue, visi-  
 33 tans, & excipiens suos vt ipsum visitabant, & exci-  
 33 piebant, pauperes munerans. Magnates laudans;  
 33 conversans cum infimatibus, & petentem à se ali-  
 33 quid non repellens sine eo, aut sermone facili. \*  
 Ex quibus verbis constat, Muhammedem solum ha-  
 buisse virtutes quasdam politicas, quæ utiles erant  
 ad devinciendos sibi animos, & benevolentiam capi-  
 tandam; quò facilius imperium acquireret, & con-  
 servaret: tradit autem idem, Mahumetum in vltimo  
 suo morbo dixisse: *Ne duæ in Arabia sint Religiones:*  
 & propterea Omarem, qui fuit tertius Achalifa, Iu-  
 deos inde eiecisse.

Varios enumerat Almecinus Mahumeti scribas, &  
 33 inter eos Abdallam, de quo ait: \* Qui ab Islamif-

### 36 *Demonstr. contra Mahumet.*

„ mo deficiens Infidelibus se adiunxit : sed impuni-  
 „ tatem tempore victoriæ ei petijt Otzman: quam &  
 „ ei concessit Muhammed, postquam eius sangui-  
 „ nem fundere decreuerat. De Sergio mentionem  
 „ non facit. De morte autem eius & ægritudine hæc  
 „ tantum dicit: Cum à peregrinatione Meccana re-  
 „ disset, & Medinæ substitisset ad diem. 28. mensis  
 „ safari, ægrotare cepit: & præcepit Abubecro, vt  
 „ cum populo oraret, ac orarunt omnes orationes  
 „ septemdecim, obiit autem die Lunæ, &c.\* Et hæc  
 „ adnotasse sufficiat, vt Christi minister, qui Mahume-  
 „ tanorum conversioni intenderit, his notitijs instru-  
 „ ctus facilius possit cum illis de Religione agere.

*Lib. II. Cap. II. §. II.*

*Aliæ notitiæ de Mahumeti vita, & moribus.*

**N**icolaus de Cusa Cardinalis, qui obiit anno  
 1464. vir doctus & pius, in suo opere contra  
 Alcoranum, quod inscribitur, *Cribatio Alcorani*; in  
 Prelogo narrat, se exquisitam adhibuisse diligentiam,  
 vt intelligeret librum legis Arabum, seu Alcoranum:  
 & Basileæ inuenisse translationem eius factam à Ve-  
 nerabili Petro Cluniacensi, & disputationem duo-  
 rum nobilium Arabum, quorum alter Mahumeta-  
 nus, alter Christianus erat: Mahumetanus namque  
 volens pertrahere Christianum ad Mahumetismum  
 rationes pro sua Religione exposuit; eis verò Chri-

stia-



Asianus, qui doctior erat, scripto satisfecit, clare demonstrans falsitatem Mahumetanæ sectæ. Addit prætereà citatus Cardinalis se Constantinopolim perrexisse, vt pleniorẽ legis Mahumetanorum notitiam assequeretur, ibique apud Patres Franciscanos Alcoranum inuenisse, & ipsis exponentibus, aliqua puncta adnotasse; & Dionysio Carthusiano persuasisse, vt contra Alcoranum scriberet, idque abunde præstitisse, opusque suum misisse Nicolao Pontifici. Additque se postea Romæ vidisse libellum Patris Ricoldi, Ordinis Prædicatorum, qui Arabicis litteris in Baldach operam dedit, & istum præ cæteris sibi placuisse.

Et in secundo Prologo Cribationis Alcorani, citans Ricoldum, & nobilem illum Arabem, qui cum Mahumetano disputauit, & Dionysius Carthusianus, lib. 2. in sectam Mahumetanam ar. 2. narrant, Sergium Monachum de Monasterio suo eiectum, Mecham applicuisse, ibique duos Populos reperijisse, Idololatrias, & Iudæos, prædicasseque ibi fidem Christianam, prout Nestorius illam tenuit, vt Fratres suos Monachos, qui Nestoriani erant, placaret ad gratiã, si Idololatrias ad fidem Nestorianam converteret: idque præstitisse, & inter alios Idololatrias Mahumetum convertisse, & baptizasse, & Nestoriana hæresi imbuisse. Tres autem astutissimus Iudæos se Mahumeto adiunxisse, & illi multos errores persuasisse. Mortuo autem Mahumeto, omnes eius Sectatores ad proprias sectas redijisse: Iudæos autem illos Haly si-

lio Habitilib; cui Mahumetus testamento legauerat suas collectiones (id est suas schedulas, suosvè codices, fictas revelationes continentes) persuasisse vt se Prophetam Dei appellaret, & obtinuissè: & abscriptis Mahumeti detraxisse, quæ ipsis placuit, vel addidisse.

Post hæc narrata, subnectit Cardinalis hæc verba: \* Videtur igitur, quod Mahummed ab initio fundatus fuit per Sergium, vt esset Christianus, & legem illam seruari. At illa via non potuerunt Iudæi ipsum amouere: sed vt quantum possent retraherent, addiderunt illa per quæ videretur prioræ sectæ Propheta, & Veteri Testamento nō minus quàm Euangelio fidem dare. \*

Addit idem Author, capitula collectionis legis Arabum non continuari, vel connecti invicem, sed quodlibet per se integrum existerè, & proprium esse rithmum, seu carmen plene mensuratum: \* In hoc enim (inquit) summum studium adhibuit compilator, vt blanditijs dictaminis (id est elocutionis) omnes alliceret, & in stuporem verteret, sicque dictata faceret diuina videri. \* Itaque certum est Alcoranum scriptum esse stilo elegantissimo linguæ Arabicæ, & non oratione soluta, sed versibus constare.

Dionysius Carthusianus in suo opere contra Mahumetanam sectam lib. 2. art. 1. affirmat inter historias à se lectas de vita, & gestis Mahumeti credibilior sibi visam fuisse narrationem, quàm invenit in Epi-

Epistola cuiusdam perfecti Christiani ; & est ea , de qua nuper mentionem fecit Cusanus , in qua continetur disputatio inter duos Doctores Arabes , alterum Christianum , alterum Mahumetanum , qui inter se erant amicissimi , & erant primi in Palatio Regis cuiusdam Sarracénorum , cui ut famuli inserviebant , Mahumetanus Doctor scripsit Epistolam invitans Christianum ad suam sectam , cui Doctor Christianus doctissimè , & plenissimè respondit . Has duas Epistolas , seu disputationem in illis contentam apud se habuit Carthusianus , aitque , Epistolam Mahumetani quinque constare folijs in eo libro , quo ipse usus est ; Epistolam verò Christiani folijs viginti .

In hac disputatione , seu Epistola Doctor Christianus , qui ( ut coniectatur Carthusianus ) propè tempora Mahumeti vixit , Mahumeti vitam & facta narrat , ut rem apud Mahumetanos notam , ut inde convincent , eum non fuisse Prophetam , sed seductorem . In summa autem dicit , Mahumerum pupillum fuisse , in  
 ,, sinu patru sui educatum : \* Cultoremque Idolo-  
 ,, rum in Mecha cum omni domo , & generatione  
 ,, sua . Sicque vixisse quovis pervenit ad servitium  
 ,, Camelorum Hadigia , seu Chadigia , cuius merce-  
 ,, narius factus fuit : solitumque cum Camelis profi-  
 ,, cisci in Syriam aliasque regiones , donec duxit il-  
 ,, lam uxorem . Postquam verò dives factus est opi-  
 ,, bus vxoris , connatum fuisse super gentem , & Pa-  
 ,, triam suam arripere Principatum : & cum hoc ad  
 ,, exitum perducere non potuisset , cum paucos ad



3, huc haberet fautores, arte & ingenio vsum fuisse,  
 3, & quia se Regem facere non poterat, se Dei Pro-  
 3, phetam, & Nuntium simulasse. Et cum hoc nomen  
 3, Prophetæ vlrupasset, ingressum fuisse ad homines,  
 3, qui tanto facilius qualibet astutiæ machinatione  
 3, decipi poterant, quanto longius ab omni sapien-  
 3, tia, & vitæ ciuilibus honestate distantes, per agros, &  
 3, villulas sequestrati, quid Dei Prophetæ, & Nuntius  
 3, esset, & in quo dignosci deberet, penitus ignora-  
 3, bant: ad hos autem decipiendos cuiusdam Astro-  
 3, logi ope atque consilio non mediocriter adiutū,  
 3, homines pestiferos, & viarum insidiatores, & ho-  
 3, micidas sibi aggregasse, quos ad devia silvarum, ad  
 3, cacumina montium, & ad proxima fontibus loca  
 3, mittebat, vt ex insidijs prodeuntes, mercatores, &  
 3, viatores interficerent, eorumque Camelos, &  
 3, merces diriperent. Si qui autem ei contradice-  
 3, rent, aut palam obmurmurarent, cum primum per  
 3, se, vel per suos capere poterat, eos crudeliter in-  
 3, terfecisse. \* Postquam hæc, & alia Doctor Chri-  
 3, stianus narravit, quæ Mahumetanus negare non po-  
 3, terat; statim ipsum alloquens subiungit: \* Ego  
 3, autem mirari non sufficio, quo pacto tibi persua-  
 3, sum est, Dei esse Nuntium, aut Prophetam homi-  
 3, nem, cuius (vt breuiter vitam facinorosam de-  
 3, monstrem) nulla fuit alia operatio, aut meditatio,  
 3, quàm homines interficere, aliena diripere, ineca-  
 3, stus, & adulteria perpetrare, qui etiam tale dede-  
 3, cus inscriptum prophetiæ suæ, sibi facere non eru-

33 bñit, vt diceret, datum renibus suis à Deo quadra-  
33 ginta viros potentissimos in coitu fortitudine li-  
33 bidinis adæquare. Vbi etiam rebus odoriferis, &  
33 mulieribus super omnia delectari se dicit. Præte-  
33 reá vxores eius ingenuæ fuerunt quindecim, & duæ  
33 ancillæ. O quàm longe est ab ista impura, & tur-  
33 bulenta doctrina Machomet, Christianæ discipli-  
33 næ sancta, & pia Religio, quæ per gloriosum Apo-  
33 stolum Paulum ad Dei amorem, & sanctam casti-  
33 moniam homines invitans, dicit: Qui habet vxor-  
33 rem, cogitat, quæ sunt mundi, si ergo vna sola vxor  
33 à Dei amore impedit hominem, quomodo qui tā-  
33 tas habuit, & totus in earum libidine versabatur,  
33 quique prædas, latrocinia, & alia scelera exerce-  
33 bat, Dei Propheta esse potuit? Prætereá in vltima  
33 sua infirmitate positus Machomet, suis præcepit,  
33 ne eum mortuum sepelirent, eo quod tertio die  
33 assumendus esset in Cælum: ipsique obseruantes  
33 præceptum, cum magnis desiderijs exitum expe-  
33 ctarunt à Feria secunda in qua obiit, vsque ad ves-  
33 peram quartæ Feriæ; & tam longa expectatione  
33 fatigati, cum nihil aliud in eo nisi magnitudinem  
33 fœtoris crescentem cernerent, tandem sicut retu-  
33 lit Gumbam, nudum eum proiecerunt, Gumbam  
33 tamen filius Elusam dixit, quod lotus, & tribus ve-  
33 stibus indutus sepultus sit. Fuit autem per qua-  
33 tuordecim dies infirmus, & fertur, quod per sep-  
33 tem dies morbo pleuritico ægrotauit, amissitque  
33 sensum, quem septimo die recuperauit. Et iratus

## 42. *Demonstr. contra Mahūmet.*

est Haly filius Abitalib eo quod perdiderit sen-  
sum. Alia verò septima die mortus est, & intumuit  
venter eius, & retrò curvatus est. Quo mortuo  
omnes ab eo decepti revesi sunt statim unusquis-  
que ad suam, quàm antea tenuerat, sectā, seu ido-  
latriam, præter paucos suæ cognationis, qui ex-  
pectabant se successuros in Regno. Verumtamen  
successor Machomet omni ingenio, atque astutia  
illos ad pristinas sectas reuersos ad legem Macho-  
met reuocauit. Vixit autem sexaginta tribus an-  
nis, quorum 23. in sua prophetia expendit. \* Ha-  
ctenus Christianus ille Arabs apud Carthusianum.

Luppus de Obregon cap. vndecimo sui operis  
contra Mahumeranos Mahumeti mortem in hunc  
modum narrat: Cum Machomet sexagesimum an-  
num implevisset, Mechem recessit, vbi tribus annis,  
sine vlllo bello transactis, extremum diem allaturus  
morbus illum oppressit sexagesimum tertium annū  
attingentem, & cum vltimum diem sibi imminere  
novisset, nobiliores duces ad se coegit: illisque com-  
mendauit, vt legem ab ipso traditam servarent: ad-  
diditque, vt pro cōperito haberent plurimas Provin-  
cias à se debellandas si placuisset illis, ipsas debellare:  
& v. t. eius morti adessent rogauit, nam adiciebat, ter-  
tio die Archangelum Gabrielem restitutum illius  
corpori in animum, & ita ornatum animo, & corpore  
se in Cœlos ascensurum, vbi vnicuique eorum sedem  
paraturus erat. Quod quidem ab illis facile creditū.  
Inuauit morbus, insaniensque Mahomet septem die-  
bus



bus elinguis permansit, eo vesania eius pervenerat  
ut brachia, manusque suas insano furore discerperet;  
omnes eius horribiles motus presentibus metum in-  
gerebant, energumeni instar frer debat, immaniter-  
que dentibus stridebat: intumuit guttur, subindeque  
corpus uniuersum. Die decimaquarta postquam de-  
cubuerat, vsu linguæ sibi reddito, adstantibus eius  
vxore Haja, & nonnullis ex Mauris ferociter vocife-  
rans diem extremum clausit: ita referunt testata  
apud ipsos monumenta Suna, & Alcoranus lib. 3.  
Azorà 6.

Mortuo, vigilias egere Mauri, & præcipui Centu-  
riones, ut eum suscitatum inspicerent: & trium die-  
rum, & horarum exacto numero, cum ne signa qui-  
dem resurrectionis viderent, abierunt Mauri, & ipsi  
quoque soceri, cum fœtorem ex corpore exilientem  
ferre non possent: itaque duobus alijs diebus ita de-  
sertus ab omnibus iacuit, donec Haja duobus man-  
cipijs præcepisset ut illum in area subdiali sepelirent.  
At servi, cum præ nimio fœtore efferre corpus non  
possent illud in terram proiecere: sed gener eius Ha-  
ly servos compulit, ut illud humarent in area subdia-  
li, ubi ipsum condiderunt. Pudore statim omnes eius  
affectæ Mauri suffusi sunt, cum iam, aut mendacium  
Mahumeri, aut illusio clare patesceret. Obijt Ma-  
chomet FERIA SECUNDA duodecima die mensis (iuxta  
Mauro) Rabæ: anno Christi 631. *Et ab orbe condito*  
50331.

In Regnum eius successus est Vbequar eius socer,

Hajæ parens. Qui duobus annis elapsis morbo læthali, non violento interiit. Huic alter Machometi socer successit Homar. Hic plures Provincias Imperio suo adiunxit, Damascum, & magnam partē Ægypti subiugavit: Hierosolimam rebellem subegit: qui magis Christi, quàm Maurorum legibus obstrictus vixit: quippè qui Christianis Presbyteris Tempia restituere præcepit. Iterum denno Salomonis Templum excitavit diu devastatum à Tito, & Vespasiano Imperatoribus: plurimos census Templo donavit ad alendos Christi Sacerdotes: & postquam Christianis Hierosolimam reddidit Mecham recessit, vbi mortuus est, & ex collo demortui Crux, Christique Imago suspensa reperta est: ea propter infensus semper Mauris est, vel extinctus. Illud de Templo Hierosolimitano ædificato ab Homar habet etiam Baronius ad ann. 643. num. 2.

Exempto rebus humanis Homar ad Regiam dignitatem evectus est Hozmen gener Machometi, qui cum in legis Machomeranæ observatione, divisos Mauros animadverteret; domum Hajæ viduæ pergit tanto malo adhibiturus remedium: qua invita arcam referavit, quàm Machomet arcam *legationis* appellaverat, in qua reconderat præcipua dogmata, & capita, quæ Mauris tanquàm à Cælo immissa legerat (quæ nec ex theca educere Machomet, nec in vnum scripta voluerat congregari, ne sibi adversantia scripta paterent) ex theca schedulas extraxit, & in domum suam relatas transcribere iussit: & omnibus librum

compegit in quatuor partes distributum, & suis capitibus distinctum, sed hoc fecit absque vlllo ordine, quin quod primum dictum fuerat, primum locū obtineret. Posuitque sub eadem capituli inscriptione res inter se longè diuersas, minimè capituli titulo congruentes. In quavis schedula diuersa carmina legabantur metrum Dauidis Psalmorum imitantia. Singula autem capita appellantur Arabicè *Zuar*, vel *Zohara*, vt loquitur Archiepiscopus Rodericus in historia Arabum cap. 6. vel *Zorà*, vt loquitur Doctor Petrus de Caualleria, vel *Azorà*, vt loquitur Cardinalis Cussa. Totum autem volumen his capitibus compactum appellatur *Alcoràn*, vel *Alcoranus*. Quod teste Ioanne Andræa perinde est, ac *Congregatio Capitalorum*, seu *Azorarum*, vel *Congregatio Psalmorum*. Quod etiam affirmat Cardinalis Cussanus lib. 1. cap. 1. *Liber legis Arabum* (inquit) *Alcoràn*, ob præceptorum collectionem, atque *Alfurkan* ob discreta capitum separationem nominatur. Luppus de Obregon, ait: *Alcoràn*, idem apud Arabes esse, ac reuelationem: titulumque libri significare, quidquid in lege Arabum continetur fuisse Mahumeto reuelatum à Deo per Angelum Gabrielem.

Dicunt autem quidam observatores huius libri, (inquit Cussanus ibidem) illum aliter in Oriente, aliter in Hesperijs partibus distingui. Occidentales enim post orationem, quæ præmittitur, & mater libri nominatur, aiunt totum librum *Azoras*, seu capita habere 123. Orientales verò dicunt primam *Azo-*



ram durare vsque ad *Soretamaran*, quod est quintum caput in libro Hispaniarum. Alcoran vt illo utebatur in Hispania Mauri, teste Ioanne Andræa constat quatuor libris, quorum primus quinque: secundus duodecim: tertius novendecim: quartus tandem 175. capita complectitur, ac proinde totum constat 211. capitibus secundum hunc Authorem. At secundum Luppum de Obregon quartus Alcorani liber complectitur 160. capita, ac proinde totum volum constat 196. *Capitibus.* Vt mihi autem narravit Matriti anno 1670. Christianus Arabs, qui sua sponte è Tuneto in Italiam fugit, vt Christianus fieret, & ab Eminentissimo Cardinali D. Paschasio de Aragon inter domesticos admissus est ad obsequia familiaria, Tunetani Alcoranum habent in quatuor libros diuisum. Turcæ autem Constantinopolitani eo vtuntur sine distinctione librorum, vt suprà notauimus.

Agit autem Alcoranus, inquit Ioannes Andræas, de his, quæ Mauri debent credere, de his, quæ debent in alia vita sperare, nimirum de gloria bonis conferenda, & de pœna malis infligenda: de ijs quæ debent agere, & de his quæ vt illicita debent fugere, vel vt licita possunt facere, agit de creatione mundi, de peccato Angelorum, de expulsiōe primorum parentum è Paradyso: de missione Moylis in Ægyptum, & de miraculis, & prodigijs, quæ ibi operatus est: de Virgine Maria, & Iesu Christo: alijsque historijs Veteris, & Novi Testamenti, quibus mille fabulas admiscer.

Placuit dictis adijcere quæ scribit in suo Apologetico Sanctus Eulogius Martyr, Episcopus electus Toletanæ Ecclesiæ, qui vixit tempore persecutionis Saracenorum, qui Cordubæ Sedem Regni fixerant, & floruit ad annum 850. & Martyr occubuit anno Domini 859. In illo igitur Apologetico exordia Mahumeti describens, inquit: Cum esset pupillus factus est cuiusdam viduæ subditus. Cumque in negotijs discurreret, cepit Christianorum conventiculis quotidie interesse, & ut erat astutior, tenebræ filius cepit nonnullas collationes Christianorū memoria commendare, & inter suos brutos Arabes cunctis sapientior esse. Libidinis verò suæ succensus fomite, cum patrona sua iure barbarico in ira congressus est (id est illa resistente, & ob iniuriam indignante.) Moxque erroris spiritus in specie vulturis ei apparens, & os aureum sibi ostendens, Angelum Gabrielem esse se dixit, & ut Prophetam appareret, imperavit.

Cumque repletus esset tumore superbix, cepit inaudita brutis animalibus prædicare, & quasi ratione quadam, ut ab Idolorum cultu recederent, & Deū incorporeum in Coelis adorarent, insinuavit. Arma sibi credentibus assumere iubet, & qui novo fidei zelo, ut adversarios gladio trucidarent, instituit. Occulto quoque Deus iudicio (qui olim per Prophetam Habacuc cap. i. dixerat: Ecce ego suscitabo super vos Chaldæos, gentem amaram, & velocem, ambulantem super latitudinem terræ, ut possideat ta-  
ber-

„ bernacula non sua, cuius equi velociores lupis vel-  
 „ pertinis, & facies eorum, vt ventus vrens, ad ar-  
 „ guendos fideles, & terram in solitudinem redigen-  
 „ dam) nocere eos permisit. Primum namque fra-  
 trem Imperatoris, qui illius terræ ditionem tenebat,  
 interimunt, & ovantes de triumpho victoriæ, glo-  
 riosi effecti apud Damascum, Syriæ Urbem Regni  
 principium fundarunt. Psalmos denique idem Pseu-  
 do-Propheta in ore insensibiliū animalium compo-  
 suit, vitulæ scilicet rubræ memoriam faciens. Ara-  
 neæ quoque muscæque ad capiendas muscas histo-  
 riam texuit. Vpupæ præterea, & ranæ cantus quos-  
 dam composuit: vt fœtor vnus ex eius ore eructa-  
 ret, garrulitas verò alterius in eius labijs non desi-  
 neret.

Alios quoque ad condimentum sui erroris in ho-  
 norem Ioseph, Zachariæ, siuè etiam genitricis D.  
 Mariæ stylo suo digessit. Cumque in tanto vaticinij  
 sui errore duraret vxorem vicini sui nomine Zeidi  
 concupiuit, & suæ libidini subiugauit. Quod scelus  
 maritus eius sentiens exhorruit, eamque Prophetæ  
 suo, cui contradicere non valebat, permisit. Ille verò  
 quasi ex voce Dominica in lege sua illud annotauit,  
 dicens: cumque mulieri illa displicuisset in oculis  
 Zeidi, & eam repudiaffet, sociauius eam Prophetæ  
 nostro in coniugium: quod cæteris in exemplum, &  
 posteris fidelibus id agere cupientibus, nō sit in pec-  
 catum. Post cuius tanti celeris factum mors animæ,  
 & corporis illius simul appropinquauit. At ille inte-



ritum sibi in minere præsentiens, quia propria virtute se nullo modò resurrecturum sciebat, per Angelum Gabrielem qui ei in specie vulturis apparere, vt ipse aiebat, solitus erat, resuscitaturum se tertia die prædixit.

Cumque animam inferis tradidisset solliciti de miraculo, quod eis pollicitus fuerat, ardua vigilia cadauer eius custodire iusserunt. Quem cum tertia die factentem vidissent, & resurgentem nullo modò cererent, Angelos ideo non adesse dixerunt, quia præsentia suorum terrentur. Invento igitur salubri, vt putabant, consilio privatum custodia cadauer eius reliquerunt: statimque vice Angelica ad eius factorem canes ingressi, latus eius devorauerunt. Quod reperiens factum, residuum cadaueris eius humo dederunt; & ob eius vindicandam iniuriam, annis singulis canes occidere decreverunt: vt merito cum eo habebant illi participium, qui pro eo dignum meruerunt subire martyrium. Digne ei quidem accidit, vt canum ventres tantus, ac talis Propheta replet, qui non solum suam, sed multorum animas inferis tradidisset. Multa quidem, & alia scelera operatus est, quæ non sunt scripta in libro hoc: hoc tantum scriptum est, vt legentes, quantus hic fuerit, agnoscant. Hactenus Divus Eulogius apud Baronium tom. 8. ad annum Christi 630.

His relatis subdit Baronius; porro hæc, & alia plura in detestationem sectæ nefandæ publicis scriptis ab eodem Authore vulgata in oculis ipsorum Sarra-

23 huc haberet fautores, arte & ingenio vsum fuisse,  
 24 & quia se Regem facere non poterat, se Dei Pro-  
 25 phetam, & Nuntium simulasse. Et cum hoc nomen  
 26 Prophetæ usurpasset, ingressum fuisse ad homines,  
 27 qui tanto facilius qualibet astutiæ machinatione  
 28 decipi poterant, quanto longius ab omni sapien-  
 29 tia, & vitæ civilis honestate distantes, per agros, &  
 30 villulas sequestrati, quid Dei Prophetæ, & Nuntius  
 31 esset, & in quo dignosci deberet, penitus ignora-  
 32 bant: ad hos autem decipiendos cuiusdam Astro-  
 33 logi ope atque consilio non mediocriter adiutū,  
 34 homines pestiferos, & viarum insidiatores, & ho-  
 35 micidas sibi aggregasse, quos ad devia silvarum, ad  
 36 cacumina montium, & ad proxima fontibus loca  
 37 mittebat, vt ex insidijs prodeuntes, mercatores, &  
 38 viatores interficerent, eorumque Camelos, &  
 39 merces diriperent. Si qui autem ei contradice-  
 40 rent, aut palam obmurmurarent, cum primum per  
 41 se, vel per suos capere poterat, eos crudeliter in-  
 42 terfecisse. \* Postquam hæc, & alia Doctor Chri-  
 43 stianus narravit, quæ Mahumetanus negare non po-  
 44 terat; statim ipsum alloquens subiungit: \* Ego  
 45 autem mirari non sufficio, quo pacto tibi persua-  
 46 sum est, Dei esse Nuntium, aut Prophetam homi-  
 47 nem, cuius (vt breuiter vitam facinorosam de-  
 48 monstrem) nulla fuit alia operatio, aut meditatio,  
 49 quàm homines interficere, aliena diripere, in cæ-  
 50 stus, & adulteria perpetrare, qui etiam tale dede-  
 51 cus inscriptum prophetiæ suæ, sibi facere non eru-

33 **h**uic, vt diceret, datum renibus suis à Deo quadra-  
 34 ginta viros potentissimos in coitu fortitudine li-  
 35 bidinis adæquare. Vbi etiam rebus odoriferis, &  
 36 mulieribus super omnia delectari se dicit. Præte-  
 37 reá vxores eius ingenuæ fuerunt quindecim, & duæ  
 38 ancillæ. O quàm longe est ab ista impura, & tur-  
 39 bulenta doctrina Machomet, Christianæ discipli-  
 40 næ sancta, & pia Religio, quæ per gloriosum Apo-  
 41 stolum Paulum ad Dei amorem, & sanctam casti-  
 42 moniam homines invitans, dicit: Qui habet vxor-  
 43 em, cogitat, quæ sunt mundi, si ergo vna sola vxor  
 44 à Dei amore impedit hominem, quomodo qui tā-  
 45 tas habuit, & totus in earum libidine versabatur,  
 46 quique prædas, latrocinia, & alia scelera exerce-  
 47 bat, Dei Propheta esse potuit? Præterea in vltima  
 48 sua infirmitate positus Machomet, suis præcepit,  
 49 ne eum mortuum sepelirent, eo quod tertio die  
 50 assumendus esset in Cælum: ipsique obseruantes  
 51 præceptum, cum magnis desiderijs exitum expe-  
 52 ctarunt à Feria secunda in qua obiit, vsque ad ves-  
 53 peram quartæ Feriæ; & tam longa expectatione  
 54 fatigati, cum nihil aliud in eo nisi magnitudinem  
 55 fœtoris crescentem cernerent, tandem sicut retu-  
 56 lit Gubram, nudum eum proiecerunt, Gubram  
 57 tamen filius Elusam dixit, quod lotus, & tribus ve-  
 58 stibus indutus sepultus sit. Fuit autem per qua-  
 59 tuordecim dies infirmus, & fertur, quod per sep-  
 60 tem dies morbo pleuritico ægrotauit, amissitque  
 61 sensum, quem septimo die recuperauit. Et iratus



est Haly filius Abitalib eo quod perdiderit sen-  
 sum. Alia verò septima die mortus est, & intumuit  
 venter eius, & retrò curvatus est. Quo mortuo  
 omnes ab eo decepti reuersi sunt statim vnusquis-  
 que ad suam, quàm antea tenuerat, sectā, seù ido-  
 lolatriam, præter paucos suæ cognationis, qui ex-  
 pectabant se successuros in Regno. Verumtamen  
 successor Machomet omni ingenio, atque astutia  
 illos ad pristinas sectas reuersos ad legem Macho-  
 met reuocauit. Vixit autem sexaginta tribus an-  
 nis, quorum 23. in sua prophetia expendit. \* Ha-  
 ætenus Christianus ille Arabs apud Carthusianum.

Luppus de Obregon cap. vndecimo sui operis  
 contra Mahumetanos Mahumeti mortem in hunc  
 modum narrat: Cum Machomet sexagesimum an-  
 num impleuisset, Mechem recessit, vbi tribus annis,  
 sine vlllo bello transactis, extremum diem allaturus  
 morbus illum oppressit sexagesimum tertium annū  
 attingentem, & cum vltimum diem sibi imminere  
 novisset, nobiliores duces ad se coegit: illisque com-  
 mendauit, vt legem ab ipso traditam seruarent: ad-  
 diditque, vt pro cōperto haberent plurimas Provin-  
 cias à se debellandas si placuisset illis, ipsas debellare:  
 & vt eius morti adessent rogauit, nam adijciebat, ter-  
 tio die Archangelum Gabrielem restitutum illius  
 corpori animum, & ita ornatum animo, & corpore  
 se in Cœlos ascensurum, vbi vnicuique eorum sedem  
 paraturus erat. Quod quidem ab illis facillè creditū.  
 Invaluit morbus, insanienſque Mahumet septem die-  
 bus

bus elinguis permanſit, eo veſania eius pervenerat  
ut brachia, manusque ſuas inſano furore diſcerperet;  
omnes eius horribiles motus præſentibus metum in-  
gerebant, energumeni inſtar frer debat, immaniter-  
que dentibus ſtridebat: intumuit guttur, ſubindeque  
corpus vniuerſum. Die decimaquarta poſtquam de-  
cubuerat, uſu linguæ ſibi reddito, adſtantibus eius  
vxore Haja, & nonnullis ex Mauris ferociter vocife-  
rans diem extremum clauſit: ita referunt teſtata  
apud ipſos monumenta Suna, & Alcoranus lib. 3.  
Azorà 6.

Mortuo, vigilias egere Mauri, & præcipui Centu-  
riones, ut eum ſuſcitatum inſpicerent: & trium die-  
rum, & horarum exacto numero, cum ne ſigna qui-  
dem reſurrectionis viderent, abierunt Mauri, & ipſi  
quoque ſoceri, cum fœtorem ex corpore exilientem  
ferre non poſſent: itaque duobus alijs diebus ita de-  
ſertus ab omnibus iacuit, donec Haja duobus man-  
cipijs præcepiſſet ut illum in area ſubdiali ſepelirent.  
At ſervi, cum præ nimio fœtore efferre corpus non  
poſſent illud in terram proiecere: ſed gener eius Ha-  
ly ſervos compulit, ut illud humarent in area ſubdia-  
li, ubi ipſum condiderunt. Pudore ſtatim omnes eius  
aſſectæ Mauri ſuffuſi ſunt, cum iam, aut mendacium  
Mahumeti, aut illuſio clare pateſceret. Obijt Ma-  
chomet Feria ſecunda duodecima die menſis (iuxta  
Mauro) Rabeæ: anno Chriſti 631. *Et ab orbe condito*  
ſo331.

In Regnum eius ſuſſectus eſt Vbequar eius ſocer,

Hajæ parens. Qui duobus annis elapsis morbo læthali, non violento interiit. Huic alter Machometi socer successit Homar. Hic plures Provincias Imperio suo adiunxit, Damascum, & magnam partē Ægypti subiugavit: Hierosolimam rebellem subegit: qui magis Christi, quàm Mauroz legibus obstrictus vixit: quippè qui Christianis Presbyteris Tempia restituere præcepit. Iterum denno Salomonis Templum excitavit diu devastatum à Tito, & Vespasiano Imperatoribus: plurimos census Templo donavit ad alendos Christi Sacerdotes: & postquam Christianis Hierosolimam reddidit Mecham recessit, vbi mortuus est, & ex collo demortui Crux, Christique Imago suspensa reperta est: ea propter infensus semper Mauris est, vel extinctus. Illud de Templo Hierosolimitano ædificato ab Homar habet etiam Baronius ad ann. 643. num. 2.

Exempto rebus humanis Homar ad Regiam dignitatem euectus est Hozmen gener Machometi, qui cum in legis Machometanæ observatione divisos Mauros animadverteret; domum Hajæ viduæ pergit tanto malo adhibiturus remedium: qua invita arcam referavit, quàm Machomet arcam *legationis* appellaverat, in qua recondiderat præcipua dogmata, & capita, quæ Mauris tanquàm à Cælo immissa legerat (quæ nec ex theca educere Machomet, nec in vnum scripta voluerat congregari: ne sibi adversantia scripta patescerent) ex theca schedulas extraxit, & in domum suam relatas transcribere iussit: & omnibus librum

com.



compegit in quatuor partes distributum, & suis capitibus distinctum, sed hoc fecit absque vllō ordine, quin quod primum dictum fuerat, primum locū obtineret. Posuitque sub eadem capituli inscriptione res inter se longè diuersas, minimè capituli titulo congruentes. In quavis schedula diuersa carmina legabantur metrum Dauidis Psalmorum imitantia. Singula autem capita appellantur Arabicè *Zuar*, vel *Zohara*, vt loquitur Archiepiscopus Rodericus in historia Arabum cap. 6. vel *Zorà*, vt loquitur Doctor Petrus de Caualleria, vel *Azorà*, vt loquitur Cardinalis Cussa. Totum autem volumen his capitibus compactum appellatur *Alcoràn*, vel *Alcoranus*. Quod teste Ioanne Andræa perinde est, ac *Congregatio Capitalorum*, seu *Azorarum*, vel *Congregatio Psalmorum*. Quod etiam affirmat Cardinalis Cussanus lib. 1, cap. 1. *Liber legis Arabum* (inquit) *Alcoràn*, ob præceptorum collectionem, atque *Alfurkan* ob discreta capitum separationem nominatur. Luppus de Obregon, ait: *Alcoràn*, idem apud Arabes esse, ac reuelationem: titulumque libri significare, quidquid in lege Arabum continetur fuisse Mahumeto reuelatum à Deo per Angelum Gabrielem.

Dicunt autem quidam observatores huius libri, (inquit Cussanus ibidem) illum aliter in Oriente, aliter in Hesperijs partibus distingui. Occidentales enim post orationem, quæ præmittitur, & mater libri nominatur, aiunt totum librum *Azoras*, seu capita habere 123. Orientales verò dicunt primam *Azo-*

nam durare vsque ad *Soretamaran*, quod est quintum caput in libro Hispaniarum. Alcoran vt illo utebantur in Hispania Mauri, teste Ioanne Andræa constat quatuor libris, quorum primus quinque: secundus duodecim: tertius novendecim: quartus tandem 175. capita complectitur, ac proinde totum constat 211. capitibus secundum hunc Authorem. At secundum Luppum de Obregon quartus Alcorani liber complectitur 160. capita, ac proinde totum volum constat 196. *Capitibus.* Vt mihi autem narravit Matriti anno 1670. Christianus Arabs, qui sua sponte è Tuneto in Italiam fugit, vt Christianus fieret, & ab Eminentissimo Cardinali D. Paschasio de Aragon inter domesticos admissus est ad obsequia familiaria, Tunetani Alcoranum habent in quatuor libros diuisum. Turcæ autem Constantinopolitani eo vtuntur sine distinctione librorum, vt suprà notauimus.

Agit autem Alcoranus, inquit Ioannes Andræas, de his, quæ Mauri debet credere, de his, quæ debent in alia vita sperare, nimirum de gloria bonis conferenda, & de pœna malis infligenda: de ijs quæ debent agere, & de his quæ vt illicita debent fugere, vel vt licita possunt facere, agit de creatione mundi, de peccato Angelorum, de expulsiōe primorum parentum è Paradyso: de missione Moyſis in Ægyptum, & de miraculis, & prodigijs, quæ ibi operatus est: de Virgine Maria, & Iesu Christo: alijsque historijs Veteris, & Novi Testamenti, quibus mille fabulas admiscer.

Placuit dictis adijcere quæ scribit in suo Apologetico Sanctus Eulogius Martyr, Episcopus electus Tolletanæ Ecclesiæ, qui vixit tempore persecutionis Saracenorum, qui Cordubæ Sedem Regni fixerant, & floruit ad annum 850. & Martyr occubuit anno Domini 859. In illo igitur Apologetico exordia Mahumeti describens, inquit: Cum esset pupillus factus est cuiusdam viduæ subditus. Cumque in negotijs discurreret, cepit Christianorum conventiculis quot idie interesse, & vt erat astutior, tenebræ filius cepit nonnullas collationes Christianorū memoria commendare, & inter suos brutos Arabes cunctis sapientior esse. Libidinis verò suæ succensus fomite, cum patrona sua iure barbarico in ira congressus est (id est illa resistente, & ob iniuriam indignante.) Moxque erroris spiritus in specie vulturis ei apparens, & os aureum sibi ostendens, Angelum Gabrielem esse se dixit, & vt Prophetam appareret, imperavit.

Cumque repletus esset tumore superbix, cepit inaudita brutis animalibus prædicare, & quasi ratione quadam, vt ab Idolorum cultu recederent, & Deū incorporeum in Cœlis adorarent, insinuavit. Arma sibi credentibus assumere iubet, & qui novo fidei zelo, vt adversarios gladio trucidarent, instituit. Occulto quoque Deus iudicio (qui olim per Prophetam Habacuc cap. i. dixerat: Ecce ego suscitabo super vos Chaldaeos, gentem amaram, & velocem, ambulantem super latitudinem terræ, vt possideat ta-  
ber-



„ bernacula non sua, cuius equi velociores lupis ves-  
 „ pertinis, & facies eorum, vt ventus vrens, ad ar-  
 „ guendos fideles, & terram in solitudinem redigen-  
 „ dam) nocere eos permisit. Primum namque fra-  
 trem Imperatoris, qui illius terræ ditionem tenebat,  
 interimunt, & ovantes de triumpho victoriæ, glo-  
 riosi effecti apud Damascum, Syriæ Urbem Regni  
 principium fundarunt. Psalmos denique idem Pseu-  
 do-Propheta in ore insensibiliū animalium compo-  
 suit, vitulæ scilicet rubræ memoriam faciens. Ara-  
 neæ quoque muscæque ad capiendas muscas histo-  
 riam texuit. Vpupæ præterea, & ranæ cantus quos-  
 dam composuit: vt fœtor vnus ex eius ore eructa-  
 ret, garrulitas verò alterius in eius labijs non desi-  
 neret.

Alios quoque ad condimentum sui erroris in ho-  
 norem Ioseph, Zachariæ, suæ etiam genitricis D.  
 Mariæ stylo suo digessit. Cumque in tanto vaticinij  
 sui errore duraret vxorem vicini sui nomine Zeidi  
 concupiuit, & suæ libidini subiugauit. Quod scelus  
 maritus eius sentiens exhorruit, eamque Prophetæ  
 suo, cui contradicere non valebat, permisit. Ille verò  
 quasi ex voce Dominica in lege sua illud annotauit,  
 dicens: cumque mulieri illa displicuisset in oculis  
 Zeidi, & eam repudiaisset, sociauimus eam Prophetæ  
 nostro in coniugium: quod cæteris in exemplum, &  
 posteris fidelibus id agere cupientibus, nō sit in pec-  
 catum. Post cuius tanti celeris factum mors animæ,  
 & corporis illius simul appropinquauit. At ille inte-

ritum sibi in minere præsentiens, quia propria virtute se nullo modò resurrecturum sciebat, per Angelum Gabrielem qui ei in specie vulturis apparere, vt ipse aiebat, solitus erat, resuscitaturum se tertia die prædixit.

Cumque animam inferis tradidisset solliciti de miraculo, quod eis pollicitus fuerat, ardua vigilia cadauer eius custodire iusserunt. Quem cum tertia die factentem vidissent, & resurgentem nullo modò cererent, Angelos ideo non adesse dixerunt, quia præsencia suorum terrentur. Invento igitur salubri, vt putabant, consilio privatum custodia cadauer eius reliquerunt: statimque vice Angelica ad eius fetorem canes ingressi, latus eius devorauerunt. Quod reperiens factum, residuum cadaueris eius humo dederunt; & ob eius vindicandam iniuriam, annis singulis canes occidere decreverunt: vt merito cum eo habebant illi participium, qui pro eo dignum meruerunt subire martyrium. Digne ei quidem accidit, vt canum ventres tantus, ac talis Propheta repleret, qui non solum suam, sed multorum animas inferis tradidisset. Multa quidem, & alia scelera operatus est, quæ non sunt scripta in libro hoc: hoc tantum scriptum est, vt legentes, quantus hic fuerit, agnoscant. Hactenus Divus Eulogius apud Baronium tom. 8. ad annum Christi 630.

His relatis subdit Baronius; porrò hæc, & alia plura in detestationem sectæ nefandæ publicis scriptis ab eodem Authore vulgata in oculis ipsorum Sarra-

cenorum tunc grassantium in Hispanias liquet : vt planè non contemnenda ea sint scripta, quæ in opprobrium ipsorum Sarracenorum de tali Impostore veluti Propheta gloriantium coram ipsis obiecta fuerit.

Venerabilis quoque Abbas Petrus Cluniacensis, qui D. Bernardo Coætaneus fuit, & floruit ad annum Christi 1130. cum visitaret sui Ordinis Monasteria in Hispaniæ Regnis, legem & vitam, atque doctrinam Mahumeti de Arabico in Latinum transferri curauit, vt testatur Carthusianus lib. 2. art. 3. & inter  
 „ alia scribit: Mahumetum paulatim crescendo, con-  
 „ tiguosque insidijs, rapinis, incursionibus frequen-  
 „ ter infestando, quos poterat furtim, quos poterat  
 „ publicè occidendo, terrorem sui auxisse, ac tan-  
 „ dem ad Regnum gentis suæ aspirare cæpisse: cum-  
 „ que vniuersis resistentibus, videret hac viâ non  
 „ posse se consequi, quod sperabat; Religionis vela-  
 „ mine, ac diuini Prophetæ nomine Regem fieri at-  
 „ tentasse: interim coniunctum ei Sergium Mona-  
 „ chum Nestorianum, qui Scripturas Sacras secun-  
 „ dum Nestorij intellectum ei exponens Christiana-  
 „ num Nestorianum effecit, atque vt tota iniquita-  
 „ tis plenitudo in Mahumetum cõflueret; adiunctos  
 „ illi fuisse Iudæos, qui ne verè Christianus fieret  
 „ dolose præcavescentes, homini rebus novis inhianti, non  
 „ Scripturarũ veritatem, sed fabulas suas quibus nunc  
 „ vsque abundant, insibilant: sicque ab his Doctori-  
 „ bus Iudæis, & Hæreticis instructũ, Alcoranum suum  
 „ condidisse; & tam ex Iudaicis fabulis, quàm Hæreti-



eorum figmentis confectam Scripturam barbaro suo  
 ,, modò contexuisse: eamque sibi à Gabriele Angelo  
 ,, per partes allatam, mentitum gentem ignorantem  
 ,, læthali hauſtu infecisse: tandemque in Regem ab  
 ,, eis, vt concupierat, sublimatum esse: & languet-  
 ,, cente, immò penè deficiente Romano Imperio,  
 ,, permittente eo, per quem Reges regnant, Princi-  
 ,, patum Arabum, seu Sarracenorum hac peste infe-  
 ,, ctorum surrexisse; vique armata maximas Asiæ  
 ,, partes cum tota Africa, ac parte Hispaniæ paula-  
 ,, tim occupando, in subiectos sicut Imperium, sic &  
 ,, errorem transfudisse: denique Mahumetum in vir-  
 ,, tute gladij se missum perhibuisse: cum enim ipse  
 ,, legem suam prædicans per paucos sibi attraxisset,  
 ,, idcirco, tam ipsum, quàm sibi adherentes concor-  
 ,, diter statuisse legem suam, vi armorum inferre,  
 ,, quoniam ensis timor sæpè plusquam rationis effi-  
 ,, cit amor. Hæc ille.

CAPVT TERTIVM.

*Mores, & instituta Mahumetanorum.*

**V**T Christi minister planè instructus notitia mo-  
 rum, & Religionis Maurorum, possit illorum  
 conversionem facilius procurare, & avidius deside-  
 rare, vtile mihi visum est hic describere modum, &  
 formam viuendi, quam Turcæ Mahumetani tenent.  
 Et totum hoc extraxi ex Prologo cuiusdam Autho-  
 ris Galli, Constantinopoli ad Turcam Regij Chri-

52 *Demonstr. contra Mahumet.*

Christianissimi legati, quem Prologum facit ad Alcoranum Gallice ex Arabico ab ipso versum: Quod volumen mihi ostendit Excellent. Dominus Comes de Jarandilla, & ipse ex Gallico Idiomate in Hispanum versa dogmata, & mores mihi dedit: & ita se habent.

Turcæ in vnum Deum credunt, sed vnam tantum personam Creatorem Cæli, & terræ, bonorum remuneratorem, punitoremque malorum, qui Paradysum condidit ad munerandos bonos, infernum ad ultimam, & extremam punitionem delictorum.

Firmissimè credunt Mahumetum esse maximum Dei Prophetam à Deo in orbem delegatum, ut homines viam salutis doceret: illi verò suo Idiomate se ipsos vocant *Musulmanæ*, quod idem est, ac in Deo resignati, aut salvati.

Credunt Moylis Decalogum, & illum observare tenentur. Dies Veneris illis festus, sicut dies Dominicus Christianis: & hac die in Templum conveniunt ad habendum orationes suas, & preces. Tenentur quinquies in die orare, manè, meridie, vespere, Occidente Sole, & vna hora post Occasum Solis.

In Mense, aut Luna apud ipsos Ramazam ieiuniū servant: & hoc tempore totum diem ieiuni agunt, nec cibum, nec potum libant, vsque dum Sol occidat; tunc verò ex omnibus comedunt, & cibis eunctis, & potatione multiplici se onerant, excepta tamen porcina carne, & vino: quæ res omni tempore illis interdictæ sunt. Hoc ieiunio peracto celebrant festum  
Mag-

Magni Bairam, sicut Christiani Pascha celebrant.

Expendunt plurimum in ædificatione Templorum, & Xenodochiorum, obliganturque pauperibus in eleemosynas decimam partem lucri anni præcedentis facti, prima die anni elargiri.

Persuadent sibi post lotionem corporis factam dicendo aliquam orationem huius ritus accommodatam, omnem maculam peccatumque animi abstergi: qua propter sæpissimè lavantur, & præsertim antequam orationes suas recitent.

Præter circumcissionem alia Sacramenta non habent: dant operam ut filij septimum annum, aut octavum agentes circumcidantur, & hoc statim, ac proferre possunt hæc verba: *La illa illa Alba Mehemet Rasulalba: id est: Unus Deus tantum est: Machomet est eius Propheta, & Apostolus.* Hæc est eorum fidei protestatio. Attamen in toto Alcorano de circumcissione non fit mentio; sed dicunt se illam observare imitantes Abrahamum, cuius legem venerando approbat Machomet.

Credunt Alcoranum missum fuisse à Cælo per Angelum Gabrielem in diversis temporis intervallis Machometo Mecham, & Medinam habitanti: nam Iudæi, & Christiani sacras litteras, & legem Dei corruperant.

Permittitur illis simul quatuor uxores habere, & tot filios, & ancillas, quot alere possint.

Uxores dimittere ubi placuerit possunt, soluta earum dote, & iterum alias ducere prout illis libet.



verumtamen fœminæ expectare tenentur donec clare constet gr̃ci hores factas fuisse, quam ante nuptias. Mariti tenentur alimenta filijs præstare, & illorum curam agere.

Filij ex ancillis suscepti eius conditionis sunt, ac ex vxoribus suscepti, & omnes legitimi reputantur.

Habent Tempa, & Xenodochia longo censu instructa. Habent Religiosorum cœnobia, qui austere, & in exemplum aliorum vivunt: obediunt superioribus suis: ad fistularum, & aliorum musicorum instrumentorum sonitum saliant, suas preces, & orationes dicunt.

Sunt apud ipsos alij Religiosi per orbem vagantes: hic sæpius nudi vagantur, vtuntur interdum veste Yæsanorum illius plagæ: pellem infrusta dissecant: vt sancti coluntur: stipè collecta vivunt, quæ nunquam illis deficit. Vtrique Religiosi *Drenis* vocantur, & noti sunt ob peculiarem vestem; tamen possunt religionem deserere, & vxorem ducere, vbi libuerit.

Nec credunt Christum esse Filium Dei, nec credunt in Trinitatem. Aiunt Christum esse magnum Prophetam, & natum fuisse ex Virgine Maria illæsa eius virginitate ante, & post partum, conceptumque fuisse inspiratione, aut inflatione Divina sine Patre, sicuti Adamus creatus fuit sine Matre, Christumque non fuisse crucifixum, sed assumptum à Deo in Cælum, iterumque venturum ad terras ante exitium

mun-

mundi ad confirmādam legem Mahometi:& asserunt Iudæos arbitantes Christum crucifigere, crucifixille alium illi similem.

Preces pro mortuis fundunt : Sanctos suos invocant, quorum longam historiam habent : at Purgatorium esse minimè credunt : plurimi illorum sibi persuadent animos, & corpora simul in sepulchris condita iacere vsque ad diem Iudicij.

Mecham, & Medinam Villas Arabiæ maximè venerantur : nam Mecæ Machomet natus est, Medinæ Coronam Regni accepit. Frequentes peregrinationes faciunt ad has civitates apud ipsos Sāctas : Hierosolima quoque illis venerationi est, nam ibi orti, & commorati sunt plurimi Prophetæ.

Campanarum vsus apud ipsos non est : ad horam orationis in summum fastigium turris ascendunt Sacerdotes, quæ semper ad latus Templi porrigitur, hinc elata voce populum ad orationem congregant, præcem aliquam fundēdo in hunc finem dispositam. Hucusque Author Gallus.

Qui plura desiderauerit de Mahumetanorū moribus, legat R. P. Fr. Antonium del Castillo, Ordinis S. Francisci in suo *Deusto peregrino, & itinerario Terræ Sanctæ*, lib. 3. cap. 6. ubi describit vitam eorum, quos Mauri Santones vocant; eamque coram Mahumetanis referre, sufficit ad confulsionem magnam ipsorum; nemo enim rationis particeps, & in regione politica educatus est, qui non erubescat, & pudore suffundatur, cum audit ut Sanctos à Mauris haberi eos,

qui talia agunt: & incredibile videretur, nisi à Viro Religiosissimo, & testi oculari eorum, quæ narrat, referrentur. Quid enim absurdius, quam homines rationis cōpotes magnæ fœlicitati suæ tribuere, quod Santones illi domos eorum ingrediantur, & cum ipsorum vxoribus congregiantur, vel eorum filias corrumpant; & de tanto dedecore gratulationes ab amicis, & à concivibus excipere; sibi que persuadere, vxores suas, & filias ex hoc pudendo congressu sanctificatas manere? Et tamen ita revera est, vt refert Religiosissimus Author, qui multas Turcarum Civitates peragravit. Certè Mahumetani in Hispania his auditis, ita erubescunt, vt dicere cogantur, illa ita non se habere, sed à Christianis confingi in opprobrium Turcarum. Sed hæc hic scribere, nec vacat, nec libet: tu apud hunc Authorem lege.





## LIBER SECVNDVS.

IN QVO CONTINENTVR  
*apertæ aliquæ demonstrationes contra hanc  
 sectam, quæ confirmantur ex mirabilibus  
 quorundam Mahumetanorum conversionibus:  
 specialitèr verò falsitas Alcorani convinci-  
 tur ex eo, quod ponat vltimam fœlicita-  
 tem hominis in delectationibus  
 corporis.*

## CAPVT PRIMVM.

*Prima demonstratio indè petita, quod ante Mahumeti ad-  
 ventum per sexcentos, & amplius annos, homines in  
 Christiana Religione saluari poterant: ex quo evidentèr  
 infertur, illam esse veram, & sectam Mahumetanam  
 ipsi oppositam esse falsam.*



HANC Demonstrationem ex dictis in tota  
 disputatione circà Christi diuinitatem,  
 sic conficio. Evidens est Deum existe-  
 re, & habere providentiam circà ho-  
 minum salutem; neque eos creasse ad comeden-  
 dum, & bibendum, & quærendas delectationes  
 corporales, sicut quæerunt bruta: sed ad hoc vt ipsum

tanquam Creatorem in hac vita colerent, & super omnia diligerent; & aliquam veram fœlicitatem in alia vita obtinerent: ergo evidens est, Deum tradidisse hominibus legem, per cuius observationem ipsum colerent, & æternam fœlicitatem obtinerent. Vnde sicut evidens est, Deum semper fuisse, ita evidens est post conditum vniuersum semper habuisse in mundo aliquam veram Religionem, & legem in qua homines saluari possent: cum enim evidens sit, in omni tēpore verè procurasse hominum salutem, evidens quoque est, omni tempore providisse hominibus legem, & Religionem, per cuius observationem tenderent in fœlicitatem vltimam, ad quam sunt creati, nec enim Deus seriò potest desiderare, vt homines perveniant ad terminum, nisi præstituendo viam, per quam ambulando, pervenire possint ad ipsum: nec potest seriò procurare finem, quin provideat mediū necessarium ad eius consecutionem.

Manifestum deinde est, ante adventum Mahumeti non fuisse legem à Mahumeto promulgatam: ergo cum manifestum quoque sit, sexcentis annis ante adventum Mahumeti fidem Christi fuisse per totum orbem promulgatam: vel dicendum est, illis sexcentis annis nullum hominem salutem æternam obtinuisse, immò nec obtinere potuisse, vel dicendum est, illam obtinuisse, vel obtinere potuisse, fidem Christi amplectendo, & eius legem Evangelicam observando.

Probatur assumptum, quia si nulla erat tunc in mundo vera fides, veraque Religio à Deo data, nullus

tūc saluabatur; quia sine vera fide impossibile est placere Deo, & sine observatione legis à Deo provenientis, impossibile est veram fœlicitatem, vltimumque finem consequi: vnde tunc Deus creasset homines dumtaxat ad comedendum, & bibendum in hac vita, sicut bestias, quod est per se falsum, & Deo indignum. Si autem erat tunc aliqua vera fides, veraque Religio, nulla alia esse poterat, quàm Christiana. Nam ante adventum Mahumeti, solum erant in mundo tres Religiones, leges, vel fides: nempè Religio, & fides Gentilium, qui idola colebant: Religio, & fides Iudæorum, qui Messiam expectabant: & fides & Religio Christiana, qui Deum Vnum, & Trinum colebat, & Christum tanquam verum Deum, & hominem adorabat, ex ijs autem tribus fides gentiliū erat manifestus error; nam Mahumetus ipse in Alcorano sæpè dicit se esse Prophetam à Deo missum ad exterminandam idololatriam. Fides autem Iudæorum erat etiam post adventum Christi omninò vana, & inutilis ad salutem. Nam Mahumetus in Alcorano sæpè repetit Christum esse Messiam in lege, & Prophetis promissum, & fuisse insignem Prophetam Virumque sanctissimum: Iudæi verò illum vt Impostorem, & blasphemum execrabantur, ac proinde erant ceterè extraviam salutis: quare, vel dicendum est, nullum hominẽ illis sexcentis annis fuisse salvatum, vel dicendum est solum in Religione Christiana fuisse salutem: cum ergo primum sit manifestè absurdum, & Deo indignum, debet necessariò dici secundum: ergo tunc Re-



ligio Christiana erat apta ad salutem: ergo erat vera. Paret conseq. quia lex falsa non est à Deo, neque descendit de Cœlo; lex autem quæ non est à Deo, neque è Cœlo descendit, non potest ad Deum ducere, neque ad Cœlum evehere. Vndè evidens est, fidem, in qua homines salvantur, esse veram, & esse à Deo. Ergo vera erant dogmata, quæ lex Christiana tunc profitebatur; nempe Deum esse Trinum, & Vnum, & Christum esse hominem, & Deum simul. Nam si hæc dogmata essent falsa, fides ipsa Christiana falsa, & erronea erat, ac proinde non esset à Deo, sed à Diabolo, neque ad Cœlum duceret, sed ad infernum.

Quod si illis sexcentis annis verum erat Deum esse Trinum, & Vnum, & Christum esse Deum, & hominem, evidens quoque est, Deum post adventum Mahumeti esse Trinum, & Vnum, & Christum esse Deum, & hominem: ergo Alcoranus diserte hoc negans, non est lex vera, sed manifestè erronea, neque Deum habet Authorem, sed Diabolum; & Mahumetus non fuit Propheta, sed Impostor, & Deceptor. Sequela est evidens: quia cum Deum esse Trinum non sit accidens, sed substantia, si Deus aliquando fuit Trinus, semper necessario est Trinus, & cum propositio aliquid affirmans de præterito, si semel vera est, semper permaneat vera; sanè si illis sexcentis annis verum erat affirmare Deum factum fuisse hominem; sanè id etiam modò verum est, semperque erit verum. Et cum Christus, qui tunc existerat in Cœlo, idem sit, qui modo exiit ibidem, sanè si tunc erat Deus, etiam modo est Deus.

Hoc argumentum primum Deus mihi suggerit, cum in Vrbe Malaga è nostro Collegio tenderem ad Theatrum Comediarum ad concionandum Mahumetanis : hic enim locus consulto electus fuerat ad eas conciones habendas; in eumque confluebat tota Ciuitatis nobilitas, tam Ecclesiastica, quàm secularis. Venerat ad concionem invitus quidam Mahumetanus cum sua vxore, & timens, ne illa peteret Baptismum, mortem minatus est, & dum me concionantem audiebat, oculis torvis minas repetebat. Sed cum hanc demonstrationem audivit, diuina gratia repente illuminatus, & filium parvulum, quem inter brachia complectebatur, dimittens, à sede prosiliit, & in tabulatum ascendit, alta voce Baptismum petens, cū ingenti Christianorum plausu, & maxima vxoris maestitia. Posteaque seipsum explicans dicebat : tres dumtaxat sunt domus: nempè domus Moyſis, domus Christi, & domus Mahumeti: domus Moyſis aliquādo fuit domus Dei, sed postquam Christus venit, iam domus illa corruit, & iam non est domus Dei: domus Christi est planè domus Dei: domus autem Mahumeti postea superveniēs nequit esse domus Dei; quia est domus contraria domui Christi; & Deus nequit sibi ipsi contrarius esse. Et hunc aliosque triginta duos infideles ad veram Christi fidem conversos, sacrisque mysterijs imbutos die Evangelistæ Ioanni Sacra è Collegij nostri Ecclesia in Cathedralem ingenti comitatu ductos sacro fonte lustravit Illust. ac RR. D. D. Ildephonsus à S. Thoma è Sacro Prædi-

catorum Ordine, Episcop. Malacensis, quem dum memoro, gratum denuo animum pulsat effusissima illa humanitas, qua tenuitatem nostram excepit, & de victu, vestituque indulgentissima nobis largitate providi:. Quæ cum mente nequaquam exciderint, nec calamum subterfugere potuerunt, quin eorum rursus memoriam iucundissime refricaret, figeretque monumentum nostræ adversus tantum Virum observantissimæ gratitudinis.

## CAPVT SECVNDVM.

*Secunda demonstratio.*

**A**Lia deinde conficitur ratio ex dictis in tota disputatione, qua falsitatis vincatur Mahumetana secta: nam cum vnus sit Deus, vna tantum debet esse vera fides, veraque Religio, in qua homines salventur, & omnes sectæ oppositæ veræ Religioni debent esse falsæ. Ergo cum Deus velit omnes homines salvos fieri, vult omnes homines venire ad profitendâ veram fidē, verâque Religionē amplecti. Ergo vera Religio, veraque fides debet habere signa, & notas quibus possit ab omnibus dignosci; & ideo dicitur Deus posuisse in sole Tabernaculū suum, quia nimirū verā Religionem, veram Ecclesiā, in qua homines salvari possint, ita conspicuā reddit, vt possit ab omnibus videri, si illā verè quærant. Vndè P. Valentia 2.2. disp. 1. q. 1. punct. 7. omniū Theologorum nomine sic sapienter pronuntiat: *Ab orthodoxis Doctori-*



*bus secundū certissima, & clarissima Sanctæ Scripturæ  
testimonia Ecclesia visibilis dicitur, id est, sic in luce homi-  
num, & in conspectu posita, ut quouis sæculo evidenter  
internosci, & quasi digito demonstrari queat congregatio  
illa, quam Ecclesiam veram determinatè credere possis, ac  
debeas. Quare de vera Religione, veraque Dei Eccle-  
sia, intra quam possunt homines salvari debet verifi-  
cari illud quod dicitur, Sap. 6. Clara est sapientia, &  
que nunquam marcescit, & facile videtur ab ijs, qui  
querunt eam. Debet ergo vera Religio, veraque  
Dei Ecclesia habere argumenta evidentiæ credibili-  
tatis, seu argumenta, quibus possint homines induci,  
& obligari ad credendum illam esse veram Religio-  
nem, & à Deo datam. Si enim hæc argumenta non  
haberet, non esset ciuitas suprà montem posita, nec  
esset Tabernaculum Dei in Sole, id est in clara luce  
positum: nec daretur obligatio illam suscipiendi, nec  
homines possent dignoscere, illam potius quàm sectam  
ipsi oppositam esse veram, ut eam amplecterentur,  
quod planè est absurdum, & impossibile: implicat  
enim Deum velle, ut homines amplectantur veram  
Religionem, & non dare illis media, quibus dignos-  
cere possint, quænam sit vera Religio, seu quænam  
sit à Deo. Ex hoc principio deducitur Mahume-  
tanam sectam prohibentem disputationes in ma-  
teria Religionis, & præcipientem, ne ratione per-  
suadeantur homines illam amplecti, sed gladio,  
& vi cogantur, non esse legem à Deo latam; &  
Mahumeranos temere illam profiteri. Nam vel ha-  
bent*

bent rationes, & fundamenta, quibus sibi persuadent, & alijs persuadere possent, Mahumetanā professionem Deum habere Authorem: vel non. Si non habent: ergo temere illam amplectuntur, nam magna est temeritas aliquam Religionem, seu professionem ut diuinam, & à Deo datam amplecti, quin præcedat prudens fundamentum, quo inducaris ad credendum, illam esse à Deo, & possis alios inducere. Si habet: ergo iniuste prohibet ea fundamenta proferri. Sanè qui habet numum aureum non adulterinum, sed legitimum, & iusti ponderis, illius examen non metuit, nec oculos refugit aurificis, qui explorandis ponderibus præfectus est. Si ergo Mahumetana Religio examen sapientium timet, & prohibet examinare, an à Deo fuerit data, non est lex à Deo data, sed à Pseudo-Propheta dolose composita ad subiungendos populos, & illos in propriam ditionem trahendos. Astute prohibuit hic Impostor suis, etiam sapientissimis, & in Alcorano peritissimis, cum Christianis, vel Iudeis disputare de veritate suæ sectæ, quia probè noverat, illius falsitatem vi disputationis manifestè delegendam: nec posse vi prædicationis persuaderi Mahumetum fuisse verum Dei Prophetam, ab ipso missum ad promulgandam novam legem; cum nec vitæ sanctitas, & morum probitas, nec prophetiæ, nec miracula illi testimonium perhiberent. Non vitæ sanctitas, cū fuerit Mahumetus luxuriosissimus, adulter, & perjurus, & sceleratissimus regnorum depre-dator, non prophetiæ; cū in lege Veteri, nec in Christi

Euangelio fuerit promissus; licet in Apocalipsi fuerit sub nomine Anti-Christi adumbratus: nec vllum miraculum fecerit ad probandum, se fuisse à Deo missum. Quamvis enim in Alcorano aliqua miracula à se patrata narret, ea tamen narrat, quæ à nullo visa sunt, ne posset palam de falsitate redargui.

## CAPVT TERTIVM.

*Tertia demonstratio.*

**C**ardinalis Bellarminus tom. 1. controversiarum lib. 4. de notis Ecclesiæ cap. 12. inter notas veræ Ecclesiæ Dei ponit sanctitatem doctrinæ, quæ in eo consistit, quod nihil contineat falsum, quoad fidei doctrinam: nihil iniustum, quoad doctrinam morum: vndè in Psalm. 18. appellatur: *Lex Domini immaculata, testimonium fidele, præceptum Domini lucidum.* Aitque ex hac nota evidenter ostendi nullam esse veram Ecclesiam, nisi nostram, nempe Ecclesiam Christianam, nam Catholicam Romanam: Nulla est enim (inquit) secta, vel Paganorum, vel Philosophorum, vel Iudeorum, vel Turcarum, vel Hæreticorum, quæ non contineat aliquos exploratos errores, & rectæ rationi manifestè contrarios. Et enumeratis erroribus Paganorum, & Philosophorum, subiungit de Mahumetanis idem patet ex Alcorano: nam capite secundo docet, omnes salvari in suis legibus, si eas seruent, Iudæos, Christianos, Turcas, cap. 5. 28. 47. & 48. & alibi passim docet, beatitudinem futuræ



vitæ consistere in cibo, & potu, & vxorum multitudine: nec vnquam in toto Alcorano mentio fit actionum spiritualium visionis, vel amoris Dei, & capite quadragesimo tertio, dicit Deum, & Angelos orare pro Mahumeto. Hic aduerto Alcoranū apud Turcas haberi sine distinctione partium, vel librorum, vt constat ex Alcorano, quem in linguam Gallicā transtulit Legatus Regis Christianissimi Constantinopoli degens, quem ē Gallico in Hispanicum idioma cōvertit Excellent. Comes de Oropesa ann. 1672. vt Missionarijs vsui esse posset, & ego codices manuscriptos vidi, & in illis notauī apponi titulos capitum non experimentes, quæ in capitibus continentur; & seriem capitum continuari ab initio vsque ad finem sine distinctione librorum. Nam caput primum inscribitur, *De bove, seu iuuenca: secundum de stirpe Ioschim, tertium de Mulieribus*, & sic de alijs.

At apud Mahumetanos, qui olim Hispaniam occuparunt, Alcoranus legebatur cum distinctione librorum, totusque Alcoranus dividebatur in quatuor libros; quorum primus quinque capita habebat: secundus duodecim: tertius novemdecim: quartus, centum, & septuaginta quinque; atque aded integrū Alcorani volumen continebat vndecim suprā ducenta capita. Ita tamen libri illi sunt dispositi, vt primus tantam faciat molem, quantam secundus: secundus verò tantam, quantam tertius, & quartus. Hoc constat ex Moslem Ioanne Andrea prius Mahumetano, qui in Prologo sui libri testatur, Alcoranum in qua-

quatuor diuidi libros, & idem testatur Luppus de Obregon supracitatus. Hæc adnotare libuit, quia magna est varietas in citandis Alcorani capitibus, seu *Zoris*, & Cardinalis Bellarminus Alcoranum citat secundum quod eo vtuntur Turcæ sine distinctione librorum: fidelissima tamen est eius citatio. Nam Ioannes Andræas refert Alcoranum lib. 1. cap. 2. assertentem: *Euangelia Iesu Christi, & Pentateuchum Moysi à Deo esse data hominibus, & in Cælum ducere eos, qui doctrinam eam obseruant.* Idemque dicit de suo Alcorano, & cap. 4. iterum ait: *Toram Moysis, id est Pentateuchum, & Euangelium Iesu Christi esse legem, & viam salutis.* Idemque testatur S. Petrus Paschasius in suo tractatu contra Mahumetanos (cuius supra §. 1. mentionem fecimus) pag. 30. num. 26. vbi hæc habet:

„ Multis in locis Mahumetus in Alcorano affirmat,  
 „ Christianos optimam habere, & colere legem, esseque  
 „ in statu salvationis, vnde sic ait: Certum est  
 „ quod illi, qui in Deum credidere, & Iudæorum legem  
 „ custodierint, & sapientes, & Christiani, qui in  
 „ Deum crediderint, & vltimum esse diem confessi  
 „ fuerint, benèque fecerint, & operati fuerint, mercedem à Deo, & præmium accipient; error non  
 „ erit super illos, neque formido, doloreque carebunt.

Hinc evidens conficitur ratio ad convincendum Alcoranum non descendisse de Cælo, neque eius doctrinam esse à Deo traditam. Nam evidens est doctrinam falsam non habere Deum Authorem, & cui-

dens est esse falsam hanc doctrinam, quæ asserit vtrāque legem, tam Christianam, quàm Mahumetanam, esse aptam, vt in ea homines saluentur. Nam euident est ex duabus doctrinis contradictoriè oppositis non posse esse vtramque veram, sed alteram necessario esse falsam: at doctrina Euangelij, & doctrina Alcorani sunt contradictoriè oppositæ, quod attinet ad mysteria Fidei, nam Euangelium docet Deum habere tres Personas realiter inter se distinctas, Alcoranus hoc negat, vnam dūtaxat Personam in Deo constituens: Euangelium docet, Christum Dominum esse Deum, & Hominem: Alcoranus hoc negat, asserens esse purum Hominem: ergo vel est falsa doctrina Euangelij, vel doctrina Alcorani: ergo non est vtrāque à Deo: ergo Alcoranus affirmans, esse vtramque doctrinam à Deo, & vtramque de Cælo descendisse, mentitur, & manifestum continet errorem. Ergo lex in Alcorano contenta non descendit de Cælo: ergo lex illa nequit in Cælum ducere suos observatores: nam lex, quæ de Cælo non descendit, in Cælum ducere nequit: ergo manifestè mentitus est Mahumetus, dum dixit Christianum saluari in sua lege, si illam observet, nimirum credendo, quæ præcipit credi, & opere exequendo, quæ præcipit fieri: & simul saluari Mahumetanum in sua lege, si illam observet. Nam si vterque observet suam legem, vterque credit, quod lex vt articulum Fidei proponit: & cum leges istæ articulos ex diametro oppositos proponant: vel Christianus, vel Mahumetanus credit aliquid falsum, ac



proindè falsam habet fidem. Qui autem falsam habet fidem, in ea salvari non potest: quia falsa fides, non est Fides diuina, siquidem fides est credere Deo loquenti: sine fide autem impossibile est placere Deo: est enim fides salutis fundamentum, & impossibile est vt sine fundamento consistat salutis ædificium.

## CAPVT QVARTVM.

*Quarta demonstratio.*

**H**inc manifestè convincitur, Mahumetanos ex ipsa doctrina Alcorani compelli ad deserendum Mahumetismum, & amplectendam Domini nostri Iesu Christi Fidem. Sic enim arguo: Alcoranus vester, vestraque lex palam fatetur posse homines in Christiana professione saluari: è contra verò omnes Christiani vt infallibilem Fidei articulum credimus, extrà Christi Ecclesiam homines saluari non posse: quia sicut vnus dumtaxat est Deus, ita vnica dumtaxat in mundo debet esse Religio vera, in qua homines suam salutem operari possint: reliquæ autem sectæ, & professiones illi contrariæ, necessario sunt falsæ, quia quod veritati opponitur, falsitatem continet. Hanc autem Religionem vnicam dicimus esse Religionem Christianam; quia hanc esse à Deo euentia convincunt argumenta, vt patet ex tota hac disputatione. Vos probè nostis Deum habere in mundo aliquam Religionem, seu professionem, vel fidem, in qua homines saluari possint. Probè item nostis legem

Mosaycam post adventum Christi iam non esse veram ad salutem; quia ut articulum Fidei in Alcorano habetis, Christum esse Messiam in lege promissum; Perfidi autem Hebræi, qui modo legem Moysis observant hoc negant, & Messiam adhuc expectant: illi ergo meridiana in luce calligant, & omnes infallibiliter peribunt, nisi Christum agnoscant esse verum Messiam; ut ipsis palam dixit ipse Christus: *Si non credideritis quia ego sum, moriemini in peccato vestro.* Ioan. 8. 24. Rursus etiam nostis professionem Gentilium, qui verum Deum non agnoscunt, esse certissimam ad æternam perditionem viam. Ergo palam fatemini, ad salutem æternam obtinendam necessarium esse, vel Religionē Christianā, vel Mahumetanā profiteri. Inde verò ego evidenter cōcludo, vos esse stultos, & imprudentes, si Religionem Christianam non amplectamini: quia stultum est, ex duabus vijs, quæ in opinione hominū ducunt ad aliquē terminū, illā deserere, de qua apud omnes convenit esse rectam, & ad terminū ducere; & illā capere, de qua dubium est, an ducat ad illū terminū, an ad ingēs præcipitiū. De Religionē Mahumetana vos soli, o Mahumetani, dicitis esse viā rectam ad æternā salutē. Nos verò Christiani omnes ut Fidei articulum credimus oppositū, & certissimum iudicamus illam non esse semitam ad cælestem Hierusalem, sed viam latam ad infernalem Babiloniam: neque ad optatum terminum ducere, sed ad inferni præcipitiū. De Religionē Christiana, & vos, & nos censemus esse rectam viam ad salutem. Er-

go Religio Christiana est via certa ad salutem: Religio verò Mahumetana est via saltem dubia. Quis autem non videat, stultissimum esse, quando de summo omnium negotio agitur, viam certam dimittere, per quam certissimè possumus ad salutis portum pervenire; & viam capere dubiam, quæ fortam pro portu ducit ad naufragium æternæ damnationis.

Vt Barbari Mahumetani vim huius rationis penetrarent, eis exponenda est aliquo simili. Huc adesto Haly, Amete, vel si aliud tibi nomen est. Si tua maxime interesset Matritum pervenire, & ignorans viam, dubius hæreret in bivio; anceps, an tibi pergendum esset per semitam, quæ est à dextris: an per illam, quæ est à sinistris, & tunc casus duo viri graves tibi occurrerent, ab eisque sciscitareris, quænam ex illis vijs duceret Matritum? Et alter tibi diceret; amice, hanc, quæ adextris est, elige, quia illam calcans certissimè Matritum perveniens; si autem sinistram elegeris, longè aberrabis, & præcipitium atque mortem invenies; alter verò tibi dicere, Amicet, utraque via, tam dextera, quam sinistra Matritum ducit; sinistra tamen planior, & facilior est: elige quam malueris. Quid tunc, quæso, faceres? Absdubio, inquires, dexteram eligerem: quia illa ex confessione, & consensione utriusque est certa, & secura; sinistra verò foret dubia, & illi me commitens, præsentissimo periculo me exponerem errandi, & operam perdendi, immò & vitam. Rectè respondisti: sed nunc ex ore tuo te iudico. Via Christianorum est via certissima ad salutem;



quia tã Christiani, quã Mahumetani credunt, eũ, qui per illam incedit, perventurum ad Cœlestem Patriã. Via autem Mahumetanorum saltem est dubia: quia Christiani omnes credimus, certissimè ducere ad infernum: & soli Mahumetani creditis ducere ad Cœlum. Tene ergo certum, & dimitte incertum, & noli te exponere manifesto periculo amittendi salvationem, & incidendi in æternam damnationem. Hoc argumento multi Mahumetani convicti sunt ad abiurandum Mahumetismum.

Simili argumento permotus est inclytus ille Galliarũ Rex, & strenuus Dux Henricus Quartus, ut Hæresim Calvinianam abiuraret, & fidem Romanam amplecteretur. Quæsiuit enim à Magistris Religionis reformatæ, an in Ecclesia Romana esset salus? Et affirmarunt. Quæsiuit à Magistris Parisiensis Academiæ, qui omnes erant Romanæ Ecclesiæ filij, an in Ecclesia reformatæ esset salus? Et omnes constantissime responderunt, certissimum esse, neminem posse extra navim D. Petri, seu extra fidem Ecclesiæ Romanæ, naufragium æternæ damnationis effugere. Tunc prudentissimus Princeps conclusit: Ergo salus est certa in Ecclesia Romana, si quis firmiter credat, quæ credenda proponit, & opere exequatur quæ facienda præcipit: in Ecclesia autem reformatæ, est dubia, quamvis quis, & credat, & operetur secundum eius præscriptum. Relinquamus ergo viam dubiam, & arripiamus certam.

\*\*\*\*

## CAPVT QVINTVM.

*Quinta demonstratio.*

**M**Ahumetani credunt Christum Dominum esse Messiam in lege antiqua promissum, esse Prophetam Sanctissimum; nam ut inquit Sanctus Petrus Paschasius pag. 65. num. 83. *Mahumetus dixit, ac in suo Alcorano scribi fecit: quod Iesu Christus Verbum fuit Dei, & Spiritus Dei.* Et ut testatur Ioan. Andræas in sua confutatione lectæ Mahumetanæ, quàm per tot annos professus est, cap. 11. Alcoranus lib. 1. cap. 3. vocat Iesum Christum: *Quali metu Allah, id est, Verbum Dei.* Item vocat illum, *Spiritum Sanctum Dei,* & in eodem capite inquit: Non est aliud Messias, Iesu-Christus Filius Mariæ, nisi Verbum Dei missum Mariæ, & Spiritus illius Dei, & nuntius ipsius. Et in eodẽ lib. cap. 2. dicit Alcoranus: Iesum-Christum cum corpore, & anima ad Cælos ascendisse. Et lib. 1. Alcorani cap. 1. inquit: Nos Deus dedimus Euangelia Iesu Christo Filio Mariæ, & adiuvimus eum Spiritu Sancto. Id testatur quoque Luppus de Obregon supra citatus, & liber *Zune*, seu *Sune*, qui magnæ est authoritatis apud Mahumetanos & continet dicta, & facta Mahumeti, affirmat, *Iesum Christum venturum, ut Iudicem verum ad iudicandum hunc mundum.*

Hoc supposito, sic argumentor: Christus Dominus fuit per vos Messias in lege promissus, ac proinde

de *Doctor iustitiæ, & veritatis*, vt cum Hieremias cap. 23. appellat. Ipseque Mahumetus in Alcorano Zorâ 44. quæ intitulatur Zorâ Mariæ, vocat Dominum Iesum Verbum veritatis, vt testatur Doctor Petrus de Caualleria in zelo Christi. Fuit Propheta Sanctissimus, & à Deo missus, qui veritatem suæ doctrinæ innumeris confirmauit miraculis: ergo vera est doctrina quam prædicauit. Atqui ipse dixit se esse verum, & naturalem Dei Filium, verumque Deum, vt constat ex dictis in tota disputatione præcedenti, & dixit in Deo esse tres Personas: ergo vera est hæc doctrina: ergo falsa est doctrina Alcorani, illi ex diametro opposita. Rursus Christus dixit: *Hæc est vita æterna; vt cognoscant te verum Deum, & quem misisti Iesum-Christum*, id est, hac sola via obtinenda est vita æterna. Fide diuinitatis, & mysterij Incarnationis, vt explicauimus disp. præced. sect. 2. Ergo nemo potest salutem æternam consequi, nisi cognoscat Iesum-Christum esse verum Dei Filium. Vtcrius, ergo nemo potest salutem æternam consequi, nisi Baptismum Christi suscipiat: nam ipse Christus dixit Ioan. 35. *Nisi quis renatus fuerit ex aqua, & Spiritu Sancto, non potest introire in regnum Dei.*

Quod si Mahumetani responderint, hæc Christum non dixisse, sed eius Discipulos hæc falso scripsisse, & mundo prædicasse: contra manifestè est: quia vel id malitiose fecerunt, & scientes illum fuisse purum hominem, mundum deceperunt, prædicantes esse verum Deum, & falso testificantes de seipso hoc affirmasse



Iesum Christum. Vel hoc fecerunt ex ignorantia, & quia non benè perceperunt Christi verba. Primum dicere, non possunt Mahumetani, qui credunt cum Alcorano, Apostolos Viros fuisse Sanctissimos, vt testatur S. Petrus Paschasius pag. 19. suorum operum num. 17. & testatur Ioannes Andræas in sua confutatione sectæ Mahumetanæ cap. 11. vbi ait Alcoranū lib. 1. cap. 2. lib. 3. cap. 18. multa referre miracula Apostolorum, eosque vocare *Haguariyn*, id est mundos, & Sanctos, auri, & argenti contemptores. Deinde penitus incredibile est Apostolos malitiose prædicasse vt Filium Dei Magistrum suum, si scirent hoc esse falsum, & nunquam ab ipso assertum: quia hoc ipso sine vllō lucro, vel emolumento temporali enorme committerent crimen, dignumque damnatione æterna; stulteque desudarent in persuadendo tam insigni mendacio, quod Iudæis apparebat scandalum, Gentibus verò stultitia, nempè hominem crucifixum esse verum Deum. Multoque facilius potuissent mundo persuadere veritatem, nimirum Iesum Nazarenum esse Messiam promissum in lege, insignemque Sanctum, & iniuste fuisse à Iudæis occisum; cæterum fuisse, & esse purum hominem, si scirent, hanc esse veritatem; & mendacium esse quod Christus sit Deus: stultè ergo tam insigne mendaciū prædicarent. Frustraque tot peregrinationes, & labores aggredierentur. Quid enim ex hoc lucrarentur? Sanè nihil aliud quàm persecutiones, & tormenta, ipsamque mortem in hac vita, & æternam damnationem in

alia: ergo incredibile est, Apostolos tanta constantia prædicasse Christi Diuinitatem, si scirent, hoc esse falsum, & voluisse tantum imponere crimen suo Magistro, si scirent, Christum nunquam dixisse se esse Filium Dei. Ergo certum est, hæc non prædicasse, vel scripsisse malitiosè. Deinde dici non potest, hoc ignoranter fecisse, quia Euangelista Ioannes diserte narrat, Christum dixisse, se esse Filium naturalem Dei, & propterea Iudæos contra eum lapides sustulisse, & idè illum crucifixisse, quia hoc de se dicebat: si autem hoc de se Christus non dixit; non ignoranter, sed malitiosè Euangelista scripsit. Deindè incredibile est, Deum permisisse, vt Apostoli per ignorantiam totum mundum deciperent, & quod miraculis veris falsam fidem invexerint.

Quod vltcrius vrgetur, quia si Apostoli mundum deceperunt, falsa fuit fides, qua ante Mahumetum mundus credidit Christum esse verum Deum: ergo nullus mortalium in illis sexcentis annis ante aduentum Mahumeti saluationem obtinuit: quia nec illam obtinuerunt, qui Moylis legem illis sexcentis annis obseruauerunt, quia post aduentum Messiae iam lex Mosayca abrogata est, & qui illam profitentur, non habent veram fidem, siquidem credunt Messiam nondum venisse: nec item Gentiles, vt pater. Nec Christiani, quia falsam habuerunt fidem, credentes esse verum Deum Iesum-Christum, si verus Deus non est: falsa autem fides nequit esse fundamentum salutis, quia sine vera fide impossibile est placere Deo. Est

autem evidenter falsum mundum caruisse vera fide sexcentis annis, & nullum hominem salutem tunc obtinuisse. Deindè si Christus non est Deus, nec vnquã de seipso hoc affirmavit: ergo fuit planè mentitus, cum dixit Petro: *Tu es Petrus, & super hanc petram edificabo Ecclesiam meam, & portæ inferi non prævalerunt aduersus eam*: prævaluissent enim, si Apostoli falsam fidem in mundum invexere, nam Ecclesia vera nequit esse fundata supra fidem falsam.

Quod si Mahumetani respondeant (vt respondere solent, ne palam convincantur) Apostolos quidem sincere, & iuxta veritatem scripsisse Euangelia; Christianos tamen postea adulterasse, & corrupisse illa, addentes ea, quæ de Christi Diuinitate, & Trinitate personarum habentur in Euangelijs, & Apostolorum libris: postea latè hoc deliramentum impugnabimus, manifestè demonstrantes, non alia esse Evangelia, quæ modo habet Ecclesia, quàm illa, quæ Apostoli scripserunt, & pura, & incorrupta existere.

## CAPVT SEXTVM.

*Sexta demonstratio. Vbi referuntur mirabiles conversiones Maurorum in hora mortis.*

**A**Rgumentor sexto, quia illa est vera Fides, veraque Religio, quàm homines in periculo mortis constituti post sinceram orationem ad Deum fusam, vt eos viam veritatis doceat, ad moriendum eligunt sua sponte, & quin ab alijs cogantur: illa fal-



sa, quàm homines ob lucrum, vel commodum temporale, vel ob consuetudinem maiorum eligunt ad viuendum, & à qua in hora mortis rem attentè considerantes recedunt. Cum enim Deus sit summè bonus, & misericors, & *velit omnes homines saluos fieri, & ad agnitionem veritatis venire*, vt ait Apostolus 1. ad Thimot. 2. v. 4. credi non potest de tanta pietate, quod hominem, qui benè moraliter in vita se gessit, & honestè vixit, & in morte ad eum fidenter orat, vt viam veritatis ipsi apperiat, in morte deferat, & permittat, vt Diabolus contra illum prævaleat, & in falsa secta finiat vitam, & damnetur. At quotidiana experientia discimus multos Mahumetanos, qui moraliter benè vixerant in sua secta, in illaque per multos annos perseverarunt, quia eam quasi iure hæreditario à parentibus, avis, & proavis acceperant; postea vel ante mortem, vel in mortis articulo post preces Deo fufas ad inveniendam salutis viam, sectam illam deseruisse, & Christianæ Religioni nomen dedisse, vnicè ob desiderium æternæ salutis, & quin ad vllum temporale emolumentum, vel lucrum intenti essent. E contra verò à sæculo non est auditum, quod aliquis legem Christi fideliter servauerit, & vitam bonam, & honestam securus sit; & quod iste sua sponte dum morti propinquus est, Christianam Religionem deferat, & in secta Mahumeti velit mori. Ergo manifestum signum est, Religionem Christianam esse sanctam, & Deum habere Authorem, & esse rectam, & securam ad Cælum viam eis, qui Christiana præ-

cepta observant. Et é contra Mahumetanam sectam non esse sanctam, nec Deum habere Authorem, neque ad Cœlum, sed ad infernum ducere eos, qui illam observant. In Africa & alijs Regionibus à Mahumetanis occupatis sæpè contingit, vt Christiani captiui à fide deficientes Mahumetanam sectam profiteantur; id verò ideò evenit, quia grauibz peccatis irretiti, & à Diabolo in captiuitatem redacti, facile à corruptione morum ad infidelitatem transeunt; abyssus enim abyssum invocat; & peccatum, quod per pœnitentiam non deletur, in nova trahit peccata, hæc verò multiplicata, mentem obcæcant, & animam disponunt, vt radicem omnis sanctitatis, nempe fidem, amittat. Cum enim peccata fidem quasi captiuam teneant, nec sinant vt in opera sancta prodeat, Deum provocant, vt permittat, illam radicem è corde avelli à Diabolo. Sic multi propter nimiam avaritiam, & cupiditatem rerum temporalium errauerunt à fide; vt docet Apostolus 1. ad Thimot. 6. v. 10. *Radix omnium malorum cupiditas, quàm quidam appetentes, errauerunt à fide.* Et ideò Apostolus Petrus Epist. 1. cap. 2. v. 6. testatur de quibusdam, quod ob malam vitam amiserunt fidem, *derelinquentes rectam viam errauerunt sequentes viam Balaam.* Et Paulus ad Thimoteu scribens Epist. 1. cap. 1. v. 19. testatur, aliquos propter malam conscientiam naufragasse in fide, *habens fidem, & bonam conscientiam, quàm quidam repellentes circa fidem naufragauerunt: ex quibus est Hyminæus, & Alexander.* Et de quibusdam peccatoribus narrat, quia eis

defuit charitas, Deum permisisse, vt crederent mendacijs contrarijs fidei 2. ad Thesalon. 2. v. 10. *Eo quod charitatem veritatis non receperunt, vt salui fierent: ideo mittet illos Deus in operationem erroris, vt credant mendacio.*

Deindè ob commoda temporalia mali Christiani sæpè apud Mauros ad sectam Mahumeti transeunt; quia frequens est apud illòs, vt qui Mahumetani fiùt, libertate donentur. Deindè lege sancitum est inter Mauros, vt servus, qui ex Christiano factus est Mahumetanus, vna cum filijs domini sui hæreditatem adeat defuncti, possitque cum vidua matrimonium contrahere. Ita mihi narrauit in Portu Sanctæ Mariæ anno 1671. Dominus D. Augustinus de la Cerda, antea Muley Larbe Gerife nuncupatus, Regis Tafilleti in Africa ex fratre nepos, & legitimus illius Regni successor, qui à Deo ad Christi fidem vocatus, solemniter baptizatus est in ea Ciuitate me præsentè, eiusque in Baptismo Patrinus fuit Excellentissimus Dominus Dux de Medinaceli. Eius patruus Rex Tafillete tyrannus erat: quia cum esset spurius, fratrem suum legitimum Regem per insidias occidit, & Regnũ occupauit, quod iure sanguinis spectabat ad Muley Larbe, vtpote primogenitum germani fratris è patre, & matre Regis occisi; eius namque parens antequam Rex occideretur, vita functus erat morte naturali, ac proindè ipse legitimus erat Regni successor. Tyrannus verò timens, ne Muley Regnum invaderet, ei necem parabat; quàm vt effugeret, ad arcem



Christianam de Alarache confugit ; cuius Gubernator timens ne per vim Rex Taflete vellet arcē adori, ut fugitivum Principem caperet , cum in Hispaniam tranfmisit : & in custodia Portus Sanctæ Mariæ servabatur, cum ad Fidem à Deo vocatus est ex conversatione cum Religioso Augustiniano ; & quia, ut ipse narrabat, ei apparuit D. Augustinus, qui Baptismum petere iussit. Indè eductus traditus est Religiosis Sancti Augustini in mysterijs Fidei instruendus : & in eorum Cœnobio commorabatur ; cum P. Ioannes Gabriel Guillen, & ego è Gadibus ad Portum transfretavimus , vocati ab Excellentissima Ducissa ad Missionem habendam in ea Ciuitate ; & ex eius præscripto in sacro illo Cœnobio hospitio excepti sumus , & à Religiosis illis Patribus benignissimè & liberalissimè accepti. Princeps iste non modico nobis adiumento fuit ad conversionem Mahumetanorum , qui eum ut legitimum Regni successorem colebant , & antequàm Fidem Christi susceperet, ei necessaria ad victum , & vestitum suppeditabant, Huius conversionis conscia Regina Maria Austriaca, quæ Hispaniæ Regna pro minoritate Caroli Regis filij sui gubernabat, regia liberalitate eum beneficijs cumulavit , & iussit ut in Mediolanensi Ditione Ducem cum duplici equitum turma ageret. Ab hoc igitur principe eam noticiam hauri.

His ergo de causis sæpè accidit ut Christiani in Africa Fidem Christi deserant, & sectam Mahumetanam, exterius saltem , profiteantur. Nunquàm ta-

men in Africa, hoc monstrum visum est, quod aliquis captivus Christianè inter Mauros vixerit, legem Christi fideliter servans, & in ea constanter perseverans, quin nec minis, nec promissis ab ea divelli potuerit; & tamen quod morti propinquus, sectam Mahumetanam spontè amplexus sit. Imò omninò nullus inter Mahumetanos unquam Christianus versatus est, qui Christianam, & honestam vitam agens, ex desiderio suæ æternæ salutis, & non ex cupiditate temporali lucri, & meliorem experiendi fortunam in hac vita, sua sponte circumcissionem Mahumetanorum subierit, & Mahumetanam sectam susceperit. E contra verò quotidie in Hispania invenire est Mahumetanos, qui si à Christianis invitentur ad nostram Sanctam Fidem, obstinatè sic respondeant: *Pater meus Maurus, avus meus Maurus, & proavus meus Maurus extitit, & in Fide Maurorum mortuus est, & ego quoque Maurus, usque ad mortem.* Sic in Bætica sæpissimè mihi responsum est à Mahumetanis, quos in familiari conversatione ad Christum per traherè tentabam. Et tamen ipsi, cum mortem appropinquantem vident, Baptismum petunt, & Christiani fiunt. Huius rei aliqua exempla subiiciam.

Postquàm Malaca Mauris concionatus sum, & solemniter una die triginta tres baptizati sunt ab Illustrissimo Episcopo, præter alios, qui priuatim sacro fonte lustrati fuerant, invaluit apud Mahumetanos perfidos fama, & per finitimas vrbes, & oppida vulgata est, Sacerdotem Christianorum (Papacem ipsi

vocant) fascinis infecisse Mahumetanos in Malacca degentes, & veneficijs eos ad Fidem Christi traxisset: caverentque proinde reliqui, ne ab hoc insigni Maggo, & venefico deciperentur: & amuletum pararent, ad amovenda veneficia. Post Missionem Malaccensem, & alias per finitima oppida, peractas Illustrissimus Episcopus à Marchione de Assentar Ceutæ gubernatore per litteras rogatus, nos in eam urbem misit cum tribus alijs Sacerdotibus sæcularibus, ut in ea de more Missioni incumberemus. Ea verò Missionem peracta, P. Ioannes Guillen amantissimus meus socius (quem per sex continuos annos in Missionibus comitatus sum, viri zelum, conscientię puritatem, & acrem animi contentionem ad indefessè laborandum in vinea Domini illustresque alias virtutes admiratus, ob quas meruit gratiam Baptismalem Cælo inferre, ut testatus est Sacerdos nostræ Societatis, qui eius confessionem generalem in nostro tyrocinio Matritensi, ubi Rectorem agebat, à Missionibus avulsus, ad extremum vitæ excepit: obiit Matriti 19. Ianuarij anni 1675. ætatis 48.) cum vno Sacerdote sæculari Esteponam profectus est: ego verò cum reliquis duobus Maruecam perveni: & vix illuc adventaram, cum Mahumetanus quidam, inter suos magnæ autoritatis, & qui omnium sapientissimus habebatur, qui in illis maritimis oris captivi tenebantur (ut potè qui in Fez Mauritaniæ urbe in Collegio quodam alumnus, & collega fuerat, & in Mahumetana lege peritus erat, totumque Alcoranum memoria te-



nebat) Mahumetanos omnes ibi commorantes congregavit, illisque persuasit, me præstigiatores, & veneficum esse; attendite, inquit, hunc Papacem è pulpito prædicantem, & animadvertetis, eum brachia, & manus identidem movere, ut fascina, & veneficia diffundat, & audientes seducat: gestus ipsos, & oratorias actiones præstigias interpretatus. Unde quoties movebam brachia, vel manus ad exprimendos mentis affectus, toties dicebat me virulentas incantationes spargere. Et quò illos facilius deciperet, convivium eis paravit, à singulis sponsonem, vel ius iurandum exprimens non petendi baptismum: & ne attenderent, & quæ dicebantur intelligerent, ante concionem ipsos inebriabat. Et ita obturaverunt aures suas, & nullus eorum ad Fidem Maruecæ conversus est, quamvis fortius ibi, quàm alibi prædicavi.

Interim Esteponæ P. Ioannes Gabriel Guillem, qui nunquàm Mahumetanis prædicauerat, quadam die, dum ad Christianos de morte concionem haberet, in qua defuncti cranium populo ostēdens; & hominem mortuum, qui ad viuos verba faceret introducens, audientium animos vehementer commovebat: ad finem concionis pauca, sed ardentia ad Mahumetanos verba locutus, quinque, qui soli in eo oppido detinebantur, & concionem audiebant, ad Christum traxit, & Baptismum petere persuasit.

Sed ò diuinæ misericordiæ abyssum! Illum eundem Mahumetanum, qui suos Africanos à Christo averterat, Clementissimus Dominus ad se convertit:  
post

post aliquot menses illum affixit lecto, gravem corpori ægritudinem immittens, ut animum sanaret: agnovit ille mortem iam appropinquantem, & in illo periculo constitutus, mentis oculos aperiens, Deum rogat, ut si Mahumetana secta non sit bona ab salutem via, cor eius commoveat, ad Christi Fidem amplectendam. Hoc ego sæpè in concionibus, quas coram ipso habui, ingeminaveram, ut scilicet Deum Cæli, & terræ creatorem enixè rogarent, ut si verum sit, quod Christiani dicunt, Christi Fidem esse vnicam ad æternam salutem viam, & Mahumetanam Religionem ad infernum certissimè ducere, cor eorum inclinaret ad Religionem Christianam, sin verò Mahumetana Religio sancta, & è Cælo delapsa sit, ut ipsi credunt, ab ipsis averteret cogitationem omnem petendi Baptismum. Audiuit Clementissimus Dominus orationem illam; &, ut ubi abundavit delictum, abundaret, & gratia, illuminavit huius Mahumetani tenebras ille, *qui illuminat omnem hominem venientem in mundum*. Igitur sua sponte, & solo Deo internè prædicante, Baptismum petijt, & magna sui spiritus consolatione cælestis lauacri aqua lustratus paulò post moritur. Illustrissimus Malacensis Episcopus, qui obstinationem huius hominis audierat, & quanto fuerat impedimento ad aliorum conversionem noverat; pro sua in me benevolentia, & benignitate, me de hac conversione per litteras certionem fecit, sciens faustum hoc nuntium mihi fore gratissimum. Quis non agnoscat hanc mutationem à Deo fuisse?

certè hic adimpletum est, quod ipse promissit *Matth. 7. & Luc. 11. Petite, & dabitur vobis, quærite & invenietis, pulsate, & aperietur vobis omnis enim qui petit accipit, & qui querit, invenit, & pulsanti aperietur.* Quis de summa Dei bonitate credere possit, quod hominem ex toto corde ad se clamantem pro animæ suæ æterna salute, sinat à Diabolo seduci, vt veram Religionem, in qua salvetur, deserat, & eam, in qua damnetur, eligat? Vt enim inquit veritas ipsa *Luc. 11. Si vos cum sitis mali nostis bona dare filiis vestris, quanta magis Pater vester de cælo dabit spiritum bonum petentibus se*: ergo Religio Christiana, quàm Mahumetani ipsi ad moriendum eligunt postquam rem Deo impense commendarunt, vera est, & à Deo. Quod autem in vita, Mahumeti sectam obstinatè sectentur, non probat illam esse à Deo: sed probat illam esse carni, & sanguini conformem: probat, connaturale esse, vt homines ægre, & difficulter sua sponte deserant Religionem, in qua educati sunt, & quàm à majoribus acceperunt. At quod homines in secta aliqua blanda, & molli atque concupiscentias carnis fœnenti educati, illam deserant, & Religionem amplectantur strictam, & quæ concupiscentias carnis cohibere, & crucem mortificationis amplecti iubet, & eam solum exequi, quæ rationi consona sunt; hoc profecto probat, illam Religionem Deum habere Authorem, & Deum ad illam capessendam internè mouere.

Huic exemplo alia subiungam, quæ manibus con-

tre-



rectaui, dum Malacæ operam Missioni nanarem;  
 accidit, vt ægrotaret ad mortem Mahumetana fami-  
 na, nomine Fatima. Erat nobilis, & pij Ecclesiastici  
 ancilla, qui eius conversionem sæpè tentauerat, sed  
 incasum. Erat enim obstinatissima, nec exēplo duo-  
 rum fratrum suorum, qui simul cum illa in captiuita-  
 tem redacti, Christi Fidem susceperant, quidquam  
 mota est: nec de conversione ad Fidem Christianam  
 verbum audire volebat. In reliqua vitam agebat ho-  
 nestam, & moraliter bonam, & fideliter domino suo  
 inserviebat. Intimè dolebat bonus Sacerdos, ancillā  
 suam in æternum perire; fratres eius Christianos ad-  
 monet, vt eam invisant, & vt Baptismum petat, sua-  
 deant: & eum illi nihil profecissent, ne aliquid inten-  
 ratum relinqueret, me vocat, vt eam alloquerer. Adi-  
 ui, Christiano more salutaui, & Christiana viscera ei  
 ostendens, dixi, Soror Fatima, huc me duxit Christi  
 charitas, & tuæ æternæ salutis desiderium: quia Sa-  
 crosancta Iesu-Christi Fides, quā profitemur, iu-  
 bet, vt proximorum nostrorum saluationem sicut no-  
 stram optemus, & illam pro viribus procuremus:  
 ego autem à Deo vocatus ad procurandam æternam  
 animarum salutem, tuam vt propriam exopto; & eius  
 desiderium huc me iubentem adduxit. Nihil tempo-  
 rale quero: tu scis quot sermones in hac Ciuitate fe-  
 cerim, & quantum laborauerim, vt Christianos pec-  
 catores à vitijs ad virtutem avocarem: pro his curis,  
 & laboribus nullam ego mercedem in hac vita re-  
 quiro: sed vnicè Dei gloriam, & proximorum salu-

tem inspicio. Tu, quamvis Mahumetana, ad imaginem Dei facta es, sicut Christiani, & Christus pro te passus est, non minus quam pro nobis. Tuam proinde salvationem ardentem desidero, & paratus sum quoscumque labores temporales pro illa obtinenda subire. His præmissis adieci. Tu Deum creatorem Cæli, & terræ adoras: tu scis, illum quantum est ex se velle, ut omnes homines salvi fiant: ac proinde nō ignoras, Deum hominibus providisse legem aliquam, & Religionem, in qua salvari possint, cum enim desideret, ut homines perveniant ad terminum, nempe ad gloriam Paradyssi, debuit eis præstituerere viam, qua ad illum terminum perveniant: via autem ad gloriā est lex; & vera Religio: aliquam ergo habet Deus in mundo Religionem in qua homines salvari possint. Hoc vnum ergo maxime nostra interest, scire, quænam lex, & Religio vera, & à Deo descendens; lex enim falsa, & quæ à Deo non descendit, non potest ad Deum, & cælum ducere. Et hoc omni animi contentione debemus sedulò quærere: & enixe à Deo postulare, ut nos illuminet ad cognoscendum quænam sit hac vera lex, in qua ipse vult coli, & per quā vult homines ad se ducere. Quatuor tantum sunt in mundo leges; lex Gentilium, lex Iudæorum, lex Christianorum, & lex Mahumetanorum. Tu benè scis ex tuo Alcorano legem Gentilium nunquam fuisse ad Cælum viam. Etiam scis, legem Iudæorum, postquā Christus in mundum venit, iam non esse viam ad Cælum. Hoc breuiter, & dilucide exposui. Restat ergo

¶ *Et hæc lex vera sit, vel lex Christianorum, vel lex Maurorum. Christiani omnes firmissimè credimus legem Maurorum esse falsam, & à Mahumeto confictam ad parandum sibi Regnum, & imperium sub honesto, & specioso Religionis titulo: certissimè scimus, & persuasi sumus, cum non fuisse Prophetam Dei, sed seductorem. Ac proinde ut quid indubitatum credimus in sola Religione Christiana posse homines salvari. Vos Mahumetani creditis Mahumetum esse Dei Prophetam, & vera esse omnia quæ in Alcorano docet: in Alcorano dicit, in Deo non dari tres Personas, sed vnam dumtaxat; Christum fuisse quidem Prophetam sanctissimum, sed non esse Deum, nec pro hominibus fuisse crucifixum, nec tertia die surrexisse à mortuis; ac proinde vos creditis rem ita se habere. Christiani omnes oppositum constanter credimus, quia ita scripserunt Apostoli, & Evangelistæ, qui cum Christo conversati sunt, & ab eius ore audierunt dari in Deo tres Personas, & ipsum esse Deum: & qui eum viderunt in Monte Calvario crucifixum, & post tertium diem rediivum. Necesse est, ut ex his duabus legibus altera sit vera, & altera falsa; quia impossibile est, ut utrumque sit verum, & quod docet lex Maurorum, & quod docet lex Christianorum. Si lex nostra est falsa, omnes Christiani damnamur: si vestra lex est falsa, omnes Mauri ad infernum tenditis. Ego tibi in Dei nomine annuntio, quod in æternum peribis, si Christiana non fias. Si mihi non credis, hoc vnum à te enixe rogo, ut Deum super hoc*



negotio consulas : & ex toto corde ab illo postules, vt si vera sunt quæ tibi dico , tibi inspiret efficaciter voluntatem, & desiderium suscipiendi Baptismum, & moriendi in lege Christi: sin autem sunt falsa, talem tibi cogitationem non injiciat. Bonus sermo, respondit Fatima, optimè dicis, Pater ; ego rem Deo commendabo, & lucem ab ipso petam ad veritatem cognoscendam, & cràs tibi responsum dabo.

Præstitit quod promissit; rem impense Deo commendauit, enixè lucem petiuit. Et ad ianuas diuinæ misericordiæ pulsauit: & primo manè diuinitus tacta, clamat se velle esse Christianam, & Baptismum ardentè petit: admonitus de hac subita mutatione illuc aduolauit, mysteria ad salutem necessaria docui; quid Baptismus conferret, exposui, & qua esset dispositione suscipiendus; & post sufficientem instructionem baptizata est ingenti cum gaudio spiritus sui. Attuli Imagines Christi, & Beatæ Virginis, & eas deuotissimè osculabatur, & pectori admovebat: petiuit à me, vt eius confessionem exciperem: ipsam docui peccata ante Baptismum commissa, non esse materiam confessionis: ipsique exposui, peccata venialia, in quæ homines incidunt post Baptismum, esse sufficientem materiam confessionis, exposuique quænam sint peccata venialia; & rogavi, vt conscientiam discuteret, an post Baptismum occasione dolorum in aliquam impatientiam incidisset, an verbum aliquod amarum protulisset, vel alicui malæ cogitationi consensum dedisset. Et postquam conscientiam discussit,

post

post varias interrogationes altera die post Baptismū susceptum, materiam quā potui absolutionis eliciens, absolutionem Sacramentalem impertui, & paulò post magna cum deuotione Sacram Eucharistiam accepit; & denique Sacramento Extremæ unctionis munita ad Cœlum evolauit fœlix illa anima. Accidit casus iste ad extremum anni 1669.

Huic exemplo aliud adijcio. Anno 1672. cū Hispalim vocati sumus ab Illustrissimo Archiepiscopo D. D. Ambrosio Ignacio de Espinola & Guzmam ad iterum faciendam Missionem in illa vrbe, & toto Archiepiscopatu (nam primam habueramus ann. 1669. tempore Illustrissimi D. D. Antonij Payno) monitus sum à viro nobili, & illius vrbis in Consilio sæculari Senatore, esse in Parroquia Magdalenæ Mahumetanum octogenarium graui morbo oppressum, & in periculo mortis constitutum: illum visitauī frequenter, & de rebus Religionis cum eo collocutus, & cōfectis argumentis pro illius captu opportunioribus, tandem persuasi, vt enixè à Deo postulareret lucem ad vitam finiendam in Religione vera, & à Deo hominibus data, eisdem ferme rationibus, quibus idipsum Melacæ persuaferam Fatimæ. Orauit, & quod quærebat invenit, & subito mutatus est in alium virum, & toto corde cæpit abominare sectam Mahumetanam, & deplorare cæcitatem, in qua per tōt annos vixerat: nam quadraginta integros Hispali degerat in Alcorani tenebris, & octogessimū primum ætatis iam agebat annum. Rogatus autem, quanam illa fuisset  
tām

tam subitæ mutationis causa ; respondit se post præces ad Deum fufas, vt ipsum doceret viam bonam, in qua effet falus, in somnijs vidisse in ameniffimo horto duos Religiofos pulcherrima colligentes poma, & ab eis postulasfe, vt sibi aliquod donarent; illos verò respondisse poma illa esse Christianis referuata, & non posse Mahumetanis concedi : hinc verò cor suum inflammari cæpisse Baptismi desiderio ; & hoc desiderium creuisse, quia post somnum dum iam esset experge factus vidit prope lectulum suum imaginem magnam Christi è Cruce pendentis, & cum ipse ad illam adorandam ad Christi pedes se abiecisset, eisque oscula magna cum deuotione infixisset, Christus pedes retraxit, & subito disparuit, quasi eum repelleret, quia Christianus non erat : ita narrabat ipse ; & eam non fuisse imaginationis delusionem probauit euentus ; quia ingenti cum gaudio Baptismum suscepit ; & ingravescente postea morbo Sacram Communionem, quæ ipsi solemni cum pompa administrata est, certatim contendentibus primæ nobilitatis viris munia daduchorum, seu ceriferorum, & ædifici obire, & accepta Extremavñctione, elicitis feruentibus, Fidei, Spei, Charitatis, & cõtritionis actibus, animam Deo reddidit, cum ingenti totius Ciuitatis cõsolatione, & spiritali lætitia ; anno 1672. mitantibus omnibus diuinæ misericordiæ abyssum, quæ tót annos expectauit hunc fœlicem peccatorem, qui in Baptismo voluit Ioannes Baptista appellari.

His duobus exemplis recentibus addo aliud antiquius,



Quius, quod narrat P. Ignatius de las Casas nostræ Societatis Sacerdos, qui ob peritiam linguæ Arabicæ missus est à Gregorio XIII. Summo Pontifice ad reducendum in vnionē cum Ecclesia Romana Patriarcham Græcorum, aliosque Prælatos Schismaticos, de quorum conversione spes affulserat, plurimasque Prouincias peragrauit; & propria manu itinerariū scripsit, in quo fidelissimè narrat ea, quæ in tam longo itinere acciderunt; & data occasione interserit aliqua exempla conversionis Mahumetanorum, quæ ipse vidit. Hunc librum manuscriptum habet R. P. Petrus Hieronymus de Cordoua secundò Prouincialis Societatis Iesu in Prouincia Castellana, dum hæc scribo, nempè mense Ianuario, anni Domini 1680. & cum illum librum legerem, hoc & alia exempla ex illo manuscripto excerpti. Vt autem constat ex illo itinerario, conversio referenda accidit post annum 1562. & ante annum 1570. nec enim ex manuscripto annum certum eruere potui. Rem narrabo verbis Authoris ex Hispano in Latinum conuersis.

Canonicus quidam S. Corduensis Ecclesiæ Africanum seruum habebat, qui ei à viginti annis magna cura & diligentia inserviebat. Apparebant in eo tot virtutum moralium signa, vt mihi dominus eius serio testatus sit, se nunquam in seruo suo quidquam vidisse, quod grauē culpam redoleret. Propter has virtutes herus seruum amabat, eiusque æternam salutem enixè exoptabat. Ille vero sectam Mahumetanam, tã constanter seruiabat, vt quamyis bis aut ter quotidie

dominum suum in templum euntem committeretur, numquam iste ab illo impetrare potuerit, vt intra sacra limina ingrederetur, ne eo quidem titulo, quod olim templum illud celebris fuerat Mahumetanorum Mezquita. Erat iam longæuus; & vti aiebant Mauri in ea Ciuitate commorantes, fuerat inter suos Alphaquinus, seu Sacerdos. Incidit in grauem morbum, & eius herus de æterna serui salute sollicitus, Collegium Societatis adit, & superiorem rogat, vt mittat aliquem ex Patribus, qui illum Christo associet. Assignati sumus Pater Baena, & ego, vt eius interpretem agerem. Illuc statim conuolauimus. Et quantum potuimus laborauimus pro eius conversione: sed frustrâ; quia ille non tantum benignas aures præbere nolebat, sed amarioribus verbis, & indignatione plenis nos repellebat.

„ Ego vero eius obstinationem videns: Non à te (in-

„ quam) postulo, vt sectam tuam deseras, vel quidquid

„ contra illam agas, sed tantum vt eam orationem

„ ad Deum fundas, quam in Alcorano Mauri habetis,

„ & ita habet: doce nos Domine viam rectam, &

„ bonam; siquidem probè nosti, omnes Christianos inconcussè asserere, Mahumetanos in æternum damnandos, si in sua secta vitam finiant. Roga ergo Deum,

vt si à vera Religione aberras, veram tibi ostendat salutis viam, & ad illam capessendam cor tuum moueat. Annuir ille, & manus, & oculos ad Cælum attollens,

*Duc me Domine* (inquit) *per salutis viam.* Hoc audito, discessimus, quia spes non erat aliquid aliud ab eo eliciendi.

Sed cum Dei proprium sit, cuius vult misereri, vel quem vult obdurare; die sequenti accitus sum, ut festinanter in domum ægrotantis Mauri descenderem. Cum primum cubiculum iacentis ingredior, illum conspicio, deuotè Christum crucifixum amplexatè, & osculantem; & causam fœlicis huius mutationis sciscitatus; ab eius ore hoc responsum accepi. Petiui, inquit, iuxta præceptum tuum à Deo, ut è Cœlo mihi lucem imitteret ad cognoscendam certam saluationis meæ viam, audiuit benignissimus Dominus orationem meam. Historiamque suæ conversionis texens, narrauit, sibi vigilanti apparuisse duodecim ferores Æthiopes, ipsum circundâtes, & è lecto rapere gestientes, tunc se expauisse, & interpellasse Christianum, qui iussu heri sui illi assis-tebat, & Christianum facere satagebat. Accessit Christianus, & rogauit à Mauro, quid illud noui esset, quidve ipsum defatigaret? respondit ægrotus: Nonne vides hos duodecim Æthiopes, qui me è lecto eripere, & discerpere tentât? At vero Christianus (qui tamen nihil horum videbat) crucifixum apprehendit, illumque ante oculos ægrotantis obijciens, opem, inquit, posce, à Christo, & à sanctissima eius Matre Maria, qui ab hoc agmine Æthiopum, qui Cacodæmones abs dubio sunt, te liberabunt. Tunc sublati in Cælum oculis infirmus (vti narrauit Christianus) stupenti similis hæsit, obfirmato obtutu prospiciens. Visibilem se illi ostenderat Deipara, & benigno vultu sic illum allocuta est Arabico idioma-te: caue ab his Æthiopibus: Et scito, quod

nisi



nisi Christianus fias, & credas, Iesum-Christum Filium  
 meum esse Deum, te violenter rapiunt Dæmones isti. Ille ve-  
 ro in se reuersus, & ad Christianum conversus, cito,  
 inquit, Sanctum Crucifixum mihi porrige; quia ego  
 firmissimè credo, Iesum-Christum esse verum Deum,  
 qui pro me passus est: volo Christianus esse; & bap-  
 tizari desidero. Testatusque mihi est Maurus, Virginē  
 sibi manifestasse omnia, quæ credenda sunt ad salu-  
 tem æternam obstinendam. Ego vero illum qua potui  
 diligentia in rebus fidei nihilominus instruxi, prout  
 tempus, & morbus exigebant. Enixè ab hero postu-  
 lauit, vt Baptismus ipsi, non in lecto, sed in Ecclesia, in  
 quam nunquam intrare volebat, administraretur. Illi  
 annuit herus, & candida serica veste indutus in sella  
 gestatoria ad Ecclesiam Cathedralem vectus est: &  
 coram Augustissimo Eucharistiæ Sacramento, mag-  
 na animi sui lætitia, & circumstantium gaudio, salu-  
 tari lauacro tinctus est à suo hero, & in Baptismo ap-  
 pellari voluit Ioānes Maria de IESVS. Et cum mor-  
 bus inualesceret, statim in domum reduxerunt illum:  
 in via autem cum liquato cibo eum reficere vellent,  
 vix illum gustauerat, cum cibum dimittens, & cruci-  
 fixum amplectens, & dulcissimum Iesus nomen invo-  
 cans, spiritum illi tradidit in eadem sella, in qua Bap-  
 tismum susceperat; lachrymantibus præ spirituali gau-  
 dio eis, qui sellam circumstabant; nondum enim he-  
 rus cum reliquo comitatu supervenerat. Vt autem  
 fœlicitatem Mauri in Cœlum iam admissi cognoue-  
 re, in diuinas laudes effusi sunt. Hucusque P. Casas.

Hæc exempla cum proposuiffem anno 1679. mense Aprili cum in Miffione Hifpalenfi per sex continuos dies ad Mahumeranos publicè cōcionatus sum, eis auditis statim me inuifit Illustris Dominus D. Alphonsus Verdugo Albornoz & Sotomayor, Alcantarenfis Militiæ Eques, & nunc Comes de Torrepalma, Vir nulli Hifpalensium Equitum ingenij acumine, iudicijque maturitate cedens, & pietate non minùs, quàm nobilitate clarus; & vt in similibus concionibus possem Mahumeranos vberius confundere, fingulare exemplum mihi narrauit, quod totam Hifpalim haberet in testem; ab ipsoque postulauit, vt scripto rē ad vngem traderet, vt palam possem illud exemplum Mahumeranis postea proponere: id quod diligenter præstitit, historiam sequentem transcribens ex libro funerali Parroquiæ Sanctæ Andree, in quo memoria huius mirabilis conversionis conservatur: & ita ad verbum habet.

Die vigesima quarta Maij anno millesimo sexcentesimo quinquagesimo septimo Hifpali euenit, quod referam. Viuebat in prædicta Ciuitate Maurus Almazor nomine, servus D. D. Alphonsi Fernand. Marmolexo, qui cum Mahumet. legis observator accerrimus esset, acriter insectabatur persequebaturque omnes, qui perfida Alcorani fide relicta ad nostram veram, & Catholicam convertebantur: accidit quadam die vt propè portam Domus Professæ Societatis Iesu in quemdam Neophitum Tingitanum offenderet feruum D. Marchionis de Algaua, & cum Neophitum in-

Rem inspicio. Tu, quamvis Mahumetana, ad imaginem Dei facta es, sicut Christiani, & Christus pro te passus est, non minus quam pro nobis. Tuam proinde salvationem ardentem desidero, & paratus sum quoscumque labores temporales pro illa obtinenda subire. His præmissis adieci. Tu Deum creatorem Cæli, & terræ adoras: tu scis, illum quantum est ex se velle, ut omnes homines salvi fiant: ac proinde non ignoras, Deum hominibus providisse legem aliquam, & Religionem, in qua salvari possint, cum enim desideret, ut homines perveniant ad terminum, nempe ad gloriam Paradyli, debuit eis præstituerere viam, qua ad illum terminum perveniant: via autem ad gloriam est lex; & vera Religio: aliquam ergo habet Deus in mundo Religionem in qua homines salvari possint. Hoc unum ergo maxime nostra interest, scire, quænam lex, & Religio vera, & à Deo descendens; lex enim falsa, & quæ à Deo non descendit, non potest ad Deum, & cælum ducere. Et hoc omni animi contentione debemus sedulò quærere: & enixe à Deo postulare, ut nos illuminet ad cognoscendum quænam sit hac vera lex, in qua ipse vult coli, & per quam vult homines ad se ducere. Quatuor tantum sunt in mundo leges; lex Gentilium, lex Iudæorum, lex Christianorum, & lex Mahumetanorum. Tu benè scis ex tuo Alcorano legem Gentilium nunquam fuisse ad Cælum viam. Etiam scis, legem Iudæorum, postquàm Christus in mundum venit, iam non esse viam ad Cælum. Hoc breuiter, & dilucide exposui. Restat ergo  
 vt



**U**t hæc lex vera sit, vel lex Christianorum, vel lex Maurorum. Christiani omnes firmissimè credimus legem Maurorum esse falsam, & à Mahumeto confectam ad parandum sibi Regnum, & imperium sub honesto, & specioso Religionis titulo: certissimè scimus, & persuasi sumus, eum non fuisse Prophetam Dei, sed seductorem. Ac proinde ut quid indubitatum credimus in sola Religione Christiana posse homines salvari. Vos Mahumetani creditis Mahumetum esse Dei Prophetam, & vera esse omnia quæ in Alcorano docet: in Alcorano dicit, in Deo non dari tres Personas, sed vnam dumtaxat; Christum fuisse quidem Prophetam sanctissimum, sed non esse Deum, nec pro hominibus fuisse crucifixum, nec tertia die surrexisse à mortuis; ac proinde vos creditis rem ita se habere. Christiani omnes oppositum constanter credimus, quia ita scripserunt Apostoli, & Evangelistæ, qui cum Christo conversati sunt, & ab eius ore audierunt dari in Deo tres Personas, & ipsum esse Deum: & qui eum viderunt in Monte Calvario crucifixum, & post tertium diem rediivum. Necessè est, ut ex his duabus legibus altera sit vera, & altera falsa; quia impossibile est, ut utrumque sit verum, & quod docet lex Maurorum, & quod docet lex Christianorum. Si lex nostra est falsa, omnes Christiani damnamur: si vestra lex est falsa, omnes Mauri ad infernum tenditis. Ego tibi in Dei nomine annuntio, quod in æternum peribis, si Christiana non fias. Si mihi non credis, hoc vnum à te enixe rogo, ut Deum super hoc

negotio consulas : & ex toto corde ab illo postules, vt si vera sunt quæ tibi dico, tibi inspiret efficaciter voluntatem, & desiderium suscipiendi Baptismum, & moriendi in lege Christi: sin autem sunt falsa, talem tibi cogitationem non injiciat. Bonus sermo, respondit Fatima, optimè dicis, Pater; ego rem Deo commendabo, & lucem ab ipso petam ad veritatem cognoscendam, & cràs tibi responsum dabo.

Præstitit quod promissit; rem impense Deo commendauit, enixè lucem petiuit. Et ad ianuas diuinæ misericordiæ pulsauit: & primo manè diuinitus tacta, clamat se velle esse Christianam, & Baptismum ardentè petit: admonitus de hac subita mutatione illuc aduolauit, mysteria ad salutem necessaria docui; quid Baptismus conferret, exposui, & qua esset dispositione suscipiendus; & post sufficientem instructionem baptizata est ingenti cum gaudio spiritus sui. Attuli Imagines Christi, & Beatæ Virginis, & eas deuotissimè osculabatur, & pectori admovebat: petiuit à me, vt eius confessionem exciperem: ipsam docui peccata ante Baptismum commissæ, non esse materiam confessionis: ipsique exposui, peccata venialia, in quæ homines incidunt post Baptismum, esse sufficientem materiam confessionis, exposuique quænam sint peccata venialia; & rogavi, vt conscientiam discuteret, an post Baptismum occasione dolorum in aliquam impatientiam incidisset, an verbum aliquod amarum protulisset, vel alicui malæ cogitationi consensum dedisset. Et postquam conscientiam disculsit,

post

post varias interrogationes altera die post Baptismū susceptum, materiam quā potui absolutionis eliciens, absolutionem Sacramentalem impertiui, & paulò post magna cum deuotione Sacram Eucharistiam accepit; & denique Sacramento Extremæ unctionis munita ad Cœlum evolauit felix illa anima. Accidit casus iste ad extremum anni 1669.

Huic exemplo aliud adijcio. Anno 1672. cū Hispalim vocati sumus ab Illustrissimo Archiepiscopo D. D. Ambrosio Ignacio de Espinola & Guzmam ad iterum faciendam Missionem in illa vrbe, & toto Archiepiscopatu (nam primam habueramus ann. 1669. tempore Illustrissimi D. D. Antonij Payno) monitus sum à viro nobili, & illius vrbis in Consilio sæculari Senatore, esse in Parroquia Magdalenæ Mahumetanum octogenarium graui morbo oppressum, & in periculo mortis constitutum: illum visitaui frequenter, & de rebus Religionis cum eo collocutus, & cōfectis argumentis pro illius captu opportunioribus, tandem persuasi, vt enixè à Deo postularer lucem ad vitam finiendam in Religione vera, & à Deo hominibus data, eisdem ferme rationibus, quibus idipsum Melacæ persuaferam Fatimæ. Orauit, & quod quærebat invenit, & subito mutatus est in alium virum, & toto corde cæpit abominare sectam Mahumetanam, & deplorare cæcitatem, in qua per tot annos vixerat: nam quadraginta integros Hispali degerat in Alcorani tenebris, & octogessimū primum ætatis iam agebat annum. Rogatus autem, quænam illa fuisset tam



tam subitæ mutationis causa ; respondit se post pro-  
ces ad Deum fusas, vt ipsum doceret viam bonam, in  
qua esset salus, in somnijs vidisse in amenissimo horto  
duos Religiosos pulcherrima colligentes poma, &  
ab eis postulasse, vt sibi aliquod donarent; illos verò  
respondisse poma illa esse Christianis reseruata, &  
non posse Mahumetanis concedi : hinc verò cor  
suum inflammari cæpisse Baptismi desiderio ; & hoc  
desiderium creuisse, quia post somnum dum iam esset  
experge factus vidit prope lectulum suum imaginem  
magnam Christi è Cruce pendentis, & cum ipse ad  
illam adorandam ad Christi pedes se abiecisset, eis-  
que oscula magna cum deuotione infixisset, Christus  
pedes retraxit, & subito disparuit, quasi eum repelle-  
ret, quia Christianus non erat : ita narrabat ipse ; &  
eam non fuisse imaginationis delusionem probauit  
euentus ; quia ingenti cum gaudio Baptismum susce-  
pit ; & ingravescente postea morbo Sacram Com-  
munionem, quæ ipsi solemniter cum pompa administra-  
ta est, certatim contendentibus primæ nobilitatis vi-  
ris munia daduchorum, seu ceriferorum, & æditui  
obire, & accepta Extremavñctione, elicitis ferventi-  
bus, Fidei, Spei, Charitatis, & cōtritionis actibus, ani-  
mam Deo reddidit, cum ingenti totius Ciuitatis cō-  
solatione, & spiritali lætitia ; anno 1672. mitantibus  
omnibus diuinæ misericordiæ abyssum, quæ tót an-  
nos expectauit hunc fœlicem peccatorem, qui in  
Baptismo voluit Ioannes Baptista appellari.

His duobus exemplis recentibus addo aliud anti-  
quius,

Quius, quod narrat P. Ignatius de las Casas nostræ Societatis Sacerdos, qui ob peritiam linguæ Arabicæ missus est à Gregorio XIII. Summo Pontifice ad reducendum in vnionē cum Ecclesia Romana Patriarcham Græcorum, aliosque Prælatos Schismaticos, de quorum conversione spes affulserat, plurimasque Prouincias peragrauit; & propria manu itinerariū scripsit, in quo fidelissimè narrat ea, quæ in tam longo itinere acciderunt; & data occasione interfert aliqua exempla conversionis Mahumetanorum, quæ ipse vidit. Hunc librum manuscriptum habet R. P. Petrus Hieronymus de Cordoua secundò Prouincialis Societatis Iesu in Prouincia Castellana, dum hæc scribo, nempe mense Ianuario, anni Domini 1680. & cum illum librum legerem, hoc & alia exempla ex illo manuscripto excerpti. Vt autem constat ex illo itinera-rio, conversio referenda accidit post annum 1562. & ante annum 1570. nec enim ex manuscripto annum certum eruere potui. Rem narrabo verbis Authoris ex Hispano in Latinum conuersis.

Canonicus quidam S. Corduensis Ecclesiæ Africanum seruum habebat, qui ei à viginti annis magna cura & diligentia inserviebat. Apparebant in eo tot virtutum moralium signa, vt mihi dominus eius serio testatus sit, se nunquam in seruo suo quidquam vidisse, quod grauē culpam redoleret. Propter has virtutes herus seruum amabat, eiusque æternam salutem enixè exoptabat. Ille vero sectam Mahumetanam, rā constanter seruiabat, vt quauis bis aut ter quotidie

dominum suum in templum euntem committeretur, numquam iste ab illo impetrare potuerit, vt intra sacra limina ingrederetur, ne eo quidem titulo, quod olim templum illud celebris fuerat Mahumetanorum Mezquita. Erat iam longæuius; & vti aiebant Mauri in ea Ciuitate commorantes, fuerat inter suos Alphaquinus, seu Sacerdos. Incidit in grauem morbum, & eius herus de æterna serui salute sollicitus, Collegium Societatis adit, & superiorem rogat, vt mittat aliquem ex Patribus, qui illum Christo associet. Assignati sumus Pater Baena, & ego, vt eius interpretem agerem. Illuc statim conuolauimus. Et quantum potuimus laborauimus pro eius conuersione: sed frustrâ; quia ille non tantum benignas aures præbere nolebat, sed amarioribus verbis, & indignatione plenis nos repellebat.

„ Ego vero eius obstinationem videns: Non à te (in-  
 „ quam) postulo, vt sectam tuam deseras, vel quidquid  
 „ contra illam agas, sed tantum vt eam orationem  
 „ ad Deum fundas, quam in Alcorano Mauri habe-  
 „ tis, & ita habet: doce nos Domine viam rectam, &  
 „ bonam; siquidem probè nosti, omnes Christianos  
 inconcussè asserere, Mahumetanos in æternum dam-  
 nandos, si in sua secta vitam finiant. Roga ergo Deum,  
 vt si à vera Religione aberras, veram tibi ostendat sal-  
 utis viam, & ad illam capessendam cor tuum moueat.  
 Annuir ille, & manus, & oculos ad Cælum attollens,  
*Duc me Domine* (inquit) *per salutis viam.* Hoc audito,  
 discessimus, quia spes non erat aliquid aliud ab eo eli-  
 ciendi.



Sed cum Dei proprium sit, cuius vult misereri, vel quem vult obdurare; die sequenti accitus sum, ut festinanter in domum ægrotantis Mauri descenderem. Cum primum cubiculum iacentis ingredior, illum conspicio, deuotè Christum crucifixum amplexatè, & osculantem; & causam fœlicis huius mutationis sciscitatus; ab eius ore hoc responsum accepi. Petiui, inquit, iuxta præceptum tuum à Deo, ut è Cælo mihi lucem imitteret ad cognoscendam certam saluationis meæ viam, audiuit benignissimus Dominus orationem meam. Historiamque suæ conversionis texens, narrauit, sibi vigilanti apparuisse duodecim feros Æthiopes, ipsum circundâtes, & è lecto rapere gestientes, tunc se expauisse, & interpellasse Christianum, qui iussu heri sui illi assisteat, & Christianum facere satagebat. Accessit Christianus, & rogauit à Mauro, quid illud noui esset, quidve ipsum defatigaret? respondit ægrotus: Nonne vides hos duodecim Æthiopes, qui me è lecto eripere, & discerpere tentant? At vero Christianus (qui tamen nihil horum videbat) crucifixum apprehendit, illumque ante oculos ægrotantis obijciens, opem, inquit, posce, à Christo, & à sanctissima eius Matre Maria, qui ab hoc agmine Æthiopum, qui Cacodæmones abs dubio sunt, te liberabunt. Tunc sublati in Cælum oculis infirmus (vti narrauit Christianus) stupenti similis hæsit, obfirmato obtutu prospiciens. Visibilem se illi ostenderat Deipara, & benigno vultu sic illum allocuta est Arabico idioma: caue ab his Æthiopibus: Et scito, quod

nisi

Hæc exempla cum proposuissem anno 1679. mense Aprili cum in Missione Hispalensi per sex continuos dies ad Mahumeranos publicè cōcionatus sum, eis auditis statim me inuissit Illustris Dominus D. Alphonfus Verdugo Albornoz & Sotomayor, Alcantarenfis Militiæ Eques, & nunc Comes de Torrepalma, Vir nulli Hispalensium Equitum ingenij acumine, iudicijque maturitate cedens, & pietate non minùs, quàm nobilitate clarus; & ut in similibus concionibus possem Mahumeranos vberius confundere, singulare exemplum mihi narrauit, quod totam Hispalim haberet in testem; ab ipsoque postulati, ut scripto rē ad vngem traderet, ut palam possem illud exemplum Mahumeranis postea proponere: id quod diligenter præstitit, historiam sequentem transcribens ex libro funerali Parroquiæ Sanctæ Andreæ, in quo memoria huius mirabilis conversionis conservatur: & ita ad verbum habet.

Die vigesima quarta Maij anno millesimo sexcentesimo quinquagesimo septimo Hispali euenit, quod referam. Viuebat in prædicta Ciuitate Maurus Almāzor nomine, servus D. D. Alphonfi Fernand. Marmolexo, qui cum Mahumet. legis observator accerrimus esset, acriter insectabatur persequebaturque omnes, qui perfida Alcorani fide relicta ad nostram veram, & Catholicam convertebantur: accidit quadam die ut propè portam Domus Professæ Societatis Iesu in quemdam Neophitum Tingitanum offenderet feruum D. Marchionis de Algaua, & cum Neophitum in-

cepisset contumelijs onerare, & convicijs, quod aui-  
 tam legem Mahumeti deseruisset, vltorius vefanus  
 processit, manusque iniecit; quin ab isto incepto pre-  
 cibus repetitis Neophitus amouere potuisset; at cum  
 Christianus Tingitanus effugere violentiam aliter nō  
 potuisset, pugionem extraxit, extractumque in Almā-  
 zoris alvum illum percutientis adegit: tunc Alman-  
 zor humi sternitur, visceribusque per vulnus emissis:  
 sed mira res! vix ceciderat, cum sacram aquam Bap-  
 tismi poposcit, dictitans se velle Franciscum appella-  
 ri: accurrunt vnde quaque praterreutes, inter quos  
 Presbyter Benedictus de las Heras accessit Capella-  
 nus Didaci de Payva, qui iuxta ipsiusmet limina Bap-  
 tismum Sanctum Almanzori ministravit. Hinc per-  
 cussus Maurus, iam Christianus in domum sui Domi-  
 ni D. Alphonfi Marmolexo, curandus defertur. Ha-  
 bitabat tunc prædictus Dominus D. Alphonfus in  
 ædibus Domini Comitis de Peñaflor, quæ ædes per-  
 tinent ad Parrochiam Sancti Andreæ, cuius Parro-  
 chus erat D. D. Laurentius de Maldonado (qui nunc  
 inter viuos agit.) Qui cum rectè nouisset ab ipso bap-  
 tizato, & prædicto Presbytero Benedicto rem totam:  
 & cum animadvertisset actus fidei ferventes, quos  
 eliciebat Franciscus Andræas paulò antea baptiza-  
 rus, pergīt ad consulendum Illustrissimum Dominum  
 D. Fr. Petrum de Tapia, an vulnerato, & recens Chri-  
 stiano posset Sacram Eucharistiam, & Sanctam Un-  
 ctionem ministrare: responsum illi fuit ab Illustrissi-  
 mo Tapia, tunc Archiepiscopo Hispalensi, licere, &



Expedire tam Sancta Sacramenta morienti Francisco  
 Andream præstare: & eadem nocte Sacro Viatico, &  
 Extrema Vnctione munivit iacentem. At vulneratus  
 magna deuotione, tantique beneficij Cœlestis conf-  
 cius ea Sacramenta excepit. Res quidem mira! Aded  
 ferventi spiritu, lachrymarumque copia ignouit ag-  
 gressori, & homicidæ, vt adstantes omnes stupent,  
 videri in recens Christiano tot signa pietatis. Spiritum  
 emisit inter hos pios, & ferventes diuini amoris sin-  
 gultus. Aduimus (inquit per illustris Dominus Comes  
 de Terrapalma) eius funeri, omnes maioris notæ hu-  
 ius Ciuitatis, & additi, quod quidem iuramento fir-  
 mabimus quot quot nunc viuimus.

## CAPVT SEPTIMUM.

*Septima demonstratio, vbi miræ vocationes Mahumetana-  
 rum ad fidem Christi enarrantur.*

**H**Oc argumentum præcedenti affine est, sumitur:  
 que ex alia experientia notissima; constat nun-  
 quam aliquem Principem Christianum, immò hec  
 vllam Virum Nobilem, vel Plebeium, patriam, vxo-  
 rem, filios, diuitias, & temporalia commoda deseruisse,  
 & in Africam traiecisse, ex desiderio salutis æter-  
 næ, vt ibi Mahumetanus fieret, & in secta Mahume-  
 tana moreretur. E contra verò certissimum est, non  
 paucos Mahumetanos reliquisse patriam, parentes,  
 diuitias, immò, & regna, & ad terras Christianorum

transfugisse, ex desiderio salvationis, & vt Christiani fierent, & in Religione Christiana vitam finirent, vel in captiuitatem à Christianis redactos, postea noluisse reuerti ad patriam, ad parentes, ad filios, ad vxores, ad diuitias, cum facile possent illuc remeare. Hoc autem signum clarum est vocationis diuinæ intus mouentis ad quærendam viam salutis: ergo in Religione Christiana vnice est salus; in Mahumetana vero certissima est æterna perditio. Hoc argumentum Christi prædicator facile amplificare poterit.

Ego hic aliqua tantum subiiciam exempla, quæ ad mouendos Mahumetanorum animos non parum momenti habent. Noui ego Matriti Christianum nouum Africanum, qui inserviebat Eminent. Cardin. & Archiepiscopo Tolet. D. Paschasio de Aragon, & curam habebat argenteæ suppellectilis illius principis; Virum verè pium, & deuotum, qui quotidie per duas horas vacabat orationi mentali, & singulis hebdomadis bis vel ter ad Sacram Eucharistiam accedebat ex consilio P. Spiritualis. Hic Tunetanus erat: & à Deo illuminatus ex conversatione cum captiuo Christiano, fugam ad terras Christianorum diu meditatus est, & cum modum non inueniret vota sua adimplendi, Deum ex intimo cordis rogabat, vt eum duceret in eorum terras, & vt à Christianis capi posset, voluntarie aggregatus est Mauris, qui in eorum terras nauigabant ad captiuandos Christianos, sperans fore, vt sic posset inter illos remanere. Vt tamen posset aliquo argumento comprobare, se non coactè, sed voluntariè illuc

advenisse, in quadam insula maris Mediterranei, in qua extabat sacellum, seu adicula sacra, reliquit singrapham, seu schedulam propria manu exaratam, in qua nomen suum, patriam & desiderium suscipiendi Baptismum exponebat: reliquit autem sub pedibus Sanctæ Imaginis, cui sacellum illud dicatum erat. Deus vota eius exaudivit; & mari cum socijs à tritemibus Christianorum captus est, & Neapolim ductus, Cardinalem Aragonium tunc Protegem adit, votum suum exponit; & ne existimaret se narrationem confingere, ut libertate donaretur, affirmat se in tali Insula reliquisse schedulam, ex qua veritas constare posset. Nō fuit difficile rem explorare: compertum est vera esse, quæ ille narrabat; & sic declaratum, eum non esse servum; sed liberum manere: & Eminentissimus Cardinalis illum solemniter baptizatum in suam familiam admisit, & postea secum in Hispaniam transvexit: & dum ego Matriti anno 1670. Missionem feci, cum illo familiariter egi, & illius opera usus sum ad conversionem Mahumetanorum, quos ille ferventer adhortabatur ad Baptismum petendum, & vocationem suam ad Christianismum eis narrabat, quo illos facilius ad Christum traheret.

Aliud exemplum in suo Itinerario adducit P. Ignatius de las Casas cuiusdam nobilis adolescentis Turcæ, qui cum parente suo, & alijs inter Turcas primariæ nobilitatis Viris à Christianis in Navali prælio captus, Romam delatus est; ubi cor eius B. Virgo ad Christi fidem ambiendam mirabiliter accendit. Rem sic narrat citatus Author.



Turca quidam duodecimum, aut trigesimum annum agens Romam delatus est, ubi vna cum parente, & alijs patricijs Turcis in Palatio nobili non longe à Basilica S. Petri hospitatus est. Turcæ in custodiam traditi sunt Germanicis Prætorianis Papæ; qui adolescenti iuveni, in scio patre papiraceam imaginem B. Virginis Domine nostræ dedere: Turca puerili genio ductus illam sæpius intueri gaudens, in pectore ipsam recondiderat, ne si aliquis ex Turcis videret, raperet. Aliquibus diebus eam retinuerat, cum Mater misericordiarum, illi maiorem fecit: apparuit illi per quietem, eodem habitu, quo in papiro visebatur, Virgo venuste ornata, Cœlesti stipata comitatu, & diuinis splendoribus micans veniebat; adolescenti accessit blandè, benignèque illum aspiciens Turcico idioma-  
 tè illi locuta est, docuitque ipsum, aliam salutis viam non esse præter Baptismi Sacri. Ita edoctus à Virgine fuit, ut veniente die ex fenestra transeuntibus, ut rectius poterat, diceret, se Christianum esse velle: nec semel; sed iterum, atque iterum Pater illum à fenestra remouit, nec minis, nec blanditijs à proposito iuuenem remouere potuit; quin immò sæpius è fenestra vocitabat, clamitabatque, se Christianum esse velle, Pater eà propter asperè filium tractabat, donec cognita re à Prætorianorum Germanorum Duce, Dux causam originemque illius supplicij exquisiuit, & tandem è patentis manibus filium suffocare nitentis, abripuit adolescentem vocitantem *Christianus, Christianus*, Dux per interpretem ab adolescente, quid inten-

deret: rogauit. Turca, quod retuli, respondit: Dux Pō-  
 tifici totum renanciavit, qui misit Cardinalem Gua-  
 stavilani eius nepotem vt veritatem rei inquireret;  
 quacomperta Cardinalis eum in Palatium suum de-  
 tulit, vbi postquam rebus fidei satis instructus fuit, in-  
 signi pompa Baptismum suscepit, nomenque sortitus  
 D. Ioannes Guastavilani. Et postquam idiomate Itali-  
 co loqui, & scribere didicit, ad Seminarium Romanū  
 delatus est, sed magis ad arma, quam ad litteras pro-  
 pensus euasit. (Ego familiariter cum illo egi, & quae  
 narraui mihi retulit.) At vbi Turcae patricij; & nobi-  
 les redempti fuere, & Pater adolescentis inter ipsos  
 maximè nobiles, in patriam suam rediturus enixe Pō-  
 tificem summum rogauit, vt cum filio loqui sibi lice-  
 ret, dictitans, filium puerorum instar deceptum fuisse,  
 & vt hoc clarum fieret sinerent cum eo loqui, nam  
 statim ac Patrem videret omnia relicturum, & abitu-  
 rum secum filium. Sciuit Pontifex minime deceptum  
 fuisse iuuenem, & nullum adesse periculum, & ita co-  
 piam Patri fecit vt cum filio loqueretur coram ali-  
 quo honorato Viro, ne violentiam adolescenti infer-  
 ret. Pater peruenit ad fores Seminarij Romani, quod  
 tunc situm erat in ædibus D. Marci Antonij Colonaë  
 propè Templum Sancti Apostoli. Descendit Pater  
 Claudius Aquaviua tunc Rector Seminarij, & cum  
 ipso aliqui ex Societate descendimus ( & ego præci-  
 pue comitabar D. Ioannē Guastavilani, illumque cō-  
 solabar ne deficeret ) descenditque Paulus Vrsinus  
 Iordan. Magna erat frequētia rhedarum, carrhucarū-  
 que

que Turcarum nobilium, & aliorum eos usque ad lit-  
tus comitantium, in foro Sancti Apostoli, itaque iu-  
cundum omnibus, & mirabile spectaculum fuit. Ac-  
cessit parens D. Ioannis in rheda cum alijs nobilibus,  
loquutusque est cum filio D. Ioanne, qui nec ample-  
xus parenti abituro concessit, nec eius manum oscu-  
lari voluit, nobis ut faceret persuadentibus; pater  
lachrymis madens dolorem aperuit, & matris quo-  
que futurum, si filium non videret: adiecitque pater,  
sibi facultatem concessam à Papa, ut illum secum ad-  
duceret, quapropter haud metu, & periculo in rhe-  
dam ascenderet: at iuvenis quo magis eius pater ani-  
mi dolorem lachrymasque ostendebat dictando, *Decep-  
tus fuisti, deceptus fuisti*, eo magis animus, despiciens-  
que paterni affectus D. Ioannes ostendebatur. Itaque  
animose respondit, se minime deceptum, sed potius à  
Cælo edoctum, & illustratum fuisse, seque parvi ha-  
bere parentes in æternum arduos in inferno: & cum  
lachrymas inanes patrem fundentem aspiceret, qui  
cum vellet amplecti, ex oscularique manum (ut dixi)  
iuvenis terga vertit, & parentem reliquit. Ego iuve-  
nem vidi lætè exultantem scalam Seminarij ascende-  
re triumphanti similem, & sibi de victoria mag-  
na gratulantem. Hæc Pater

Casas.



## CAPVT OCTAVVM.

*Mirabilis conversio Regis de Fez, postea Balthasaris de Loyola, Societatis IESV.*

**N**Ota est in Italia, & Hispania mirabilis huius Principis conversio ad nostram Sanctam Fidem, & eius in Societatem nostram ingressus. Obijt Matriti anno 1667. omnisque Hispaniæ nobilitas supremis honoribus funeris exequias prosequuta est. Et RR. P. Petrus Esquex Concionator Regius eius virtutes, & conversionem magno cum auditorum plausu, & admiratione e pulpito exposuit. Eius vera effigies in Collegio Imperiali cum hac inscriptione appensa est.

P. BALTHASAR DE LOYOLA, Olim, Muley, Mahumet, Athasi, Gerife, Rex, Pater, & Filius Regum Fez: Miraculose factus ex Mauro Christianus, ex fortissimo Duce, qui armorum vi in suam potestatem redegit iam amissa Regna Taflet, & Marroci, pauper miles Societatis Iesu: ex observantissimo Alcorani Zelatore Eximius Euangelij præco: missus à Summo Pontifice ad illud disseminandum in vastissimum Mogorij Regnum, diem extremum clausit in Collegio Imperiali Matritensi, ætatis suæ anno 37. à Baptismo suscepto 14. à Presbyteratu in Societate Iesu 6. die 15. Septembris anni 1667.

Fuerunt qui revocarent in dubium eius stirpem, cum præsertim ipse abstineret ab omni verbo, quod

talem gloriam posset redolere, quod ipsum à malig-  
nis malè capiebatur. Quare ei Pater Spiritualis in-  
iunxit, vt scriberet genus suum, & vocationem ad  
Christianismum; idque ipse præstitit fidelissimè, &  
ego epistolæ ab eo super hac re scriptæ exemplar ad  
verbum transcriptum apud me habeo, quod statim  
subijciam. Et Pater noster Generalis, vt Fidem apud  
exteros posset facere minimè dubiam, curauit, à Pa-  
tribus nostris, qui erant in Africa, transmitti: Abesset  
ne à Regno Fez filius Regis? Fuissetque ductus à Me-  
litenfibus navibus captivus? Quomodò vocaretur?  
Quo tempore abiisset? A quibus responsum tulit om-  
niò idem cum eo, quod P. Balthasar descripserat ex  
mandato Patris Spiritualis. Illud autem ita habet.

---

EGO BALTHASAR DE LO-  
YOLA MENDEZ, INDIGNISSIMVS  
Domini nostri Iesu-Christi, ac SS. eius gene-  
tricis servus, hæc ad ipsorum maio-  
rem Gloriam.

**C**VM MIHI A PATRE MEO SPI-  
rituali imponatur, vt rationem reddam  
de ijs omnibus, quæ ad me attinent circa res  
tàm temporales, quàm spirituales, eius impe-  
ris obsecuturus, quoad memini, hæc omnia subijcio: (Et  
plu.

plurima subdit infimæ animi demissionis, & altissimæ in Dominum laudis, quod tam misericorditer secum agere dignatus fuerit, quæ operi intermiscet; ego breuitatis causa omitto.)

In Vrbe Fez ortum duxi, fuitque mihi nomen datum Mahumed Attazi. Parensque meus dicitur Agid, Aluaid, Intab, Mahumed, & in præsentia toti Regno Fez, vti Rex dominatur. Partus iste precum fractus videtur posse dici; nam Parens mea vouit Deo, Cæli, terræque Creatori; si marem conciperet, se cum Diuinæ Maiestati consecraturam fuisse, & ita contigit. Cum ad quinquennium perveni, dati fuerunt mihi Præceptores, ut me, & in litteris, & Religione erudirent. Sed accidit sæpius res mira, quod cum ijs sacrilegis doctrinis imbuerer, sæpius ea intrinsecus execrarer, & blasphemijs insectarer. Quod coactè cum agerem, quodammodo displicebant inde mihi non paululum: Quin semel SS. I E S U, & M A R I Æ nomina protali prorsus ignarus quid illa significarent; & cum Parens mea adesset, increpauit acerbè; & extorquere conata, vndenam ea audiuissem, timore fassum me, nec scire quid sibi vellent, nec vnquam intellexisse, monuit ne amplius proferrem, cum essent Christianorum Mahumet infensorum verba; in suo cubiculo me noctu quiescere volebat; & noctu radios supra caput meum, ut luctantes vidi, nec timens tegumento ullo valebam effugere illorum splendorem; & sæpius vidi mulieres pulcherrimas albis indutas vestibus. Cum attingi 14. an. petij connubio iungi, & intra annum, qui præterijt, dum, & tractaretur res, & pararentur festa, duxi



Principem Domini iam, sed inter hec gaudia non cumula-  
 te gaudebat cor meum, & benè iam noui, quid mihi de-  
 esset, cum à Domino meo Iesu abessem; qui solum cumula-  
 ta potest gaudia prestare. Incessit cupido, postquam bi-  
 nas ex uxore filias susceperam, inuadendi Meccam, vt  
 ea omnia spiritualia bona consequerer, quæ illuc euntibus  
 largè impertiri à cæcis illis, ducibusque cæcorum audie-  
 bam; & me præsertim incitabat, quòd sæpius intellexe-  
 ram, qui Meccam non visisset mortem appetiturum, vel  
 Iudeum, vel Christianum. Ne igitur huic periculo sub-  
 iacerem, illuc iter destinaui; sed incredibile est quanta vi  
 Parentes, uxor, Magnates id impedire conati sint; eo ge-  
 nitor deuenit, vt mihi omnia negaret ad iter necessaria;  
 sed ego contra adeò flagrabam desiderio cundi, vt pænè ig-  
 nis esset meo in corde. Tanto hic magis inflammari, &  
 corroborari videbatur, quāto ei a litus erat magis occlusus;  
 adeò vt decernerem absque vlla re iter capeffere, sed roga-  
 tus, vt per annum saltem differrem, æquitate postulatio-  
 nis flexus veni in hanc sententiam; & interim natus est  
 mihi filius. Demum summa vi obstaculis omnibus su-  
 peratis, quando vis, vt prius, omnia inuadis, & sola ge-  
 nitricæ mei miserata itineris viticū suppeditante, sus-  
 cepti iter. Perueni Tunetum; ubi magnificè fui excep-  
 tus, ibique fui per plures dies ob maris exagitationem  
 vehementissimam: his diebus vidi noctu dormiens homi-  
 nem albis indutum, qui me circumducebat varijs Tunetū  
 vicijs. Cui dixi: Quò me vis ducere? Et ille reposuit mi-  
 hi: in Christianorum regiones, nam Deus vult te ibi mo-  
 ri. Dixi hanc rem varijs, qui respondebant mihi, hanc

Diaboli fuisse impressionem; ut me devia-  
ret; & ego re-  
uera intra me contemnebam: Quomodo namque id futu-  
rum, si modo abeo? Et quidem abiui, sed non quò crede-  
bam: nam incidimus in naues Melitenses, quæ summa  
pace in nos impetu facto fecerunt captiuos. Erat nobis  
tum ob nauium numerum, tum ob militum experientiam,  
quomodo resisteremus; sed Dominus voluit, ut non essemus  
simul, ut non timeremus, & (nescio modum certè) captiuū  
duceremur, sed gloriosa captiuitate nulli comparabili li-  
bertati. Ductus fui Melitam, & nihil ego de me dixi;  
aliquis tamen meorum dixit, quis ego essem. Propterea  
non siuerunt me esse, uti mos est, 40. diebus extra Meli-  
tam; sed statim fui oblatas ad magnum Magistrum; &  
statim confluxus equitum adfuit me interrogantiam de  
Patria, & genere: Sed dies mei tunc erant maximè tri-  
stes; semper enim eram in luctu, in suspirijs, in afflictioni-  
bus. Occurrebant Patria, Parentes, vxor, Filij, cognati,  
charique. Displicebat mihi agere cum hostibus Makume-  
tis, & spem concepì rem meam promouendi in his mise-  
rijs, restaurans labantem Melitæ apud Turcas Religionem  
Makumetis; eram enim ego maximè peritus illarum sa-  
crilegarum nugarum. Scripsi igitur Alcoranos, impugna-  
ui Christi veri Domini, Patris mei, & Veri Regis sanctis-  
simam doctrinam. Nunc benè noui, Domine, & scio te  
miki condonasse hæc scelera, cum fui lustratus Sacro  
Christimato. Quinque annis Melitæ fui semper in his  
tricijs, libertatem querebam, & non erat modus. Regio  
mea nimiam aberat; qui redimeret non erat nisi Rex Tunc-  
tanus, cui de me cura iam in itinere fuerat dimandata.

*Sacra Equitum Religio nolebat indicare Redemptionis pretium. Demum facta fuit conventio pro me, ac meis 40. millum scutorum Melitenfium, quæ Tunetanus Rex persolvit. Interim Melitæ videndam se mihi præbuit SS. Mater mea, Mater Domini mei Iesu-Christi, quæ dormienti mihi dixit ter. Te in filium meum accipiam. Expergesfactus credidi id futurum post mortem: nam Turca B. Virginem, vt Messia Matrem, non tamen Dei credunt. Scripsi ad Regem Tuneti, vt expectaret me redeuntem, & iter inde prosequuturum ad Mecham. Respondit vt proficiscerer: sæpius rebus ad iter adornatis reperi difficultates. Demum ad extremum discessurus cum noctem insomnem transogissem, ante me contuli in cubiculum, vt paulum quiescerem, totus in his cogitationibus. Quid sibi volunt tot impedimenta, tot adversitates, in hisce annis? Aliquid à me querit Dominus. In his curis obdormiscens, ecce videre mihi videor duo maria, alterum nigerrimum, alterum igneum; & quod cum natassem in nigro, iam adventarem ad ignem; qua propter accerrimè in clamare: Adiuvame Domine. Cum in altissimo monte vidi virum, manum porrigentem, illinc extrahentem, & in tuto ponentem; petij ab eo, exquisnam esset: ille mihi: ego sum Sanctum Baptisma; ego si tibi desim, nullus hominum saluum te reddere potest: te ideo Deus tot obstaculis in Christianorum finibus distinuit, vt Christianorum albo adscribaris. Sopore excussus, visus mihi repente sum alter homo: negligere Patriam, & Parentes; fringere cupiditatem abeundi, detestare mentem visendæ Mechæ, abominari Mahumetem, & solum curam esse de dan-*



do Sanctæ Christianorum Religionis nomine. Accidit id  
peruigilio S. Antonij Patauini anno 1656. Equis festa,  
& admirationes equitum, ac Magni Magistri valeat re-  
ferre? Sed difficilius tamen gaudia cordis mei exprimere,  
quàm dulce sit, Domine, tibi seruire, & quàm suavis con-  
uersatio tua; & verè mandata tua dulciora super mel, &  
savum. Nihil sonabat in auribus meis tunc acerbius,  
crudelius, magisque abominatum, quàm iter, quàm Tur-  
cæ, quàm Mahumetes; & Equites illi de industria finge-  
bant advenisse, qui me redimeret, gaudentes cum cerne-  
rent me adeò ab illo mutatum. Sed mihi bellum exor-  
tum est inde cum meis antiquis socijs, famulis obtenden-  
tibus Fidem demandatam sibi de me; sed largitus erat  
Dominus constantiam ad longe grauiora. Dicebant: Quo-  
modo viues? Ne spera è Patria; ne è Rege Tunetano. Sed  
ego: precario viuum, & mendicus. Interim à meis dere-  
lictus, & rebus omnibus destitutus adij, decretum meum  
ei collaturus, Dominum Balium de Mandola, qui audita  
re abiicit se in terram deosculans; & gratias agens Deo  
accepit me vt Filium, & suppeditaui largissimè omnia,  
ædes suas, famulatus, & dominium rerum omnium sua-  
rum, duxit me ad Magnum Magistrum: qui dixit miki:  
Dominus esto rerum omnium, quæ sunt Melitæ. Et ali-  
quibus è suis imposuit, vt quæcumque vellem, mihi da-  
rent, & inservirent. Non petij tamen ab ullo quicquam,  
affatim desideria præveniente D. Balio. Inde traditus fui  
P.P. Societatis, vt instruerent me. Fuit assignatus Pa-  
ter, qui me omnia docuit. Iussit in Patronum peculiarem  
accipere S. P. Ignatium apud Dominum Deum: accepi, &  
verè

*Verè immūnera beneficia suscepi. Et eius die Festo benè instructum, sacra me aqua tinxerunt in Missa solemni. Interim domesticæ persecutiones augmentum non contemnendum fecere; nam præter eas, quas Melitæ vsque ad mortem sustinebam, nam occidere me volebant, ex vxore mea tenerrimam epistolam accepi, qua nunciabat mihi Patris obitum, & impatientiam, qua (me ad Regnum vocans, ad quem iure spectabat) me præstolabatur. Sed omnibus restiti, asserens me nihil omninò quicquam velle præter Deum; & cogitantibus Equitibus de conferenda mihi Crace nihil decernebam, idem perpetuo reiterans. Asignauit Religio 15. scuta Melitensia singulis mensibus, quoad vixero, & vt filium acceptarunt. Dedit mihi iuxta ritum ensē, quem ad S. Virginis aram appendi post aliquod tempus in Domo Professæ Mesanensi: vbi habitum indai Clerici; & fui apud PP. in eorum Domo.*

Et hic desinit Autor. Addit autem Pater spiritualis quæ sequuntur. Quorum omnium Fidem maximam præstat præclarissima eius vita omnibus ornata virtutibus, & quidem aded eminenter, vt Religiosis, quibus cum viuit, & aded parum profecerunt, vti sum ego, sit pudori non exiguo. Ad obedientiæ signa promptissimus, in Refectorij pœnitentijs frequens, in recreationibus hilaris, sed semper de rebus diuinis; & illustrationibus adeo viuus, aded acutis, vt mirum sit. Sed quod semper præ omnibus admiratus sum, est candor, quo agit cum P. Spiritualis: nihil decernens quin ei primum aperiat, & ab ipso approbetur; ne latum quidem vnguē ab eius voluntate dif-

cedat. Quæ omnia, qui in tali Viro non admiratur iniuriam inferre mihi videtur omnipotentia diuinæ gratiæ, quæ sua pietate præstet; vt quotidie in eius sancto seruitio crescat in mille millia, vt & omnes eius Fratres. Nam in Societate Iesu est iam adoptatus, quàm tanto prosequitur amore, vt nemo possit amare magis.

Postquam in Societatem admissus breui annorum decursu tum in litteris, tum præcipuè in pietatis studio maxima sedulitate versatus, iam sapientia, ac sanctitate publico bono maturus, Sacrum B. V. Sodalitium servorum in Domo Professa Neapolitana, moderandum suscepit, in quo solerti, non minus in concionibus, quàm in confessionibus cura ingentem animarum fructum excipiens, magnum ardentis suæ in proximos charitatis exhibuit argumentum. Residenti in Portu Nauali tritemium classi assiduus aderat, Mahumetanos hic maxima in copia emancipatos convocabat, quibus tanto rationum pondere, tanta spiritus vehementia prava Mahumeti dogmata opponerebat, ac refellebat, vt frequenti horum Mauro-rum conversione iratus Avernus, proditorio vnus impij Mauri astu, qui deinde fida conversione, doli improbiter in propriæ salutis argumentum convertit, veneniferam tanto Viro, oblatam in flore mortem, ab ipso, diuini luminis monitu declinatam, intentauerit. Pari eventus felicitate, sed non minori propriæ vitæ discrimine; Genus non paucos huiusmodi Mauros conuertit. Nam cum plurimos illorum



## II4 *Demonstr. contra Mahumet.*

ab errorum tenebris in lucem Catholicæ veritatis adduxisset ; accidit quadam die vt dum in quadam triremi Genuensi magna circumstante Maurorum cæterva concionaretur , Alcoranum confutaturus , extraheret ; primo Alcorani aspectu omnes dimissis in obsequium frontibus in faciē provolvuntur. Exarsit tali intuitu , Patris Zelus,librum in terram proicit, pedibus conculcat,conterit, diffringit,& vocibus diuino spiritu afflatis in insanum tām perfidi Legislatoris volumen exoneratur. Accendit barbaros Mauro- rum animos Patris in Alcoranum contemptus; quem ulturi, in ipsum efferato impetu irruunt , & proculdubio crudeli morte trucidassent nisi adstantes triremis milites districtis ensibus invadentium Maurorū furorem retudissent. Italiam igitur tot eximijis suæ charitatis exemplis illustrauerat, grādi animo in spem Africæ conversionis erectus,nulla laborum asperitate detentus , nulla periculorum arduitate deiectus, nulla mortis seuera fronte perterritus, omnibus votis ad maiora diuinæ gloriæ incrementa anhelans discessum in Africam Diuino Christi Imperio submit- tendam meditabatur.

Suscipit iter, cui ineunte æstate maxima celeritate se committens ex Italia discedit:in Hispaniam tendens,quo breui temporis intervallo , pervenit , vndique in itinere virtutis vestigia imprimens Galliam pervadit. Nobilem non minus Hispaniæ , quàm Europæ Urbem Matritum petit , vbi tum assidua longi itineris agitatione,tum exæstuante tunc temporis ca-  
lo-

lore concepto, viribus exhaustus, inopinò morbo corripitur, qui illicdè eo excreuit, vt omni salutis spe destitutus ad mortem celeriter properaret. Hæc inter, Nobilissimus Aulæ Regiæ Eques, Mauro mancipio comitatus Patrem invisurus adest. Admittitur exceptos ab ægroto ea humanitate, quæ pietati non minus, quàm nobilitati tanti viri debebatur. Post breuem cum tanto equite discursum de suis in Africam votis, ad Maurum convertitur, quem tanto spiritus feruore alloquutus est, vt omnes adstantes, quantum ardentem ipsius zelum mirarentur: tantum Africae in sælicitatem intempestiua tanti viri morte, deplorarent. Nam pauldè post inflammatis Cœli desiderijs conflagrans, & veluti novus Paulus cupiens dissolvi, & esse cum Christo, siue cum Regio Psalte lætatus, quod in domum Domini ibit, totus æquo diuinæ voluntatis imperio conformis ex hac vita discessit, eo magis in posterorum memoria immortalis victurus, quo liberalius vitam in viridi suæ ætatis flore, immatura morte recisam, in animarum salutem immolauit.

Tàm celebris fuit Principis huius fama in Matritensi curia, in qua obiit, vt celeberrimus Poeta Comicus D. Petrus Calderon de la Barca selectissimam de eius conversione, & rebus gestis Comediam ediderit, sub hoc titulo *Magnus Princeps de Fez* D. Baltasar de Loyola, quæ ingenti cum plausu ab Scenicis sæpè in præcipuis Hispaniæ Urbibus repræsentata est.

## CAPVT NONVM.

*Alia Exempla.*

**H**is exemplis aliud adnecto, quod narrat Sanctus Eulogius Episcopus Toletanus, & Martyr in opere cui titulus *Memoria Sanctorum*. Refert itaque Sanctus Martyr, eo tempore, quo Hispania Mauris subiecta erat, iuvenem Curduensem professione Mahumetanum sapè rogatum esse ab amita Christiana, ut Christianus fieret; cuius autem consanguineos Mahumetanos sollicitè curasse, ut linguam Arabicam addisceret, quod cum ille sæliciter præstitisset, legisse Alcoranum, & ex eius lectione clarè cognovisse sectam Mahumetanam falsam, & inventionem hominū esse, & idcirco illam ex intimo cordis affectu execratum fuisse; Christianam Religionem cum Baptismo suscepisse; & eam palàm professum fuisse; & ob eam causam illustre martyrium subijisse à Mauris, qui illū crudeliter trucidarunt, quia cum esset à parente Mahumetano genitus, à Religione parentis disceserat. Additque S. Eulogius, si aliquis Catholicus velit falsitatem sectæ Mahumetanæ clarè deprehendere, nullo alio opus ipsi esse, quàm cum sapientioribus Mahumetanorum sermones de Religione miscere, & ab ijs interrogare, quid credant: eis enim auditis, quæ ipsorum lex docet, statim cognoscet, illam esse mendacem, & Deo Authore indignam.

Sed ut ab exemplis conversionis Maurorum ad

alia



alia tranſeamus: ſanè mirabilis modus, quo multi, vel à Iudaismo, vel à Gentiliſmo tracti ſunt à Deo ad credendum firmiter, hominem crucifixum eſſe Deum; & Deum vnum in eſſentia, eſſe in Perſonis Trinum, manifeſtè evincunt Religionis Chriſtianæ veritatem. Talis fuit miraculoſa Sauli converſio Act. 9. Eunuchi Candacis Reginae Act. 8. converſio Conſtantini Imperatoris: converſio Auguſtini: converſio Æditui Idolorum, quæ legitur in vita S. Gregorij Taumarhurgi: converſio Principis Joſaphat à S. Barlaam, quàm habes apud S. Ioannem Damascenum, & apud P. Petrum de Ribadeneyra in extravagantibus. Converſio Pauli de Sancta Maria, qui cum eſſet Hebræorum Rabbiniſſimus, legens gloſſa, quibus perfidi Hebræi contra veritatem Euangelij Sacras Litteras exponunt, agnouit eas mendacia multa contra ſacros libros continere; & ſic Talmudi fabulas dimittens, ad Chriſtum acceſſit, ſecum ad Baptiſmū pariter ducens filios; & quia vxori perſuadere non potuit vt ipſum imitaretur, ab ea diſcedens, factus eſt Chriſti Sacerdos, & ſtrenuus Euangelij præco; & inter omnes ſuæ ætatis homines litteris, & ſanctitate excelluit, & Episcopus Burgenſis, magnuſque Cancellarius Regum Caſtellæ creatus eſt, & ſapientiſſimè contra Iudæos ſcripſit ad ann. 1430. Celebris quoque fuit converſio Rabbi Samuelis in ſecta Iudæorum educati, qui cum magno eſſet præditus ingenio, res ſuæ ſectæ conſiderans, & veritatem Sacræ Scripturæ contemplanſ, clare cognouit cæcitatem;

qua miseri Iudæi laborabant, & Christianæ Religioni nomen dedit, validissimisque argumentis à Sacra Scripturis petitis probavit Iesum Nazarenum à maioribus suis crucifixum, esse verum Messiam Iudæis promissum, verumque Deum, & hominem, qui mundum à captiuitate peccati liberaturus advenit; vt refert Genebradus in Chronol. an. 1200.

Insignis etiam fuit conuersio Magistri Andreæ à secta Iudæorum; qui cum magno ingenij acumine polleret, aperte cognouit falsa, & vana esse suæ sectæ dogmata, & cupiens veritatis semitam agnoscere per quam ad æternam felicitatem tenderet, in Hierosolymam peregrinationem instituit, precesque ad Deum fudit, vt mentis suæ tenebras illuminare dignaretur: & ea in oratione inspirationem accepit, vt doctrinam antiquorum Rabinorum legeret, qui ante adventum Nazareni floruerunt. Quod cum opere complevisset, clare cognouit, eos Sacram Scripturam exposuisse sicut eam exponit Euangelium, de Regno scilicet Messiae, non temporali, sed spirituali, non de bonis terrenis, sed de spiritualibus à Messia adducendis. Quare Christum in Baptismo induens, peritissimus fuit Sacrae Scripturae interpres, eamque publicè Romæ interpretatus est, accepto annuo stipendio à Summo Pontifice, qui Iudæis præcepto iniunxit, vt eum singulis sabbatis audirent, cum magno animarum fructum sapientioresque stupebant viri sapientiam, & in sacris litteris exponendis peritiam. Et vitam protraxit vsque ad Pontificatū Sixti Quinti.

Sed

Sed maximè eminuìt Romæ cōversio Marij Victorini insignis Philosophi, & Oratoris præstantissimi, & Romanorum Senatorum Magistri, quàm describit S. Augustinus lib. 8. confes. cap. 2. cuius exemplo se quoque arsisse affirmat ardore Fidei suscipiendæ: tanta ille claritudine apud Romanos Ethnicos floruerat, vt ex Senatus Consulto donari meruerit statua in foro Traiani, vt tradunt Augustinus, & Hieronymus. Hic talis tantusque vir in senectute à Deo illuminatus est, vt cognosceret Christum à Iudæis crucifixum, esse verum Deum, eiusque Crucem, libentissime amplexus est. Quis hanc mutationem fecit, nisi omnipotentia crucifixi?

Denique vt alia omittam exempla, Iustinus Philosophus, qui propè tempora Apostolorum floruit, post tentatas omnium Philosophorum sectas veræ sapientiæ adipiscendæ causa, veram Christianæ Religionis sapientiam invenit, Christum crucifixum adorans vt verum Deum; & hanc Fidem scripto defendit, & tandem pro illius veritate sanguinem fudit. Martyrioque coronatus est Romæ, anno Christi 165.

## CAPUT DECIMUM.

*Singularis Dei Providentiæ, quàm Author expertus est in Maurorum conversione, satis probat, Religionem Christianam esse necessariam ad salutem vitam.*

**F**ideliter narrabo, quod mihi accidit, circa conversionem Maurorum, vt hoc exemplo excitari



alij Religiosi viri maiori virtute præditi, in Deo totam suam spem collocantes opus hoc intrepidè aggre-  
diantur, & publicè ad Mahumetanos conciones habeant; quandoquidem ego talento, & spiritu carens, opus hoc ferè imparatus incæpi, & fœlicissimū exitum expertus sum.

Incubueram Misioni Granatensi, anno 1668. tempore adventus, & quamvis in illa Ciuitate plurimi sint Mahumetani, nunquàm mihi occurrit cogitatio concionem ad illos habendi. Transivimus postea Hispalim, & per quadragesimam in ea Ciuitate Missionem fecimus, & in alijs vrbibus, & oppidis Hispalensis ditionis per vernum tempus. Æ statis autem tempore, quando ardentes calores Misiones intermittere cogunt, in Collegium Granatense nos recipimus: cum autem appropinquaret iam tempus iterum procedendi ad sacras has expeditiones, & quinque vel sex dumtaxat superessent dies ante condictum è Collegio egressum, in familiari, & Religiosa conversatione post prandium incidit sermo de lege Mahumetana, & tunc R. P. Thomàs de Leon, Primarius Theologiae Professor iam emeritus, dixit se habere librum quendam adversus Mahumetanam sectam, quem commodatum acceperat ex bibliotheca Dom. Marchionis de Estepa. Pulsauit statim animum cupido librum illum legendi; petiui, obtinui, & legi, & in compendium redegì. Erat autem liber iste compositus à Ioanne Andræa, de quo mentionem fecimus sectione 11. Egressi sumus ad finem mensis Septembris P.

Ioannes Gabriel Guillem, & ego ad sacras expeditiones continuanda: cæterum antequàm Malacam cõtenderemus, invicem separati sumus cum alijs socijs, ille Alhamam, ego Lojam profectus fui; & die Sanctæ Theresiæ Sacro Malacæ convenimus, vbi Illustrissimus, & Reuerendissimus Episcopus D. Fr. Alphonsus à S. Thoma nos benignissimè excepit. Missioni Malacensi operam dedimus per aliquot hebdomadas in cuius decursu accidit conversio Fatimæ, quàm suprà commemorauimus pag. 87. illa verò inescartus sensi cor meum vehementer pulsari desiderio concionandi Mahumetanis. Finita itaque Missione Christianorum Illustrissimum Episcopum adeo rem communicaturus: sentio, inquàm, in corde meo, Illustrissime Domine, ardens desiderium habendi conciones publicas ad Mahumetanos; & puto quod hæc cogitatio à Deo sit; certus sum enim, quod nihil temporale hic quæro, neque lucrum, neque plausum, forsam Deus hanc cogitationem immisit, quia vult aliquos Mahumetanos hic convertere per hoc medium, vel causam suam magis iustificare, quò minorem suæ obstinationis in die iudicij excusationem habeant, vel aliquem alium finem suæ gloriæ nobis occultum intendit. Respondet primò Illustrissimus Dominus, multum se timere ne in vanum laborarem, quia Barbari isti, inquit, nec attendent, nec intelligent quæ dicentur. Cui ego, probemus, inquàm, Illustrissime Domine, experiamur, & quasi periculum faciamus; quia lucrum sperare possumus, damnum

timere non possumus; si labor iste non proſit illis ad conversionem, mihi proderit ad meritum: ego conciones iſtas ita diſponam, vt ſi infidelibus Fidem non perſuaſerint, fideles in fide confirment, quæ res in his oris maritimis, in quibus Chriſtiani quotidie à Mauris capriui abducuntur, maximè vtilis eſt; quia his concionibus auditis in fide amplius radicabuntur, & difficilius poſteà ab illa deficient. Approbavit conſilium prudentiſſimus, & Religioſiſſimus Princeps, reſtabat eligendus locus opportunior ad has conciones habendas, non viſum eſt Illuſtriſſimo expediens, vt haberentur in Templo, ne infideles irreuerentiam aliquam in Auguſtiſſimum Sacramentum oſtenderent. Poſteà tamen experientia docuit Mahumetanos non ſe irreuerenter gerere in Templo; & ideò Gadibus, Xera, in Portu Sanctæ Mariæ, Matriti, & alibi in Templis conciones habuimus. Diu deliberatum eſt de loco his concionibus apto, & tandem præelectum eſt Scenicum theatrum; quo incredibili ſtudio confluit ciuitas ad has conciones audiendas. Euentus monſtrauit cogitationem illam concionandi Mauris è Cælo demiffam: nam in prima concione quinque infideles publicè Baptiſmum petierunt, & in tabulatum aſcenderunt, ad amplexandum concionatorem, & ab illo accipiendum Roſarium Beatæ Virginis, quod in ſignum deſiderij, quo flagrabant ſuſcipiendi Baptiſmum, è collo pendulum geſtabant: In ſecunda Baptiſmum petierunt octo: in tertia decem. Et ſic completus eſt numerus triginta trium,

qui



qui solemniter eadem die baptizati sunt, vt diximus supra pag. 61. præter alios non paucos, qui priuatim Baptismum susceperunt.

Iam suprà pag. 83. dixi, nos cum tribus Sacerdotibus sæcularibus missos ab Illustrissimo Malacensi Episcopo in Ceutam. Antequam illuc è Calpe navigaremus, stetimus in vrbe hac per duos, vel tres dies expectantes navigium Ceuta mittendum, quo illuc deferremur; in eum namque scopum accensa fuit ræda in vertice montis Calpe, ad cuius radicem Ciuitas sita est, quo signo monebatur Ceutæ Gubernator, vt navigium transmitteret, quo veheremur. Interim Calpe brevem Missionem confecimus, in qua ego duos sermones habui in foro ad Mahumetanos; in eisque duo, vel tres conversi sunt. Postmodum cymbam conscendentes in Ceutam navigauimus, quæ à Calpe quinque leucis distat, sine cogitatione in Calpem regrediendi: Finita Missione Ceutica, in scapham aliam ascendimus, navigationem versùs Esteponam dirigentes, ad sinistram relinquentes Calpensẽ Portum. Sed ecce, cum ad medium freti peruenimus nauclerus nuveculam detegit, quæ ventum contrarium, & tempestatem portendebat; admonuit, vt ad fugiendum naufragij periculum in Calpensẽ Portum descenderemus: & illico scapham versùs montem Calpem direxit, vt ad eius radicem navigantes securè portum possemus ingredi. Et ita incolumes eò peruenimus. Petiimus ab Excellentissimo Domino Marchione de la Laguna illius arcis, & vr-

bis

bis Gubernatore, vt nobis suppeditaret equos, ad  
 iter faciendum primo mane: instabat enim tempus  
 pergendi Matritum quò nos vocabat Excellentissi-  
 mus Marchio de Aytona, qui per litteras rogauerat  
 Illustrissimum Episcopum, vt Patres Missionarios in  
 Curiam Matritensem mitteret, vt ibi tempore qua-  
 dragessimæ Missionem instituerent, iusserat tamen  
 Illustrissimus Episcopus, vt per transitum duo illa  
 suæ Diœcesis oppida, ad oram maritimam sita, Este-  
 ponam scilicet, & Maruecam Missionem lustraremus:  
 nos autem cupientes iussa eius adimplere, profectio-  
 nem maturare satagebamus. Iam omnia parata erant  
 ad nos itineri propè accingēdos: pluebat tamē inces-  
 santer, & nos expectauimus aliquantulum temporis  
 intervallum, vt pluvia quiesceret: & cum non cessa-  
 ret, nihilominus dicellum meditabamur, sed pro sua  
 in nos benignitate Dominus Marchio non permittit,  
 vt illinc abiremus, donec Cælum tantisper serenaret;  
 cum verò iam meridies appropinquaret, decreuimus  
 illic ea die remanere. Vix hoc consilium remanendi  
 inuimus, cum subito mutatus est ventus; & ab occi-  
 dente perflans, nubes dissipauit, & Cælum serenum  
 reddidit. Tunc ad me accedens vir nobilis, non hoc  
 casu, inquit, factum existimo: dum Paternitates ve-  
 stræ non mutarunt consilium proficiscendi, Cælum  
 faciem non mutauit; nunc verò, quia melius consi-  
 lium inierunt hodie hic remanendi, Cælum ipsum se  
 apperire cæpit, & serenum factum est: aliquid hic, vt  
 suspicor, intendit Deus: ego ancillam Africanam ha-  
 beo,

beo, quæ mihi dixit, aliquas Mauras postquam vestram Paternitatem concionantem audierunt contra sectam Mahumetanam, alijs iam oculis Christianam Religionem prospicere, & earum cor non parum illis concionibus emollitum esse; contingensque proinde esse, vt aliquæ convertantur, si aliam concionem ad Mahumeranos habeat: rogo ego Paternitatem vestram, vt hoc vespere aliam concionem ad illos habeat. Visum nobis est hoc consilium à Deo venire. Decreuimus, vt Pater Guillem concionem exhiberet Christianis, & ego per modum tradentis Catechismum, & doctrinam explicantis ante concionē Christianorum, pulpitem conscenderem, & cum Mahumetanis de Religione loquerer. Probauit consilium Dominus Marchio; & voce præconis per vicos, & plateas edictum promulgauit, quo iubebat, vt omnes qui ancillas, vel seruos Mahumetanos habebant, eos in Ecclesiam adducerent, quarta post meridiem hora. Congregata est tota Ciuitas; & ante concionem Patris Guillem ego de necessitate Christianæ Fidei ad salutem disserui per dimidiam horam, vel tres quadrantes: & vt omnibus clare pateret, illam pluviam, quæ nos detinuit, à Deo speciali providentia ordinatam fuisse ad conversionem infidelium; quinque fœminæ Mahumetanæ, quæ ad audiendam concionem venerant, alta voce Baptismum in media Ecclesia postularunt. Quis hic non miretur Diuinam Providentiam, quæ homines ad Religionem ita vocat? Signum ergo manifestum est, Religionem Chri-



stianam ad quam Deus homines ita trahit, esse veram, & rectam ad Cælum viam.

Sequenti die cum esset iam tempus tranquillum scapham iterum ascendimus, & versus Esteponam nauigauimus, ad cuius oram Patrem Guillem, cum vno ex Sacerdotibus sæcularibus dimittens, navigationem continuaui Maruecam vsque cum alijs duobus; vt sic invicem separati citius Missiones illas absolueremus. Et hic contigit quod supra pag. 83. narraui de obstinatione Maurorum, qui Maruecæ commorabantur, & facilitate, qua omnes, qui Esteponæ habitabant, ad Christum conversi sunt. Et Malacam regredientes, accepta benedictione ab Illustrissimo Episcopo, ad Missionem Mattritensem profecti sumus 2. die Februarij, anni 1670.

## CAPV T XI.

*Convincitur falsitatis secta Mahumetana ex eo, quod ponat hominis beatitudinem in delectationibus carnalibus gustus, & tactus.*

**M**Ahumetus in secundo Alcorani capitulo ita „ habet: Deum prædicare bonos in parady- „ sum inducturum, vbi dulcissimas aquas, pomaque „ multimoda, fructusque varios, & decentissimas ac „ mundissimas mulieres, omneque bonum in æter- „ num possidebunt. Rursus capite, seu Zorà 28. Cre- „ dentes, & benefacientes sua non amittent opera. „ Illic

„ Illic namque paradyſum fontibus amœnum, & illic  
 „ annulos, & torques aureos, & ornatus ſericos vi-  
 „ rides & de auratos poſidebunt, & in lectis aulæa-  
 „ tis accumbent: & hæc eſt maxima merces, & inter-  
 „ minabilis. Et ruruſus Zorà 47. 48. & 62. paradyſi  
 „ bona enumerat, nempe, mulieres mundas, fructus  
 „ dulciſſimos, aquas limpidiſſimas, lectos ſericos,  
 „ aulæa, pulvinaria, ſcyphos, pincernas, hortus, viri-  
 „ daria, fontes, &c. Neque hæc myſticè, ſed propriè;  
 & corporaliter intelligi voluit, & omnes intelli-  
 gunt.

Ioannes Andræas, qui prius fuit Mahumetanorū  
 Doct̃or, & Alſaquinus, in ſuo opere contra Alcora-  
 num cap. 9. affirmat Mahumetum in Alcorano aſſe-  
 rere, Deum creauiſſe ſeptem paradyſos, vel ſeptem  
 Manſiones; quarum ſingulæ paradyſus appellantur;  
 omneſque ex auro, argento, lapidibuſque pretioſis  
 conſtare; multaque ibi eſſe palatia. Inſuper teſtatur,  
 Mahumetum aſſerere paradyſum promiſſum Mau-  
 ris magnitudine æquare cœlos, & terram. Et meritò  
 à Mahumetanis rogat, vt ſibi exponant, vbi nam fu-  
 turus ſit iſte paradyſus, ſi eius amplitudo tanta eſt,  
 quantam continent cœleſtes orbes, & terra? Inſuper  
 affirmat Mahumetum ponere in ſuo illo paradyſo  
 fontem quendam nomine *Alcauſar*, quæ ipſius Ma-  
 humeti peculiaris eſt, tantæ magnitudinis, vt penes  
 longitudinem, & latitudinem ſeptuaginta mille die-  
 rum iter contineat, eiſque aquam eſſe lacte candi-  
 diorem, & melle dulciorem, totque eſſe prope fontē  
 illum

illum vasa aurea, pateras, crateres, & scyphos ad hauriendam aquam, quot sunt in cœlo stellæ. Et in medio paradyso arborem ponere tantæ magnitudinis, & proceritatis, quantæ est ipse paradysus, quæ ramos proinde diffundat vsque ad paradyfi muros; eiusque folia aurea, & argentea esse, & in singulis inscriptum esse nomen Dei, & nomen Mahumeti.

Insuper testatur Mahumetum in Alcorano asserere, Deum in quadam paradyfi Mansionem, quæ appellatur *Genetu Alcoduz*, idest paradysus sancti, paraturum Mauris conviviũ magnũ, lautumque epulũ, quod Arabicè appellatur *Adrate Alcoduz* mensem vero, in qua dapes sunt apponendæ, adamantem esse tantæ molis vt penes lógitudinem, & latitudinẽ septem mille dierum iter ambiat, dicit præterea, pincernas pulcherrimos, post alios cibos, ad extremum adducturos in mensam singulis conviuis singula mala citrea, & ex eis prodituras Virgines pulcherrimas mirè ornatas, & vnumquemque Maurorum, suã Virginem arctissime amplexaturum, & per quinquaginta continuos annos hunc amplexum duraturum; post hoc vero tempus Deum ostensurum illis faciem suam amoris velis, quibus regitur: postquam vero Dei faciem viderint, abituros ex illa Mansionem paradyfi in aliam, ibique per totam æternitatem mansuros cum illis pulcherrimis fœminis, vt ex cibo, potu, & mulierum consortio æternam capiant delectationem.

Quis hæc sine risu audire queat? quis non miretur, non stupeat, homines rationis compotes has fabu-

bu-



Gulas, hæc ridicula somnia, vt articulum fidei credere, & tanquam magnum Prophetam venerari Mahumetum, qui talia confinxit. Certe Alcoranum ipsum sine alio argumento manifeste probat, legem illam non esse à Deo: & inexcusabiles sunt Mahumetani perspicaces, & ingeniosi, qui hæc legentes, non agnoscunt has esse fabulas deridiculas, indignasque, vt eis vlla fides adhibeatur.

Ioannes Andræas postquam hæc retulit, Mauros irridens, merito animadverrit, lattinas, & cloacas desiderari in illo paradyso, in quo tam splendide epulantur, & bibunt Mauri. Rursusque per iocum ait, fœminas Mahumetanas meritò de suo Propheta cõqueri posse, quia eis non assignat completam fœlicitatem in suo paradyso: si enim Virgines illæ, quibus fruuntur Mauri, non sunt huius generationis, vt Mahumetus docet, sed in paradyso de nouo creatæ, & ab æterno Mauris præparatæ ad æternam fœlicitatem, quia sine vsu fœminarum arbitratur non possè dari beatitudinem virorum; necessariò sequitur fœminas Mahumetanas non fore beatas, sed in æternū miseras, quia carebunt consortio virorum: quia si delectatio venerea necessaria est viris ad beatitudinem, etiam erit necessaria fœminis: vnde istæ erunt in æternum miserae, & præ invidia tabescēt, animadvercentes fœminas in paradyso creatas, frui viris, quibus non inservierunt, se verò post tot labores ab illa fœlicitate repelli. Quare Mahumetus cogitur alterum è duobus dicere, nimirum vel fœminas, non re-

surrecturas in corpore fœmineo, vel non habituras  
 beatitudinem, si in illo resurgant : & ytrumque est  
 falsum. Primum quidem, quia cum fœminæ in cor-  
 pore fœmineo sustinuerint dolores, ærumnas, & mor-  
 tificationes propter Deum, ratio postulat, vt in eo-  
 dem corpore resurgant, vt ipsummet indiuiduum,  
 ipsemet homo, qui laborauit, præmium recipiat ; &  
 ita merito docent Teologi Christiani cum D. Tho-  
 ma in 4. dist. 44. & 4. Contra gent. cap. 88. & planè  
 colligitur ex verbis Christi Ioan. 5. *Venit hora, in qua  
 omnes qui in monumentis sunt, audient vocem eius, &  
 procedent, qui bona fecerunt, in resurrectionem vitæ, qui  
 vero mala egerunt, in resurrectionem iudicij.* Ergo fœ-  
 mina ipsa, quæ in hac vita per corpus bona opera  
 fecit, eademmet numero resurget, vt præmium in  
 eodem corpore recipiat, in quo laborauit. & simili-  
 ter de illa, quæ mala opera per corpus exercuit, &c.  
 Vnde S. Dionysius lib. de Ecclesiast. Hierar. part.  
 1. capit. 7. merito dixit, eos, qui animabus alio-  
 rum corporum coniugia tribuunt: *Quantum in se est,  
 iniurijs afficere corpora, quæ cum sanctis animæque labo-  
 rarunt, sacris retributionibus priuantes quæ ad finem san-  
 ctissimi cursus pervenerunt.* Et ideò Sanctus Iob cap.  
 19. seipsum, & suam carnem exhortabatur ad labo-  
 rem, quia in ipsa resurrecturus esset, & visurus suum  
 redemptorem: *Quem visurus sum ego ipse, & non alius,  
 &c.* Hinc Eximius Doctor P. Suarez tom. 2. in 3. p.  
 disp. 43. sect. 3. asserit, certum esse ex sententia om-  
 nium Theologorum in resurrectione hominum ser-

vandam esse sexuum diuersitatem: neque aliquem Catholicum id vertere in dubium, sed solum illos hæreticos, qui humanum corpus organicum negant futurum esse in hominibus resurgentibus.

Secundum vero, nempe quod fœminæ in alia vita non habituræ sint, plenam & veram fœlicitatem, si in hac vita piè & sancte vixerint, est manifeste falsum, & contra Dei iustitiam. Cum enim fœmina possit virum in hac vita excedere in sanctitate, esset cōtra iustitiam, illam fraudare beatitudine, quæ conceditur viro.

Quare vincitur Mahumetum in illo suo paradiso confingendo vnicè fuisse intentum in captandam gratiam, & beneuolentiam virorum, quia illis indigebat ad bella, quibus regnum sibi parare cogitabat; de fœlicitate verò fœminatum, non fuisse sollicitum, quia illis non indigebat ad certamina: vnde de illo neque verbum fecit.

Docet autem liber *Sune*, qui apud Arabes paræ est authoritatis cum Alcorano, Virgines illas in paradiso retribuendas Mauris, fore aded pulchras, & venustas, vt si aliqua earum se spectandam præberet, & in extrema cœli parte appareret, totum mundum mira claritate illustraret: fore aded suaves, & dulces, vt si aliqua earum in mare salinam regeret, totam aquarum abyssum in aquam dulcissimam, & meliorem converteret.

Dubium autem est, an Mahumetus in paradiso singulis viris multas fœminas assignet ad plenam fœ-



licitatem, an singulis singulas dumtaxat? S. Petrus Paschasius in suo tractatu contra Mahumetanos, pag. 68. num 86. ait, vnicuique virorum in paradyso assignare ex virginibus valdè pulchris, & decoris quatuor mille, & ex alijs octo mille. Certè de impurissimo Mahumeto, qui in hac vita contentus non fuit vna vxore, sed plurimas simul habuit, credi non debet, quod vnam dumtaxat pro alia vita, vbi gaudia, & delectationes debent esse maiora, suis promiserit. Ioannes Andræas in sua confutatione Alcorani cap. 7. testatur, Mahumetum cum quindecim mulieribus matrimonium contraxisse, & eodem tempore vndecim simul vxores habuisse, præter ancillas. Ita enim testatur liber inter Arabes magnæ autoritatis, cui titulus *Assameyl*, idest de bonis Mahumeti dotibus, & indole. Et liber *Azeear*, testatur, quando Mahumetus obiit, novem simul vxores eius viduas remansisse. Qui ergo in hac vita tot vxores habebat præter concubinas, exiguam putaret suam felicitatem, si vna tantum in alia vita esse donandus.

Hunc paradysum indignum esse creatura rationali, vel iphi Philosophi Mahumetani cognouere. Siquidem Averroes præstantissimus Philosophus, & Aristotelis commentator, quamvis professione Mahumetanus, falsus est, melius sensisse, & scripsisse Aristotelem, quamvis Philosophum Ethnicum, de ultimo fine, & felicitate hominis quàm Mahumetum, nam Aristoteles posuit felicitatem hominis in excellentissima hominis operatione, nempe in contem-

pla-

platione Dei: Mahumetus vero in abiectiore, & sordidior, qualis est comedere, & bibere, & fœminis uti. Quod nihil aliud est, quam pro paradyso lupanar, & prostibulum constituisse; potiusque appellari deberet paradysus bestiarum, quàm hominum. Unde meritò Guillelmus Parisiensis lib. de legibus cap. 19. inquit: Quid est paradysus iste, nisi taberna indefessæ ingurgitationis, & perpetuæ turpitudinis prostibulum? Et ad finem capituli: Manifestum est, quod paradysus iste non est nisi volutabrum porcorum, & quod vociferatio ipsius pecudum est, non hominum. Avicena vero vir magni ingenij, Philosophusque, & Medicus insignis lib. 9. de prima Philosophia fœlicitatem hominis spiritualem esse debere agnoscit, non materialem, & corpoream, quam posuit Mahumetus: Lex nostra (inquit) quam dedit Mahumet, dispositionem fœlicitatis, & miseriam, quæ sunt secundum corpus attendit. Sed est alia promissio, quæ attenditur intellectu. Sapientibus verò Theologis multo maior cupiditas fuit ad apprehendendam istam, quàm corporum, quæ quamvis daretur eis, non tamen attenderunt eam, neque in pretio habuerunt in comparatione fœlicitatis, quæ est coniunctio cum veritate. Hæc ille. Quibus verbis satis significavit, fœlicitatem consistentem in delectationibus sensuum, & tactus non posse esse ultimum finem hominis, qui rationalis est.

Maximæ olim inter Philosophos extitere concertationes circa finem hominis, videlicet, qua in re cō-

sistat hominis beatitudo, quodque sit summum eius bonum. Tres autem hac de re fuerunt sententiae celebriores. Prima, summum hominis bonum consistere in voluptatibus corporis. Hæc passim tribuitur Epicuro, eiusque sectatoribus. Secunda, summum hominis bonum consistere in virtute, siue in eo, quod est *viuere convenienter naturæ, & rationi*. Ita Stoici. Tertia Aristotelis, qui constituit beatitudinem potissimum in perfectissima operatione præstantissimæ facultatis circa præstantissimum obiectum, hoc est in contemplatione Dei, & rerum diuinarum, quantum fas est homini.

Ex his tribus Philosophorum sententijs prima Epicuri, & sequacium contemnitur à cordationibus Philosophis; & nihilominus illā sectatus est Mahumerus; & quidē absurdus, quam Epicurus. Nā iste licet posuerit felicitatē in voluptate nō tamē in voluptate solius corporis, sed in voluptate corporis, & animi, & utrasque voluit esse moderatas. At Mahumerus in solis voluptatibus corporis, illisque immoderatissimis beatitudinem, & felicitatem hominis collocat. Vnde eius sententia est absurdissima, & cōtra lumen rationis. Cum enim homo sit animal rationale, & ab omnibus brutis differat essentialiter, non potest consistere eius felicitas, & beatitudo in illis operationibus, quas habet communes cum brutis; delectatio autem quæ capitur ex cibo, & potu, & ex usu venetis, communis est homini cum brutis: ergo in illa non potest consistere hominis beatitudo.



Hunc bestiarum paradysum multis impugnatur  
 Guillelmus Alvernus Episcopus Parisiensis, qui floruit  
 ad ann. 1240. lib. de legibus cap. 19. qui inter  
 alia argumenta, quæ contra illum conficit, arguit ab  
 inconvenienti; quia cum in homine sit pars superior,  
 nempe ratio, quæ semper in hac vita pro virtute  
 pugnat contra rebellionem appetitus, & pars  
 inferior, nempe appetitus, & caro, quæ pugnant  
 contra spiritum, iuxta illud Apostoli, caro concu-  
 piscit adversus spiritum, & spiritus adversus carnem;  
 esset planè iniustitia, portionem inferiorem æterna  
 felicitate donare, & partem superiorem, sine bea-  
 tudine relinquere: Sequeretur (inquit) ex hoc  
 manifesta Dei iniquitas atque perversitas; pars  
 enim ista semper rebellis est in nobis, dum hic vi-  
 uimus, honestati, & repugnans Dei voluntati. Re-  
 liquum vero quod est in nobis nobile atque præ-  
 cipuum, semper pugnat pro honestate, & pro Dei  
 voluntate contra residuum: hæc igitur esset ma-  
 nifesta Dei iniquitas, quod servientem sibi partem  
 in nobis, & pro eo semper pugnantem, non re-  
 muneraret propria felicitate, & gloria: hæc vero  
 perversitas, quod inimicam sibi, & honestati parti-  
 tem, virtutumque omnium fomitem remuneraret.

D. Thomàs, qui paulo post Guillelmum Parisien-  
 sem floruit (liquidem natus est anno 1224. & obiit  
 anno 1274.) lib. 4. contra gentes cap. 83. latè probat  
 post resurrectionem non fore usum ciborum, & ve-

nereorum. Evidentissimeque constat, felicitatem atque beatitudinem hominis non posse in illis delectationibus consistere. Quis enim non erubescat, & tanquam contumeliam excipiat, quod ei dicatur; *Tu solum ad comedendum, & bibendum, & vacandum delectationibus venereis creatus es.* Nulli autem potest esse probrosum, quod ipsi exponatur finis, ad quem conditus est; ergo homo conditus non est ad vilissimum illum finem, bestiarum proprium.

Et sane cum beatitudo hominis sit res pretiosissima, & margarita maximi valoris, & supellex maximi pretij; & nullus sapiens gemmam pretiosam in theca sordida reponat, quomodo Deus sapientissimus beatitudinem in corpore vili, & non in spiritu nobilissimo collocaret?

Si delectationes venereæ, etiam licitæ, indecentiâ quandâ habent, & ideo natura duce homines latebras quærunt ad vacandum generationis operi; quomodo in eis beatitudo hominis consistere potest? Certe de adeptione sui finis, & de potissima suæ felicitatis parte, homo erubescere non potest. Erubescit autem de opere vxorio, ergo in illo nec in toto nec in parte potest beatitudo hominis consistere. Si camelus, & elephas, ut refert Aristoteles lib. 5. de Histor. Anim. cap. 2. latibulum quærunt ad coitum, & elephas post coitum iterum absconditur, quasi facti eum pudeat, & mox se abluit, quasi sordes contraxerit; quomodo beatitudo hominis potest in tam pudendo opere consistere?

Si Seneca, cum esset Philosophus Gentilis, serid dicebat Epist. 65. *Maiores sum, & ad maiora natus, quam ut corporis mei mancipium sim*, quærendo scilicet corporis delectationes, & gulæ, & veneri indulgendo. Si Socrates interrogatus, in quo ipse differret ab alijs hominibus, qui delectationes gustus immoderate quærebant, respondit: *Alij viuunt, ut edant, ego edo ut viuam*. Si Oratius lib. 2. Epist. 2. ad Lelium, homini, quem deprimere, & humiliare volebat, per opprobrium, & contemptum dixit, ipsum ad hoc solum natum esse ut comederet, *Nos numerus sumus, & fruges consumere nati*: quid isti Philosophi dicerent, si Mahumetum audirent prædicantem, supremam hominis fœlicitatem consistere in ventris ingluviæ; & venereis delectationibus? Certè dicerent, illum non hominum, sed pecudum Magiltrum appellari debere.

Si Vir nobilis, & honestus nollet in domo sua filios, vel famulos habere, qui tota die nihil aliud curarent, quam ventrem cibo, & potu onerare, & venereis delectationibus inhiare: quomodo Deus in purissima Empyreï domo ferre posset homines, qui in hoc ipsum vnicè intenti forent? Profecto cum homo substantia sit rationalis intellectiua, & volitiua, eius suprema fœlicitas, & beatitudo debet esse participatio quædam altissima illius beatitudinis, qua Deus in se beatus, & summè fœlix est: Deus autem beatus est, quia seipsum contemplatur, seipsum amat, & de seipso summè gaudet, nec enim aliquid



extra Deum potest esse beatitudo obiectiua Dei, seu materia fœlicitatis Dei: ergo hominis beatitudo debet consistere in altissima Dei contemplatione, & amore, & gaudio de diuinis perfectionibus inde resultante: ergo nequit consistere in delectationibus sensus, & tactus. Facessat ergo impurissimus ille Mahumeti paradyssus, & longe sit ab hominibus rationalibus bestialis illa beatitudo.

O quam longe est ab hac cœcitate diuina Christi doctrina, qui Matth. 22. Saducæis negantibus resurrectionem, & ab incommodo arguentibus, quia si eadem femina successiue nupisset septem Viris, in resurrectione non posset determinari, cuiusnam de septem vxor futura esset; Dominus respondit: *Erratis nescientes scripturas, & virtutem Dei. In resurrectione enim, nec nubunt, nec nubentur: sed erunt sicut Angeli Dei in Cælo.* Et Luc. 20. *Nec nubunt, nec ducunt vxores, qui digni habentur sæculo illo.* Meritoque dicuntur homines in beatitudine futuri sicut Angeli, quia cum conueniant cum Angelis penes intellectum, & voluntatem, quæ sunt potentiæ spirituales, eorum beatitudo debet consistere in actibus intellectus, & voluntatis, & in delectatione spirituali ex illis actibus resultante. Dubium non est, eo in hac vita quem esse perfectiorem, quo magis assimilatur vitæ Beatorum: si ergo perfectio vitæ beatæ cōsistit in cumulo delectationum carnalium, nimirum in suauium ciborum sumptione, dulcium liquorum hâustu, & in venerea delectatione, eo quis in hac vita melior, &

perfectior existeret, quo aui dius hæc oblectamenta  
quæsierit, & plenius assecutus fuerit. Quis autẽ non  
videat hoc esse absurdissimũ? O quam longẽ fuerunt  
ab hac sententiã, vel ipsi Gentiles solius rationis natu-  
ralis ductu! Audiant Mahumetani celebre illud Ca-  
tonis pronuntiãtum, qui dixit, *Si sine vxoribus mundus  
esse posset, vitam nostram futuram esse, qualis est Deorum  
Cælestium: quare eas malum esse, sed malum necessarium.*

Quis non videat creaturæ rationalis perfectionem  
consistere in imitatione Creatoris, seu in eo, quod  
quantum fas est creaturæ, mores diuinos in se expri-  
mere cõnetur? Vnde Christus aiebat: *estote er-  
go perfecti sicut Pater vester cælestis perfectus  
est.* Idque cognouit Pirthagoras Philosophus Genti-  
lis, quando dixit: *Vitæ finis est Dei assimilatio.* Cum  
ergo Deus incapax sit delectationum carnalium ci-  
bi, potus, & veneris, nequit hominis beatitudo in illis  
consistere; eoque perfectius homo Deum imitatur,  
quo ab illis magis recedit, & magis rebus intelligibi-  
libus, & spiritualibus inhæret.

Sed placet in medium proferre elegantem, & di-  
lucidum discursum, quo Pater Lessius lib. 1. de sum-  
mo bono cap. 4. in hunc Mahumeti Paradysum inue-  
hitur. Primò. Summum bonum hominis debet esse  
tale vt hominem faciat meliorem, & perfectiorem:  
immò debet efficere optimum, & perfectissimum.  
Idè enim dicitur summum bonum, quia summe per-  
ficit, & in summo dignitatis, & perfectionis gradu  
constituit. At voluptas corporis hominem non so-  
lum

lum non facit optimum, & perfectissimum, sed etiam reddit deteriore. Nihil enim est quod æquè lumen rationis offuscet, ac mores corrumpat, atque voluptas: ut videre est in illis, qui ventri, & libidini sunt dediti. Nihil enim his stupidius, nihil ad sapientiam, & diuina percipienda ineptius, nihil moribus, & vita inquinatius. Idem testantur etiam Ethnici Scriptores. Cic. in Cat. *Diuinè Plato escam malorum appellat voluptatem, quod ea videlicet homines capiantur, ut hamo pisces.* Et Seneca Epist. 3. *Indulgere voluptati initium omnium malorum est.* Ratio est: quia cum voluptas mentem excæcet, ut virtutis pulchritudinem, & vitiorum fœditatem non consideret, & ex altera parte suis blanditijs affectum hominis vehementer alliciat; fit ut nullum sit peccatum, nullum crimen adeò detestabile, in quod hominem non præcipitet.

Secundò, summum bonum potiore partem hominis, nempe mentem, perficere, & ornare debet. At voluptas hanc non solum non perficit, sed illius perfectionem, & functionem maximè impedit, ipsamque brutam, & stupidam reddit.

Tertiò, summum bonum facit honore, & veneratione dignum: quia summam homini excellentiam confert, & in summo dignitatis gradu constituit; ita ut altius conscendere, aut aliquid, quod sublimius sit, obtinere nequeat. Si enim aliquid sublimius posset consequi, hoc ipsum potius esset summum, non illud. Denique maximè eleuat hominem supra se, factique

Deo



Deo simillimum. At voluptas facit hominem vilem; abiectum, & despicabilem. Qui enim voluptatibus dediti, passim contemnentur tanquam inertes, & gulæ, venerisque mancipia. Hinc illud Poetæ.

*Epicuri de grege porcus.*

Facit enim similem porcis, qui ad pastum, & libidinem abiecti: non Deo, qui longissime ab omni corporali voluptate, & contagione segregatus, contemplatione veritatis, hoc est sui ipsius, delectatur. Itaque voluptas hominem maximè dedecorat: *Quis hostis* (inquit Seneca) *in quemquam tam contumeliosus fuit, quam in quosdam voluptates sue sunt, quorum impotenti, & insanae libidini ob hoc unum possis ignoscere, quod quæ fecere, patiuntur.*

Quartò, si voluptas esset summum bonum, fas esset illam quærere in omni re, in qua reperitur, & ad eam obtinendam adhiberi possent quæcumque ad hoc opportuna. Itaque licita esset omnis libidinum turpitudine, licitæ comesationes, & ebrietates, licita furta, rapinæ, homicidia, & omnia scelera, per quæ ad voluptates pervenitur: summum enim bonum in omni re, in qua reperiri potest, & omnibus medijs, per quæ obtineri potest, quærere licet. Idem suis moribus confirmant ij, qui in voluptate summum bonum constituunt: nullum enim scelus, nullam turpitudinem, si absit metus legum, recusant. Nihil illicium,

tum,

tum, aut recusandum, quod summo bono est consentaneum, vel aliquid opis, commodive adferre potest ad illud obtinendum.

Quinto, rursus si voluptas esset summum bonum, vita ista esset expetenda propter cibum, potum, & venerea, in quibus consistit illa voluptas, & hæc non propter vitæ conservationem; aut naturæ propagationem, sed propter voluptatem, ordine planè in verso, & naturæ contrario, quæ statuit, ut cibo, & potu utamur ad vitæ conservationem, re venerea ad naturæ propagationem. Adiunxit autem his functionibus voluptatem tanquam condimentum, & illecebram, ne propter molestiam negligentur. Itaque voluptas est propter has functiones; functiones propter vitæ, & speciei conservationem.

Sextò denique, qui voluptatem statuit summum bonum, eo ipso suum ventrem statuit sibi Deum, iuxta illud Apostoli: *Quorum Deus venter est.* Ratio est, quia illud cuique est Deus, in cuius obsequio; & cultu summum bonum suum constituit. Nihil enim agnoscit præstantius, aut quod huic sit præferendum. Atqui iste summum bonum suum constituit in obsequio, & cultu ventris. Servire enim ventri, & libidini est illi summum bonum. Ergo venter est illi Deus. Confirmatur: quia illud cuique est Deus, ad quod omnia sua, etiam suam beatitudinem ultimo refert, & dirigit. Ad Deum enim ultimo omnia referenda. Atqui hic omnia sua dirigit, etiam cibum, & potum, &c. quorum fructione separat beatum ad

bonum ventris: ibique sistit: ergo, &c. Talis erat ille Cyclops apud Euripidem in Cyclope, qui dicebat se Iovem non curare, sed maximum Deorum sibi esse suum ventrem: huic se assidue sacrificare, &c.

Ex his manifestum est, voluptatem corporis non solum non esse censendam summum bonum, sed potius numerandā in malis, ac proinde sapienti, quo maiori conatu poterit, fugiendam. Etsi enim per se sit quiddam adiaphorum, tamē tanta mala secum trahit, ut potius in malis, quam in adiaphoris sit numeranda: nam mentem excæcat, virtutem elidit, in vitia præcipitat; corpus & animum enervat, naturam humanam dedecorat, molles, inglorios, viles, & despiciabiles efficit, brutis assimilat. Denique omnes huius vitæ voluptates sunt valde imperfectæ, multis sordibus, & fætoribus inquinatæ, multis doloribus permixtæ, & pleræque dolorum, & molestiarum dumtaxat solatia. Voluptas enim edendi, solatium est molestiæ, quā affert fames; bibendi, quā sitis; veneris, quā incitatio libidinis: ac proinde pares illæ voluptates sunt voluptati, quā leprosi, & scabiosi, dum scabuntur, sentiunt. Præclare hæc omnia confirmat Architas Tarentinus apud Ciceronem in Catone, cum ait: *Nullam capitaliorem pestem, quam corporis voluptatem hominibus à natura datam. Hinc patriæ proditioes, hinc rerum publicarum euersiones, hinc cum hostibus clandestina colloquia nascuntur. Nullum denique scelus, nullum facinus esse, ad quod suscipiendum non libido voluptatis impellat. Stupra verò, adulteria, & omne*



*tale flagitium nullis alijs illecebris excitari nisi voluptatibus. Cumque mente nihil sit præstabilius homini à Deo datum, huic diuino muneri nihil esse tam inimicum, quam voluptatem. Nec enim libidine dominante temperantiæ locum esse, nec omnino in voluptatis regno virtutem posse consistere. Quod quo magis intelligi posset, fingere iubebat animo quem piam maxima voluptate incitatum: nemini censebat fore dubium, quin tandiù dum ita gauderet, nihil agitare mente, nihil ratione, nihil cogitatione consequi posset: Quo circa nil esse tam detestabile, tamque pestiferum, quam voluptatem. Siquidem ea, cum maior esset, atque longinquior, omne animæ lumen extingueret. Hæc ille: qua sententia optimè ostendit tantū abesse ut voluptas sit summum bonum, ut potius sit dicenda summum malum, ac pestis quædam naturæ humanæ, cum id, quod optimum est in homine, nempe lumen rationis extinguat, & ad omne malum animos incitet.*

*Denique Mahumetanorum sententia etiam multis alijs nominibus est absurda. Vel enim beati post hanc vitam egebunt cibo, & potu ad corporis, & vitæ sustentationem, vel non egebunt. Si egebunt, non sunt beati, nec immortales, sed corpore sunt labili, quod fame, & siti cruciari possit, & dissolvi; sicut in hac vita: illisque edendum, & bibendum erit vitæ potius conservandæ causâ, quam captandæ voluptatis. Si non egebunt, cur illis vtentur? An ideo ne videlicet careant hac voluptate? Ita planè illi sentiunt, quia nihil maius, aut dulcius gulæ, ventrisque volup-*

tate, animo concipere possunt. Sed comedere, & corpus purum sordibus implere solius voluptatis causa, natura id minime postulante, res est absurda, rationi, & naturæ adversa. Necesse enim est hoc torum, cum natura non postulet, verti in sordes, & excrementa, & locum beatorum immani fœtore compleri. Pari modo, vel erit procreatio post hanc vitam, vel non erit. Si erit, vel proles erunt beatæ, & immortales, & sic crescet numerus beatorum in infinitum, vel non erunt beatæ, sed mortales, ac proinde Cœlo exturbandæ, donec beatitudinem mereantur. Si non erit procreatio, quorsum usus veneris? Solius enim voluptatis causa uti venere, brutorum potius est animarium, quæ cum non possint intelligere in quem finem usus veneris sit institutus, solam voluptatem apprehendunt, & in illam cæco feruntur impetu, quàm hominum luce rationis præditorum, qui scopum cuique operi præfixum spectare, & opus ad eum dirigere debent. Solent Turcæ Christianos per convivium vocare *canes*, sed nullo fundamento, cum Religio, & institutum Christianorum potius sit Angelicum, vel diuinum quàm caninum. Longè verius, & iustius ipsi vocari possent *Porci*, & *canes*, quorum summum bonum sicut porcorum, & canum in ventre est, & ijs, quæ sub ventrem, nihilque spirituale continent.

## LIBER TERTIVS.

IN QVO EX DICTIS ALCORANI,  
 & ex Scripturis Diuinis, quas admittit, & ex Di-  
 uinis visionibus, & miraculis probatur Diuinitas  
 Christi, & Trinitas Personarum. Vbi etiam appo-  
 nitur longum colloquium, quod Author habuit cum  
 arguto Mahumetano: & varijs similitudinibus ex-  
 ponuntur mysterium Incarnationis, & Trinitatis; &  
 docetur quomodo agendum sit cum Infidelibus, qui  
 ob difficultatem mysteriorum nostræ Fidei illam re-  
 cipere detrectant: & demonstratur legem Christi  
 abrogari non potuisse per legem Mahumeti,  
 quamvis lex Moysis sit abrogata per  
 legem Christi.

## CAPVT PRIMVM.

Demonstratur Diuinitas Christi ex dictis Alcorani, ubi  
 Christum appellat Verbum Dei, & ex libris Diuinis, qui-  
 bus Mahumetus iussit haberi Fidem.



MAHUMETVS in Alcorano cap. i. clarè, &  
 disertè asserit, Christum Filium Mariæ esse  
 Dei Verbum; idque testatur etiam Georg.  
 Almac. apud Arabes Author summæ  
 authoritatis, vt vidimus suprâ, qui lib. i. hist. Sarra-  
 cen.



cen. cap. I. cuius titulus est: *Primus Muslimorum Imperator fuit Mahumet Abulcasimus glorioſe memorie*, agens de his, quæ Mahumed iuſſit credere, inquit: *Iuſſit quoque credere Chriſtum Filium Mariæ, Spiritum Dei eſſe, & Verbum eius*. Muslimorum nomine intelligit Mahumetanæ Religionis profeſſores, id eſt, Turcas, vt explicat Calepinus, ſed ego ſuſpisor hoc nomine aliud ſignificare: Nam Legatus Regis Galliæ Conſtantinopoli degens, qui Alcoranum in Gallicum idioma convertit, in Prologo illius operis refert, Turcas ſeipſos appellare, *Musulmans*, id eſt, Deo addiſtos, ſeñ in Deo reſignatos, vel ſalvandos.

Hoc ſuppoſito ſic argumētor: Chriſtus eſt Dei Verbum: ſed Verbum Dei eſt Deus, ergo Chriſtus eſt Deus. Mai. eſt expreſſa doctrina Alcorani. Min. prob. nam dum Mahumetus dicit Chriſtum eſſe Dei Verbum, non loquitur de Verbo externo, & vocali, quo nimirum Deus externe cum hominibus, vel Angelis loquatur, vel formando, & articulando voces ſignificatiuas in aëre, vel infundendo verba interna mentalia, ſicut loquutus eſt cum Prophetis: nam verba hæc quæ extra Deum ſunt, ſeñ per quæ externe Deus loquitur, non ſunt ſubſtantia aliqua, ſed accidens, nec ſunt perſona, vel ſuppoſitum, ſed ſunt accidentia aliqua, quibus, vel homo formaliter intelligit, vel ad intelligendum manuducitur, & excitatur: Chriſtus verò non eſt accidens, ſed ſubſtantia: ergo Chriſtus non eſt Verbum Dei externum. Fuerunt olim Hæretici, quorum meminit Athan. homilin il-

Iud *Missus est Angelus, &c.* qui dicebant, Verbum illud  
 Angeli, quo locutus est B. Virgini in Annuntiatione,  
 esse Incarnatum, & factum carnem, quàm Hæresim  
 vt deliramentum impugnant PP. quia illud Verbum  
 fuit sensibile, in aëre formatum, transitorium, sicut  
 nostrum, & quoddam accidens, quia sonus erat: at  
 Verbum factum caro, substantia est permanens, &  
 insensibilis. Verbaque Evangelistæ hunc errorē con-  
 vincunt: nam hoc Verbum, quod caro factum, idem  
 est, quod in principio erat apud Deum, & Deus erat,  
 & per quod omnia facta sunt: Ioannes enim de eo-  
 dem Verbo suam texuit narrationem, & de illo præ-  
 missit illa omnia, vt significaret, non incæpisse tunc  
 illud, Verbum, quod caro factum est, quando factum  
 est caro, sed fuisse ab æterno, ac proinde esse vnigeni-  
 tum, & æternum Dei Filium, qui in tempore suscepit  
 humanitatem, vt in illa pro hominibus pateretur, &  
 per illam homines doceret: ergo certum est, Christū  
 non esse Verbum Dei externum, sed Verbum Dei in-  
 ternum, & mentale. Et confirmatur: nam Verbum  
 externum, vel conceptus mentalis creatus à Deo in-  
 fusus non est Apostolus, & Nuntius Dei; quia esse  
 Apostolum solum potest convenire personæ. At iux-  
 ta Alcoranum hæc tria æqualiter competunt Chri-  
 sto, nempe esse Verbum Dei, esse Apostolum, & Nū-  
 tium Dei. Ergo sicut nomen Apostoli est nomen per-  
 sonæ, & non accidentis; ita nomen Verbi est nomen  
 personæ: ergo Verbum, quod de Christo prædica-  
 tur, non est Verbum externum: ergo est Verbum in-

ternum Dei, quod Deus intra se producit; est Verbum per se subsistens, & substantiale. Ergo Christus est Verbum illud æternum, quod Deus intra se producit, dum seipsum, & alia intelligit. Sed Verbum mentale Diuinum, quod intra Deum est, Deus est: cum enim Deus sit entitas simplicissima, infinita, & compositionis incapax, quidquid in Deo est, Deus est. Ergo Christus est Deus. Quod ut Mahumetani intelligant, hoc ipsis explicandum est per similitudinem eorum, quæ in nobis inveniuntur. Sanè quoties nos aliquid intelligimus, & penetramus nostro intellectu, formamus intra nos imaginem quandam illius rei, de qua cogitamus, & quàm intelligimus. *Quicumque enim intelligit ex hoc ipso, quod intelligit* (inquit S. Thom. 1. part. quæst. 27. art. 1.) *procedit aliquid intra ipsum, quod est conceptio rei intellectæ ex vi intellectiua proueniens, quàm quidem Conceptionem vox significat, & dicitur Verbum cordis significatum Verbo oris.* Ergo Deus seipsum intelligens, ex hoc ipso, quod seipsum intelligit, producit intra seipsum imaginem sui expressam, & viuam, quæ suum principium re-præsentat: quæ imago, est partus quidam, & conceptio, seu conceptus intellectus diuini: & cum sic intra Deum, est Deus. Ergo Christus hoc ipso, quod est Verbum Dei, est Deus.

Deinde ex Alcorano sic argumentor, & ex Scripturis, quas Mahumetus admittit probo Christi diuinitatem. Mahumetus in Alcorano præcipit Muslimis, seu Sarracenis, *Ut libris Moysis, Christi, Apostolorum, aliorumque Prophetarum firmam adhibeant Fidem.* Ut



constat ex cap. i. Alcor. & ex Georg. Almac. Atqui lib. Christi, nempe Euangelia, & libri Apostolorum, nempe Epistol. Apostolorum, Acta Apostolorum, & Apocal. & libri Prophetarum, Christum esse Deum aperte dicunt: ergo firmiter credendum est, Christum esse Deum: ac proinde Alcoranum hoc negans non est liber Dei.

Probatur minor, ex Euangelio Ioannis cap. i. nam imprimis Euangelium Ioannis aperte testatur Christum esse Deum: sic enim incipit: *In principio erat Verbum, & Verbum erat apud Deum, & Deus erat Verbum; hoc erat in principio apud Deum, omnia per ipsum facta sunt, & sine ipso factum est nihil.* Ecce Euangelista Ioannes aperte dicit, quod in principio, seu rerum initio, quando Deus mundum condidit, & omnia ex nihilo creavit, iam erat Verbum; alludit enim ad illa Verba Genesis: *In principio creavit Deus Cælum, & terram,* id est, in principio durationis, & temporis: ergo planè significat Verbum Dei, non solum esse in Deo nunc, sed quod erat in Deo antequam mundum conderet, ac proinde significat verbum Dei non esse aliquid creatum, quia omne creatum aliquando incipit, ac proinde de nullo creato verificari potest, quod iam erat in principio temporis, & durationis, quando Deus mundum condidit. Rursum significat Verbum Dei esse æternum, illud enim Verbum, quod iam erat, quando Deus mundum condidit, seu quando incipit duratio rerum, non habet initium suæ durationis, de illo enim, quod aliquando habuit initium suæ durationis, verificari non potest, quod iam

iam erat, quando incepit duratio rerum: quod autem non habet initium suæ durationis, æternum est: ergo Verbum illud, de quo Ioann. loquitur, æternum est. Sic ipsa sapientia genita, seu Verbum; & Filius Dei dicit Prou. 8. *Dominus possedit me in initio viarum suarum antequam quidquam faceret à principio: nondum erant abyssi, & ego tam concepta eram.* Quare idem est, *In principio erat Verbum, ac ante principium erat.* Parum enim erat in principio fuisse, si antea non fuisset: nam & Cælum, & terra in principio erant, sed ante principium non erant, quia in ipso principio creata sunt: & ideo, quod hic simpliciter dicitur: *In principio erat Verbum*, in lib. Salomonis explicatur, *Antequam quidquam faceret à principio.* De Verbo hoc æterno subdit quod *erat apud Deum*, quia cū Verbum hoc sit productum ab æterno à Deo per actum intelligendi; & dicendi, manet in suo principio, nempe in Patre, sicut Verbum mētis, quod producit homo intra se, dum seipsum intelligit, manet in intellectu ipsius producentis; vnde duo sequuntur, nempe Verbum esse distinctum personaliter à principio à quo producit, nempe à Patre, quia cū nemo proprie dicatur *esse apud seipsum*, dum dicitur Verbum *esse apud Deum*, significatur in Deo esse personam distinctam à Verbo, nempe Patrem, à quo Verbum procedit (vt argumentatur Aug.) & in quo manet, tanquam terminus immanenter productus: rursus sequitur, Verbum esse vnum cum Patre in natura, quia hoc ipso, quod Verbum istud sit intra

Deum, est Deus, & ideo subdit Euangelista, *Et Deus erat Verbum*, illud enim Verbum, quod iam erat antequam mundus fieret, hoc ipso quod erat in Deo, erat Deus; & Deus erat illud Verbum, nequit enim Verbum esse Deus, quin Deus sit Verbum, quia idē-  
 titas debet esse mutua. Subdit, *Quod omnia per Verbum facta sunt*, ex quo euidenter infertur, quod Verbum illud non est factū, neque creatura, sed factor, & creator omnium: nihil enim potest facere, & creare seipsum: ergo si omnia per Verbum facta sunt, Verbum non factum neque creatura est.

Ex ijs euidenter probatur, Christum esse Deum: nam Euangelista per *Verbum* intelligit Christū, quod patet, quia de Verbo isto paulo post subdit: *In propria venit, & sui eum non receperunt*. Vbi per eos, qui Verbum hoc non receperunt, intelliguntur Iudæi, de quibus Mahumetus ipse in Alcorano dicit, ideo à Deo derelictos, quia Iesum, eis missum, non receperunt. Et patet rursus, quia de Verbo hoc addit: *Et Verbum caro factum est*, id est Verbum hoc indutū est carne, seu Verbum hoc factū est homo: ibi enim nomine carnis intelligitur homo. Sicut Isai. 40. *Videbit omnis caro salutare Dei*. Et Iob. 12. *Spiritus vniuersæ carnis*. Et Psal. 117. *Dominus mihi adiutor, non timebe, quid faciat mihi caro*. Et Psalm. 64. *Qui dat escam omni carni*. Et Luc. 3. *Ad te omnis caro venit*. Frequens est enim in Script. Sacr. Hebræor. phrasis, qui per synecdochem nomine carnis totum hominem intelligunt, præsertim cum humiliter ac modice de illo



loquuntur. Dum autem Verbum, quod est Deus, dicitur factum *homo*, non significatur, naturam Dei trāsisse in naturam humanam, quasi per identitatē substantia Verbi sit humanitas; hoc enim est impossibile; sed solum significatur, personam Verbi Diuini vnitam fuisse cum humanitate, ita vt Verbum, quod ab æterno habuit naturam diuinam sibi communicatam à Patre per generationem æternam, in tempore incæperit habere naturam humanam sibi communicatam à Matre per generationem temporale: eatenus enim Deus factus est homo, quatenus facta est vnio personalis, & hypostatica inter hypostasim, seu personam Verbi, & humanitatem miraculose formatam in utero Virginis sine semine, & opera viri. Sicut enim dum anima rationalis, quæ est purus spiritus, vnitur verè, & proprie, intrinsece, & intime corpori, ex anima, & corpore resultat homo; ita dū persona Verbi diuina, vera, & physica vnione intimè vnita est cum natura humana, ex persona Verbi, & humanitate intimè, & physicè vnitis resultat Christus, qui est Deus, & homo; quia est persona habens naturam diuinam, & humanam; diuinam per identitatem, humanam per vnionem. Vnde cum dicimus, *Deus est homo*, illa propositio non facit hunc sensum, *Deus est natura humana*; sed hunc: *Deus habet naturam humanam sibi hypostaticè, seu personaliter vnitam*; sicut cum dicimus, *homo est albus*, non significamus, quod *homo est albedo*, sed quod *homo habet in se intrinsecè albedinem*, qua afficitur, & à qua denominatur, & in ratione albi constituitur.

Ad-

Addit Euangelista, & *habitaui in nobis*, tum vt significaret, idè personam Verbi Diuini vestitam fuisse carne in utero Virginis, vt visibiliter posset cū hominibus conversari, & inter illos habitare, sicut dixit Propheta Baruch, cap. 3. *Post hæc in terris visus est, & cum hominibus conversatus est*: tum quia volebat significare, se vidisse Verbum carne indutum, & testē illius rei oculatum esse: *Et vidimus gloriam eius gloriam, quasi Unigeniti à Patre*; quasi diceret, non ita Verbum factum fuisse carnem, vt eius maiestas penitus obscuraretur, sed potius multis indicijs ita se prodidisse, vt oculis ipsis videri posset. Ita enim in humanitate assumpta latebat diuinitas, vt per opera mirabilia, quæ per humanitatem faciebat, seipsam proderet, & manifestaret. Vnde gloriam eius vocat signa diuinitatis, quæ multis in rebus in Christo manifestè apparebant. Et sic etiam Epist. 1. cap. 1. ait: *Quod fuit ab initio, quod vidimus oculis nostris, & manus nostræ contrectauerunt de verbo vite, annuntiamus vobis.*

Certum ergo est, Christum esse Deum: nam quæ Ioan. in hoc 1. cap. dicit de Verbo Incarnato, seu Christo verificari non possent, si ille esset purus homo: nam si esset purus homo, non fuisset ante Mariam Matrem suam, sed ex ea sumpsisset exordiū: ac proinde non fuisset in principio, nec omnia per ipsum facta fuissent, sed potius ipse fuisset post creationem Cœli, & terræ: & incepisset, vltra quinque mille annis post orbem conditum; siquidem iuxta Chronologiam, quam sectatur Ecclesia in Martyrologio,

Christi

Christus natus est anno ab orbe cōdito 5199. & vt Baronius ait, Ecclesia in hoc cōputu annorū secuta est sententiam Eusebij, & Chronologiam Septuaginta Interpretum. Et hanc esse exactam, & certam, testatur Venerabilis Maria à Iesu, in sua Mystica Ciuitate Dei part. 2. lib. 3. cap. XI. n. 138.

Et hanc sententiam nouissimè acriter tuetur insignis Mathematicus P. Ioannes Baptista Ricciolus nostræ Societatis, tom. 1. Chronologiæ reformatæ, impresso ann. 1669. lib. 6. cap. 1. pag. 248. impugnās computum Chronologicum Petavij, Saliani, Turselimi, & aliorum.

Probatur tertio. Ex illis verbis Christi. Antequam Abraham fieret, ego sum. Nam si esset purus homo non potuisset præcedere Abraham, sicut ipse dixit Iudæis Ioan. 8. v. 58. & quasi iuramento affirmavit: *Amen, amen dico vobis, ante quam Abraham fieret ego sum.* Audite Tertulianum probantem diuinitatem Christi ex hoc loco: *Christus cū ex Abraham sit, ante Abraham se esse dicit: Mentitur igitur, & fallit, si ante Abraham non fuit, qui ex Abraham fuit.* Aut non fallit; si etiam Deus est, dum ante Abraham fuit: *Quod nisi fuisset, consequenter cum ex Abraham fuisset, ante Abraham esse non posset.* Fit igitur hoc dilemma: vel Christus mentitus est, dum dixit se esse ante Abraham, vel verum dixit. Primum dicere non possunt Mahumetani, qui fatentur Christum fuisse Prophetam Sanctissimum, & mendacium nunquam dixisse: ergo debēt dicere secundum. Atqui secundum



nequit esse verum, nisi sit Deus, & simul homo: nam si esset purus homo, vnicaque esset eius natiuitas, fuisset 2023. annos natus post Abrahamum; totidem siquidem anni transierunt ex Natiuitate Abrahami ad Natiuitatem Christi ex vtero Mariæ; siquidem Abraham natus est anno 1978. secundum Chronologiam communio-rem post creationem mundi: ac proinde fuisset vnice post Abraham, & non fuisset ante. At cum sit Deus, & homo, simul est simpliciter ante Abraham, quia est Deus, Deus vero est ante omnia, & ab æterno: & pariter quatenus homo est post Abraham, quia quatenus homo natus est ex B. Virgine descendente ex Abrahamo.

Audite Augustinum deducentem ex hoc loco: Abrahamum fuisse creaturam, Christum vero esse  
 „ Creatorem. *Appende* (inquit tract. 43. in Ioann.) &  
 „ cognosce mysterium. Antequam Abraham fieret  
 „ intellige *fieret* ad humanam facturam, *sum* vero ad  
 „ diuinam pertinere substantiam. Fieret, quia crea-  
 „ tura erat Abraham nõ dixit antequam Abraham,  
 „ esset, sed antequam Abraham fieret, qui, nisi per  
 „ me, non fieret, ego sum. Nec hoc dixit, antequam  
 „ Abraham fieret, ego factus sum. In principio enim  
 „ Deus fecit Cælum, & terram: nam in principio  
 „ erat Verbum. Sed antequam Abraham fieret, ego  
 „ sum. Agnoscite Creatorem, discernite creatu-  
 „ ram.

Probat 4. diuinitas Christi: nam Ioan. 8. v. 25.  
 Iudæi interrogauerunt Christum: *Tu quis es?* Et Ie-  
 sus

suis respondit: *Principium, qui loquor vobis.* Additque  
 Euangelista: *Et non cognouerunt, quia Patrem eius di-*  
*cebat Deum.* Quasi responderet, vos me interrogatis:  
*Quis ego sum?* Et ego respondeo vobis, quod ego,  
 qui loquor vobis, *Sum Principium*, nimirum per an-  
 thenomastiam, absolute, & simpliciter, & sine addito  
 diminvente, nimirum principium omnium rerum,  
 quia sum Verbum illud, per quod omnia facta sunt,  
 & sine quo factum est nihil. Ita exponunt August.  
 Ambr. Prosper, Bernardus, & Rupertus, apud Mal-  
 donatum: Quasi diceret, non putetis me id solum  
 esse, quod exterius apparet, nempe solum hominem,  
 qui loquor vobis; sum enim præterea Deus, & pri-  
 mum principium: *Sum primus, & nouissimus* (Apoc.  
 1. 17.) primus quatenus Deus, nouissimus quatenus  
 homo: vel quasi diceret, ut explicant August. & Be-  
 da: *Ego sum principium, qui cum huiusmodi sim, tamen*  
*eo me usque demitto, ut vobiscum loquar.* Vel ut expo-  
 nunt alij: *Ego loquor vobis, id est, quem loquentem audi-*  
*tis, sum principium, sum Deus, sum Author rerum om-*  
*nium, quamvis vobiscum humano more loquar.* Vt autem  
 Maldon. explicat, Christi responsio hunc reddit sen-  
 sum: *Ego sum id, quod vobis à principio loquor, id est, quod*  
*iam inde ab initio, quod semper vobis dico, semper dixi vo-*  
*bis, me esse Christum, me esse Filium Dei, ab eo ad liberan-*  
*dos à peccatis homines missum, panem vite, mundi lucem,*  
*& cætera, quæ supra sæpe dixi.*

Probatur 5. quia si Christus homo tantum esset,  
 non posset verificari quod esset filius David, & si-  
 mul

## 158. *Demonstr. contra Mabumet.*

mul Dominus Dauid: cum enim Christus quatenus homo natus sit 1082. annis postquam Dauid regnare cepit, non potuit quatenus homo esse Dominus Dauid qui ultra mille annos antea floruit. Atqui ex diuinis litteris constat Christum esse Filium Dauid, & simul Dominum: primum constat ex Matth. 1. & 2. Reg. 12. *Iurauit Dominus Dauid veritatem, & non frustrabitur eum, de fructu ventris tui ponam super sedem tuam.* Secundum constat ex illis verbis Psalm. 109. *Dixit Dominus Domino meo, sede à dextris meis.* Hic enim Dauidem loqui de Messia, seu Christo, fatentur Rabini apud Burgenf. 1. part. Scrutinij Scripturarum dist. 9. cap. 9. & tanquam quid manifestum supponebant Pharisei, cum quibus disputauit Christus, Matth. 22. v. 41. cum enim ipsos interrogasset, cuius filius futurus erat Christus promissus in Scripturis, & ipsi respondissent, Dauidis: statim eos obmutescere fecit hoc argumento: *Si ergo Dauid vocat eum Dominum, quomodo Filius eius est?* Cui argumento respondere non potuerunt, quia falso existimabant futurum purum hominem: Et planè argumentum convincit, Christum esse Deum, & hominem simul: vt ita verificetur esse Dominum Dauidis secundum naturam diuinam; esse autem eiusdem filium secundum naturam humanam. Si enim vnā dumtaxat haberet naturam; non posset simul esse Filius, & Dominus Dauidis: si esset solum Deus, esset solum Dauidis Dominus, non vero filius: si esset solum homo, esset Dauidis filius, non autem Dominus: vnde



ut sit Dominus, & Filius simul, debet esse Deus, & homo simul.

Prob. 6. quia Christus Apocal. i. v. 8. de seipso dicit: *Ego sum Alpha, & Omega, principium, & finis*, absolute scilicet, & simpliciter primum principium, & ultimus finis, sicut *α*, & *ω*, sunt prima, & ultima littera alphabeti Græci, quod de seipso falso diceret, nisi esset Deus. Solus enim Deus est Alpha, & Omega, primum principium, & ultimus finis. Quod Christus sit, qui ibi loquitur, probat Alcazar in eum locum ex Nazianzeno, Athan. Ruffino, Idacio Claro, & Sebadio, Agenensi in Gallia Episcopo. Item probat ex verbis immediatè sequentibus: *Dicit Dominus Deus, qui est, & qui erat, & qui venturus est*: Verbum enim dicit, designat eum, qui Ioanni Apocal. missit, hic autem fuit Christus, ut patet ex v. 1. *Apocalipsis Iesu Christi, quam dedit illi Deus palam facere servis suis, quæ oportet fieri cito, & significavit mittens per Angelum suum servo suo Ioāni*. Et probatur etiam ex verbis immediate antecedentibus, v. 7. *Ecce venit cū nubibus, & videbit eum omnis oculus, & qui eum pupugerunt*.

Prob. 7. ex his, quæ de Christi Conceptione, Natiuitate, vita, & gestis testatur ipse Mahum. in Alcor. Illa enim satis ostendunt, Christum non solum, esse Prophetam, sed plusquam Prophetam; non solum esse Sanctum, sed Sanctum Sanctorum; non solum hominem, sed etiam Deum. In primis enim Matrem habuit Virginem, quæ non opera viri, sed Spiritus Sancti operatione ipsum concepit, & sine detrime-

to suæ Virginitatis peperit, idque multo antea annū-  
 tiauerat Deus per Prophetas, nempe per Isaiam, qui  
 cap. 7. hoc annuntians inquit: *Ecce Virgo concipiet, &*  
*pariet Filium*, id est Virgo manens concipiet, & pa-  
 riet: *Et vocabitur nomen eius Emmanuel*, quod est inter-  
 pretatum, *Nobiscum Deus*. Vt inquit Matth. cap. 1. v.  
 23. nam rem tam stupendam, & nouam operatus est  
 Deus, vt nobiscum esset, & nobiscum conuersaretur  
 visibiliter, naturā humanā indutus: quare Virginitas  
 Matris concipientis, & parientis, probat diuinita-  
 tem filij, nec enim Deus vlli vnquam Prophetarum,  
 talem Matrem destinauit, quæ Virgo manens Filium  
 conciperet, & pareret, sed hanc mirabilem natiui-  
 tatem reservauit Filio suo; vt in mundum veniens  
 carnem sumeret de Virgine Matre; nec enim dece-  
 bat vt Filius Dei nasceretur nisi de Virgine. Vnde  
 August. serm. 23. de temp. *Videte miraculum Matris*  
*Dominicæ: Virgo concepit, Virgo parturit, Virgo post par-*  
*tum permansit*. Dignum enim erat, vt Deo nascente me-  
 ritum cresceret castitatis, nec per eius aduentum violare-  
 tur integritas qui venerat sanare corrupta, nec per eum  
 pudicitia corporalis lederetur, per quem donatur castitas  
 spiritualis. Et Ambros. in tract. de symb. Apostolor.  
 cap. 12. *Hic ergo vnicus in Deitate Filius, in Natiuita-*  
*te etiam carnali, per quam hominem nostrum, vt salua-*  
*ret, assumpsit, vnicus invenitur*. Solus enim natus ex Vir-  
 gine, quæ neque Conceptionem de Viro, neque corruptionē  
 sensit ex partu. Et S. Leo Pap. serm. 2. de Natiuit. cap.  
 2. *Nona autem Natiuitate genitus est conceptus à Vie-*

gine, natus ex Virgine sine paternæ carnis concupiscentia, sine maternæ integritatis iniuria, quia futurum: *Hominem Salvatorem talis partus decebat, qui & in se haberet humanæ substantiæ Antihorem, & humanæ carnis inquinamenta nesciret.* Et Bernar. serm. 4. de Assumpt. *Quæ iam poterit lingua, etiam si Angelica sit, dignis extollere laudibus Virginem Matrem, Matrem autem non cuiuscunque, sed Dei? Duplex novitas; duplex prerogativa; duplex miraculum: sed digne prorsus amplissimequè conveniens, nec enim Filius, alius Virginem, nec Deum decuit partus alter.*

Certè tam ingens miraculum, & nunquam in mûdo visum nisi in Conceptione, & Natiuitate Christi, vt fatetur ipse Mahumetus, Deus non faceret, nisi quia Christus non est solum homo, sicut cæteri Prophetæ, & cæteri Sancti, sed est simul Deus. Vnde tam stupendum miraculum admiratus. Hierem. cap. 31. v. 22. inquit: *Creauit Dominus nouum super terram: Fœmina circumdabit Virum.* Id est intra uterum gestabit fœtum, qui licèt sit ætate, & corpore infans, erit tamen sapientia, & intellectu vir, nimirum quia in Christo à primo suæ Conceptionis instanti fuerunt omnes Thesauri sapientiæ, & scientiæ Dei. Hæc autem novitas vnice facta est in Natiuitate Christi, & non in Natiuitate cuiuscunque alterius Prophetæ, & Sancti; quia solus Christus est Deus, & homo.

Deinde ex confessione ipsius Mahumeti ad annūciandam Christi Conceptionem mittitur Angelus Gabriel ad Beatam Virginem. Eligitur in eius Ma-



trem Virgo sine labe culpæ originalis conceptæ, vt  
 fatetur ipse Mahumerus, qui dixit: *Solam inter filios  
 Adam Mariam non tetigit Satam, vt vidimus supra.* Im-  
 pletur gratia fœmina, quæ futura erat eius Mater,  
 & propterea ab Angelo salutatur: *Aue gratia plena,  
 Dominus tecum, benedicta tu in mulieribus: ecce concipies,  
 & paries filium, & vocabis nomen eius Iesum: hic erit  
 magnus, & filius altissimi vocalitur, & dabit illi Domi-  
 nus Deus sedem David Patris sui, & regnabit in Domo  
 Jacob in æternum, & Regni eius non erit finis.* Luc. 1. v.  
 28. & 31. Apparet Pastoribus Angelus, & Christi  
 Natiuitatem eis annuntiat: *Nolite timere, ecce Euan-  
 gelizo vobis gaudium magnum, quod erit omni populo;  
 quia natus est hodie vobis, Salvator, qui est Christus Domi-  
 nus in Ciuitate David.* In eius Natiuitate multitudo  
 Cœlestis canit Deo gloriam dicens: *Gloria in excelsis  
 Deo, & in terra pax hominibus.* Luc. 2. v. 10. & 13. Ap-  
 pareret in oriente stella Regibus, illosque mirabiliter  
 ducit, vt Christum natum adorēt: *Et ecce Magi ab oriē-  
 te venerunt Hierosolymam, dicentes, vbi est, qui natus est  
 Rex Iudæorum? Vidimus enim Stellam eius in oriente, &  
 venimus adorare eum.* Matth. 2. v. 2. Assignatur Ioan-  
 nes Baptista, quē Mahumerani, vt Virum Sanctis-  
 simum colunt, & in cuius natiuitatem singulis annis  
 festum celebrant, vt Christi præcursor: *Hic est enim,  
 qui dictus est per Isaiam Prophetam dicentem; vox clamā-  
 tis in deserto: parate viam Domini, rectas facite semitas  
 eius.* Matth. 3. v. 3. Luc. 3. v. 4. & cum Ioan. tantus ef-  
 set, tamē de Christo testimonium perhibens, inquit

*Ego quidem aqua baptizo vos: veniet autem fortior me, cuius non sum dignus solvere corrigiam calcamentorum eius; ipse vos baptizabit in Spiritu Sancto. Luc. 3. v. 16.* & cum præ humilitate non auderet Christum baptizare, tamē Christi verbis obtemperans, ipsum baptizavit in Iordane. Matth. 3. Et postquam Christus ascendit de aqua, vidit Spiritum Sanctum sub specie columbæ super eum descendentem: *Et testimonium perhibuit Ioannes dicens: Quia vidi spiritum descendentem quasi columbam de Cælo, & mansit super eum. Et ego nesciebam eum. Sed qui misit me baptizare in aqua, ille mihi dixit: Super quem videris spiritum descendentem, & manentem super eum, hic est, qui baptizat in Spiritu Sancto. Et ego vidi, & testimonium perhibui, quia hic est Filius Dei.* Ecce ò Mahumetani, magnus ille Baptista, quem vos tantopere colitis, de Christo testatur esse Filium Dei, & illum digito demonstrans, dixit, esse Agnum Dei, qui tollit peccata mundi; tollere autem peccata soli Deo competit: *Vidit Ioannes Iesum venientem ad se, & ait: Ecce agnus Dei, ecce qui tollit peccata mundi.* Vbi notandum est cum Chrysostomo, non dixisset, *Ecce qui tollet*, sed de præsentī, qui tollit: ut significaret, Iesum natura sua habere vim tollendi, & penitus auferendi peccata, ac proinde esse Deum, quia qui natura sua vim habet tollendi peccata, Deum esse necesse est. Sic non dicimus, ignis calefaciet, sed ignis calefacit, ut significemus, natura quidem sua omni tempore, omni loco, omnem materiam, nisi quid obstat, calefacere.

Vltimo omnia quæ de Christo narrant Euan-  
gelistæ, circa eius Conceptionem, Natiuitatem, Ma-  
gorum adorationem, fugam in Ægyptum, Baptismū,  
prædicationem, Apostolorum electionem, miracu-  
lorum operationem, Passionem, mortem, & Resur-  
rectionem, prænuntiata erant omnia singillatim à  
Prophetis multis retro sæculis, vt. constat ex dictis  
disput. præcedenti sect. 7. ergo cum Mahumetus in  
Alcorano fateatur miraculosam Christi Conceptionem,  
& Natiuitatem, Pastorum, & Magorum adora-  
tionem, testimonium Ioannis Baptistæ de ipso, mira-  
cula ab ipso facta, & alia huiusmodi; & manifeste cō-  
stet hæc omnia fuisse, multo antea prænūtiata à pro-  
phetis; cogitur concedere, hunc Prophetam aliquid  
specialissimum habere, quod in nullo alio repetitur,  
neque in Moyse, nec in Elia, nec in vlllo alio Pro-  
pheta: quorsum autem tantus miraculorum appa-  
tus erga hunc Prophetam, si esset tantum sicut vnus  
ex reliquis, id est purus homo?

Probat octauo, quia Mahumetus in Alcorano  
docet, Christum esse Messiam Iudæis promissum. At-  
qui Messias promissus Iudæis in veteri testamento  
futurus erat Deus; ergo Christus est Deus. Maior  
constat ex Alcorano Zorà 2. quæ est Zorà *Hamtram*,  
& Zorà 3. Idque probat Petrus de Caualleria lingua  
Arabica peritus in *Zelo Christi*, fol. 4. num. 19. & 20.  
vbi notat, in Alcorano Iesum appellari *Ice*, & Mes-  
siam appellari Arabice *Maceh*. Constatque manife-  
ste, esse inter Arabes articulum fidei, quod Christus  
est



est Messias promissus in lege antiqua Iudæis. Minor, in qua sola est difficultas, probatur 1. ex illo Isai. 35. *Deus ipse veniet, & salvabit nos, tunc apperientur oculi cæcorum, & aures surdorum patebunt, tunc saliet sicut cervus claudus, & soluta erit lingua mutorum.* Quæ verba de Christo, & de nullo alio intelligi debent. Perinde enim fuit dicere, Deus ipse veniet, & salvabit nos, ac dicere: ipse per se, & non per legatos veniet. Deus autem per se immediatè non venit ad salvandos homines, nisi quatenus factus est homo, & homo factus salvavit homines. Et negato Mysterio Incarnationis Filij Dei, nequit verificari, Deum ipsum per se venturum, & salvaturum hominem. Ergo Christus est Deus. Et confirmatur, quia si Christus esset purus homo, & purus Dei minister in salute hominum procuranda, & non esset salvator, sed Dei salvatoris merum instrumentum, merusque minister: inde Apostoli à Christo missi in uniuersum mundum ad procurandam hominum salutem, essent comministri Christi, non autem ministri Christi. At constat, Apostolos se Christi ministros, non comministros appellasse, siquidem Paulus 1. Corint. 4. ait: *Sic nos existimet homo, ut ministros Christi, & dispensatores mysteriorum Dei,* planè significans Christum esse verum hominum salvatorem, & non purum ministrum Dei, sed verum Deum, & mysteria eius, esse mysteria Dei.

Constatque apertè Isaiam in illis verbis loqui de Christo: tum quia ipse Christus, cum Ioannes Baptista misit Discipulos suos ad ipsum, ut eum interro-

garent, an ipse esset Messias in lege promissus; illa verba Isaia de seipso exposuit Matth. 11. v. 3. *Tu es qui venturus es, an alium expectamus?* & respondens Iesus, ait illis: *Euntes renuntiate Ioanni quæ audistis, & vidistis: Cæci vident, claudi ambulant, leprosi mundantur, surdi audiunt, mortui resurgunt, &c.* Quæ erant signa, quæ Isaïas assignauerat ad dignoscendum Messiam. Tum quia nunquam Deus per vllum Prophetam hæc signa fecit, de quibus loquitur Isaïas, nisi per Christum. Nam qui tempore veteris testamenti miracula fecerunt, sunt Moyses, Iosue, Elias, Elisæus, & ipse Isaïas: nullus autem eorum fecit eiusmodi signa, quia nullus eorum illuminauit cæcos, surdos, mutos, claudosque sanauit. Tum quia Isaïas loquitur de futuro, *Deus, inquit, ipse veniet:* omnes autem Prophetæ, qui signa aliqua fecerunt, ante Isaïam floruerunt. Ergo de nullo alio Propheta, nisi de Christo illa verba intelligi possunt. Et propterea ipse Christus Ioan. 15. v. 24. dixit: *Si opera non fecissem in eis, quæ nemo alius fecit, peccatum non haberent: nunc autem, & viderunt, & oderant, & me, & Patrem meum.* Quibus verbis significauit, Iudæos esse inexcusabiles, quia videntes in ipso concurrere omnia signa, quæ de Messia futura prædixerant Prophetæ, nihilominus eum recipere noluerunt, sed persecuti sunt, vsque ad necem Crucis.

Probatum secundo, Messiam promissum Iudæis esse Deum ex Baruch 3. *Hic est Deus noster, & non est inabitur alius ad eum, hic adinuenit omnem viam discipuli-*

plinie, & tradidit eam Iacob dilecto suo, post hæc in terris  
 visus est, & cum hominibus conversatus est. Hic de Deo  
 Israel clarissimè agitur; vt probant Cyprianus lib.  
 2. contra Iudæos cap. 5. Ambros. lib. 1. de Fide cap.  
 2. Augustinus lib. 18. de Ciuit. cap. 33. Nazianzenus  
 orat. 4. de Theologia, Basilii lib. 4. contra Euno-  
 mium, Chrysostomus in oratione, quod Christus sit  
 Deus, Hilarius lib. 5. de Trinit. & alij. Vndè Athana-  
 sius lib. de Incarnatione ait, idèd Filium Dei factum  
 esse hominem: Vt homines ipsum intuentes, ex  
 mirabilibus eius operibus persuaderent sibi, non  
 dumtaxat hominem, sed etiam Deum, & veri Dei  
 Verbum ac sapientiam: quemadmodum enim,  
 quàm minime spectabilis est, ex creationis operi-  
 bus cognoscitur: sic homo factus, & in corpus re-  
 ceptus ex operibus dignosci potest, Dei esse vir-  
 tus, & Verbum; non homo (simplex) qui hæc ope-  
 ratur. Et in Epistola ad Antiochenes, quam Ale-  
 xandrina Synodus scripsit: Cum re verà Dei esset  
 Filius (inquit) factus est etiam hominis Filius, idem  
 & primogenitus factus est in fratribus. Ideo non  
 alter quidem erat, qui ante Abraham fuit Dei Fi-  
 lius, alter vero, qui post Abraham extitit: alter ille,  
 qui Lazarum excitauit; alter qui de illo sciscita-  
 tus est: sed idem planè erat, humano quidem mo-  
 re dicens: vbi Lazarus iacet? Diuino autem, hunc  
 à mortuis suscitans.

Quare Propheta loquitur de Deo Israel, qui solus  
 similem non habet, & qui postquam tradidit disci-



plinam Israeli, idest legem in monte Sinà, tandem homo factus in terris visus est, & cum hominibus conversatus est.

Tertio, quia Messias promissus erat ad salvandos homines à servitute peccati; vt constat ex dictis disputatione præcedenti, sect. vltima, & redemptio, quã allaturus erat Messias, erat redemptio spiritualis, eripiens homines à potestate Diaboli, non corporalis liberans eos à tyrannide alicuius Principis temporalis. Vnde Deus loquens apud Isaiam cap. 49. cū Messias, inquit: *Parum est, vt sis mihi servus ad suscitandas tribus Iacob, & fœces Israel convertendas. Ecce dedi te in lucem Gentium, vt sis salus mea vsque ad extremum terre.* Quod perinde est ac si Deus Pater diceret Filio suo incarnato, seu Messia: Non mitto te ad salvandū dumtaxat Iudæorum nationē, sed totius generis humani redemptorem te constituo, & salvatorem: munus autē salvatoris spiritualis, solius Dei propriū est, salvatio opus est proprium Dei; vt ipse Deus testatur, Isai. 43. Ego sum Dominus, & non est absque me, salvator. Et cap. 25. Deus iustus, & salvator non est præter me. Et Oseæ 13. Ego sum Dominus Deus, & salvator non est præter me. Tum sic: sed Christus est verè, & propriè salvator: ergo Christus est verè, & propriè Deus. Minor constat ex Matth. 1. Vocabis nomen eius Iesum, ipse enim salvum faciet populum suum à peccatis eorū. Et Luc. 2. 11. Angelus dixit pastoribus: Natus est hodie vobis salvator, qui est Christus Dominus. Et Ioann. 4. vers,

33 vers. 42. Samaritani post Samaritanæ conversionem factam à Christo, cognouerunt, ipsum esse verū  
33 mundi Salvatorem: Scimus, quia hic est verè Sal-  
33 vator mundi. Et Apostolus ad Titum cap. 2. vers.  
33 11. Apparuit gratia Dei Salvatoris nostri eru-  
33 diens nos, vt ab negantes impietatem, & sæcularia  
33 desideria, sobriè, piè, & iuste viuamus in hoc sæ-  
33 culo. Et Petrus Epist. 2. cap. 1. v. 1. Simon Petrus  
33 servus, & Apostolus Iesu Christi ijs, qui cœqua-  
33 lem nobiscum sortiti sunt Fidem, in iustitia Dei  
33 nostri, & Salvatoris Iesu Christi. Et Ioan. Epist. 1.  
33 cap. 4. v. 14. Et nos vidimus, & testificamur, quo-  
33 niam Pater misit Filium suum Salvatorem mun-  
33 di. Hinc Augustinus, serm. 81. de tempore, vnige-  
33 nitus Dei (inquit) factus est hominis Filius, vt qui  
33 Creator mundi erat, fieret, & Redemptor. Et Am-  
33 brosi lib. 3. de Fide cap. 2. Decuit enim, vt ille nos  
33 redimeret, qui creauit.

Quartò, quia Isaias de futuro Messia loquens  
33 cap. 45. inquit: Hæc dicit Dominus, labor Ægyp-  
33 ti, & negotiatio Ætiopiæ, & Sahaim, viri sublimes  
33 ad te transibunt, & tui erunt, post te ambulabunt,  
33 vincti manicis pergent, & te adorabunt; teque  
33 depræcabitur, tantum in te est Deus, & non est  
33 absque te Deus: verè tu es Deus absconditus,  
33 Deus Israel saluator. Hæc tam manifestè dicun-  
33 tur à Domino Deo de Filio suo incarnando, vt Hier-  
33 onymus in hunc locum scribat, nullum esse effugiū  
33 à laqueis huius testimonij.

Quintò, idem Isaias cap. 9. luculenter docet: nam  
 de Christo loquens, inquit: Parvulus natus est  
 nobis, & Filius datus est nobis: & factus est prin-  
 cipatus super humerum eius; & vocabitur nomen  
 eius. Admirabilis, Consiliarius, Deus, fortis, pater  
 futuri sæculi, princeps pacis, &c.

Mitto alia plura testimonia, quia hæc sufficiunt;  
 & ex omnibus concluditur ad hominem contra Ma-  
 humetum, Christum esse verum Deum; quia Mahu-  
 metus docet vera esse, quæ Prophetæ scripserunt: at  
 Prophetæ scribes de Messia dixerunt illum futu-  
 rum esse Deum. Ergo Messias est verus Deus. Sed  
 Mahometus fatetur Christum esse Messiam promis-  
 sum in lege antiqua, & à Prophetis: ergo cogitur fa-  
 teri Christum esse Deum.

Probatur præterea Christum esse Deum omnibus  
 argumentis, quibus disputatione præcedenti osten-  
 dimus hanc veritatem. Primò, quia Christus palam  
 dixit se esse Deum, & in confirmationem huius doc-  
 trinæ mortuos suscitavit, cæcos illuminavit, & alia  
 miracula operatus est. Ergo hæc est veritas certissi-  
 ma. Secundò, quia Iudæi eo titulo præcipuè Chri-  
 stum crucifixerunt, quia dixit se esse Filium Dei na-  
 turalem, verumque Deum: & tamen Deus illos prop-  
 ter necem Christo illatam severissimè punivit, & vs-  
 que modo punit, quod argumentum manifestum  
 est, Christum dum seipsum appellavit Deum, non  
 blasphemiam dixisse, sed veritatem certissimam.  
 Tertiò, quia Deus Christum eo nomine crucifixum,  
 quia



quia Filium Dei se fecit, tertia die suscitauit à mortuis : hoc opere euidenter manifestans, illum vera dixisse. Quartò, quia Apostoli innumerabilibus miraculis mundo persuaferunt rem humanæ sapientiæ penitus incredibilem, nempe hominem crucifixum esse verum Deum. Quintò, quia nisi Christus esset verus Deus, opere complere non potuisset, quod promiserat, dicens: *Tu es Petrus, & super hanc petram ædificabo Ecclesiam meam, & portæ inferi non præualebunt aduersus eam.* Sextò, quia Christus maiora operatus est postquam à Iudæis crucifixus est, quam dum viueret, quod argumentum manifestum est, eum non esse nudum hominem, sed hominem Deū. Septimò, quia Apostoli, & innumerabiles Martyres, vtriusque sexus, & in omni ætate, constanter, & alacriter in testimonium huius veritatis atrocissima tormenta passi sunt, & necem accerbissimam, Deusque illos manifestis illustrauit miraculis. Octauo, quia Fides falsa veram nequit generare sanctitatem, Fides autem hæc de Diuinitate *Crucifixi* innumera- biles genuit sanctos. Christi prædicator Mahume- tanorum conversioni intentus, enumeret Illustriores sanctos, qui in singulis Ecclesiæ sæculis florue- runt, illos præsertim, qui gloria mira- culorum eminuerunt.

\*\*\*



## CAPVT II.

*Probatur Diuinitas Christi, & veritas Religionis Christianæ ex notis, & insignibus, quibus dignoscitur, illam esse à Deo.*

**S**Ane in Religione Christiana, tanquàm primam basem statuente Christum esse Deum; & hominem, mortuum, & crucifixum pro salute humani generis, & tertia die resurrexisse à mortuis, atque in Deo dari Trinitatem personarum, tòt concurrunt notæ, & signa, vt credamus, illam esse à Deo, vt euidenter convincant illam habere Deum Authorem, & posse ac debere hominem mysterijs ab illa propositis infallibili, & firmissimo assensu credere: notas autem, & signa ex dictis in hac, & antecedenti disputatione breuiter hic appendam.

1 Quòd mysteria nostræ Fidei in Scripturis Sacris spiritu prophetico tòt sæculis ante fuerunt, & prænuntiata, & præfigurata.

2 Quòd à paucis hominibus plebeis, nulla doctrina sæculari instructis, solo Spiritu Diuino afflatis, doctrina Fidei mundo sit persuasa, tota sæculi potentia, & sapientia repugnante.

3 Quòd infinitis miraculis confirmata.

4 Quòd pro ea doctrina tòt Martyrum miriades libentissimè, & fortissimè omne tormentorum genus subierint, & sanguinem profuderint.

Quòd

5 Quòd eadem doctrina à sexdecem nunc sæculis ingiret toto penè orbe viguerit.

6 Quòd à sapientissimis viris, qui diuersis temporibus, vel distinctis locis vixere, summo consensu tradita.

7 Quòd omnes qui vel sanctitate vitæ, vel gloria miraculorum clari fuerunt, eam sectati sint.

8 Quòd homines ad pietatem, iustitiam, benignitatem, animi fortitudinem, vitæ puritatem, contemptum rerum terrenarum, innocentiam, atque adeo ad omnem virtutem informet, & instruat.

9 Quòd nihil à recta ratione alienum contineat.

10 Quòd efficacissima præsidia, & incentiua ad rectè, & innocenter viuendum, & ad peccatum vitandum suppeditet.

Hæc, & alia signa, & notæ clarè demòstrant Religionem Christianam esse à Deo datam hominibus, vt in illa suam salutem operentur, & hoc velle de se credi, quod Christi Ecclesia Catholica Romana credendum proponit; & eo modo velle ab hominibus coli, quò illa tradit esse colendum. Cum enim euidentis sit vnum dumtaxat esse Deum, euidentis quoque est, vnā dumtaxat esse veram Fidem, & Religionē in mundo; reliquas verò ipsi oppositas, quoad id quod de Deo, & diuinis iubent credi, esse falsas. Quod lumine naturæ ductus agnouit Cicero, qui cum in libris de natura Deorum proposuisset varias Philosophorum opiniones de natura Deorum, & de



Fine, ad quem homo conditus est, sic cōcludit: *Quorum opiniones cum tam varie sint, tamque inter se dissidentes, alterum fieri profectò potest, ut earum nulla, alterum certè non potest, ut plus una vera sit.*

## CAPUT III.

*Iterum ostenditur Diuinitas Christi, & pluralitas personarum in Deo ex ipso Alcorano, & ex Scripturis, quas Mahumetus admittit.*

**M**Ahumetus in suo Alcorano hæreses renouavit, quas Ecclesia Catholica in pluribus Cōcilijs Generalibus damnaverat, nēpè hæresim Arrianam, quæ negans intra Deum pluralitatem personarum, negabat consequenter Iesum-Christum Dominum nostrum esse naturalem Dei Filium consubstantialē Patri; & consequenter negabat esse verè, & propriè Deum, & in hoc sequebantur Arriani Ebionem, & Cherintum Hæreticos, qui Diuinitatē Christi primi negarunt tempore Apostolorum, renouavit quoque hæresim Nestorij affirmantis Christum fuisse, & esse hominem Deiferum, id est, in quo Deus moraliter habitauit, non tamen verum Deum, ac proinde Beatam Virginem non esse appellandam Matrem Dei, sed Matrem Christi, non Theotocon, sed Christorocon, Christum diuidens in duos Filios, alterum Dei, alterum Virginis. Hos errores damnaverat Ecclesia in quinque Concilijs Generalibus 1. Nicæno: 2. Constantinopolitano primo: 3. Ephe-

fino: 4. Calcedonensi: 5. Constantinopolitano secundo. Et post hæc omnia Mahumetus hanc hæresim renouavit.

Siquidem in Alcorano Zorà 4. in principio hæc habet: Hæretici sunt illi qui dixerunt, quod Deus est Messias Filius Mariæ. Et Zorà 1. Habuit Deus Filium? Absit ab ipso, laudetur ipse, sed omnia sunt sua, quæ sunt in Cælo, & in terra omnia sibi subiecta. Et Zorà 4. negat Trinitatem his verbis: Hæretici sunt illi, qui dicunt, quod Deus est tertius de tribus; intendens per hoc damnare Christianos, qui dicunt Deum esse Vnum, & Trinum. Ita refert ex Alcorano D. Petrus de Cavalleria, linguæ Caldaicæ, Arabicæ, & Hebraicæ apprime peritus in suo *Zelo Christi*, fol. i 29. quem librum eruditissimis notis illustravit Doctor D. Martinus Alphonsus de Vivaldo, anno Christi 1592. qui in Prologo testatur, se in illo libro glossando tres annos consumpsisse. Et ut testatur Carthusianus lib. 1. art. 2. Mahumetus in Alcorano cap. 19. sic ait: Nihil præter opiniones sequuntur dicentes Deum sumpsisse Filium, quo nequaquam indiguit. An habent rationes hoc demonstraturas? An hoc nescitum Deo imponunt? Et in cap. 12. Sciendum eos incredulos esse, qui Iesum Filium Mariæ Deum esse dicunt. Et iterum: Omnes dicentes Christum Mariæ Filium Deum existere, mendaces inventi sunt, atque increduli, cum Christus ipse dixerit: Filij Israël in Deum vestrum, ac meum credite. Qui  
 „ qui-

„ quicumque socium, ac participem posuerit, ig-  
 „ nem intrabit perpetuum, Et frequenter asserit,  
 „ quod Deus non habet Filium sibi æqualem: quia  
 „ Deus non habuit uxorem: aitque omnes, qui  
 „ Deum Trinum asserunt in personis, tres Deos af-  
 „ firmare.

Hoc supposito probo Alcoranum librum esse mendacem, & Diaboli suggestionem compositum. Primò, quia cum ex ipso constet, Christum esse Verbum Dei missum à Deo in hunc mundum, sequitur dari in Deo plures personas: nempe personam missam, & personam mittentem. Nam Verbum Dei Persona Diuina est, ut manet probatum supra, quia Verbum Dei est conceptus intellectus paterni, & imago Patris intra Deum existens: quia conceptus mentis intra intelligentem est, & verbum, seu sermo internus in loquente est. Persona autem Diuina nequit seipsum mittere. Vnde Augustinus lib. 2. de Trinitat. cap. 5. dicit: *Quod solus Pater nunquam legitur missus.* Quia neque potest dici missus à seipso, nec à Filio; quia in Diuinis Persona, quæ mittitur, debet procedere à mittente. Et ideo Christus Dominus Ioan. 8. dicebat: *Non sum ego solus, sed ego, & qui misit me Pater.* Quare ut rectè explicat magnus Christianorum Doctor S. Thomas 1. part. q. 43. „ art. 1. cap. Missio Diuinæ Personæ convenire po-  
 „ test secundum quod importat ex vna parte pro-  
 „ cessionem originis à mittente, & secundum quod  
 „ importat ex alia parte novum modum existendi in  
 „ alio.



alio. Sicut Filius dicitur missus à Patre in mundum, secundum quod incipit in mundo esse per carnem assumptam; & tamen ante in mundo erat, ut dicitur Ioan. 1.

S. Vincentius Ferrerius Domin. 3. post Paschâ serm. 4. narrat, quod cum ipse prædicaret in quadam Sinagoga Iudæorum, accessit ad eum quidam Mahometanus, Sarracenorum Alfaquinus, seu Sacerdos, illumque interrogavit, quomodo Deus posset habere Filium? Cui sanctus respondet quadam interrogatione. *Tu credis Deum esse æternum?* Et cum ille annuisset, subiunxit S. Vincentius: credis ne Deum esse mutum, aut credis eum loqui? fixum habeo, inquit, Deum non esse mutum, sed loqui. *Eccè igitur.* (re posuit S. Vincentius). Verbum hoc æternum, quod Deus loquitur, & intellectu suo profert, hoc est Verbum, de quo loquitur S. Ioannes quando dicit: *Verbum caro factum est*; & istud Verbum est Filius Dei.

Sanè cum Mahometani credant Deum ab æterno nihil creatum produxisse, quia in principio temporis initium habuit rerum creatio; si concedant Deum ab æterno loqui; necessario fateri debent Deum ab æterno loqui intra se; nam locutio externa importat aliquid creatum, quia repugnat Deum ad extra loqui, quin ad extra aliquid producat. Deus ergo ab æterno ore suo, id est, intellectu suo loquitur: (cum enim Deus non sit substantia corporea non potest habere os materiale, sed tantum spirituale, nempe

intellectum) ergo Deus medio intellectu suo profert Verbum: hoc autem Verbum ab aeterno intra Deum existens, Deus est non minus quam Deus sit Persona Diuina hoc Verbum producens. Hoc ergo Verbum aeternum est Filius Dei, quia est substantia uiuens quæ Patrem perfectissimè repræsentat.

Nunc veniamus ad argumenta petita ab Scriptura. Nam Mahumetus ait, credenda esse quæ scripsit Moyſes, & scripserunt Prophetæ, & credendum esse Euangelio Iesu Christi. Argumentor ergo 1. ex Psalm. 2. v. 7. *Dominus dixit ad me, Filius meus es tu, ego hodie genui te.* Certum est Prophetam loqui non de seipſo, sed in persona Christi: nam ut probat Belarminus, totus hic Psalmus est manifestissima prophetia de Christo, Dauid enim in spiritu prænotens Mesiã venturum, & persecutiones multas aduersus eum exorturas, & eum tamen fœlicissimè regnaturum, incipit ab increpatione persecutorum illis verbis: *Quare fremuerunt gentes, & populi meditati sunt inania: Astiterunt Reges terræ, & Principes conuenerunt in unum aduersus Dominum, & aduersus Christum vius: & sensus est; frustra Gentiles, & Hebræos, tum Principes, tum populos infremuisse indignatione contra Mesiã, & cogitavisse rationem impediendi Regni eius. Constatque manifestè Dauidem non loqui de seipſo, sed de Christo, nam statim post illa verba: *Ego hodie genui te,* addit: *postula à me & dabo tibi gentes hereditatem tuam, & possessionem tuam terminas terræ: quæ de Dauide verificat-**

ri non possunt: verificantur autem ad litteram de Christo, & eorum sententia est apertissima, ac si Deus Pater dicat: Quia tu Chriſte Filius meus es naturalis, & virtute mea incarnatus, & à mortuis suscitatus, iure potes à me petere imperium in omnes gentes, tanquàm hæreditatem tuam, & omnem terram vsque ad ultimos fines eius, tanquàm possessionem tibi debitam. Ipsique Rabini, & Magistri Iudæorum, qui floruerunt multis annis ante adventum Christi, fatentur Davidem non loqui de seipso, sed loqui in persona Christi; ut testatur Paulus de S. Maria, qui prius fuit Rabinus Hebræorum, & postea ad Fidem Christi conversus, fuit Episcopus Burgenſis, & floruit ad ann. 1430. & scripsit doctissimum librum adversus Iudæos, in quo probat, Iesum Nazarenum quem Iudæi crucifixerunt, esse Mesiā, & Christum promissum per Prophetas, & inter alia argumenta id probat ex ijs verbis Psalmi, 1. part. Scru- tinij Scriptur. dist. 9. cap. 9. affirmans Rabinos ipsos Hebræorum ea exposuisse de Mesiā ven- turo.

Et Apostoli Christi, quos Mahometus fatetur fuisse viros sanctos, & vera esse quæ scripserūt, hunc locum exponunt de Christo, Actor. cap. 4. vers. 25. cum enim Petrus in nomine Iesu Nazareni miraculoſe curasset hominem claudum, qui sedebat ad por- tam Templi Salomonis, quæ dicitur speciosa, ut pe- teret elemosynam ab introeuntibus in Templum, dicens: *Argentum, aut aurum non est mihi; quod autem*



# 180 Demonstr. contra Mahūmet.

haber hoc tibi do, in nomine Iesu surge: & ambula. Et apprehensa manu eius dextera, alleuauit eum, & protinus consolidatæ sunt baree eius, & plantæ, Actor. 3. 7. cum hunc hominem, qui annorum erat amplius quadraginta, curasset D. Petrus, magna persecutio contra ipsū suborta est, & cōtra D. Ioannē, qui illū comitabatur, quia prædicabāt populo, Iesū Nazarenū resurrexisse: ipsi verò cōstanter dixerunt Scribis, & Pharisæis: Principes populi, & seniores audite. Norū sit omnibus vobis, & omni plebi Israel, quia in nomine Domini nostri Iesu-Christi Nazareni, quem vos crucifixistis, quem Deus suscitauit a mortuis, in hoc ille stat coram vobis sanus. Et allegabant varia Scripturæ testimonia ad probandum Iesum Nazarenum esse Christum in lege promissum: Et non est (inquiunt) in alio aliquo salus. Nec enim aliud nomen est sub Cælo datum hominibus, in quo oporteat nos salvos fieri: & ad probandum Iesum Nazarenum esse Christum adduxerunt verba Psalmi, quæ modo citauimus, & cum Deo loquentes dicebant: Domine tu es, qui fecisti Cælum, & terram, mare, & omnia, quæ in eis sunt: qui Spiritu Sancto per os Patris nostri Dauid, pueri tui, dixisti: Quare fremuerunt gentes, & populi meditari sunt inania, astiterunt Reges terræ, & Principes conuenerunt in vnum, aduersus Dominum, & aduersus Christum eius; conuenerunt enim verè in Ciuitate ista aduersus sanctum puerum tuum Iesum, quem ynxisisti, Herodes, & Pilatus, cum Gentibus.

& populis Israel, facere, quæ manus tua, & confi-  
 lium tuum decreverunt fieri. Ergo Apostoli Spiritu  
 Sancto pleni, quamvis essent ex se rudes piscatores,  
 acceperunt à Deo lucem ad interpretandas Scriptu-  
 ras, & testati sunt, Davidem in illo Psalmo loqui de  
 Iesu Nazareno, qui est verus Messias, & verus Chri-  
 stus in lege promissus. Ergo certum est, verba illa:  
*Dominus dixit ad me, Filius meus es tu, ego hodie genui*  
*te*, intelligenda esse de Christo: ergo Christus est  
 Filius naturalis Dei ab æterno à Patre genitus ex sua  
 substantia: Perinde enim fuit dicere: *Ego hodie ge-*  
*nui te*, ac *ego in die æternitatis genui te Deus Deum*, ut in-  
 quit Bellar. Vnde Origenes tom. 1. in Ioannē circa  
 mediū hunc locum exponens inquit: Manifestè Filij  
 nobilitas declaratur, cū, *Filius meus es tu, ego ho-*  
*die genui te*, dicitur ad illum à Deo, cui semper est  
 hodie. Neque enim est vespera Dei, neque mane;  
 sed ipsi dies est hodie, in qua genitus est Filius. Et  
 Augustinus exponens hæc verba, ego hodie genui  
 te, sic habet: Hodie, quia præsentia significat, at-  
 que in æternitate, neque præteritum quidquā est,  
 quasi esse desierit, neque futurum, quasi nondum  
 sit, sed præsens tantū, quia quidquid æternū est,  
 semper est, divinius, accipitur secundū id dictum,  
 ego hodie genui te, quo sempiternam generatio-  
 nem virtutis, & sapientiæ Dei, qui est vnigenitus  
 Filius, Fides sincerissima, & Catholica prædicat.  
 Et lib. III. Confess. cap. 13, in fine: Hodiernus tuus,  
 æternitas, ideo coæternum genuisti, cui dixisti.

„ Ego hodie genui te. Et in Enchir. cap. 49. Ego  
 „ hodie genui te, non vnum illum temporis diem,  
 „ quo baptizatus est, sed immutabilis aternitatis  
 „ ostendit, vt illum hominem ad vniogeniti perso-  
 „ nam pertinere monstraret. Vbi enim dies, nec  
 „ hesterni fine inchoatur, nec initio crastini termi-  
 „ natur, semper hodiernus est.

Nec potest locus ille intelligi de filiatione per  
 adoptionem secundum quam omnes iusti sunt Filij  
 Dei, quia vt observat Paulus Burgenfis 1. part. scru-  
 tinij dist. 9. cap. 9. *Filiū suū in singulari*, quem  
 ipse genuerit, nullibi Deus appellat nisi Christum;  
 quia nimirum solus Christus est Filius Dei naturalis.  
 Quare illud, *Filius meus es tu*, intelligendū esse de filia-  
 tione naturali efficaciter cōfirmat D. Tho. 4. contra  
 gent. cap. 7. initio ex Paulo ad Hebræos 1. vbi vo-  
 „ lens probare, quod Christus est verus Deus, pec-  
 „ quem fecit, & sæcula, qui est splendor gloriæ, &  
 „ figura substantiæ eius, portansque omnia verb o  
 „ virtutis suæ, purgationem peccatorum faciens;  
 „ quæ sunt certissima consubstantialis, ac veræ Deita-  
 „ tis indicia: ita argumentatur ex hoc loco: Cui  
 „ enim dixit aliquando Angelorum, *Filius meus es*  
 „ *tu*, ego hodie genui te? Ergo Christus est alia ra-  
 „ tione Filius Dei, quam sit quilibet Angelus, etiam  
 „ sanctissimus: ergo non est Filius adoptivus, sed natu-  
 „ ralis, & consubstantialis Patri, nam si propter filia-  
 „ tionem adoptivam dixisset Pater de Christo, *Filius*  
 „ *meus es tu*, ego hodie genui te; etiam posset dicere Mi-  
 „ chae-



ehæli, *Filius meus es tu*; ego hodie genui te. Etgo id dixit propter filiationem naturalem.

Argumentor secundo, ex illis verbis Psalmi 109. vers. 4. *Tecum principium in die virtutis tue in splendoribus sanctorum*; ex utero ante Luciferum genui te. In quibus certum est sermonem esse de Christo; quia de illo loquitur in hoc versu, de quo versu 1. dixerat: *Dixit Dominus Domina meos, sede à dextris meis*. Ut autem inquit Bellarminus in eum Psalmum, certum est non alium hoc loco Dominum vocari nisi Messiam, qui fuit Filius David secundum carnem, & Dominus David secundum Diuinitatem: totus enim Psalmus id clamat cum neque Abraham, neque Ezechias (de quibus ridiculè Rabinicacorum Iudeorum id exponunt) sederint *ad dexteram Dei*, neque geniti sint ante Luciferum, nec Sacerdotes fuerint secundum ordinem Melchisedec. Quare Iudæi interrogati à Christo Matth. 22. v. 42. quomodo David in spiritu vocet Messiam Dominum suum? non sunt ausi negare, Psalmum intelligendum esse de Messia.

Ex his verbis probant efficacissimè Patres Christi Diuinitatem; quæ verba sic ad litteram explicat Bellarminus, dixerat: *Dominare in medio inimicorum tuorum*, quod intelligitur in hoc tempore, dum regnum Christi ab omnibus oppugnatur: declarat nunc, quid erit in novissimo die, quando omnes inimici subiecti erunt, ut scabellum pedum eius: *Tecum*, inquit, *principium in die virtutis tue*, id est, tecum erit

principatus manifestus, tunc apparebit omnibus  
 tuum esse regnum, & apud te solum esse verum prin-  
 cipatum. *In die virtutis tue*, in die videlicet novissi-  
 mo, quando potentia tua Cælum movebit, Cælum  
 obscurabit, terram concutiet, mortuos excitabit, &  
 omnes ab Tribunal tuum adducet. *In splendoribus*  
*sanctorum*, id est, quando circumdatus eris sanctis  
 tuis, qui omnes fulgebunt sicut Sol: *Ex utero ante Lu-*  
*ciferum genui te*, id est, idem tecum erit tantus prin-  
 cipatus, quia ego Deus Pater omnipotens genui te,  
 non ex nihilo, ut res creatas, sed *ex utero meo*, ut  
 Filium verum, connaturalem, & substantialem, *ante*  
*Luciferum*, id est, ante quam Stellas crearem, ante  
 omnem creaturam, ante omnia sæcula. Hæc est  
 communis expositio Patrum, Hieronymi, Augusti-  
 ni, Chrysostomi, Theodoret, Euthimij.

Quod si placet (inquit Bellar.) non accipere prin-  
 cipium pro principatu, sed simpliciter, pro principio,  
 exponere poterimus: *Tecum principium*, id est tecum  
 est principium omnium rerum, quia tu es in Patre, &  
 Pater in te. Sed prior expositio videtur præferenda,  
 utpote magis conformis textui Hebraico. *Ex utero*.  
 Ex hoc verbo efficacissimè probant Patres Christi  
 Diinitatem; nam si Christus creatura esset, non pos-  
 set dici genitus ex utero: nemo enim dicit, se genuis-  
 se ex utero domum, vel Scamnum, vel aliud quidpiã  
 ex arte factum. Nec Deus dixit unquam se genuisse  
 ex utero cælum, aut terram. Porro per uterum intel-  
 ligitur essentia Dei secreta, & intima; & quamvis

ute-

uterus propriè ad matrem, non ad patrem pertineat: rectè tamen Deus Pater dicitur ex utero genuisse, tum ut clarius ostendatur Filius consubstantialis genitori (clarius enim Filius est ex substantia Matris, quàm ex substantia Patris) tum quia Deus opus non habuit uxore ad Filium gignendum, & pariendum. Vnde dicit Isaia ultimo: *Nunquid ego, qui alios parere facio, non pariam? Ante Luciferum.* Hinc significatur æternitas Filij, qui penitus fuit ante Luciferi creationem, ac per hoc ante omnes creaturas. Sed posuit nomen Luciferi, quoniam ipse etiam Filius Dei, est quidam Lucifer increatus; est enim lux vera, quæ illuminat omnem hominem, & omnem Angelum.

Argumentor tertio, ex illis verbis Ecclesiast. 24. ego ex ore *Altissimi prodiui primogenita ante omnem creaturam.* Quæ Ambrosius, Cyprianus, Augustinus, & alij Patres communiter exponunt de generatione Verbi, quod est sapientia Diuina genita; textus enim expresse loquitur de sapientia increata, ut autem expendit Lyrannus: *Non loquitur de sapientia Diuina essentialiter dicta; quia hæc non est generans, nec genita. Nec etiam de substantia quacumque creata, per hoc quod dicitur ante omnem creaturam.* Nam sapientia illa quæ genita est ante omnem creaturam, creatura esse nequit: rursus sapientia illa est per se subsistens, seu sapientia sapiens, idest persona, id enim denotat illud, *Ego.* Ergo in Deo datur persona generans, & persona genita, sapientia generans, & sapientia genita. Ergo cū nulla persona possit generare seipsam, concluditur



dari in Deo plures personas. *Ex ore altissimi.* Per os Dei intelligitur intellectus fecundus Patris, ex quo procedit Verbum. Cum enim certum sit, Deum non habere os corporale, quo vocaliter loquatur, concluditur ibi sermonem esse de ore spiritali, quo substantia spiritalis loquitur, nempe de intellectu, quo loquitur dum Verbum mentale producit. Ergo in Deo datur Verbum substantiale æternum, & increatum distinctum realiter à Patre.

Simile argumentum sumitur à Patribus cōtra Arianos ex illis verbis Prov. 8. *Nondum erant abyssi, & ego iam concepta eram; ante colles ego parturiebar, quando præparabat cælos, ad eram, &c. cum eo eram cuncta componens,* quæ de sapientia Divina æterna, & genita intelliguntur à Patribus, nempe de Verbo.

Argumentor quarto, ex illis verbis Micheæ 5. *Et tu Bethleem Ephrata parvulus es in millibus Iudæ: ex te mihi egredietur, qui sit dominator in Israel. Et egressus eius ab initio à diebus æternitatis.* Manifestum est enim loqui de Christo; & ideo ipsi Iudæi Principes Sacerdotum, & Scribæ populi interrogati ab Herode Matth. 2. vbi Christus nasceretur, responderunt, nasciturum Bethleem. Ex hoc autem textu euincitur, duplicem esse Christi Natiuitatem, alteram temporalem, & humanam in Bethleem, alteram sempiternam, & Diuinam. Ergo Christus, qui nasciturus dicitur in Bethleem, quatenus homo; est simul Filius naturalis Dei, procedens ab æterno à Patre per spiritualem, & intellectualem generationem.

Omiffis alijs pluribus, veniamus ad novum Testamentum, quod Mahumetus admittit, & iubet credere ex quo manifeste constat Christum esse verum Deum. Ut liquet ex testimonijs allegatis disp. præc. Et nunc probatur 1. ex illo Pauli ad Philip. 2. *Qui cum in forma Dei esset, non rapinam arbitratus est esse se æqualem Deo, sed semetipsum exinaniuit formam servi accipiens.* Vbi clarissimè explicatur, Christum esse verum Deum, cum habeat formam, idest naturam Dei, & secundum illam non sit rapina, sed natura æqualis Patri. Secundo ex illo Rom. 9. *Ex quibus Christus est secundum carnem, qui est super omnia Deus benedictus.* Cum enim super omnia nihil sit nisi verus Deus, si Christus est super omnia Deus, sequitur esse verum Deum. Tertio, ex illo 1. Ioan. 5. *Ut simus in vero Filio eius, hic est verus Deus, & vita æterna.* Audi August. lib. 1. de Trinit. c. 6. *Et Filius nõ tantum Deus, sed & verus Deus, quod Ioãnes apertissimè in sua Epistola dicit: Scimus quia Filius Dei venit, & dedit nobis intellectum hic est verus Deus, &c.* 1. Ioan. 5. v. 20. Audi & Cyrillum lib. 12. Thesauri cap. 23. Quid (inquit) dicent Hæretici ad hæc Beati Ioannis verba, quibus apertissimè Deus verus Filius appellatur? Nam si Deus verus est substantialiter, non participatione hoc ipsum est, sicut creaturæ. Neque Mahumetani respondere poterint, Christum ab Apostolis appellari Deum, quia erat eius legatus. Sic enim non esset verus Deus, sed solum Dei minister, & ut inquit S. Irenæus lib. 3. cap. 6. neque Domi-


nus, neque Spiritus Sanctus, neque Apostoli eum;  
 qui non esset Deus, definitiue, & absolutè Deum  
 nominalient aliquando, nisi esset verus Deus.

Quare Mahumeto quadrat illud, quod ait S. Ioan-  
 nes Epist. 1. cap. 4. *Omnis Spiritus, qui solvit Iesum, ex  
 Deo non est, & hic est Anti-Christus.* Quid est enim sol-  
 vere Iesum, nisi diuidere Iesum à Deo, dicendo Ie-  
 sum non esse personam Diuinam, sed creatam, non  
 Deum, sed purum hominem? Mahumetus ergo An-  
 ti-Christus est, idest spiritum Anti-Christi habuit.

Denique probatur; quia Christus non dicitur in  
 Euangelio, utcumque Filius Dei, sed Filius vnigeni-  
 tus, est ergo Filius naturalis, & consubstantialis Pa-  
 tri, & Filius vnicus. Ergo non est Filius per adoptio-  
 nem, quia sic non esset vnigenitus. Assumptum pro-  
 batur ex Ioan. 1. Vidimus gloriam eius, & glo-  
 riam quasi vnigeniti à Patre. Et paulo post: Vnige-  
 nitus, qui est in sinu Patris, ipse ennatrauit. Et cap.  
 3. Sic Deus dilexit mundum, vt Filium suum vni-  
 genitum daret. Et paulo post: Qui non credit, iam  
 iudicatus est, quia non credit in nomine vnigeni-  
 ti Filij Dei. Et 1. Ioan. 4. Filium suum vnige-  
 nitum misit Deus in mundum. Hinc Patres mani-  
 feste convincebant Arianos. Sic Cyrillus lib. 10.  
 Thesauri cap. 4. initio: Nō est vnigenitus, nisi qui  
 ita natus est, vt nullos habeat fratres. Athanasius  
 oratione in illud dictum. Deus de Deo: Christus  
 idē vnigenitus est, eo quod nullus alius ex Patre  
 sit genitus. Et Cyrillus lib. 4. de Trinit. vnigenitus



significat id, quod ex natura cuiusdam genitum  
est. Et lib. 5. Thesauri cap. 5. Si Filius creatus est,  
non erit vnigenitus, quem multi sequuntur simi-  
les, non enim quia primo creatus est, erit vnigeni-  
tus: nam & Ruben principium factus est filiorum  
Iacob, nec tamen idcirco vnigenitus, aut alienus  
à natura fratrum suorum. Igitur Ioannes, teste  
Cyrillo lib. 1. in Ioan. cap. 22. Vnigenitum Filium  
appellauit, & in sinu Patris esse affirmavit, ut ab  
omni creatura eum dissiparet, & ex Patre pro-  
priam substantiam habere, & in Patre esse osten-  
deret. Denique Chrysost. hom. 14. in Ioan. Euan-  
gelista sinus meminit, quo vno verbo, multa, sub-  
stantiæ cognitionem, propinquitatem, parem Pa-  
tri cognitionem, potestatem ostendit. Non enim  
diuersam substantiam in sinu haberet Pater: sed  
neque ipse auderet, si servus, si ex multitudine  
vnus esset, in sinu Domini versari. Vt autem no-  
tat Cyrillus, Euangelista sinum pro substantia, per  
similitudinem corporum, quæ rebus intelligibili-  
bus manifestiora sunt, posuit. Et sane cum Filius  
hominis homo debeat esse, & Filius equi equus,  
Filius naturalis, & vnigenitus Dei, Deus debet  
esse. At Christus est Filius naturalis,  
& vnigenitus Dei, ergo  
est Deus.



## CAPVT IV.

*Solvitur crassa quedam obiectio Mahumeti, & exponitur,  
quo pacto sine vxore propriè Filius Deo conveniat.*

**Q**ualis est vnusquisque, taliter iudicat, vt docet Aristoteles: & vt inquit Paulus: *Carnalis homo non percipit ea quæ sunt spiritus.* Carnalis nimis erat Mahumetus, & ideo non potuit nisi carnalem generationem apprehendere: obijcit ergo, Deum non habere Filium, quia vxorem non habeat, quæ ei Filium pariat æternum, & sibi consubstantialem. Ita enim loquitur in Alcorano Zorà 5. paulò post medium: *Quomodo Deus haberet Filium, si non habuit vxorem, aut sociam?* Vt testatur *Zelus Christi*, fol. 131. pag. 1. Sed hæc obiectio pinguis, & crassa est, & quæ magis risum moveat, quam solutionem postulet. Sed tamen res ipsa explicanda est.

Dum auditis Mahumetani, Deum habere Filium, eleuare debetis mentes vestras supra fecem omnis creaturæ præsertim corporeæ. Quia Deus substantia est spiritualis; omninò purissima, & simplicissima, molis corporeæ expert; ac proinde essentialiter incapax habendi Filium per generationem corporealem, quæ est propria animalium, quæ corpore constant. Vnde generatio Filij, quæ Deo competit, non est carnalis, sed spiritualis, non corporea, sed intellectualis: cum enim Deus sit substantia spiritualis intel-

tel.

tellectuālis infinite perfecta, non aliter filium generare potest, quā per intellectum. Ideoque generat Filium; quia Deus Pater seipsum comprehendens, & in nitidissimo suæ diuinæ essentiae speculo seipsum intuens, & contemplans; hac ipsa actione seipsum videnti, & contemplandi producit quandam viuam sui imaginem, cui communicat suam essentiam, suam omnipotentiam, suam sapientiam, & reliqua omnia attributa; & hæc imago viua, & viuens, producta à Patre seipsum intelligente, est Verbum Patris, & simul Filius. Quare idem est Patrem generare Filium, ac producere intra se Verbum mentale, quo tota perfectio Patris repræsentatur. Illa enim imago repræsentans diuinas perfectiones, quam Deus producit dum seipsum contemplatur in speculo nitidissimo, & pellucido suæ essentiae, est Filius; quia illa imago est per se subsistens, est imago substantialis participans per identitatem essentiam Patris, ac proinde est; *Viuens à viuente à principio coniuncto in similitudinem nature, quæ est definitio filij.*

Id vobis exemplo exponam: Dum quis seipsum intuetur in speculo, ipsa actione se intuen-  
di producit imaginem sui in speculo, quæ eiusdem figuræ est cum homine seipsum intuente, & illi similis. Illa imago in speculo producta non est filius eius, qui seipsum intuetur, quia est imago mortua, non imago viuens, quia est accidens, non substantia, quia est similitudo, species, effigies, & simulacrum hominis, cæterum non est homo, quia non est quid consistens, &



permanens; sed statim evanescens. Quod si illa imago resultans in speculo esset verus homo, & substantia viuens, profecto esset verè filius hominis seipsum intuentis; quia si per actionem ipsam videndi communicaret suam substantiam illi imagini, & produceret hominem sibi similem, vt suas perfectiones temperaret, sanè per ipsam actionem se videndi generaret sibi filium. Deus ergo Pater dum seipsum intuetur in cristallino, & purissimo suæ diuinæ essentiae speculo producit quandam imaginem perfectissimam sui; producit Verbum: *Quod est, & speculum, & character, & imago Patris, in omnibus Patris similis:* vt loquitur S. Clemens Papa, & Martyr, & Discipulus D. Petri in Epistola ad Iacobum. Hæc autem imago non est mortua, sed viuua, non est transiens, sed permanens, non est accidens, sed substantia, non est inhærens, sed per se subsistens; ac proinde est imago manens intra Deum, quia est partus quidam, & conceptio intellectus; conceptio autem, & partus intellectus intra intelligentem manet, dum enim intelligimus, non producit aliquid extra nos in exteriori materia, sed intra nos producimur imaginem expressam rei, quam cogitamus: quidquid autem est intra Deum, Deus est, essentiaque Dei habet: ergo Pater Aternus dum seipsum intelligit, seipsum cogitat, & intuetur, atque contemplatur, producit imaginem substantialem sui, quæ Deus est, non minus quàm Pater producens. Hæc imago est Verbum, & est Filius: immò vt lo-

quitur & maximus Christianorum Doctor post Apostolos, in Africa natus, & educatus, & qui in Africa obiit, nempe S. Augustinus lib. 7. de Trinit. cap. 2. *Eo Filius quo Verbum, & eo Verbum quo Filius.* Dicitur enim Verbum, quia est similitudo expressa, & producta ad repræsentandum obiectum, nempe Patrem, & dicitur Filius, quia est similitudo substantialis, per se subsistens, & eiusdem naturæ cum principio producente.

Id alio exemplo explico, homo dum seipsum cogitat, & seipsum interne contemplatur, producit intra se quandam imaginem sui, quæ est Verbum mentis: hæc imago est imperfecta, quia est accidens, non substantia, ac proinde est Verbum accidentale, non substantiale, unde hoc Verbum non est filius. At Verbum Diuinum, ut inquit Basil. orat. 16. in illud Ioan. *In principio erat Verbum, ideo Verbum dicitur, quia est imago genitoris totum in se monstrans genitorem:* & quia est imago perfectissima, & substantialis, & per se subsistens est filius, ut enim inquit S. Aug. lib. 6. de Trinit. cap. 2. *Filius, & imago quod Filius,* & ut ait S. Ans. in Monol. cap. 53. Verbum, mox ut consideratur, se prolem esse eius, à quo procedit, euidentissime probat, promptam præferendo Parentis imaginem. Vnde S. Athan. in Epist. de decret. Nicen. Syn. Quemadmodum (inquit) unus est Deus, nec cessarium quoque est unam esse eius imaginem, quæ ipsius est Filius. Si eum imaginem nomines, filium hoc ipso eum esse iudica-

„ veris, quid enim simile est Deo, nisi sua ipsius progenies? Et S. Greg. Nazianz. orat. 4. Theologiæ:  
 „ Brevis, & compendiosa, facilisque Paternæ naturæ declaratio est filius, omne enim, quod genitum  
 „ est, genitorem suum tacita quadam voce definit. Hinc S. Thom. 1. p. q. 27. art. 2. probat Verbum in Deo esse Filium, *Quia Verbum est conceptio intellectus, Conceptio autem intellectus est similitudo rei intellectæ, & insuper Verbum in Deo est in eadem natura existens.* In nobis Verbum, quod quis format de seipso, non est filius, quia cum in nobis aliud sit intelligere, aliud esse; Verbum, quod homo format de seipso, *Est quidem homo intellectus, seu homo in esse intelligibili, quia est similitudo expressa hominis ipsum repræsentans, non tamen est verus homo, sed aliquod accidens existens in homine.* Cæterum cum in Deo idem sit intelligere, ac esse, quia Deus per suam substantiam, non solum est potens intelligere, sed actu intelligens; ideo in Deo Verbum mentis, quod format de seipso, est Deus, quia non solum est *Deus intellectus, seu Deus in esse intelligibili*, id est repræsentatiuo, & Imago Dei, sed est verus Deus, quia habet idem esse, & eandem essentiam cum Deo, quia quidquid existit in Deo Deus est. Ac proinde, non solum est Deus intellectus, sed Deus intelligens, non solum Deus in esse repræsentatiuo, & intelligibili, sed Deus in esse reali.

Cur autem Verbum mentis appelletur proles, & conceptio, & partus intellectus, explicat optimè  
 idem



idem S. Thom. opusc. 2. seu in compendio Theologiae cap. 37. Probat cap. 36. ponendum esse Verbum in divinis: *Quia Deus seipsum intelligit, omne autem intellectum in intelligente est, unde oportet Deum in seipso esse tanquam intellectum in intelligente; intellectum autem, prout in intelligente, est Verbum quoddam intellectus, hoc enim exteriori voce significamus, quod interiori intellectu comprehendimus: sunt enim secundum Philosophum voces signa intellectuum: oportet igitur in Deo ponere Verbum ipsius.* Postquam hoc probavit, subiungit in cap. 38. Id autem quod in intellectu continetur, ut interius Verbum, ex communi usu loquendi conceptio intellectus dicitur: nam corporaliter quidem aliquid concipi dicitur, quod in utero animalis vivifica virtute formatur, mare a gente, & femina patiente, in qua fit conceptio ita quod ipsum conceptum pertinet ad naturam utriusque, quasi secundum speciem conforme. Quod autem intellectus comprehendit, in intellectu formatur, intelligibili quasi agente, & intellectu quasi patiente. Et ipsum, quod intellectu comprehenditur, intra intellectum existens conforme est, & intelligibili moventi, cuius quaedam similitudo est, & intellectui quasi patienti, secundum quod esse intelligibile habet. Unde id, quod intellectu comprehenditur, non immerito conceptio intellectus vocatur. Rursus cap. 39. in hoc differentiam considerat. Nam cum id quod intellectu concipitur, sit similitudo rei intellectae eius speciem re-

„ præsentatis , quædam proles ipsius esse videtur.  
 „ Quando igitur intellectus intelligit aliud à se , res  
 „ intellecta est sicut pater Verbi in intellectu con-  
 „ cepti, ipse autem intellectus magis gerit similitu-  
 „ dinem matris , cuius est , vt in ea fiat conceptio.  
 „ Quando verò intellectus intelligit seipsum , Ver-  
 „ bum conceptum comparatur ad intelligentem, si-  
 „ cut proles ad patrem. Cum igitur de Verbo lo-  
 „ quamur, secundum quod Deus seipsum intelligit,  
 „ oportet quod ipsum Verbum comparetur ad  
 „ Deum , cuius est Verbum , sicut filius ad Pa-  
 „ trem.

Itaque dum Christiani credimus Deum habere  
 Filium, credimus Deum dum seipsum intelligit pro-  
 ducere Verbum quoddam internum, quod omnes  
 eius perfectiones perfectissime repræsented ; & cre-  
 dimus hoc Verbum esse personam distinctam à per-  
 sona producente, & esse Filium Dei. Vnde idem est  
 formalissime in Deo dari Verbū productum ad ex-  
 primendas perfectiones personæ producentis, ac  
 dari in divinis Filium. Sicut ergo certum est, Deum  
 non indigere fœmina, vt intra se producat Verbum  
 mentis ; ita certum est non indigere fœmina vt ha-  
 beat Filium sibi consubstantialē. Et ideo Evange-  
 lista Ioannes illud Verbum, quod erat in principio,  
 & per quod omnia facta sunt, postea appellat *Vni-  
 genitum Dei Filium*, dum ait : *Et Verbum caro factum  
 est, & vidimus gloriam eius , gloriam quasi unigeniti à  
 Patre.*

Non

Non caret autem misterio, quod Ioannes Filium Æternum Dei voluerit potius explicare nomine Verbi quam nomine Filij, quamvis re ipsa idem omnino sit Verbum Dei, & Filius naturalis Dei. Vt enim inquit D. Thomas ibidem cap. 40. *Ne aliquis audiens nomen Patris, & Filij, carnalem generationem suspicaretur, secundum quam apud nos Pater dicitur, & Filius, Ioannes Euangelista, cui reuelata sunt secreta Cœlestia, loco Filij ponit Verbum, vt generationem intelligibilem cognoscamus.*

Rem hanc egregie explicat S. Thom. opusculo tertio; interrogatus enim à Cantore Antiocheno, quomodo respondendum esset Sarracenis irridentibus Christianos, quia dicimus Christum esse Dei Filium, cum Deus vxorem non habeat; respondet cap. 3. derisibilem esse irriditionem, qua nos irrident, quia ponimus Christum esse Filium Dei viui, quasi Deus vxorem habuerit, cum enim carnales sint, non possunt nisi ea, quæ sunt carnis, & sanguinis cogitare, & statim explicat modum, quo Deus sine vxore filium habere potest.

Quilibet enim sapiens (inquit) considerare potest quod non est idem generationis modus in omnibus rebus, sed in vnaquaque re invenitur generatio secundum proprietatem suæ naturæ. In animalibus quidem per maris, & fœminæ cōmixturem, in plantis verò per pullulationem, scilicet generationem, atque in alijs aliter. Deus autem non est carnalis naturæ, vt fœminam requirat, cui cō-



„ misceatur ad prolis generationem, sed est spiri-  
 „ tualis naturæ, sive intellectualis, immo magis su-  
 „ per omnem intellectualem. Est ergo in eo acci-  
 „ pienda generatio secundum quod convenit intel-  
 „ lectuali naturæ. Et quamvis intellectus noster ab  
 „ intellectu diuino deficiat, non possumus tamē ali-  
 „ ter loqui de intellectu diuino, nisi secundum simi-  
 „ litudinem eorum, quæ in intellectu nostro inveni-  
 „ mus. Est autem intellectus noster aliquando qui-  
 „ dem in potentia intelligens, aliquando in actu.  
 „ Quodcumque autem actu intelligit, quoddam  
 „ intelligibile format, quod est quædam proles ip-  
 „ sius: vnde & mentis conceptus nominatur. Et  
 „ hoc quidem est, quod voce exteriori significatur:  
 „ vnde sicut vox significans, verbum exterius dici-  
 „ tur, ita interior mentis conceptus verbo exteriori  
 „ significatum, dicitur verbum intellectus, seu men-  
 „ tis. Hic autem mentis nostræ conceptus non est  
 „ ipsa mentis nostræ essentia, sed est quoddam acci-  
 „ dens ei, quia nec ipsum intelligere nostrum, est  
 „ ipsum esse intellectus, alioquin nunquam intellec-  
 „ tus esset, quin actu intelligeret. Verbum igitur  
 „ nostri intellectus secundum quandam similitudi-  
 „ nem dici potest, vel conceptus, vel proles; & præ-  
 „ cipuè cum intellectus seipsum intelligit, in quan-  
 „ tum scilicet est quædam similitudo intellectus  
 „ procedens ab intellectuali eius virtute: sicut & fi-  
 „ lius habet similitudinē patris, procedens ab eius  
 „ generatiua virtute. Non tamen propriè Verbum

„ nostri intellectus potest dici proles, vel filius, qui a  
„ non est eiusdem naturæ, cuius est intellectus no-  
„ ster. Non autem omne quod procedit ab aliquo,  
„ etiam si sit ei simile, dicitur filius, alioquin imago  
„ sui, quā aliquis pingit, propriè filius diceretur; sed  
„ ad hoc, quod sit filius, requiritur, quod procedens  
„ ab altero similitudinem habeat eius, à quo proce-  
„ dit, & sit eiusdem naturæ cum eo.

„ Quia verò in Deo non est aliud intelligere quā  
„ suum esse, consequenter, neque Verbum, quod in  
„ intellectu eius concipitur, est aliquod accidens,  
„ aut aliquid alienum ab eius natura, sed ex hoc ip-  
„ so, quod Verbum est, habet rationem proceden-  
„ tis ab altero, & ut similitudo eius, cuius est Ver-  
„ bū: hoc enim in Verbo nostro reperitur, sed istud  
„ Verbum Dei habet ulterius, quod non sit aliquod  
„ accidens, nec aliqua pars Dei, qui est simplex, nec  
„ aliquid alienum à Divina natura, sed quoddam  
„ completum subsistens in natura divina habens ra-  
„ tionem ab altero procedentis: sine hoc enim Ver-  
„ bum intelligi non potest. Hoc autem secundum  
„ humanæ locutionis consuetudinem nominatur fi-  
„ lius, quod procedit ab alio in similitudinem eius,  
„ subsistens in eadem natura cum ipso. Secundum  
„ igitur, quod diuina verbis humanis nominari pos-  
„ sunt, Verbum intellectus diuini Filium Dei nomi-  
„ namus: Deum verò, cuius est Verbum, nomina-  
„ mus Patrem, processum Verbi dicimus esse gene-  
„ rationem filij immaterialem, nō autem carnalem,

„ sicut carnales homines suscipiatur; est autē aliud,  
 „ in quo excedit prædicta filij Dei generatio om-  
 „ nem generationem humanam, siuē materialem se-  
 „ cundum quam homo ex homine nascitur: siuē in-  
 „ telligibilem, secundum quam Verbum accipitur  
 „ in mente humana. In vtraque enim illud, quod  
 „ per generationem procedit, invenitur posterius  
 „ tempore eo, à quo procedit. Pater enim non ge-  
 „ nerat statim à principio sui esse, sed oportet, quod  
 „ de imperfecto ad statum perfectum veniat, in quo  
 „ generare possit. Nec iterum statim vt generatio-  
 „ ni operam dat, filius nascitur, quia carnalis gene-  
 „ ratio in quadam mutatione consistit, & successio-  
 „ ne: secundum intellectū etiam non statim à prin-  
 „ cipio homo est aptus ad intelligibiles conceptus  
 „ formandos, sed postquam ad statum perfectionis  
 „ venit. Vnde non semper actu intelligit, sed potē-  
 „ tia est intelligens tantum, & post fit intelligens  
 „ actu, & iterum desinit actu intelligere, & remanet  
 „ intelligens in potentia, vel habitu tantum. Sic er-  
 „ go Verbum homine posterius invenitur tempore,  
 „ & desinit aliquando esse ante quam homo. Im-  
 „ possibile est autem, ista duo Deo convenire, in  
 „ quo nec imperfectio, nec mutatio locum habet,  
 „ nec etiam exitus de potentia ad actum, cum sit  
 „ actus purus, & primus. Verbum ergo Dei coæter-  
 „ num est ipsi Deo. Est autem, & aliud, in quo Ver-  
 „ bum nostrum differt à Diuino. Intellectus enim  
 „ noster non simul intelligit omnia, neque vnico  
 „ actu.



„ actu, sed pluribus, & diversis, & ideo verba in-  
 „ tellectus nostri sunt multa, sed Deus omnia simul  
 „ intelligit; & vnico actu, quia eius intelligere non  
 „ potest esse nisi vnicum, cum sit suum esse, vnde se-  
 „ quitur quod in Deo sit vnum Verbum tantum. VI-  
 „ terius est considerata alia differentia, quod sci-  
 „ licet Verbum intellectus nostri non adæquat in-  
 „ tellectus virtutem, quia cum aliquid mente concipi-  
 „ mus, adhuc possumus alia multa concipere: vn-  
 „ de Verbum nostri intellectus imperfectum est, &  
 „ in eo potest compositio accidere, dum ex multis  
 „ imperfectis fit vnum Verbum perfectius, sicut  
 „ cum intellectus concipit aliquam enunciatio-  
 „ nem, seu definitionem alicuius rei: sed Verbum  
 „ Divinum adæquat virtutem Dei, quia per suam  
 „ essentiam seipsum intelligit, & omnia alia: vnde  
 „ quanta est essentia, tantum est Verbum, quod  
 „ concipit per essentiam suam, se, & omnia alia  
 „ intelligendo. Est ergo perfectum, simplex, &  
 „ æquale Deo, & hoc Verbum Dei Filium nomina-  
 „ mus ratione iam dicta, quod eiusdem naturæ cum  
 „ Patre, & Patri coæternum Vnigenitum, &  
 „ perfectum confitemur.

\*\*\*

## CAPVT V.

*Cur Euangelista non dixit, Verbum homo, sed Verbum  
caro factum est, ubi refutantur variae Hæreses con-  
trariæ mysterio Incarnationis.*

**P**RIUS explicanda sunt verba illa. *Et Verbum caro  
factum est.* Particula illa, *Et*, denotat illud ipsum  
Verbum de quo paulo ante dixerat, *In principio erat  
Verbum, & Verbum erat apud Deum, &c.* factum esse  
carnem. *Caro* autem ibi, vt supra ostendimus, pro to-  
to homine sumitur vt idem sit, ac *Verbum factum est  
homo*; frequens enim figura est, vt pars pro toto ac-  
cipiatur, & sic sæpè accipitur in scriptura caro pro  
homine, vt Genes. 8. *Omnis caro corruerat viam suam.*  
Et Isai. 40. *Videbit omnis caro salutare Dei.* Et Rom. 3.  
*Ex operibus legis non iustificabitur omnis caro.* Vt autem  
notat Cyrillus lib. 1. in Ioan. cap. 15 Non dixit Euan-  
gelista, *Verbum venit in carnem*, ne sic Verbum esse in  
Christo intelligeremus, sicut est in Prophetis, & iu-  
stis. In hos enim per lumen prophetiæ, aut per gra-  
tiam venisse dicitur: sed dixit, *Verbum caro factum est*,  
vt significaret, vnionem physicam, & realem factam  
esse inter personam Verbi, & naturam humanam, ita  
vt incæperit in tempore esse homo, qui semper est  
Deus: & denotaret, in Christo convenire duplicem  
naturam, diuinam, & humanam, in eadem personam,  
ita vt Deus sit homo, & homo sit Deus; id est eadem  
per-

persona sit habens naturam diuinam, & humanam.

In illis tamen verbis impegerunt Hæretici. Nam in primis Arrius, vt testatur Ambr. lib. de Incarn. Domin. Sacram. cap. 7. asseribat Verbum carnem solam assumpsisse, & in Christo Verbum esse loco animæ. Verum Hæresis hæc præter quam quod in multis Concilijs æcumenicis est damnata, & in symbolo Athanasij reprobatum, falsitatis convincitur ex illis verbis Christi Ioann. 12. *Anima mea turbata est.* Et Matth. 27. *Tristis est anima mea.* Turbatio enim, & tristitia nequit convenire Christo ratione Verbi, quod incapax est tristitiæ; debet ergo convenire ratione animæ creatæ viuificantis carnem; nam caro capax non est tristitiæ, & doloris, nisi informetur anima. Deinde cum Verbum assumpserit naturam nostram, vt eam sanaret, eam præcipuè debuit assumere partem, quæ plus indigebat sanitate; hæc autem est anima rationalis, quæ initium fuit peccati, & in qua peccatum immediatè existit. Præterea Apolinaris impugnatuſ à Nazianzeno Epist. 1. ad Clidon. sciens, carnem propriè dici non posse, nisi sit animata, concedebat quidem, Verbum assumpsisse carnem animatam animâ sensitivâ, non tamen animatam animâ rationali, ac proinde dicebat; Verbum assumpsisse animam sensitivam, non rationalem. Hæc etiam Hæresis in multis Concilijs damnata, manifestè impugnatur ex illis verbis Ioan. cap. 23. *In manus tuas Domine commendo spiritum meum*, ex quibus constat Christum habuisse spiritum, id est animam rationalem,



lem, quem emisisse dicit Euangelista, dum spirauit, Matth. 27. v. 50. *Iesus autem iterum clamans voce magna, emisit spiritum.* Et ratio facta contra Arrium, hæc etiam Hæresim iugulat. Et vtraque apertè reijcitur; quia de fide est, Christum esse hominem, & Filium hominis, vt constat ex illis verbis Pauli Roman. 5. *Gratia vnus hominis Iesu Christi in plures abundauit.* Et ex illis 1. ad Corinth. 15. *Primus homo de terra terrestis, secundus homo de Cælo Cælestis: & per hominē mors, & per hominem resurrectio mortuorum;* ex qua comparisonem liquet, Christum verè, & propriè esse hominem similem Adamo quoad omnem perfectionem, & proprietatem naturalem. Non foret autem homo, si non haberet animam rationalem; quia homo essentialiter est animā rationale. Habet ergo animam rationalem, quæ simul est sensitiua, & munus etiam vegetatiuæ exercuit in vita mortali.

Hoc supposito inquirimus, cur Euangelista dixit, *Verbum caro factum est*, nec enim existimandum est, carere mysterio, quod ita loquatur, cum potuerit facilius, & non oblatā occasione errandi Arrio, & Valentino, dicere, *Verbum homo factum est.* Varias rationes assignant Patres, & Doctores, quas referre expedit, vt Christi minister possit plenius mysterium Incarnationis explicare.

Cyrillus lib. 1. in Ioann. cap. 15. ait, ideo vsum fuisse Euangelistam illa loquendi forma, vt significaret, humanam carnem, quæ per peccatum mortalis facta fuerat, per coniunctionem Verbi, id est, naturalis, &

& immortalis vitæ, immortalitatem esse consecutam. Augustinus, vt commendaret Christi humilitatem, qui nostræ salutis causa carnis nomen sibi indignum non putauit. Theophilaëtus, vt singularem Dei erga homines benevolentiam declararet, qui propter ipsos caro, id est, res omnium fere vilissima, factus est.

Alias rationes satis congruas adducit Toletus: Prima est, vt sic magis exprimeretur extremorum distantia: sicut enim cum dixit *Verbum*, natura spiritualis, & intellectiua significatur, quam vox *Filius* non ita indicabat: sic dum dicit, *caro*, ostendit quod sensibilius est, & magis remotum à natura intellectuali; atque ita duorum extremorum maxima distantia describitur, dum dicitur, Verbum intellectuale, spirituale, & invisibile ad carnem sensibilem, corporalem, & visibilem descendisse: factamque esse vnionem, inter extrema adeo distantia: quæ enim maior dissimilitudo, quam ea, quæ intercedit inter summum spiritum, & corpus? Altera causa est, quia sic magis declaratur coniunctio Verbi cum natura nostra. Si enim dixisset, *Verbum homo factum est*, posset existimari, hoc esse factum, quia Verbum assumpsit animam rationalem existentem in carne, non tamen, quia immediate sibi vnuerit carnem: at dum dicitur *caro factum*, non relinquitur dubitandi locus, an assumpsit animam. Si enim vniuit secum carnem, à se maxime distantem, dubitari non potest, quod vnuerit animam, quæ cum sit immortalis, & spiritualis, minus ab ipso di-

distat. Ultima denique causa fuit, quia illo loquendi modo significare voluit, Verbum naturam humanam assumpsisse ex illa eadem massa, in qua erat peccatum; seu carnem deriuatam, & descendantem ab Adamo, qui peccauit, id est carnem mortalem, & passibilem, similem nobis; sine peccato quidem, sed tamen *in similitudine carnis peccati*, vt loquitur Paulus Rom. 8. ante peccatum non appellatus est homo caro, post peccatum verò vocatus est à Deo *caro* in contemptum, & opprobrium, vt agnosceret, quantum dignitatis amiserit per peccatum, quia enim spreuit rationem, & Dei mandatum, subiectus est carni rebeli, & passibili; dictumque ei est, *Non permanebit spiritus meus in homine, quia caro est*. Vt ergo significaret Euangelista, Verbum non assumpsisse carnem aliquam è Cælo delapsam, dicit, *Verbum caro factum est*, id est, factum est homo similis Adamo, & nobis, qui in pœnam peccati *caro* dicimur: quamvis enim Christus segregatus fuerit à peccatoribus, & rebellionis appetitus incapax fuerit, tamen assumpsit carnem passibilem similem nostræ in omnibus, vno excepto peccato.

Maldonatus arbitratur, veram rationem, ob quam Euangelista vsus est illo loquendi modo, fuisse, quod hominem Verbo opponere voluit, id est infimum summo. Propterea Filium Dei, qui homo factus est, non Filium, sed Verbum appellauit ( inquit ) quod summam declarat potentiam: *Tribuitur enim potentia Verbo Dei, quia omnia, quæ vult Verbo facit. Omnipotens* (in-



(inquit Sap. 18. 15.) *Sermo tuus exiliens de Cælo à regalibus sedibus, durus bellator in mediam exterminij terram profiliuit.* Et Hæbr. 13. *portans omnia Verbo virtutis sue.* Ideo hominem è contrario, non hominem, sed carnem vocauit, quod verbum summam subiectionem, summam significat infirmitatem, vt appareat, quantus Deus quantillus sit factus homo.

Nec ex eo quod Euangelista dicat, Verbum factum fuisse carnem, sequitur diuinam Verbi naturam conuersam fuisse in carnem, vt somniarunt Hæretici, quos impugnat Ambros. lib. de Incarn. Dom. Sac. cap. 6. vt enim inquit Gregor. Epist. 61. hanc Hæresim impugnans, *Verbum carnem dicimus factum, non immutando quod erat, sed suscipiendo quod non erat, nostra auxit, sua non minuit.* Sic ex eo quod dicamus, hominem factum esse sanum, non sequitur hominem conuersum esse in sanitatem, sed solum sequitur recepisse sanitatem, manente natura hominis, & natura sanitatis. Sic cum Genes. 2. dicitur, *Factus est homo in animam viuentem*, non significatur conuersum esse in animam viuentem, sed solum significatur suscepisse à Deo animam viuentem. Ex eo ergo quod Verbum caro factum sit, non sequitur, quod conuersum fuerit in carnem, sed solum sequitur quod manente propria natura, suscepit carnem, seu naturam humanam sub vnitae personæ, vniendo personæ diuinæ naturam humanam, à qua Deus denominatur homo, ad modum quo homo à sanitate denominatur sanus, & ab albedine denominatur albus. Quamvis enim hu-

humanitas sit substantia, dum tamen vnitur personæ diuinæ comparatur ad illam quasi entis ens, quia iā illa humanitas non est sui, sed est Verbi, cui tribuuntur operationes illius, sicut operationes accidentis tribuuntur substantiæ, vt explicui 3. selectarum Disputationum ex vniuersa Theologia Scholastica, disp. 27. sect. 5. & 6. Verbum enim est, quod denominatur homo, & non ipsa humanitas, quia Verbum est suppositum habens humanitatem, & per illam tanquam per instrumentum sibi coniunctum operatur, siquidem mediante vnione hypostatica impeditum est, ne humanitas illa sit suppositum, & persona, quia mediante vnione hypostatica factum est, vt existat in alio digniore se, cui tribuantur eius operationes; foret autem homo, si per se, ac separatim existeret, ac proinde tunc foret persona creata: at dum est in Christo, non est persona, sed existit in alio tanquam in supposito, & personæ.

Et ex illis verbis. *Verbū caro factum est*, confutatur Hæresis Valētini, qui, vt refert Tertul. lib. 1. de carne Christi dicebat, corpus Christi esse naturæ, & substantiæ cœlestis, non de nostrâ substantiâ. Confutatur etiā Hæresis Eutychetis, qui asserēbat ante incarnationē duas fuisse naturas, diuinam, & humanam; post vnionem verò vtramque fuisse permixtam, & vnā tertiam ex vtraque resultasse naturam; quam hæresim damnauit Concilium Calcedonense sub Leone I. anno 451. quod fuit quartum generale, & æcumenicum. Confutatur, inquam, quia si Verbum caro factū est;

est; manet igitur post unionem natura carnis, & non est in tertiam conversa naturam. Quod si conversa esset in tertiam naturam, Christus nec esset Deus, nec esset homo, quia nec haberet naturam diuinam, nec humanam, sed aliam, à qualibet ex illis distinctam. Fides ergo vera docet, diuinam naturam, & humanam in Christo verè, & propriè reperiri sine confusione, & promixtione destruente distinctionem.

Confutatur etiam ex illis verbis Hæresis Manichæorum, qui teste August. lib. de Hæresib. cap. 46. veritatem carnis negaverunt in Christo, affirmantes, illius carnem apparentem fuisse, non veram: nam si res ita se haberet, falsum dixisset Evangelista.

Item impugnatur Hæresis Cherynthi, qui teste Irinæo lib. 1. cap. 25. affirmavit, Christum esse purum hominem, & tunc incepisse, quando natura humana in utero Virginis concepta est: contra quem Ioannes scripsit Evangelium, & dum dixit, Verbum fuisse ante omnia, & per ipsum omnia creata, facta fuisse, & postea ait, hoc Verbum factum esse carnem, apertè definit, Christum esse illud Verbum æternum indutum carne, id est naturà humanà ac proinde apertè significat, personam Christi non incepisse, quando incepit eius natura humana, sed ab æterno fuisse in natura divina, & in tempore extitisse in natura humana, illam sibi physicè vniendo.

Denique illis verbis confutatur Hæresis Nestorij damnata in Concilio Ephesino sub Celestino I. an-



no 431. qui ut perhibet S. Gregorius lib. 4. Epist. 32. duas personas in Christo ponebat, divinam, & humanam, increatam, & creatam, negabatque, duas naturas, divinam, & humanam, convenisse in eandem personam. Confutatur inquam, quia si *Verbum caro factum est*, id est, si Verbum factum est homo: ergo persona Verbi, quæ ante Incarnationem erat præcise Deus, incæpit esse homo in ipso instanti Incarnationis, quia incæpit habere naturam humanam sibi verè, & physicè unitam: idem enim est esse hominem, ac habere naturam humanam verè, & propriè, sive per identitatem, ut illam habet purus homo, v.g. Petrus, vel per unionem physicam, & realè, ut illam habet Verbum. Nec enim homo solum habet verè, & propriè animam cum qua identificatur in adæquatè, sed etiam habet verè, & propriè accidentia, cum quibus unitur, & habet brachium continuationem per physicam unionem cum corpore, quo amputato, manet nihilominus essentia vera hominis. Illa autem verba *Verbum caro factum est*, denotant veram, & physicam unionem inter hypostasim Verbi, & naturam humanam; posita autem hac unionem physicâ, non potest dari in Christo nisi unica persona cum duplici natura: & ideò S. Cyrillus Alexandrinus, qui præfuit Concilio Ephesino, ut Legatus Sedis Apostolicæ, dixit, fore in Ecclesia Dei pacem, si Nestorius admitteret veram, & physicam unionem inter Verbum, & humanitatem, & non tantum unionem moralem per conformitatem voluntatum, ut dixi t. 3. selectarum, disp. 27. num. 56.

CAPVT VI.

*Ostenditur contra Mahumetanos pluritas personarum in Deo, & Christum esse Filium naturalem Dei, verumque Deum ex Diuinis testimonijs visionum, & miraculorum.*

**Q**Uæ supra rationem sunt, rationibus persuaderi non possunt, sed Deo revelanti credenda sunt: sicut autem qui citò credit leuis est corde; ita qui credere non vult, vbi sunt vrgentissima credendi fundamenta, quæ morali cū evidentia probant, mysterium aliquod esse à Deo revelatum, inexcusabiles sunt apud Deum. Et in vtroque Mahumetani peccant, qui sine vlllo fundamento credunt, Mahumetum fuisse verum Dei Prophetam, & vera esse quæcunque in Alcorano scripta reliquit: & credere nolunt, Christum esse Deum, & dari in Deo Trinitatem personarum, quamvis dentur evidentia argumenta credibilitatis, quæ manifestè convincunt, illa mysteria fuisse à Deo revelata, si attente, & sine præiudicio considerentur. Idèd postquam autoritate Scripturarum, quias Mahumetus non negavit, aperte probavi divinitatem Christi, & pluralitatem Divinarum Personarum, placuit adijcere argumenta petita à diuinis visionibus, & miraculis, quibus Deus confirmare voluit fidem Catholicam contra Arrianos, & Nestorianos, quorum Hæresim toties damnatam in Ec-

clesia Christi, Mahumerus renovauit, quæ vt maiorem fidem faciant, hic narrate libet verbis sapientissimi, & venerabilis Cardinalis Bellarmini, qui contra Hæreticos quosdam modernos sui temporis, eandem Hæresim renovantes, ea scripto tradidit tom. 1. Controversiarum lib. 1. de Christo cap. 12. fidelissimè omnia referens. Sic ergo ait.

„ Prævidens Spiritus Sanctus Arrianam Hæresim, sæpius renovandam, & plurimum Ecclesiæ nocituram, testatissimum esse voluit, eam verissimam esse Hæresim.

Primo igitur annis circiter quinquaginta ante exortam Arrij, Hæresim apparuit S. Gregor. Thaumaturgo Virgo Maria, & cum ea S. Ioannes Evangelista: & Virgine imperante, Ioannes tradidit Gregorio eam fidei confessionem, in qua prædicatur Verbum Deus verus, æternus, invisibilis, increatus, & Trinitas consubstantialis. Refert hanc visionem Gregorius Nysenus in oratione de laudibus eiusdem Thaumaturgi.

Secundo, paulò ante Arrianam Hæresim revelauit Deus S. Antonio, vt Athanasius scribit in eius vita, horribilia illa mala, quæ Arius in Ecclesiam inuecturus erat. Ex quo factum est, vt Antonius nullum Arium ad montem suum ascendere pateretur, sed vt pestem quandam ex toto illo monte fugaret.

Tertio, circa idem tempus S. Petro Martyri Episcopo Alexandrino, cum iam prima semina Arrianæ Hæresis apparere cepissent, apparuit in carcere.

Chri-



Christus veste scissâ à summo vsque deorsum, & cum S. Petrus rogaret, quid hoc sibi velleret, responsum accepit: Arrius hoc fecit, quia populum meum à me separavit. Scribunt Beda, & Ado in Martyrologijs 23. Novembris. Quarto, Arrius ipse Constantinopoli in publicis latrinis subitâ ventris solutione occupatus, intestina omnia cum vitâ profudit. Scribunt hæc Athanasius in oratione prima contra Arrianos, Ruffinus lib. 10. Histor. cap. 13. Gaudentius in Epist. ad Paulum. Epiphanius Hæresi. 68. 69. & alij. Addit Athanasius in Epist. ad Serapionem fratrem, antequam hoc fieret, Arrium Constantino iure iurando affirmasse, se Catholicam fidem colere: à Constantino autem audivisse. Si recta est fides tua, bene iurasti, si autem impia est, & tamen iurasti, Deus te pro iuramento condēnet. Deinde cum velleret Arrius vi in Ecclesiam intrare, scribit ibidem Athanasius, S. Alexandrum Episcopum Constantinopolitanum orasse Deum, ut si permetteret Arrium ingredi Ecclesiam, tolleretur se de hoc mundo: sin autem Ecclesiæ parceret, tolleretur Arrium.

Ex quo intelligimus, non casu factum fuisse, ut tam fœdâ morte Arrius extingueretur, sed planè Dei providentiâ singulari; qui ea ratione implere voluit, & pij Principis comminationem, & S. Pontificis orationem. Ipse Dominus, inquit Athanasius, Iudicem se præbens, Arrianam Hæresin condemnavit.

Quintò, cum Lucius Episcopus Arrianus Catholicos,

licos vbique perſequeretur: Monachi, his verbis miracula faciebant. In nomine Ieſu, quem Lucius perſequitur, ſurge, & ambula. Scribit Ruffinus lib. 11. hiſtor. cap. 41.

Sexto, S. Hilarius ab Arrianis in exilium relegatus, Inſulam quandam ſolo imperio, & præſentiâ ſuâ à ſerpentibus liberavit, poſtmodum etiam mortuum ad vitam revocavit, vt ſcribit Fortunatus in eius vita. Septimo, cū S. Martinus, vt Sulpitius ſcribit, quia adeo vehementer Arrianis reſiſtebat, publicè virgijs cæſus, & à patria expulſus fuerit, interim innumera bilibus quotidie miraculis corruſcabat.

Octavo, S. Baſilius, cum quæſtio eſſet de quadam Eccleſia, vtrum eam Catholici, an Arriani poſſidere deberent, conditionē illis obtulit, vt Eccleſia firmiſſimis repagulis clauderetur, & eorū eſſet, qui iuxta ſuam fidem orantes ſolo verbo, nulla vi alia externa adhibita, eam aperirent. Accepta conditione priores Arriani diū orantes iuxta fidem ſuam nihil efficere potuerunt: deinde Baſilio cum Catholicis orante tanta vi continuo fores Eccleſiæ apertæ ſunt, ac ſi verba illa tonitrua quædam fuiſſent. Scribit hoc Amphilochius in vita Baſilij.

Nono, cum Iuſtina Imperatrix Arriana, cum ſuis Ambroſium, & Catholicos perſequeretur, revelauit Deus eidem Ambroſio corpora incorrupta S. Gervafij, & Prothaſij, & per ea cæcum illuminavit, mulæque alia edidit miracula. Fuiſſe autem hac ad Arrianorum confuſionem, docet Auguſtinus lib. 6. confeſ.

*fel. cap. 7. & idem etiam patet ex eo quod Arriani quantum poterant ista miracula calumniabantur, ut ipse Ambrosius testis est in sermone de S. Gervasio, & Prothasio. Decimo, scribit Victor Vticensis lib. 1. de persecutione Vandalica, cum S. Martyres pro fide Catholica ab Arrianis flagellarentur usque ad ossium denudationem, sæpè accidisse, ut sequenti die divino miraculo incolumes conspicerentur, lib. 2. idem Author scripsit, à S. Eugenio cæcum illuminatum eo ipso tempore, quo Arriani Catholicos maximè vexabant: lib. 3. scribit aliquot Catholicis hominibus iussu Regis Arriani linguas radicitus evulsas fuisse, & eos tamè semper loquutos optimè quousque vixerunt. Cuius miraculi meminit etiam S. Gregorius lib. 3. dial. cap. 32. ac dicit, se loquutum cum quodam Episcopo sene, qui vnum ex illis videbat sine lingua loquentem. Vndecimo, idem Gregorius eodem lib. 3. cap. 29. 30. & 31. tria mirabilia narrat, quæ suo tempore, acciderunt: primum accidit in Vrbe Spoletana. Cum enim Arrianus, Episcopus in Ecclesiam S. Pauli intrare, & suo errori eam Ecclesiam dedicare vellet, Catholici metuentes Ecclesiam lampadibus omnibus extinctis diligentissime clauserunt: sed cum accederet Arrianus cum suorum grege impetum facturus, continuo omnes portæ simul magno fragore edito per se patuerunt, & effusio cœlitus lumine lampades omnes accensæ sunt, sed simul cæcitare Episcopus percussus est, tantoque terrore omnes affecti, ut intrare ausi non fuerint, sed*



Episcopum suum cæcum effectum in domum suam confusi retulerint. Secundum Romæ accidit. Nam cum Ecclesiam quandam, quæ Arrianorum fuerat, ipse B. Gregorius introductis Sanctorum reliquijs reconciliasset, Diabolus in specie horrenda suis exiit. Item nubes lucidissima super altare descendit, & simul ingens suauitas odoris in eum omnem locum effusa est, lampadesque omnes accensæ divinitus.

Terrium in Hispania; ubi cum Hermenegildus Regis Filius à Patre Arriano propter fidem necatus esset, visæ sunt noctu circa eum lampades accensæ, & Angelorum cantus à multis est auditus. Duodecimo, vt scribit Gregorius Turonicus lib. 2. Histor. Franc. cap. 3. cum in Africa Cirola quidam Patriarcha Arrianorum Catholicos persequeretur, & eodem tempore tres Sancti Episcopi, Eugenius, Vindemalis, & Longinus, qui præter cæteros ei resistebant omnes miraculis coruscarent, voluit etiam Hæreticus miraculum facere; itaque cuidam quinquaginta aureos numeravit, vt se cæcum fingeret: sed dum transeunte per viam Cirola, ille cæcum se simulans Cirolæ auxilium postularet, accessit Cirola, & oculos eius tetigit, imperans vt videret in signum veritatis, quam prædicabat, repente vero tantus ardor oculos illius miseri occupavit, vt coactus fuerit manibus eos comprimere ne è fronte exilirent: tum vero detexit dolum, & fidem Catholicam alta voce confessus, à Sancto Eugenio signo Crucis repente curatus est.

His igitur, alijsque divinis testimonijs satis aperte probatur eorum sententiam Deo inimicam esse, qui Dei Filium Deum verum esse negant. Hucusque Bel-larminus. Idque ipsum alijs miraculis comprobatur, nimirum omnibus illis, quæ Sancti ediderunt in nomine Iesu-Christi Filij Dei viui, & quia credebant Christum esse Deum. Talia sunt omnia miracula, quæ operati sunt Martyres, & Confessores in testimoniū Fidei Christianæ, & quæ operati sunt Apostoli. Adducat in medium Christi Prædicator illustriora ex ijs, quæ leguntur in Breviario Romano in lectionibus Sanctorum. Vt in lectionibus S. Clementis, S. Cecilie, S. Catherinæ, S. Priscæ Virg. & Martyris, S. Agnetis, S. Gregorij Taumathurgi, S. Nicolai Episcopi, S. Martini Episcopi, S. Pauli Eremitæ, S. Antonij Abbatis, S. Sylvestri, S. Stanislai Episcopi, S. Ildephonsi, S. Bernardi, S. Xaverij, & aliorū Confessorū, & Martyrū, qui gloria miraculorū manifesta floruerūt.

Quibus addo miraculosam vindictam, quàm Deus sumpsit de quodam Præfecto Ægypti Mahumetano fratre *Abdulmelici* Regis Sarracenorum, quem Rex ipse præceperat Ægypto, & vocabatur *Abdulazizus*. Aegrè ferebat Barbarus iste, quod Christiani Imagines Christi, tanquam Filij Dei, & Imagines B. Mariæ Virginis, tanquam Matris Dei venerarentur: & sacrilege expuit in Christū, & eius Matrem; & statim cœlestis vindicta venit super eum. Rem narrat Georgius Almacinus Mahumetanus historicus summæ authoritatis apud Turcas lib. i. historiæ Sarrace-

,, nicæ cap. 12. pag. 81, his verbis: Habent autem vi-  
 ,, tæ Patriarcharum (Alexandrinorum Iacobitarum)  
 ,, Abdulazizum ingressum Templū Monasterij Hu-  
 ,, livanensis vidisse figuram Dominæ habentis Do-  
 ,, minum Christum in vlnis suis, & spuisse in eos: at-  
 ,, que ea nocte in somno suo vidisse Dominū Chri-  
 ,, stum iubentem, vt occideretur, seque ilicò lancea  
 ,, in latere suo transfossam, indeque mox expectectū  
 ,, valde fuisse consternatum, & expiravisse eadem  
 ,, nocte. Hæc ille, quàm historiam dum non repro-  
 ,, bat, approbat Author iste Christianorum inimicus.  
 Accidit hic casus anno Ægyræ Maurorum 85. &  
 Christi 734.

Innumera etiam miracula, quæ B. Virgo Maria in-  
 vocata vt Dei Mater à Catholicis omni sæculo pa-  
 travit, clarè probant, illam esse Dei Matrem, & con-  
 sequenter Christum eius Filium esse verum Deum,  
 neque enim alia ratione est Dei Mater, nisi quia est  
 Mater Christi, qui est verus Deus, & homo. Inter  
 hæc miracula celebre est illud, quod operata est cum  
 Sancto Ioanne Damasceno, cui accusato de proditio-  
 ne apud Regem Sarracenorum amputata fuit manus  
 dextera, anno Christi 728. sed ipse domum se reci-  
 piens, in oratorio suo ante Imaginem Dei genitricis  
 provolutus, magna Fide excisam manum præstinæ  
 suæ commissuræ admovit, & ferventibus orationibus  
 à B. Virgine eius integram restitutionem expetijt,  
 quo posset illius ministerio Christi Domini, eiusdem-  
 que ipsius Matris laudes celebrare. Nec mora, cum  
 ob-



obdormisset, visione potitus S. Dei genitricis, expectatus manum sanata[m] reperit, linea tantummodo quadam relicta, qua locus excissionis demonstraretur. Quâ re cognita; cum veller eum Rex dignitati pristinae restituere; ipse impetrata aegrè missione, cunctis bonis suis, pauperibus, propinquis, & Ecclesijs distributis, Hierosymam primò profectus est, indeque Syriæ petens eremum, apud S. Sabæ Lauram, monasticam vitam egregiè excoluit. Vt narrat Baronius ad ann. 728. ex Ioanne Patriarcha Hierosolimitano, qui in eiusdem Sancti Damasceni vita id fusi[s] scribit.

Huic miraculo annectam aliud modernum evidentissimum, quod ultra octodecim mille testes habuit, quod operata est B. Virgo Cæsaraugustana, vulgo del *Pilar*, quod typis vulgavit Matrini Petrus Neurath Germanus, Medicinæ Doct[or], in confirmationem Fidei Catholicæ, & confusionem Hæreticorum, & in fronte libelli expressa est vera effigies B. Virginis supra columnam marmoream stantis, & coram illa effigies iuvenis crure carentis, cum hac inscriptione: *Crus puero abscissum Virgo Sanctissima reddidit Cæsaraugustæ* 29. Martij ann. 1640. Cuius miraculi testis ocularis fuit P. Ioannes Gabriel Guillen, è nostra societate, meus per sex annos in Missionibus Socius, ut dixi in præfatione huius operis: qui sæpè vidit Cæsaraugustæ ad ianuam Ecclesiæ B. Virginis del *Pilar* adolescentem vno crure truncatum, eleemosinam petentem: & postea eundem intuitus est utroque

que cruce insistentem, & cruce à B. Virgine redditum manibus suis contrectavit. Hoc miraculum sæpè coram Mahumetanis prædicavimus; & Malacæ, Hispalis, & Matriti non paucos testes invenimus, qui illud oculis suis spectarunt. Et ideo illud placuit hic subiungere illius Authoris verbis.

## CAPUT VII.

*Narratur miraculum Dine Virginis, quæ Cesaraugustæ cruce puero abscessum restituit anno 1640.*

**N**E tam mirà rerum varietate, ordine & Maiestate, quæ in vniversa hac machinà splendet, humanū obrueretur ingenium, & creaturam pro creatore coleret; supremus ille mundi Dominus quædam præter rerum ordinem, & omnem naturæ vim exsuperantia omni ævo patrare solitus est. In Genesi, vbi orbem ex nihilo candidit, & naturæ primas leges dixit, Adamum operum suorum testem constituit; primis Patribus coram loquutus est, & abdita rerum penitus revelavit: Prophetas factis mirandis comprobavit: Moyse mare scidit: Josue Solem detinuit: Helias ignem de Cælo, evocavit: Helisæus puerum ad vitam reduxit: Angelus postremò inter Iudæos, ægros in piscina sanavit. Ipse Christus haud minoribus ostētis se Filium Dei alleruit: Lazarum putrescentem è sepulchro resurgere iussit: cæco à natiuitate visum dedit: quid alij in intimis cordis penetralibus abscessi-

di-

ditum gererent, cognovit. Et talia quidem facta ve-  
ræ Ecclesiæ suæ symbola esse voluit. Sic enim loqui-  
tur, Marci 16. *Signa autem eos qui crediderint hæc se-  
quentur: in nomine meo dæmonia eicient: linguis  
loquentur novis: serpentes tollent, & si mortiferū  
quid biberint, non eis nocebit: super ægros manus  
imponent, & benè habebunt. Et Dominus quidem  
Iesus postquam loquutus est eis, assumptus est in  
Cælum, & sedet à dextris Dei. Illi autem profe-  
cti prædicaverunt ubique, Domino cooperante,  
& sermonem confirmante sequentibus signis.*

Horum igitur signorum patratio solis in Christū  
credentibus data est, non alijs (neque enim rationi  
consonum est, supremam illam Maiestatem sigillum  
illud quo suos signavit, adulterari vllō vnquam tem-  
pore voluisse) sed nec singulis fidelibus (quod Iulia-  
nus Apostata cavillabatur) talia concessa sunt. Eccle-  
sia vniversa eis semper clauit, & hunc vsque in diem  
claret: idque iure meritò, si enim hodie æquè ac olim  
multis ignota est, signo certè aliquo supernaturali  
opus habet, quò se semper eandem à Christo electam  
sponsam vniverso orbi ostendat.

Constans apud omnes Hispanos traditio est, Di-  
vum Iacobum Apostolum Cæsaraugustæ primum  
Deo Templum, sub Deiparæ Virginis nomine, con-  
secrassè: in eo columna marmorea, atque super illam  
Divæ Mariæ statua visitur. Sacellum est celeberr-  
imum, & totius Hispaniæ antiquissimum, quod Mau-  
rorum etiam tempore substitit. De eo Calixtus Ter-



tius Romanus Pontifex in Bulla 23. die Septembris,  
 „ an. 1456. data, sic ait: Beata Maria, antequam ad  
 „ Cœlos assumeretur, cum Iesu-Christo Filio suo, &  
 „ Domino nostro, B. Iacobo Maiori in colūna mar-  
 „ morea apparuit, & ob hoc ipsa Ecclesia nomen  
 „ Beatæ Mariæ de Pilari assumpsit: ac inibi quam  
 „ plurima, & infinita miracula diuina provisione die-  
 „ rim fiunt. Hisce nostris diebus iuveni crus abscis-  
 „ sum ibidem restitutum est.

Erat autem iuuenis ille Michael Ioannes Pellicer  
 annorum novendecim, Calandà ortus (pagus Ara-  
 gonum est, Ordinis Calatravæ) filius Michaelis Pel-  
 licer agricolæ, & Mariæ Blasco eiusdem pagi incola-  
 rum. Hic dum Castelloni de la Plana (pagus Regni  
 Valentiani est) avunculo suo Iacobo Blasco serviret,  
 ex curru, in quo triticum vehebatur, excidit, atque  
 crus illi dextrum ab rotâ confractum est. Cumque &  
 ipse, & avunculus eius pauperes essent, Valentiam ad  
 domum hospitalem delatus est. Vbi cum varijs ten-  
 tatis remedijs nihil proficeret, magnum illud Cæsar-  
 augustæ Nosocomium petijt, & se Ioanni de Estanga  
 chirurgo expertissimo, & medicinæ publico ibidem  
 professori commisit; qui crus ex toto corruptum vi-  
 dens, ad quatuor digitos infrâ genu abscidit, ac terræ  
 mandavit. Iuuenis cicatrice obductâ, ædem Sanctæ  
 Mariæ adiit, ibique nunc opem Virginis implorans,  
 nunc stipem à prætereuntibus petens, biennio inte-  
 gro omnibus se notum fecit. Anno 1640. vt paren-  
 tes inviseret Calandam, patriam suam petivit, unde  
 ad

ad vicina oppida proreptans, sibi, parentibusque victum quærebat.

Die vigesima nona Martij, anno à Virginis partu millesimo sexcentesimo quadragesimo, scœnum colligendo fessus, ad focum assistentibus patre, matre, alijsque duobus conterraneis, ligneum crus deposuit, ac cubitum ivit. Undecima noctis horâ mater cubiculum intrans, duos in filij lecto pedes mirata est, & militem (eorum enim cohors ibidem tunc morabatur) esse suspicata, ad maritum cucurrit, qui filium agnoscens, excitavit, ille verò in hæc verba prorupit. Somniabam, me in sacello Divæ Virginis de Pilari lampadis oleo crus vngere. Et pater: gratias Deo redde, Deipara tibi crus restituit: hoc enim juvenis eo usque ignorabat.

Stupendum hoc factum mox illâ ipsâ nocte divulgatum est, & omnes incolæ oculati testes id arbitrati sunt. Die sequenti juvenis à frequenti populo ad Templum ductus est, ibi pes (quem Virgo sanctissima distortum, ut omnes miraculum intuerentur, reliquerat) situm naturalem recepit: agnovēruntque, eum vere bipedem, quem pridè altero crure destitutum viderant: cui scriba publicam Fidem tunc quidem dedit. Juvenis autem Cæsaraugustam adductus est, res in iudicium vocata, datus causfidicus, examinati testes, causa ventilata, & tandè die vigesima septima Aprilis, anni millesimi sexcentesimi quadragesimi primi sententia, qua factum illud verum, & omnem naturæ vim excedens dicitur, lata est

ab Illustrissimo, & Reverendissimo Domino Domino Petro Apaolaza, Archiepiscopo Cæsaraugustano, subscribentibus Domino Antonio Xavierre, Priore Sanctæ Christinæ, Domino Ioanne Perat, Vicario Generali, & Officiali Canonico S. Metropolitanæ Ecclesiæ Cæsaraugust. Domino Virto de Verá Archidiacono Cæsaraugust. Domino Ioanne Plano à Frago Officiali, Domino Philippo Bardaxi, Sac. Canonum primario interprete, Domino, Didaco Chueca, Canonico Magistrali Cæsaraug. Domino Martino Irribarne, Can. Lectore Cæsaraug. Frat. Bartholomæo Fojas, Provinciali Ordin. S. Francisci, Frat. Antonio Ortin Abbad, Provinciali Ordin. Minorum S. Francisci de Paula, Domino Domino Cebriá, Cathedr. primario Theologiæ Cæsaraug. Promulgata est sententia à iuris vtriusque Doctoribus, Domino Philippo Bardaxi, Domino Ægidio Fulter, & Michaele Cipres Causidico, & Notario. Signata ab Antonio Alberti Zaportà, Notario Apostolico, & Scribâ principali Curiae Ecclesiasticæ Cæsaraugustanæ. In Annales verò retulit Dominus Thomas Tamayo de Vargas, Hispaniarum, ac Indiarum Historiographus regius, in eis, quæ addidit Enchiridio temporis, Rever. Pat. Frat. Alphonso Veneri, Ordin. S. Dominici, Compluti nuper lingua vernacula editis.

Videant hæretici, si hoc tam facilè explodent, vt illud S. Ioannis Damasceni, & reliqua, quæ à maioribus accepimus, quæque apud Indos hodie sunt. Hoc enim, & nostro sæculo, & coram multis oculatis cō-



rigit, Cæsaraugustæ in Ciuitate frequentissima, & Aragonum Regia, spectantibus Hispanis, & Gallis: testes examinati, causa per integrum annum agitata, & sententia ab Archiepiscopo iuridicè lata est. Quòd si rei tam notæ contradicere ausint: quis illos non impudentes, & Iudæis magis incredulos incusabit? Hucusque Author ille. Hoc insigne miraculū Beatæ Virginis del *Pilar* succinctè narrat Pater Iacobus Massenius è nostra Societate in opere illo, quod inscribitur *utilis euriorisiras de humane vitæ felicitate*, excusso Colonia Agripinæ, anno 1672. cap. 25. num. 6. ubi plura addit, quæ eius verbis referre placent.

## CAPVT VIII.

*Alia Beatæ Virginis miracula ex certis historijs à P. Iacobo Massenio narrata, quibus probatur, illam esse Dei Matrem, & Christum esse verum Deum.*

**I**gitur hic Author in eo cap. 25. à pag. 514. num. 4. sic loquitur: *In Catholica Ecclesia miraculorum virtus nunquam deficit. Omne ævum, omnisque Ecclesiastica Historia eisdem referta est. Iam triginta, & amplius tomos (quorum octo iam vidimus molliuntur Belgæ Patres, Bollandus, & Henschenio auspiciantibus, ubi per singulos anni dies, & superiora usque ad Christum sæcula, infinita penè deprehendimus miracula ex ipsis plerumque autographis locorum, aut certè coætaneis scriptoribus de prompta,*

ne autoritas de esset. Neque hac etiam num ætate gens, aut natio Catholicæ Religioni addicta reperitur, quæ non aliqua celebrata miraculis loca possideat. Imò vix vlla, quæ singulari Deiparæ Virginis Patrocinio in grauissimis etiam morborum, ac mortis casibus non perfruatur. Quis enim ignorare potest in Italia Lauretanam, in Hispania Casaraugustanam, in Germania Oetinganam, in Belgio Aspricollensem. Quorum miracula locorum non solum Europæ incolis, sed Barbaris etiam nationibus, & innouere, & quandoque etiam communicata sunt, ut constat Turcarum Bassæ Coreutum anno 1552. Constantinopoli ex pectoris apostemate in extrema iam vitæ linea constitutum, consilio servi orthodoxi, ad Lauretanam conversum Virginem, sanitati redditum, quod in chirographo his Arabicè verbis testatum reliquit: *Quod (inquit) bonum, fortunatumque bonum nobis esse velit magnus, & misericors Dominus mundi. Cum miki ipsi Diuinitus quiddam euenerit, ergo Coreus Bassa rem omnem ordine exponam. Ortum erat atrox apostema in pectore, iamque haud dubium imminebat exitium: Cum desperata à Medicis salute meus me servus addijt, & sanè fidenter: si miki libertatem polliceris, inquit, Dei mei Matrem exorabo, ut pristinam tibi restituat valetudinem. Itaque ego confestim accersito tabellione, libertatem ei promissi, si ipsi promissa præstaret. Ex Templo servus possitio kumi genibus, & quedam super se signa ducens manu cogitat, ut semet verba præsentem sequar: inde*

ip-

ipse præire his verbis cepit : Ego Beate Mariæ Lauretanae opem imploro. Monenti obsequutus tri-  
 duo post, Deo fauente convalui. Ergo servo in liber-  
 tatem vindicato, hoc chirographum dedi cum voti-  
 uis donis, quæ meæ observantiæ, gratiquè animi mo-  
 numenta sint Beate Mariæ parenti præpotentis Dei,  
 qui nos salvos velit. Venit Lauretum cum donis ser-  
 vus, obtulitque præter argenti non vile pretium rari  
 operis mantile, pharetrumque cum sagittis, ac cereos  
 ingentes. In Gallia meminit Gregorius Turon, ex-  
 citatam à Constantino Magno Ecclesiam Deiparæ  
 rarò, visendoque opere, pro quo excissæ columnæ, pe-  
 dum in ambitu sedecim, cum leuari nulla arte pos-  
 sent, D. Virgo per quietem artificii machinam osten-  
 dit, quæ, tribus solum è schola adhibitis quo iuberet  
 columnas traduxit. Sed memorandum in primis Cæ-  
 saraugustanum in Hispania B. Virginis Templum,  
 quod vulgò dicitur nostra Domina de *Pilari*, &c. &  
 hic breviter refert historiam à nobis fuisse cap. præ-  
 cedenti descriptam, atque ab Historographo Regis  
 Ioâne Tamayo de Vargas in Regni Annales relata,  
 & itatim num. 7. subiungit, in vna quandoque regio-  
 ne plura Deiparæ Virginis loca miraculis illustria re-  
 perturus es. Diœcesis nostra Treverica in parte infe-  
 riori Antonacensem Ecclesiam in Monte Carmeli, &  
 Travvenkirchanam, haud procul in sylva disitam S.  
 Genovosæ, castissimæ Principis memoria, & tutela  
 Deiparæ celebrem deinde Borenhoffensem, ac deni-  
 que Bleidembergensẽ vtramque peregrinationi-



bus frequentatam censet, vt Bischoffiteinianam epilepticis propitiam omittam. Superior duas in primis Burichianam, & Clusanam dignitate, ac miraculorum gratia præcipuas numerat. Ex quibus hæc longe frequentissima integro mirandorum eventuum volumine est celebrata, testibusque idoneis mortuorū quoque suscitationem confirmantibus honorata. Horum, in Annalibus Trev. quædam dedimus, & in Metropoli nondum edita nonnulla exhibemus. Vnum ex viginti, quos censent excitatis mortuis, recentius ex hoc sæculo, rarūque apponam. Barbara ex Vvehlen Mosellano pago oriunda, Oppenheimis in Palatinatu viro ducto confederat, hæc prole enixa, sed mortuā fuit, de cuius æterna magis, quam temporalis salute anxia, cum iam sepulturæ mandanda esset, D. Virgini Clausanæ peregrinationem, ac cereum offerendum promissit, si proles vitæ reddita Baptismi capax fieret. Bis, tervē idem ardentem precata, vivere prolem comperit, quæ Baptismo admota, cum idem Barbaræ nomen accepisset, bis quodammodo à matre genita, rursus, inflexis in mortem oculis, Cælo adscripta est. Matremque voti ream, non sine Calvinistarum natos sine Baptismo superis asserentium, confusione, reliquit. Idem res æcius anno 1641. Margaritæ Ioannis Schillingi coniugi in Pruttig mortuam prolem enixæ pridie S. Iacobi contigit, quæ dum Baptismi solam gratiam postulasset, vitam illi constantem impetrauit. Quid? Quod vidimus anno 1640. Rudolphum Baronem de Vlmæna, cum ex desperata valetu-

dm̃e, ac morte imminente Annam Magdalenam Mis-  
sigel Lutzemburgensem coniugem voto ad Deiparā  
Clausanam facto, vitam recepisse conspiceret, eiura-  
to Clusæ Lutheranismō, Catholicam Religionem  
amplexum, nè indignus beneficio viueret.

Hinc si ad Belgas transeamus, præter asperum col-  
lem plura istic miraculis frequentata loca reperimus.  
Hallensis virgo prodigijs clara, & Iusti-Lipsij calamo  
exornata est. Ex quo, vt lepore aliquo seria adspersa-  
mus, constat, quod cum Oliverius Tempelius Hallā  
invaderet, Ioannes ibi Kechius, miles ipsius iactare  
auditus sit, se mullerculę Hallensi (Deiparam indica-  
re voluit) nares amputaturū. Nec impunē hæc Seurra;  
nam plumbea mox glante sibi ē vultu nasum sensit  
ablatum, risumque deinde movit socijs, qui sæpius  
eum postea Hallas ad repetendum nasum ablega-  
bant. Gravius eadem expeditione alter graviozem  
quoque contumeliam luit. Is Ioannes Kisselmanus  
fuit, qui medio sese Bruxellensi (vnde egressi erant)  
foro, statuam Hallensem crematurum minatus est,  
sed haud multo post grandioris tormenti globo se-  
cundum os impium verberatus, animam scelestam  
ardenti consumptus pulvere evomuit.

Verum eius generis innumeris insistere, actum es-  
set agere. Cupidum talium lectorem ad mille Scrip-  
tores Orthodoxos remitto, & ad quędam perpetua  
in eodem Belgio (Hęreticis, quo ignorare nequeant,  
septo) miracula transeo, meis etiam oculis, quantum  
breui temporis, vięque transitu lieuit, vsurpata. Atre-

bati in Gallo-Belgica non vulgari Deipara cultu, sodaliumque frequentia honoratur.

Originem celeberrimæ istic Congregationi Deiparæ rarum, ingensque beneficium per duos oblatum citharædos dedit. Itierus vnus, alter Normannus dictus fuit. Oti, quam amici quondam ludendi contubernio, tam deinde hostes capitales ob illatam Germano Itieri à Normanno necem. Ibat annus Christi 1105. & grauissima vrbs tota conflictabatur pestilentia, humanisque erat remedijs desperatum, quando implorata Deipara per Itierum, Normannumque conciliatos, offerre opem decreuit. Illi igitur, atque huic diuissim agentibus apparet, iubetque adire Episcopum Loci id temporis Larbertum, ac mone-  
re, vt primo Sabbati diluculo adesset cum eis in Templo, se quoque præsentem istic adfuturam, maloque grassanti ostensuram exitum. Normannus, vt loco, propior, convenit primus, visumque exposuit; sed Episcopus pro somnio habuit, neglexitque. Interea supervenit aliunde Itierus, de Normanno ignarus, idemque mandatum sibi refert, tùm Episcopus, & Normannum paulò ante proposuisse hoc ipsum; ac num fortè colludent? subiicit, Normannus (excipit Itierus) fratris mei, Sicarius, cui hunc gladium, & mortem debeo hoc loco adsit? Peribit mea manu, tùm Episcopus non nisi destinatione hos Divina sibi offerri ratus periculi admonet, Christique exemplo suadet ignoscendum, ac persuadet denique, vt accersito, & deprecanti Normanno amore Christi



ignosceret. His conciliatis, prima Sabbati luce Templum subiit: quibus præsentibus Deipara Virgo cœlesti circumfusa lumine succensum manu cereū deferens ad fuit, ex quo defluentes ab igne guttas aqua excipi, & hanc laborantibus propinari iussit, quæ innumeris repente mortalibus salutis fuit. Cereus in honorem Diuæ asservatus, eiusque solemnibus festis succensus inconsumptibili hætenus per annos quingentos, & amplius cera ardet defluæque quotannis ex eo in aquam guttæ colliguntur, aliosque, atque alios promunt cereos pro insigni munere ad proximas Ecclesias submittendos. Aqua guttis tacta toto anno incorrupta perstat, ac salutis gratia à diuersis bibitur: inde, & ego post expectatum cereum hauri. Hic ne qua fraus interveniat, à iuratis Ecclesiastici, ciuilibusque ordinis viris custoditur, neque sine testibus exhibetur, quod vero nonnunquam ab igne consumi, ac decrefcere visū, hoc ibi ex capsula, cui includitur rarsum profertur dissensibili accensione, velut subcreuisse videtur. Ut vero in oculis omnium eius præstet custodia, amplæ, antiquæque in foro pyramidi inclusus servatur, sodalitatique eius loci hominum, quam vocant ardentium commissus quotannis publica, solemnique processione circumfertur.

Huic alia affinis, neque minoribus celebrata prodigijs Congregatio apud Bethunienses eodem in Belgio sub patrocínio B. Eligij Handuorum Apostolice instituta. Is anno 1188. duobus Ferrarijs febris (ut Fabrorum patronus est) alteri Bethuniæ in

vrbe, alteri Beuriaci in pago facile passibus mille dis-  
 sito per visum noctu apparuit, iussitque avertendæ  
 luis, quæ passim invaluerat gratia, cereum confice-  
 re, & ad aram offerre. Simul hunc ad vibem, illum  
 ad pagum transire voluit, communicisque cum  
 primum obvio consilijs, quid agendum sit delibera-  
 ret. In via igitur cum mutuo sibi Fabri occurrunt,  
 & mandata promunt; visum est pro rebus consulto  
 transigendis Rogonem Bethuniensis suburbij Prio-  
 rem, virum id temporis sanctitate, celebrè adire, eiusq;  
 stare iudicio. Hic expensis mādatis cereum imperatum  
 iubet conficere, quē solemnī deferendū, offerendūque  
 processione suasisit, quo factō lues sedata est. Ex hoc  
 cereo festivis temporibus accenso nihil vnquam de-  
 perire visum est. Fraternitas subinde instituta est, cu-  
 ius magistratus ex viginti honoratissimis vrbis viris  
 lectus, quibus cura est mortuorum pestilentia in  
 primis tempore curare funera, quod citra omne cō-  
 tagionis à se contrahendæ periculum, iam pluribus  
 sæculis præstant, eis solum demptis, qui aliquid ex  
 domo mortuali secum auferunt, quod impu. è non  
 audent. Fraternitas hæc sub patrociniō S. Eligij  
 charitatis ab hoc dicta officio est, cui aliquando in  
 Templo ad sacrificium collectæ inter fuit, benefi-  
 cijque loco habetur, si quis aliquo viginti virorum  
 morte sublato accenseri his possit. Cercus immor-  
 tali hætenus lumine sacris solemnibus iam quingen-  
 tis propè modum annis lucet, fraternitasque à pesti-  
 fera contagione innoxia sub vno Præposito, alijsque  
 qua-

quatuor viris regitur, quorum imperio ceteri ad domus pestiferas, & funera curanda destinantur.

Nunc ad tertium, quem, & ipse præsens lustravi perpetuis celebratum miraculis locum transeo S. Hubertum, videlicet Andaine Innarduenæ recessu, & monasterio Patrum Benedictinorum gloriose cultum. Huic per Angelum stola à Deipara Virgine cū Romæ à Sergio cōsecraretur Episcopus suppeditata, clavisque à D. Petro cum gratia sanitatum rabiosis, lunati citque potissimum impertienda cælitus oblata est, quibus innumeri adhodiernū diem usque mortales curantur, remedio non minus, quam sanitatis eventu cunctis, qui hæc vident, noruntque obstupescendo. Stola enim hæc etiamnum durat, licet octingentos pene in dies aliquid resecta ex parte dematur: nam si quibus diebus cessetur, alijs frequentiori sectione opus est. Particula vero sollemnis more quotannis ad medij digiti latitudinem de stola latitudine prope tridigitalis amputatur, quæ minutim divisa curandis, rabiosis adhibetur, si hanc tamē quis non obstupescant tot sæculis præstare inconsumptam? Vidi ego mensuram ex funiculo demptarum particularum, quam per quingentos circiter annos signarant custodes, & præputatores stola, quæ plurimum stolarum equaret magnitudinem. Vnde à ducentis, & amplius annis nullo, ut credebant mensurandi opere pretio cessaverant. Stole quoque residuum in capsâ (qua evolui ad dimensionem non patiantur) arbitratus tam candida lyso, fulgentique,



quo inter texta mirabiliter erat auro, comperi, vt si recens ex artificum manibus prodijſſet. Ratio per Stolum ſanandi hæc eſt. Præputata ex illis particula è filo, ſciſſa in fronte rabioſi pelle inter hanc, & carnem inſeritur, fronsque pernoventiũ obligatur, quæ decima à Sacerdote die ſolvitur, poſt quos vulnus coaluit, natura (quod in nullis alijs humana caro patitur) ſilum neque conſumente, neque reiſciente. Dies vero noveni certo pie ratis, victuſque, qui præſcribitur ritu inuolabiliter tranſigendi ſunt, & ſi quid neglectum repetendi.

Ita curatus læſi rabiem per quadraginta dierum inducias bis, tervè, & ſæpius, ſi res, & perſona exigat, poteſt ſuſpendere dum limina D. Huberti curandus iubeat, ipſe etiam à beſtia rabioſa iterato læſus, tridui oratione, & abſtinentia præſcripta domi ſuæ vltus rabiem amplius non contrahit. Vulnere à rabioſis inſlicta clauo aduſta curantur; cuius aduſtio varijs etiã animantibus ad cautelandam immunitatem à rabioſis moribus adhibetur. Vti, & panis ad S. Hubertum benediçtus. Accedit poteſtas in demoniacos, intoxicatoſque, atque lunaticos, ſive inſanientes, qui magno hic numero per exorcifmos, cibosque benediçtos curantur, fueruntque eadem, qua aderam, ſeptimana, quibus reſtituta eſt ſanitas. Et mulier haud multo ante ex intoxicatione catenam ferream, clauoſque clavales vix faucibus tranſmittenda (adeò crasiſ hærebantianſis) evomuerat. Neque obſcura hæc curationum fama ſolum Belgium, Ger-

maniamque, sed Gallias, Sabaudiamque iam olim pervagata ipsum Calvinum rabioso afflictum filio, quamvis hostem venerationis Sanctorum (cum alia omnia remedia deficerent) eo inflexit, ut Geneva filium Andainum destinaret, qui, ut intelligas Divina etiam beneficia obvenire ingratis, S. Huberti Stola, rituque pietatis novendiaro sanitatem recepit, Patriſque eiurata hæreſi Catholicorum avitæ religioni immori constituit, non animo minus, quàm corpore restitutus, cuius æternum Bartholomæus Honorius monumentū elegiaco versu exaratū super esse voluit, quod in historia Leodiensi, & Hubertina reperies.

Hæc de Stola, eiusque virtute miramur, & forte cum stolidis etiam Hæreticis ridemus? Sed cur non aliud & que, quod gravissima autoritate olim D. Paulinus Episcopus Nolanus ad Severum, missa pro consecratione basilicæ Dominicæ Crucis particula his verbis testatur! *Quæ, quidem ait, Crux in materia insensata vim viuam teneus, ita ex illo tempore innumeris quotidie hominum votis lignum suum commodat, ut detrimenta non sentiat, & quasi intacta permaneat, quotidie diuiduam sumentibus, & semper totam venerantibus; sed istā imputribilem virtutem, & indetribilem soliditatem Dei de illius profecto carnis sanguine viuit, quæ passa morte non vidit corruptionem.* Affine huic est, multisque, ut refert Botius Eugubinus ipse loci popularis, quod Montoni in Italia, haud procul Eugubio in Spina coronæ Dominicæ evenit: hanc quondam Torsebrachius celebris conspectuque omnium flosculos ex

arido pullulantes acumine, cum tenuibus florum capillis, ut spinarum sunt, emittit, simulque sudore copiam ab hora sexta ad nonam, usque defluit. Id tamen evenisse, maximè in conferto populorum accursu, frequentiori que Dominicæ passionis cultu observatum est. Quod scribente hæc, & petente Borio, Paulus Maurius Episcopus Calienfis publico instrumento anno 1472. sub novem testium iuratum fide per Moscardinum Notarium ritè confecto testatus est, alia passim nota, celebrataque Orthodoxæ fidei perpetua miraculorum observantur signa, ut stillans è D. Catharinæ in Monte Sinai, & Vvalpurgis in Barbaria, Sanctique Nicolai Mirensis sepulchro, quod Barij est, oleum, morborum diversorum remedium.

Sola Neapolis in Italia plura quotannis in Martyrum sanguine miracula conspicit. S. Ioannis Baptistæ sanguis, qui lapidis instar in ampulla concretus est Festo Præcursoris die, dum sacra peraguntur officia; illa qua caput censetur amputatum hora, colliguescit, effervesceatque. Idem spectaculum sanguis D. Stephani per Orosium Hispaniensem allati, ibidem solemnis tempore sacrificij, tertia Augusti die exhibet, mirumque est, quod restituto à Gregorio Papa XIII. Calendario, decendium cum eodem, cetera correctione hac divinitus approbata anticipet: quod in D. Ioannis ampulla pariter observatum est. De Ianuarij Martyris Beneventani Episcopi virtute quid dicam? Sanguis illius phialæ inclusus, qui in pilæ for-



nam collectus induruit, quo die solemnī processione Neapoli circumfertur, ubi in capitis eiusdem Divi conspectum venit, repente solutus liquescit, & velut modo ex vulnere fluens solvitur; capite verò remoto, in prioris figuræ Sphæram rursus coactus obdurefcit. Et hæc toti orbi, eiusque in primis regionis notitia fruitis, explorata sunt.

Verum non arbitror quenkum tam fore impudentem, qui hæc, aliaque, quæ per omne ævum spectantur miracula, aut neget fieri, aut illudente solum dæmone, perpetrari: nisi veterem iuxta, novamque Christi Ecclesiam infinitis prope testimonijs, aut mendacem arguat, aut cæcam, & Diabolica prorsus amentia infatuatam simul affirmet.

## CAPUT IX.

*Probatur Trinitas personarum contra Mahumetum: & demonstratur, ipsum falsò imposuisse Christianis, quod tres Deos cole rent; & stulte negasse hoc mysterium, quia demonstrari non potest. Eius cum Simone Mago similitudo: ubi quomodo Augustinus inductus fuerit ad deserendum errorem, in quo erat, quod videlicet nihil credi debeat, quin firma prius ratione probetur.*

**P**Robatum manet efficaciter in Deo dari plures personas; hoc autem semel admissò, facile erit persuadere esse tres. Nunc vero probandum est ex Alco-

rano ipso, in Deo dari tres personas. Nam Alcorani Zorà 1. sic Deum loquentem introducit: *Facimus venire Iesum Filium Mariæ, & adiuvimus eum cum Spiritu Sancto, & insuper ait, quod Iesus Christus est Verbum Dei positum in Maria.* Ergo Mahumetus admittit personam Divinam mittentem Verbum suum ad Mariâ, idest Patrem mittentem Filium suum vnigenitum in vterum Virginis per Assumptionem carnis: rursus admittit Spiritum Sanctum, qui sit quoque persona Divina. Dum enim dicit Deum adiuvare Iesum Christum, seu Verbum incarnatum Spiritu Sancto, fateri debet, Spiritum Sanctum esse personam Divinam; Deus enim verbum suum, seu Filium suum sibi consubstantialiorem adiuvare non debuit persona aliqua creata; cum enim Filius sit omnipotens, adiuvari non debuit à persona aliquâ finitæ virtutis; diciturque illum adiuvasse Spiritu Sancto, quia misit Spiritum Sanctum, qui hominibus testificatus est Divinitatem Filij, idest, qui Apostolos implevit, vt Christi Divinitatem mundo manifestarent. Et confirmatur, quia ille Spiritus Sanctus, quo Deus dicitur adiuvasse Iesum Christum, non est accidens aliquod, sed substantia, at non substantia creata; quia hæc nō est proportionata, vt dicatur adiuvare Filium vnigenitum Dei: ergo increata: ergo dantur in Deo tres Personæ, nempe Pater, Filius, & Spiritus Sanctus.

Deinde probatur: quia cum Christus fuerit iuxta Alcoranum legatus Dei, eiusque Nuncius, non potuit falsa annuntiare, neque aliquod Deo tribuere, quod

quod in ipso non detur. At Christus mittens in mundum vniversum Apostolos suos, planè significavit, dari in Deo tres Personas, dicens: *Baptizantes eos in nomine Patris, & Filij, & Spiritus Sancti.* Matth. vltimo. Nam dum dixit: *In nomine, & non in nominibus,* vnitatem anthoritatis, & essentiae significavit in tribus illis Personis. Neque si solus Pater esset Deus, & Filius, & Spiritus Sanctus essent Personae creatae habentes naturam finitam, & limitatā, iussisset Christus baptizare in nomine Patris, & Filij, & Spiritus Sancti, sed iussisset baptizare in nomine solius Patris: quia valde turpe esset Deo, quod ad salvandas animas indigeret auxilio Spirituum creatorum. Dum ergo in nomine Trium Baptizari iussit, planè significavit, illas tres Personas esse Divinas, ac proinde habentes eandem naturam: natura namque divina, cum infinita sit, multiplicari non potest; planèque repugnat, dari plures Deos. Erravitque planè Mahometus, & falsum testimonium imposuit Christianis, dum in Alcorano scripsit, eos, qui ponunt in Deo tres Personas, ponere tres Deos. Vtrumque enim Ecclesia Christi fatetur, & Deum esse vnum in essentia, & esse trinum in Personis, quod significavit Ioannes Epist. 1. cap. 5. dicens: *Tres sunt, qui testimonium dant in caelo, Pater, Verbum, & Spiritus Sanctus, & hi tres vnum sunt.* Ipseque Christus palam dixit Ioan. 8. Personas Divinas esse plures, & tamen non esse nisi vnu Deum: *Ego (inquit) & Pater vnum sumus.* Nam quatenus dixit *sumus* pluralitatem personarum significavit,



vit, quatenus dixit *unum* unitatem essentia. Nec enim locutus est solum de unitate metaphorica per unionem, & conformitatem voluntatis suae cum voluntate Patris, sed de unitate propria in eadem natura; idque vel ipsi Iudaei intellexerunt: *Quia audito verbo hoc, susulerunt lapides, ut iacerent in eum, tanquam in blasphemum*, quia probè cognouerunt, Christum ijs verbis significasse, se esse Deum, quod ipsi blasphemiam existimabant. Idque manifestè ex scopo, quem sibi proposuit Christus: nam ut probaret, non perituras oves suas, fecit hoc argumentum: *Nemo potest rapere oves meas de manibus Patris mei, quia ipse maior omnibus est: ergo nec potest vllus rapere de manibus meis: Quia ego, & Pater unum sumus*. Quod argumentum esset nullum, si loqueretur de unitate per charitatem; ex eo enim quod nemo possit rapere oves de manu Dei omnipotentis, non sequitur, quod nemo possit rapere de manu puri hominis, quantumvis iusti, & per charitatem uniti cum Deo. Ergo loquitur de unitate in natura. Vnde Augustinus ex his verbis tract. 37. in Ioannem debellat duplicem haeresim, alteram negantem pluralitatem personarum, alteram adstruentem multitudinem personarum cum pluralitate naturarum: In errore Sabellianorum (inquit) vnus est solus ipse Pater, qui Filius: in errore Arrianorum alius est quidem Pater, alius Filius, sed ipse Filius non solum alius, sed etiam aliud est. Tu in medio quid? Excluxisti Sabellianum, exclude Arrianum, Pater Pater est, Filius Filius est, alius

55. alius non aliud, quia ego, & Pater (inquit) *unum sumus*. Cum audit *sumus*, abscedat confusus Sabellianus, cum audit *unum*, abscedat confusus Arrianus: gubernet Catholicus inter utrumque Fidei suæ navigium, quia iam cavendum in utroque naufragium.

Erravit itaque turpiter Mahumerus dum in Alcorano Zorà 19. scripsit: *Nihil præter opinionem sequuntur dicentes, Deum sumpsisse Filium, quo nequaquam indiguit. An habent rationes hoc demonstraturas? An Deo nescitum imponant?* Quibus verbis significavit, nihil in Deo admittendum esse, nisi illud, quod humana ratio demonstraverit. Hoc autem est manifestè falsum; quia cum Deus sit infinitus, & mens humana sit finita, & limitata, evidens lumine naturæ est, Deum habere perfectiones aliquas, quas mens humana per discursum naturalem assequi nequeat; solumque eas potest cognoscere per revelationem ipsius Dei, quia nimirum Deus illas voluit manifestare per Prophetas, & per Unigenitum suum, quem in mundum misit, enarrare: ut enim inquit Evangelista Ioannes cap. 1. v. 18. *Deum nemo vidit unquam; unigenitus, qui est in sinu Patris, ipse enarrauit.* Quare dum Christiani affirmamus Deum habere Filium, & dari etiam tertiam Personam, quæ vocatur Spiritus Sanctus, non imponimus Deo nescitum; sed de Deo affirmamus illud, quod de seipso dignatus est nobis revelare. Affirmamus quidem id, quod per discursum naturalem non assequimur, & captivamus intellectum in obsequium Fidei. Deo enim loquenti debemus credere, etiam si

nobis dicat aliquid, quod est supra humanum cap-  
tum: vbi enim per fundamenta, & signa sufficientia  
certum nobis fuerit, Deum esse, qui loquitur, clausis  
oculis discursus nostri, firmissimè debemus credere,  
verum esse, quod nobis dicit; licet per discursum ca-  
pere non possimus, quo pacto id possit esse, imò quā-  
vis id nobis videatur impossibile: quia evidentissim-  
um est, Deum esse infinite sapientem, qui falli non  
potest, & infinite bonū, qui fallere nequit. Ac proin-  
de vbi per argumenta, & signa credibilitatis nobis  
constiterit, Deum esse, qui loquitur, debemus firmis-  
sime credere quæcumque dixerit, & quamvis myste-  
ria revelata sint altissima, & quæ omnem vim intelli-  
gendi creatam supergrediantur, debemus in obse-  
quium Dei loquentis intellectum subijcere, & capti-  
uare. Sicut enim vbi Deus est, qui præcipit, debemus  
Deo præcipienti subijcere voluntatem, quamvis ar-  
dua præcipiat, sicut præcepit Abraham sacrificare Fi-  
lium suum vnigenitum, quem diligebat. Sic vbi Deus  
est qui loquitur, debemus ipsi loquenti assensum fir-  
missimum præbere, licet ea loquatur, quæ nobis dif-  
ficillima appareant, & intellectui destituto lumine Fi-  
dei impossibilia viderentur. Vnde quando Deus est  
qui loquitur, & nobis per sufficientia argumenta  
constat, Deum loqui, nihil amplius examinare, aut in-  
quirere debemus. At quando homo loquitur, oportet  
examinare, an absurda, & repugnantia dicat; quia  
potest aut per ignorantiam inculpabiliter falli, vel per  
malitiā culpabiliter fallere, vnde ne fallat ut vera creda-  
da-



damus oportet res ipsas examinare; ut docet D. Thomas in 3. dist. 24. q. 2. art. 3. q. 2. ad 1.

Vnde hæc est inter Fidem, & scientiam differentia, quod mysteria fidei sumenda sunt, sicut pilulæ amaræ, quæ non manduntur, sed devorantur, & deglutiuntur vno haustu, quin dentibus atterantur: quia videlicet, ut mysteria diuina credamus, non debemus ea minutatim discursu nostro, & examine discentere, & degustare, in examen vocando, quomodo possint esse; sed integra debemus vno quasi haustu deglutire, id est, assensu firmissimo credere, hoc vno contenti, quod nobis sufficienter constet, Deum esse qui loquitur. Veritates autem naturales comparantur cibo, qui non sumitur, nisi prius dentibus comminuetur, & ore degustetur, quia nimirum illis assensum prudenter præstare non possumus, nisi prius conferendo prædicatum cum subiecto degamus illud convenire illi. Errat ergo manifestè Mahometus, dum infert, Deum non esse Trinum in Personis, quia hoc demonstrari non potest per discursum naturalem. Satis enim est quod nobis constet Deum hoc dicere, quia Deo dicenti debemus credere; ut enim inquit S. Clemens Alexandrinus lib. 5. Stromat. initio: *Quis est adeo impius, & à Deo alienus, ut Deo non credat, & probationes à Deo querat, sicut ab hominibus?* Deum autem hoc revelasse, manifestum est: quia manifestum est Christum hoc docuisse: Christus autem manifestè probavit se esse Deum, Deus autem mentiri non potest, neque per ignorantiam decipere. Ipseque Mahometus

concedit Christum esse Prophetam sanctissimum, & veritatis Magistrum. Ergo cum nobis constet, hoc Christum dixisse Apostolis, & Apostolos hoc scripsisse, & prædicasse in vniuerso mundo, credere hoc debemus, licet demonstrari non possit per discursum humanum, nec Angelicum.

Mahumerus similis est Simoni Mago, qui vt refert S. Clemens Romanus lib. 3. recognitionum, voluit ante omnia cum S. Petro disputationem instituere de immortalitate animæ; quia nisi anima sit immortalis, frustra (aiebat) laborabimus in inquisitione veræ Religionis. Si autem prius demonstretur, animam esse immortalem, tunc cum fructu investigabimus, quænam sit vera Religio, in qua anima immortalis salvari possit, & pervenire ad æternam felicitatem. At D. Petrus disputationem detrectauit: *Non metu, sed in re* (inquit S. Clemens) *utque vtiliter negotium conversionis gereret*; quia non est ritè dispositus ad recipiendam Fidem, quæ inter alia docet immortalitatē animæ, qui non vult credere animam esse immortalem, quin hoc prius rationibus demonstretur: nam iste, postquam illi probata fuisset immortalitas animæ, probationes postularet ad credenda mysteria reliqua, & sic nollet credere, nisi quod rationibus probaretur: quod est contra rationem Fidei; ad quàm videlicet sufficit, quod probetur, Deum esse, qui loquitur; hoc enim semel probato, obligamur credere Deo loquenti, etiam si loquatur mysteria, quæ sint supra omnem discursum, & quæ captui nostro appa-

reant quasi impossibilia : Et ideo (inquit S. Petrus  
 apud Clement.) ante omnia Fidem Prophetæ om-  
 ni cum examinatione oportet probari; quem cum  
 cognoveris esse Prophetam, de reliquo cuncta ei  
 credere oportet; nec ultra eum discutere per sin-  
 gula quæ docet, sed habere firma, & sancta quæ  
 dicit; quæ quamvis Fide suscipi videantur, ante  
 habita tamen ratione creduntur: cum enim semel  
 ab initio veritas Prophetæ examinata constiterit,  
 reliqua vero fide audienda sunt, & tenenda.

Et sanè Mahumetus ipse volebat sibi credi histo-  
 rias quas referebat ex Veteri, & Novo Testamento,  
 quin ratione probaret res illas ita evenisse; & prop-  
 terea volebat ante omnia credi, se esse Prophetam à  
 Deo missum, quia existimabat, si semel hoc crederent  
 auditores, facile postea adducēdos, ut crederent om-  
 nia, quæ ipsis testificaretur. Et tamen nullo argumē-  
 to probavit, se esse Dei Prophetam. Cur ergo im-  
 postor iste reprehendit Christianos, quia dicimus Deū  
 esse trinum in Personis, quamvis hoc non demonstre-  
 mus, nec rationibus probemus? id enim credimus,  
 quia Christus Dominus ita docuit; & nobis manife-  
 stum est ex Evangelio, & traditione Apostolorum ita  
 Christum docuisse. Ut enim præclare dixit Augusti-  
 nus in Enchiridione ad Laurentium cap. 4. Quæ  
 neque corporeo sensu experiri sumus, neque men-  
 te assequi valuimus, aut valemus, eis sine vlla dubi-  
 tatione credenda sunt testibus, à quibus ea, quæ  
 diuina vocari iam meruit scriptura, confecta est:



habeo, v. g. Tam multa in historia gentium, tam  
 multa de locis, atque verbis, quæ non vidi, tam  
 multa medicis, tam multa amicis, tam multa homi-  
 nibus alijs atque alijs, quæ nisi crederentur, omni-  
 nõ in hac vita nihil ageremus. Postremò inconcus-  
 se fixum fide retineo, de quibus parentibus ortus  
 sum, quod scire non possem, nisi audiendo credi-  
 disse, Hinc intulit: si ego res has pro certis habeo:  
 solum quia eas legi in historijs authenticis, vel ab ho-  
 minibus fide dignis audiui: non possent homines in  
 hoc mundo degere, nisi alij alijs crederent: iustum  
 ergo est, Fidem habere rebus, quæ in Scriptura Ca-  
 nonica narrantur, quæ tantam à Deo auctoritatem  
 accepit. Unde aiebat cum Deo loquens: Persuasisti  
 mihi, non qui crederent libris tuis, quos tanta in  
 omnibus ferè gentibus auctoritate fundasti, sed  
 qui non crederent esse culpandos: nec audiendos  
 esse, qui forte mihi dicerent: unde scis, illos libros  
 vnus veri, & veracissimi Dei spiritu esse humano  
 generi ministratos? Redditque rationem cur cre-  
 dendum sit, Scripturam Sacram, in qua continetur  
 Fides Christiana, Deum habere authorem, & ab illo  
 ministratam hominibus fuisse. Nimirum, quia evi-  
 dens est: Deum esse, & curam nostri gerere. Ideo  
 que cum essemus infirmi (subiungit Augustinus)  
 ad inveniendam liquidâ ratione veritatem, & ob  
 hoc nobis opus esset auctoritate sanctarum litte-  
 rarum, iam credere cœperam, nullo modo te fuisse  
 tributurum tam excellentem illi Scripturæ per-

, omnes iam terras auctoritatem , nisi & per ipsam  
 , tibi credi, & per ipsam te quæri voluisses.

Ex quibus Augustini verbis conficitur hæc manifesta ratio ad convincendos Mahumetanos ; quia cū evidens sit Deum esse, & Deum habere curam, & providentiam hominum, & certum quoque sit velle illos salvos fieri cognoscendo, diligendo, & colendo ipsum, evidens est, Deum habere aliquam Fidem, vel Religionem in mundo, quæ doceat ea, quæ Deus vult de ipso credi, & ea tradat, per quæ vult coli, & quæri : concluditurque hanc Religionem non esse aliam, quam Religionem Christianam, quæ in Scripturis Sacris habet ea, quæ de Deo credi debent. Et ea per quæ Deus coli vult. Quia credibile non est, Deum tantam auctoritatem tributurum fuisse Libris Sacris, nisi ipse illos tribuisset hominibus, ut per ipsos dirigerentur ad credendum, sperandum, & operandum. Illa autem autoritas evidenter probatur ex miraculis Christi, & Apostolorum; ex adimplerione prophetiarum Veteris testamenti, quæ in adventu Christi, & foundatione Ecclesiæ Christianæ ad litteram completæ sunt: ex sanguine tot myriadum Martyrum : ex testimonio tot illustriū Doct. ex sanctitate quâ floruerunt qui hanc Fidem in mundo plantarunt : ex sanctitate, quæ generat in ijs, qui hanc legem observant, & ex alijs argumentis, quæ in hoc libro facta sunt.

Quare evidens est, esse ineptam rationem, quæ Mahumetus ductus est, abnegandam Trinitatem Personarum.

narum in Deo, quia hoc ratione demonstrari non potest: nam evidens est, hominem posse ac debere prudenter credere multa, quæ demonstrari non possunt, ut probat argumentum, quo convictus fuit Augustinus; quia inter homines vivere non possemus, nisi multa crederemus, quæ ratione evidenti non possunt convinci. Nihil autem credere potest homo maiori autoritate, quam sit ea, ob quam credimus Mysterium Trinitatis: credimus enim hoc, quia maiori certitudine nobis constat, hoc Christum docuisse, quam olim fuisse Iulium Cæsarem, & Alexandrum Magnum, siquidem Evangelia Apostolorum maiorem fidem merentur, quam vlla historia humana. Rursus manifestis argumentis nobis constat, Christum mentitum, aut deceptum non fuisse, sed veram doctrinam hominibus tradidisse. Ergo possumus ac debemus credere Deum esse Trinum, quamvis id non possimus ratione demonstrare.

Rursus vincitur illam rationem Mahumeti esse absurdissimam, quia si solum homo potest credere de Deo ea, quæ per rationem naturalem demonstrantur; paucissimi erunt homines, qui salvi fiant, quia pauci sunt homines, qui eas demonstrationes asséquuntur, ad idque multo studio, & labore opus est: quid ergo erit de scæminis ignorantibus, de rusticis, de pueris? Nam supra fidem falsam de Deo, rebus, quæ divinis nequit fundari vera sanctitas, & salus animæ.



Quare Doctores Christianorum manifeste probant, ad salutem necessarium esse, ut per fidem multa credat homo, quorum veritatem assequi non potest per solum naturalem discursum: quia cum Deus sit finis hominis, ad quem cognoscendum, & amandum creatus est; & cum evidens sit, Deum esse infinitum, & incomprehensibilem ab intellectu creato; evidens est, Deum habere perfectiones multas, quas ipse solus cognoscit, vel cui ipse voluerit revelare: ac proinde evidens est, multas Deum habere perfectiones, quas homo certo cognoscere non potest, nisi Deus eas revelare voluerit: ac proinde evidens est, non posse hominem pervenire ad cognoscendum Deum, & divina sine errore, nisi per viam fidei, nimirum credendo Deo loquenti ea, quæ per discursum naturalem icire certò non possumus. Ergo stultissimum est dicere, homines non posse credere Deum esse Trinum, quia id demonstrare non possunt.

Hinc Magnus Doctor Christianorum S. Thomàs, secutus D. Augustinum 2.2.q.2.art.3. & 4. inquit  
 „ duo, primum: An credere aliquid supra rationem  
 „ naturalem, sit necessarium ad salutem? Secundum,  
 „ utrum credere ea, quæ ratione naturali probari  
 „ possunt, sit necessarium? Et ad utramque quaestionem respondet affirmative; & postquam probavit primum, transiens ad secundum, sic in 4. art. inquit:  
 „ Dicendum, quòd necessarium est homini accipere per modum fidei non solum ea, quæ sunt supra  
 „ rationem, sed etiam ea, quæ per rationem cognos-

ei possunt, & hoc propter tria. Primò vt homo ci-  
 tius ad veritatis Divinæ cognitionem perveniat:  
 scientia enim, ad quam pertinet probare Deum  
 esse (nempe Metaphysica, & Theologia) & alia hu-  
 iusmodi de Deo, vltimò homini addiscenda pro-  
 ponitur, præsuppositis multis alijs scientijs, & sic  
 non nisi post multum tempus vitæ suæ homo ad  
 cognitionem Dei perveniret. Secundò, vt cogni-  
 tio Dei sit communior; multi enim in studijs scien-  
 tiæ proficere non possunt, vel propter hebetudi-  
 nem ingenij, vel propter alias occupationes, & ne-  
 cessitates temporalis vitæ, vel propter torporem  
 addiscendi, qui omnes à Dei cognitione fraudan-  
 rentur, nisi proponerentur eis divina per modum  
 fidei. Tertiò propter certitudinem. Ratio enim hu-  
 mana in rebus divinis est multum deficiens; cuius  
 signum est; quod Philosophi de rebus humanis na-  
 turali investigatione perscrutante, in multis erra-  
 verunt, & sibi ipsis contraria senserunt. Vt ergo ef-  
 fet indubitata, & certa cognitio apud homines de  
 Deo, oportuit vt Divina eis per modum fidei tra-  
 derentur, quasi à Deo dicta, qui mentiri non po-  
 test. Hactenus S. Thomas.

Ex his manifeste patet, Christianos prudentèr sibi  
 persuadere, Deum esse Trinum, & Vnum, quam-  
 vis id ratione naturali non demonstretur. Quia evi-  
 dens est, Deum dignum esse, cui aliquid revelanti, &  
 affirmanti credamus, quamvis non intelligamus, quo  
 pacto se habeat illud mysterium, quod revelat. Nos

autem habemus manifestissima argumenta ad nobis  
persuadendum, Deum revelasse Trinitatem, illa scili-  
cet omnia, quæ habemus ad credendum Christum  
esse Deum, & Doctorem veritatis, quia moraliter  
evidens est, Christum hoc docuisse.

## CAPVT. X.

*Proponitur colloquium, quod Author habuit cum Mauro  
arguto, & inter suos erudito, qui nolebat Christianæ Fidei  
nomen dare, quia capere non poterat quomodo Deus sit Tri-  
nus in Personis, & quomodo potuerit fieri homo. Vbi sym-  
bols, & similitudinibus explicantur Mysterium  
Trinitatis, & Incarnationis.*

## §. I.

**P**OST finitam Missionem Malacensem factā Chri-  
stianis ad finem anni 1669. dum ego Malacæ  
prædicabam Mahumetanis, & Cathecumenos ad  
Baptismum instruebam, socius meus profectus est  
Sexifirmum, vulgò Velez Malaga, ad Missionem ex-  
hibendam Christianis: post Baptismum solemnē Ca-  
thecumenorum celebratum die S. Ioanni Evangeli-  
stæ Sacro illius anni illuc ego quoque migravi Ma-  
humetanis prædicaturus, ut enixe desiderabat Excel-  
lentissimus D. Marchio de Santillan, Dux Generalis  
per illas maritimas oras, & Excellentissima Marchio-  
nisa eius. vxor, vterque non minus virtutum splendo-  
re, quàm natalium gloria illustris: quod & præstiti  
sub



sub initum anni 1670. operam navante Excellentissimo Principe, ut Mahumetani omnes ibi commorantes, conciones audirent, posteaque celebratus est quoque Baptismus sollemnis sex vel septem Mahumetanorum, qui ad Christum conversi sunt, quos in sacro fonte tenuerunt Excellentissimi Marchiones, & splendidis vestibibus induerunt, ut maiori cum decore sacra functio perageretur.

In hac civitate Mahumetanum inveni, Ametē Solymam nomine, cæteris Africanis, quos videram, argutiores, & melioris indolis, qui non solum linguam Hispanam expeditè loquebatur, sed libros nostros legebat, & legendo percurrerat totum symbolum fidei R. P. Fr. Ludovici Granatensis: erat vir pacatus, & modestus, fidelis & verax, & qui inter Christianos tanquam vir probus, & honestus habebatur: quia revera virtutibus moralibus erat præditus. Erat homo iste suæ sectæ tenacissimus, legēque suam exactè observabat. Propter has causas huius viri conversionem, præ reliquis desiderabam; quia si semel ad Christum transiret, multos secum ad fidem veram duceret, & nobis ad cæterorum conversionem maximo usus foret. Sed conversio infidelium non est hominis volentis, sed Dei miserentis. Illum publicè & privatim sæpè aggressus sum; audiebatque attentè argumenta, quæ conficiebam, & palam fatebatur, se nescire solvere ea argumenta: cæterum non propterea cor suum inclinari ad Religionem Christianam; præcipua difficultas ipsum retrahere erat.

duo præcipua Christianæ Fidei fundamenta, nempe Dei Incarnatio, & Trinitas Personarum. Deus, aiebat. vnus est, si vnus, quomodo trinus? Si trinus, quomodo vnus? Non capio, non intelligo: hoc impossibile apparet: vnitas essentia, & Trinitas Personarum inter se cohærere nõ possunt: vnaquæque enim Persona suam essentiam habet: si ergo sunt tres Personæ, tres habent essentias, seu naturas: ergo erunt tres Dij. Rursus quomodo Deus immortalis potuit fieri homo sensibilis, & mortalis? Hoc durissimum mihi videtur, & penitus impossibile, & ideo non possum amplecti Religionem Christianam.

Cùm ego animaduertissem huius hominis bonam indolem, & ingenium percipiendi argumenta capax, decrevi scorsim cum illo de rebus fidei non raptim, sed ex instituto agere, & ideo illum mecum vt famulum ex Sexifirmo in Malacam deduxi, atque cum illo amicabiliter, & confidenter agens in itinere illo, quod novem vel decem leucis constat, de rebus Religionis fusè disputavi. Et imprimis illi exponere cõnatus sum mysteria illa, quæ ipsi difficultatem ingerbant. Ne existimes (aiebam) nos Christianos asserere in Deo, tres Personas, ita distinctas, & separatas, sicut vnus homo distinguitur ab alio homine. Inter nos vbi dantur tres Personæ distinctæ, necesse est vt dentur tres homines; quia vnaquæque Persona habet suam naturam humanam distinctam à natura humana alterius, nimirum distinctum corpus, & distinctam animam; & ideo tres Personæ humanæ sunt

tres homines, quia ubi dantur tres Personæ, dantur tria corpora, & tres animæ, ac proinde tres naturæ humanæ: ubi autem reperiuntur plures naturæ humanæ, plures debent homines reperiri. At tres divinæ Personæ habent eandem naturam divinam, easdem perfectiones, eundem intellectum, eandem voluntatem, eandem potentiam, & sic de reliquis perfectionibus: unde quamvis Personæ sunt tres, non sunt tres Dij, sed vnus Deus, quia non habent tres essentias, sed vnicam simplicissimam. Natura Dei non constat corpore, & anima, sicut nostra; quia Deus non est substantia corporea, quæ manibus contrectari possit, vel sensibus corporalibus percipi; sed est substantia incorporea, spiritualis, & simplicissima, quæ solo intellectu cognosci potest. Habent ergo tres divinæ Personæ eandem simplicissimam essentiam, seu naturam, & ideo tres divinæ Personæ non sunt tres Dij, sed vnus. Certe si tres personæ humanæ, v. g. Petrus, Ioannes, & Didacus, haberent idem omnino corpus, & eandem numero, animam, essent tres Personæ, & tamen foret vnicus homo. Ceterum id in creatis non contingit; quia natura humana est finita, & limitata, ac proinde vna natura solum est capax existendi in vna persona, solum est capax constituendi vnā personam: unde natura Petri nequit constituere nisi personam Petri, & non potest constituere personam Pauli: at natura divina est infinita, & illimitata, & immensa, & ob hanc infinitatem potestulat constituere plures personas inter se distinctas.

Non



Nonne vides, Amete, quamcumque personam creatam esse in spatio loci determinato, v. g. Malacæ, & non Matriti? Et nihilominus tu fateris Deum simul esse hic, & Matriti, in Hispania, & in Africa, & in omnibus locis simul: unde hoc? Cerrè respondebis, hoc competere Deo, quia Deus est infinitus, & illimitatus, substantia autem infinita non debet esse alligata alicui loco determinato, sed debet esse vbique præsens tota. Similiter ego dico tibi, quod natura divina, quia est infinita, & illimitata, non existit in vna sola persona, sed in tribus: naturæ autem creatæ, quia sunt finitæ, & limitatæ, & imperfectæ, non possunt ultra vnam personam extendi; sed vna natura vnam tantum habet personam.

Non debes cogitare, has divinas Personas, esse ab invicem separatas, sicut invicem sunt distinctæ: sicut enim sunt distinctæ, quia vna procedit ab alia, Filius à Patre, & Spiritus Sanctus à Patre, & Filio: ita sunt inter se inseparabiles, quia omnes existunt in eadem essentia divina. Sic corpus solis, radius solis, & calor solis, inter se sunt res distinctæ, quia corpus solis non est radius solis, sed est principium radij, & radius est principium caloris: & tamen sol, radius, & calor in vna natura solis coniunguntur, & nunquam separantur, sed vbicumque existit sol, ibi existunt radius solis, & calor solis. Unde istæ tres Personæ sunt inter se omnino æquales in duratione, in sapiëntia, & cæteris perfectionibus. Quamvis enim Pater sit principium Filij, & Pater, & Filius sint principium Spiritus Sancti,

¶ Si, tamen Pater non est antiquior Filio; nec Pater, & Filius sunt antiquiores Spiritu Sancto. Sic quamvis sol sit principium lucis, sol non est antiquior luce, quia nunquam extitit sol, quin habuerit lucem: & quamvis ignis sit principium caloris, & quasi pater caloris, tamen ignis non est antiquior calore, sed ab initio mundi fuerunt simul. Deus Pater non habet principium sue durationis, quia semper fuit: nec Deus Filius, quia Deus Pater nunquam extitit, quin produceret Filium, sicut sol nunquam extitit, quin diffunderet à se radium lucis, & in se lucem haberet.

Anima nostra vna est, & cum sit vna dumtaxat, tres nihilominus habet potentias, quæ in illa semper existunt, & nunquam extra animam existere possunt, nimirum intellectum, voluntatem, & memoriam. Ad hunc ergo modum dico tibi, in Deo, qui vnus est, tres existere Personas inter se realiter distinctas, quia inter se comparantur tanquam produciens, & productum; quæ tamen à Deo non distinguuntur; quia cū Deus ob suam infinitam simplicitatem capax non sit compositionis, quidquid in Deo existit, Deus est. In creatis aliter se res habet, nam non omne quod est in anima, & corpore nostro est idem realiter cum anima, & corpore: siquidem anima nostra, & corpus nostrum sunt capacia compositionis, & mutationis.

## §. II.

*Rationes probabiliter suadentes pluralitatem Personarum in Deo.*

**O**Vod in Deo debeat dari pluralitas personarum, tibi volo explicare hac ratione. Nam proprium est boni esse communicativum sui: & majoris boni esse magis communicativum: ergo boni infiniti proprium est se communicare infinite: sed Deus per productiones ad extra non se communicat infinite: ergo habet ad intra aliquas productiones, per quas se communicet infinite. Ideo ergo dicimus Patrem æternum generare Filium æternum sibi consubstantialē, & Patrem, & Filium producere Spiritum Sanctum sibi in omnibus æqualem, quia Deus habet infinitam bonitatem: ac proinde debuit habere naturam infinite fecundam ad se diffundendum, & communicandum personis realiter inter se distinctis.

Sanè Deus per Prophetam Isaiam cap. 66. v. 9. dicit: *Nunquid ego, qui alios parere facio, ipse non pariam, dicit Dominus? Si ego, qui generationem alijs tribuo, sterilis ero, ait Dominus Deus?* Deus est lumē perfectus: posse autem generare sibi similem, est perfectio: & sterilitas atque infœcunditas est imperfectio. Ergo Deus habet perfectionem hanc fœcunditatis, quod possit generare sibi similem. Ergo Deus habet Filium sibi similem, & consubstantialē; & consequenter ha-



habet Filium, qui sit Deus. Nam sicut filius hominis est homo, & filius Leonis est Leo, ita Filius naturalis Dei debet esse Deus. Est ergo rationi maximè cōforme, quod in Deo non detur vna tantum Persona, sed plures. Quod alia ratione volo tibi exponere. Certe Deus est summè fœlix, & summè beatus: ad cumulum autem fœlicitatis pertinet, quod persona rationalis habeat aliam personam sibi similem, cum qua possit loqui, & cui possit secreta cordis aperire.

Nonne tibi videtur, quod quando Deus creauit Adamum, non creasset illum in perfectâ fœlicitate, si illum reliquisset cum solis brutis animalibus, cum quibus loqui, & communicare non posset, & non creasset Evam ipsi similem, cum qua amicitiam, & societatem habere posset? Attende, quæso, omnes creaturæ minus sunt respectu Dei, quam bruta animalia respectu hominis. Si ergo homo non esset cumulatè fœlix, si non haberet societatem cum alia persona humana, & maneret cum solis brutis animantibus: nec Deus esset cumulatè fœlix, si non haberet aliam Personam diuinam, cum qua loqui posset, & amicitiam atque societatem habere. Quamvis enim Deus possit loqui cum Angelis, & cum hominibus; tamen non potest cum illis loqui plenè, quia illi, capaces non sunt, ut Deus integrè illis manifestet omnia, quæ scit. Et Deus loquens cum Angelis, se habet sicut vir sapientissimus loquens cum homine rustico, & rudi; minus enim capaces sunt Angeli comprehendendi, quæ Deus scit, quam rusticus comprehen-

dendi quæ scit vir sapientissimus, & omnibus scientijs perfectissimè instructus. Vnde sicut vir sapiens non esset cumulatè fœlix, si solum posset loqui cum rusticis, & ignorantibus: ita Deus non esset cumulatè fœlix, si solum posset loqui cum creaturis. Præterea cum Deus fuerit per totam æternitatē sine creaturis, non habuisset per totam æternitatem personam rationalem, cum qua loqueretur: ac proinde fuisset per totam æternitatem murus, si non darentur multæ Personæ diuinæ. Ergo dicendum est, dari multas Personas diuinas, vt ita vna possit perfectè loqui cum altera, & dari personam loquentem, & personam audientem, & comprehendentem omnia, quæ alia persona ipsi loquitur. Decimus autem, has personas esse tres, nec plures, neque pauciores.

## §. III.

*Exponitur, quomodo in Deo detur Pater, & Filius, & insuper Spiritus Sanctus.*

**V**T autem tu intelligas, quomodo in Deo dari possit Pater, & Filius, & præter Patrem; & Filium detur tertia Persona, quam vocamus Spiritum Sanctum, id tibi exponere volo. Exposui autem vide supra capit. 4. similitudine ducta ab homine se ipsum intelligente, & amante, nam dum se intelligit format sui imaginem, quæ est quædam proles intellectus, & dicitur verbum, & cum per hanc imaginem  
obij-

obijcitur menti hominis eius bonitas, & perfectio, homo producit amorem sui:& ideo ibi mens intelligens est quasi pater, verbum mentis est quasi filius, & amor à mente per verbum procedens, est quasi spiritus. Et adduxi similitudinem speculi, qua supra cap. 4. pag. 191. generationem Filij in diuinis exposui. Et progressus sum ad explicandam processionem Spiritus Sancti.

Sicut enim quia Deus est summè intellectivus, hoc ipso, quòd seipsum intelligat, producit per ipsum actum intelligendi imaginem quandam perfectissimam sui ipsius, quæ est Verbum repræsentans Deum, & omnia quæ Deus potest facere, ac proinde est veluti ars quædam, & exemplar rerum omnium factibilium; ac proinde Deus per Verbum suum omnia produxit, sicut artifex in creatis fabricatur domum per exemplar, & simulachrum, seu idæam domus, quæ idæam intra se gerit, seu in mente suâ format. Ità, quia Deus est summè volitivus, producit per verbum, amorem quendam sui infinitè perfectum: nihil enim potest voluntate amari, nisi sit in intellectu conceptum. Hic autem amor procedens à Deo per Verbum, est tertia Persona, quam vocamus Spiritum Sanctum: quæ procedit à Patre, & Filio per voluntatem, & amorem; sicut Verbum, seu Filius procedit à Patre per intellectum.

Id vt aliquomodo percipias, reflecte supra id, quod in nobis contingit. Quando rem aliquam attentè, & serio cogitamus, formamus intra nos quandam ima-



ginem, quæ rem illam nobis repræsentat: si autem res repræsentata sit aliqua persona bona, & pulchra, ex imagine illius rei oritur in nobis amor, impulsus, & inclinatio vitalis in rem illam cognitam, & repræsentatam. Sic ergo Deus, seipsum contemplans, & comprehendens, producit imaginem perfectissimam suarum perfectionum; & perfectiones illæ diuinæ, ut repræsentate per eiusmodi imaginem, seu Verbum rapiunt diuinam voluntatem in sui amorē, ac proinde Deus Pater mediante illo Verbo, seu imagine perfectissima suæ bonitatis, & simul cum illo producit amorem quendam infinitum erga bonitatem illā repræsentatam per Verbum. & in Verbo. Et hic amor productus est Spiritus Sanctus, & tertia Persona diuina.

## §. IV.

*Cur in Deo dentur tres Personæ, neque plures, neque pauciores.*

**V**nde percipies rationem, cur in Deo ponamus tres Personas, neque plures, neque pauciores. Ratio est, quia emanationes, seu productiones in diuinis accipi non possunt nisi secundum actiones, quæ in agente manent: huiusmodi autem actiones in natura intellectuali, & diuina non sunt nisi duæ, scilicet *intelligere, & velle*: unde productiones in diuinis non possunt esse nisi duæ, & Personæ diuinæ, non nisi tres: nam prius persona est omnino improducta, & inas-

cibilis, nempe Pater, qui est origo prima, & fons diuinarum Personarum: Pater per actionem intelligendi producit Verbum, seu Filium: Pater vero, & Filius per actionem amandi producant Spiritum Sanctum; & hic sunt diuine processiones, seu emanationes. Quia ergo Deus est substantia spiritualis infinita, est persona; quia est actu intelligens infinitè, per actionem intelligendi producit Verbum, & quia est amans infinitè per actionem amandi per Verbum, & simul cum Verbo producit Spiritum Sanctum: & sic sunt tres Personæ diuinæ.

Explicato mysterio Trinitatis, transiui ad explicandum Mysterium Incarnationis, & fusè illud exposui eo modo quo illud exponit Sanctus Thomas opusculo 3. cap. 6. Cuius explicationem hic apponere decreui, ut Christi prædicator ad manum habeat dilucidam tantæ mysterij expositionem; quæ licet non sit proponendi ratiis Mahumetanis, si tamen inter illos sit aliquis perspicax, & accutus, & repugnantiam inueniat in illo mysterio, ei potest exponi, ut ego præstiti cum Amete Solimam.

## §. V.

*Quomodo expiendum sit Mysterium Incarnationis ex  
Sancto Thoma.*

„ CUM dēimus, Deum hominem fieri, non exi-  
„ stime, Amete, hoc ita accipiendum esse, ut  
„ Deus conueratur in hominem, sicut aer fit ignis,  
„ cum in ignem convertitur. Inmutabilis enim est

„ Dei natura: corporea autem sunt, quæ invicem cō-  
 „ vertuntur. Spiritualis autem natura in naturam  
 corpoream non convertitur, sed potest ei aliquali-  
 ter uniri propter efficaciam suæ virtutis, sicut ani-  
 ma unitur corpori: licet humana natura ex anima  
 constet, & corpore, anima autem non corpo-  
 rea, sed spiritualis naturæ sit, omnis tamen creatura  
 spiritualis deficit à simplicitate diuinâ multo amplius  
 quam corporea creatura à simplicitate spiritualis na-  
 turæ. Sicut ergo spiritualis natura unitur corpori  
 per efficaciam suæ virtutis, ita, & Deus potest uniri  
 tam spirituali, quam corporali, & secundum hunc  
 modum dicimus, Deum naturæ humanæ fuisse uni-  
 tum. Est autem attendendum, quod vnunquodque  
 maxime videtur esse illud, quod invenitur in eo esse  
 principium. Omnia autem alia videntur ei, quod est  
 principium, adherere, & quodammodo assumi, in  
 quantum id, quod est principium, alijs vtitur secun-  
 dum suam dispositionem: quod quidem patet non so-  
 lum in ordinatione civili, in qua principes civitatis  
 quasi tota civitas esse videntur, & alijs vtiuntur secun-  
 dum suam dispositionem, vt sibi adherentibus mem-  
 bris, sed etiam in adunatione naturali. Licet enim  
 homo naturaliter constet ex anima, & corpore, prin-  
 cipaliter tamen homo videtur esse anima, quam cor-  
 pus, quod animæ adheret, & quo anima vtitur ad  
 operationes animæ conveniētes. Sic ergo, & in unio-  
 ne Dei ad creaturam, non trahitur Deitas ad huma-  
 nam naturam, sed humana natura à Deo assumitur,



non quidem vt convertatur in Deum, sed vt Deo ad-  
hæreat, & sunt quodammodo anima, & corpus sic as-  
sumpta, anima, & corpus ipsius Dei, sicut partes cor-  
poris assumptæ ab anima sunt quodammodo ipsius  
animæ membra. Est tamen in hoc aliqua differentia  
attendenda. Nam anima licet sit perfectior corpore,  
non tamen totam perfectionem in se possidet huma-  
næ naturæ: vnde corpus sic ei advenit, vt ex corpore,  
& anima vna cōpleatur humana natura, cuius quædā  
partes sunt anima, & corpus: sed Deus ita est in natu-  
ra sua perfectus, vt plenitudini naturæ ipsius nihil  
adijci possit; vnde cum natura diuina non potest sic  
vniri altera natura, vt ex vtraque vna constituatur  
natura communis: sic enim natura diuina pars esset  
illius naturæ communis, quod repugnat perfectioni  
diuinæ naturæ: nam omnis pars imperfecta est: Deus  
ergo Dei Verbum sic humanam naturam assumpsit,  
quæ ex anima constat, & corpore, vt tamen nec alte-  
ra transiret in alteram, nec ex duabus vna natura con-  
flaretur, sed post vnionem duæ naturæ distinctæ re-  
manerent quantum ad proprietates naturarum. Est  
autem rursus considerandum, quod cum spiritualis  
natura corporeæ vniatur per spirituales virtutes,  
quânto fuerit maior virtus spiritualis naturæ, tantò  
perfectius, & firmitus sibi naturam inferiorem assu-  
mit. Est autem Dei virtus infinita, cui omnis creatu-  
ra subijcitur, & vnaquaque vtitur pro suo arbitrio: nō  
autem eis vteretur, nisi aliquo modo per efficaciam  
sue virtutis vniatur eis. Tanto autem alicui naturæ  
per-

perfectiùs vnitur, quantò in eo magis suam virtutem exercet. Inter omnes siquidem creaturas virtutem suam exercet quantum ad hoc, quod omnibus esse largitur, & ad proprias operationes mouet, & secundum hoc quodam communi modo in omnibus rebus dicitur esse. Sed specialiori quodammodo virtutem suam exercet in mentibus sanctis, quas non solum in esse conseruat, & ad operandum mouet, sicut alias creaturas, sed etiam eas convertit ad se cognoscendum, & amandum, vnde etiam sic in sanctis mentibus specialiter dicitur habitare, & mentes sanctæ Deo plenæ esse dicuntur. Quia ergo secundum quantitatem virtutis, quam Deus exercet in creaturam, magis, & minus dicitur creaturæ vniri, patet quòd cum efficacia diuinæ virtutis humano intellectu comprehendendi non possit, sublimiori modo Deus potest creaturæ vniri, quam intellectus humanus capere possit. Quodam ergo incomprehensibili, & ineffabili modo dicimus Deum vnitum esse humanæ naturæ in Christo, non solum per in habitationem, sicut in alijs sanctis, sed quodammodo singulari, ita quòd humana natura esset quædam Filij Dei natura, vt Filius Dei, qui ab æterno habet naturam diuinam à Patre, ex tẽpore per assumptionem mirabilem, habeat humanam naturam ex genere nostro. & sic quælibet partes humanæ naturæ ipsius Filij Dei dici possunt Deus, & quidquid agit, vel patitur quælibet pars naturæ humanæ in Filio Dei, potest attribui vnigenito Dei Verbo. Vnde non inconuenienter dicimus, animam, &

corpus esse Filij Dei, & oculos, & manus, & quod Filius Dei corporaliter videat per oculi visionem, & audit per aures auditum, & sic de alijs, quæ partibus animæ, vel corporis convenire possunt. Huius autem unionis admirabilis nullum convenientius exemplum inveniri potest, quam unio corporis, & animæ rationalis. Est etiam non inconueniens exemplum de hoc, quod Verbum nostrum in corde manet absconditum, & sensibile sit per assumptionem vocis, & scripturæ. Sed tamen hæc exempla à prædicta unionis representatione deficiunt, sicut & cætera exempla humana à rebus diuinis. Nam neque Deitas sic vnitur humanæ naturæ, vt sit pars alicuius naturæ: neque sic vnitur humanæ naturæ, vt solum significetur per eam, sicut verbum cordis significatur per vocem aut scripturam, sed sic vt veraciter Filius Dei habeat naturam humanam, & homo dicatur. Patet ergo quod non dicimus, Deum unitum esse corporeæ naturæ, vt sit virtus in corpore ad modum materialium, & corporaliū virtutum, quia nec intellectus animæ corpori vnitur sic est virtus in corpore. Multo minus ergo Dei Verbum, quod ineffabiliter, & sublimiori modo sibi naturam humanam assumpsit. Patet etiam secundum præmissa, quod Filius Dei, & diuinam naturam habet, & humanam, vnā ab æterno, aliam ex tempore per assumptionem. Contigit autem, ab eodem plura haberi secundum diuersos modos, in quibus tamen omnibus semper quod est principalis, habere dicitur: quod autem minus principale, haberi. Habet enim



enim totum multas partes, vt homo manus, & pedes. Non autem dicimus è conuerso, quod manus, & pedes habeant hominem. Habet etiam vnum subiectū multa accidentia, sicut pomum colorem, & odorem, non è conuerso. Habet etiam homo aliqua exteriora, sicut possessiones, & vestes, non è conuerso. In solis autem illis, quæ sunt partes alicuius vnius essentialis aliquando aliquid dicitur habere, & haberi, vt anima corpus, & corpus animam. Et similiter in quantum vir, & vxor in matrimonio coniunguntur, dicitur vir habere vxorem, & vxor virum. Et similiter in his, quæ per relationem vniuntur, sicut dicimus, quod pater habet filium, & filius patrem. Si ergo sic vniretur Deus humanæ naturæ, sicut anima corpori, vt ex his constitueretur vna natura communis. posset dici, quod Deus habet naturam humanam, & humana natura habet Deum, sicut anima habet corpus, & è conuerso. Sed quia ex diuina, & humana natura non potest constitui vna natura, propter perfectionem diuinæ, vt dictum est, & tamen in prædicta vnione principalius est, quod est ex parte Dei, manifeste consequitur, quod ex parte Dei accipi oportet; id quod habet naturam humanam. Illud autem, quod per aliquam naturam dicitur esse, dicitur esse suppositum, vel hypostasis naturæ illius, sicut quod habet naturam equi, dicitur esse hypostasis, vel suppositum naturæ equinæ. Et si sit natura intellectualis, quæ habetur, talis hypostasis dicitur persona. Sicut dicimus Petrum esse personam, qui naturam humanam habet, quæ est intellectualis natura.

Cum

Cum ergo Filius Dei, vnigenitum Dei Verbum per assumptionem habeat humanam naturam, vt dictum est, sequitur, quod sit hypostasis, vel suppositū, vel persona humanæ naturæ. Et cum ab æterno habeat diuinam naturam, non per modum compositionis, sed simplicis identitatis, dicitur etiam hypostasis, vel persona diuinæ naturæ, secundum tamen quod diuina verbis humanis exprimi possunt. Ipsum ergo vnigenitum Dei Verbum est hypostasis, vel persona duarum naturarum, diuinæ scilicet, & humanæ, in duabus naturis subsistens. Si quis autem obijciat, quod humana natura etiam in Christo non sit accidens, sed substantia quædam, non autem vniuersalis, sed particularis, quæ hypostasis dicitur, videtur consequi, quod ipsa humana natura in Christo hypostasis quædam sit præter hypostasim Dei Verbi, & sic in Christo erunt duæ hypostases. Considerare debet, qui sic obijcit, quod non omnis substantia particularis hypostasis dicitur, sed solum illa, quæ ab aliquo principali non habetur. Manus enim hominis substantia est quædam particularis, non tamen potest dici hypostasis, nec persona, quia habetur à principali, quod est homo: alioquin in quouis homine essent tot hypostases, vel personæ, quot membra, vel partes. Humana ergo natura in Christo non est accidens, sed substantia, non vniuersalis, sed particularis: nec tamen hypostasis dici potest, quia assumitur à principali, scilicet à Dei Verbo. Sic ergo Christus est vnus propter personæ, vel hypostasis  
vni-

vnitatem, nec potest dici esse duo. Sed propriè dicitur, quod habet duas naturas. Et licet diuina natura prædicetur de hypostasi Christi, quæ est hypostasis Verbi Dei, quod est eius essentia, tamen humana natura non potest prædicari de eo in abstracto, sicut nec de aliquo habente humanam naturam. Sicut enim non possumus dicere, quod Petrus est humana natura, sed quod est homo, in quantum habet humanam naturam; ita nec possumus dicere, quod Dei Verbum est humana natura, sed quod habet humanam naturam assumptam, & ex hoc dicitur homo. Vtraque ergo natura prædicatur de Verbo Dei, sed vna in concreto tantum, scilicet humana, vt cum dicimus, Filius Dei est homo: diuina vero natura, & in abstracto, & in concreto dici potest, vt quod Verbum Dei, est diuina essentia, vel natura, & quod est Deus.

Cum autem Deus sit habens diuinam naturam, & homo sit habens humanam naturam, per hæc duo nomina significantur duæ naturæ habitæ, sed vnus habens vtramque. Et cum habens naturam, sit hypostasis, sicut in nomine Dei intelligitur hypostasis Verbi Dei, ita in nomine hominis intelligitur Verbum Dei, secundum quod attribuitur Christo. Et sic patet, quod per hoc, quod dicimus Deum Christum, & hominem, non dicimus eum esse duo, sed vnum in duabus naturis. Quia vero ea, quæ conveniunt naturæ, attribui possunt hypostasi illius naturæ, hypostasis autem tam humanæ naturæ, quàm diuinæ includitur tam in homine significante diuinam naturam, quàm



in homine significante humanam, quod est eadem hypostasis habens vtramque naturam, consequens est, vt tam humana, quàm diuina prædicentur de illa hypostasi, seu secundum quod includitur in nomine significante diuinam naturam, seu secundum quod includitur in nomine significante humanam. Possumus enim dicere, quod Deus Verbum, Dei est conceptus, & natus de Virgine, passus, mortuus, & sepultus, attribuentes hypostasi Verbi humani propter humanam naturam, & è conuerso possumus dicere, quod homo ille est vnus cum Patre, & quod est ab æterno, & quod creauit mundum propter diuinam naturam. In his ergo tam diuersis de Christo prædicandis distinctio inuenitur, si consideretur, secundum quod ista de Christo dicuntur.

Quædam enim dicuntur secundum humanam naturam, quædam secundum diuinam. Si autem consideretur: de quo dicuntur, indistincte proferuntur, quia eadem est hypostasis, & qua diuina, & humana dicuntur, vt si dicam, quod idem est homo, qui videt, & audit, sed non secundum idem. Vider enim secundum oculos, & audit secundum aures. Idem etiam est pomum, quod videtur, & adoratur, sed hoc quidē colore, illud autem odore, ratione cuius dicere possumus, quod videns audit, & audiens videt, & visum odoratur, & odoratum videtur. Et similiter dicere possumus, quod Deus nascitur de Virgine propter humanam naturam, & homo ille est æternus propter diuinam.

## §. VI.

*Explicatur Myſterium Incarnationis varijs ſimilitudinibus.*

**V**aria adduxi ſymbola, & exempla ſenſibilia, quibus huic Mauro emollirem difficultatem, quam experiebatur in credendo hoc myſterio. Non quia exiſtimarem, illa ſufficere ad perſuadendū myſterium tam arduum, & ſuperans omnem humanum diſcuſſum; ſed vt minorem difficultatem experiretur, & vt oſtenderem, non eſſe impoſſibile, vt ipſe exiſtimabat.

Primò igitur explicui hoc myſterium exemplo *inſitionis* deſumpto ex Theodoreto Dialogo *inconfuſus*. Nam ſi tu haberes in tuo horto nobiliſſimum truncum pyri habentem vnum ramum, huic trunco poſſes inferre aliū ramum, prunū, v.g. & tunc iam eadem arbor eſſet pyrus, & prunus, produceretque duos fructus ſpecie diuerſos, nimirum pyra, & pruna. Et in eodem trunco, veluti in eadem hypoftaſi, & ſuppoſito exiſteret duplex natura, & natura pyri, & natura pruni; nec propterea eſſet duplex arbor, ſed vnica, cui eſſet connaturalis natura pyri, quia cum illa naſceretur, natura autem pruni licet per *inſitionem* appropriaretur ipſi, tamen ex ſe eſſet extranea à natura pyri. Sic ergo cogita Verbum diuinum ſeu Perſonam Filij Dei, tanquam arborem diuinam habentem

tem ex se ramum diuinitatis, & ferentem ex se fructus omnino diuinos; huic diuinæ arbori, & quasi nobilissimo trūco inseruit omnipotentia Dei ramū humanitatis. Vnde Verbum post incarnationē iam habet duplicem naturā, quasi duplicē ramū; habet quidem naturā diuinam sibi connaturalem; & secum identificatā: & simul habet naturam humanam ex se quidē extraneam, quæ tamen per *infectionem* incarnationis inserta est personæ Filij Dei, & facta est propria Filij Dei. Vnde eadem persona Filij Dei habet naturam diuinam, & humanam, ac proinde est Deus, & Homo. Vnde Christus est vna arbor cum duplici fructu, diuino, & humano, habet enim operationes Dei, quia est Deus, & operationes humanas, quia est Homo. Sicut pyrus, cui inserta est prunus, habet duplicem fructum.

Secundò id ipsum explicui exemplo *ignitionis* desumpto ex D. Baillio. Samamus, ferrum candens, vel carbonem ignitum. Non ne vides, quod ignis totum ferrum penetrat, occipat, & ad suam puritatem, & nitorem trahit, sibi que penitus adstringit & vnio. Sic ergo considera, quod Verbum diuinum tanquam ignis splendidissimus totam naturam humanam Christi penetrauit, & omnes eius partes sibi vnioit. Non ne vides, quod illa vnio ignis cum ferro est ita intima, vt vix possimus alterum ab altero discernere, cū tamen certum sit, ibi post ignitionem manere naturam ferri. Hoc ergo modo debes cogitare vnionem Verbi cum humanitate esse penitissimam, & vi illius



humanitatem totam esse imbutam, & resurgentem igne diuinitatis; & nihilominus manere cum distinctione à natura diuina Verbi, à qua magis illustratur, & perficitur, quàm ferrum, vel carbo ignitus perficiatur ab igne secum penetrato. Et sicut durante vnione ignis cum ferro, ferrum redditur incapax ferruginis, nigrioris, & frigoris: ita humanitas ratione vnionis cum diuinitate est incapax peccati, & erroris, quorum foret capax, si non esset vnita Verbo diuino. Vnde humanitas Christi differt à nostra sicut differt carbo ignitus à carbone extincto; & sicut differt ferrum candens à ferro frigido. Denique advertere debes, quod sicut beneficio vnionis inter ignem, & ferrum, operatio ignis tribuitur ferro, & operatio ferri tribuitur igni: dicitur enim ferrum splendere, calefacere, vrere, accēdere, & ignis potest dici secare, diuidere, penetrare, condensari: imperfectiones tamen ferri ignem non afficiunt. Ita beneficio illius admirabilis vnionis inter Verbum diuinum, & humanitatem; ea quæ sunt hominis tribuuntur Deo, & ea quæ sunt Dei tribuuntur homini: sic tamen vt imperfectiones humanitatis non lædant diuinitatem; sicut ferrum sua nigredine non inficit ignem, cui coniungitur.

Sed potissimum ad hoc mysteriū explicandū vsus sū exēplo animationis, sicut enim anima rationalis, & caro vnus est homo, ita Deus, & homo vnus est Christus; vt inquit Athanasius in symbolo. Adverte, Amete, quanta sit distantia inter animā, & carnē; anima enim est res subtilis, incorporea, simplex, viua, mobilis, pura, intel-

ligens, immortalis, per se subsistens; caro est crassa, multiplex, impura, sordida, torpens, sensu, & ratione destituta, corruptioni obnoxia: & tamen anima vi sua suoque contactu carnem extollit, & ad se trahit, sibi-que substantialiter vnit, & vnus ex vtroque homo constat: & per hanc vnionem caro fit spiritualis, pulchra, viua, mobilis, & bonorum animæ particeps, ita vt omnis honor, qui animæ deferretur, simul etiam deferatur carni. Rursus caro non gestat animam, sed anima carnem, & hæc in anima veluti in sustentante recumbit, non autem anima in carne: vnde caro ad hypostasim animæ eleuata, & vnita videtur. Præterea iste homo, v.g. Petrus, simul est anima, & caro, vel vt magis propriè loquar animalis, & carnalis, vt animalis anima rationali, est incorporeus, immortalis, & ratione præditus, vt carnalis, est corporeus, mortalis, & ratione carens, &c. Denique quidquid operatur aut patitur caro, operatur vel patitur homo animalis: & quid operatur aut patitur anima, operatur vel patitur etiam homo carnalis. Adhuc ergo modum licet quoad perfectionem inter naturam humanam, & Deum sit infinita distantia, tamen potest Deus, in infinita potentia naturam humanam in infinitam celsitudinem supra omnem creaturam attollere, & ad hypostasim, seu Personam Verbi (quæ naturæ humanæ, & singulis eius partibus intime præsens erat) indolubili, & substantiali nexu adstringere, & vnire potuit, ita vt iam non illa in se, & per se, sed in Verbo, veluti ramus terrenus in cœlesti trunco, & veluti corpus

in regente, & sustentante se anima subsistere. Nec idcirco Verbum mutari, sed humanitas eleuari, ad Verbum trahi, & modum quendam inexistenti Verbo accipere debuit. Sicut cum magnes attrahit, & copulat sibi ferrum, non magnes, sed ferrum mutatur: cum Angelus assumit corpus, non Angelus, sed corpus mutationem patitur: & cum cera infunditur sigillo, ipsa, non sigillum mutatur. Hæc symbola adducit P. Lessius in tract. de Perfect. Diuin. ad explicandum hoc mysteriũ, & illis ego vsus sum ad imprimendam aliquam notitiã huius veritatis illi Mauro, ne tantam difficultatem sentiret in ea credenda. Et in hoc colloquio aliquam partem viæ transegimus; sed quia vt inquit Isa. c. 7. v. 9. *Si non credideritis, non intelligetis*, prius debet persuaderi mysterium aliquod esse revelatum à Deo, ac proinde credi debere, quã illud rationibus explicemus; quia rationes illæ homini habenti fidem deserviunt ad acuendam intelligentiam; vbi autem fides non præcedit, non sufficiunt ad persuadendum, illud mysterium esse verum: & ideo postquam explicui mysteria ista; aliam viam aggressus sum, qua pergere debent, qui infidelibus volunt persuadere vera esse mysteria nostræ fidei. Nam colloquium hucusque habitum in eum finem direxi, vt huic Mahumentano ostenderem non esse impossibile Mysterium Incarn. non autem vt rationibus persuaderem, debere ab illo acceptari vt verum.



## CAPVT XI.

*Quomodo Predicatores Euangelici persuadere debent Infidelibus, vera esse mysteria nostræ Fidei.*

**Q**Via mysteria nostræ Fidei sunt omnino supernaturalia, & superant omnem rationē, & discursum naturalē, ratione naturali non potest directē ostendi eorū veritas; quia quod est supra omnem rationē, ratione demonstrari non potest. Et ideo licet possimus solvere, quæ contra illa obijciuntur, quia cū impugnent veritatem, necesse est vt sint fallacia argumenta oppugnantia mysteria nostræ fidei: tamen non debet minister Evangelicus niti rationibus ad directē probandum illa esse vera: *Quæ igitur fidei sunt* (inquit D. Thom. 1. part. q. 32. artic. 1.) *non sunt tentanda probari, nisi per authoritates ijs, qui authoritates recipiant.* Apud alios vero sufficit defendere, nō esse impossibile quod prædicat fides. Vnde Dionys. dicit cap. 2. de Diuin. Nomin. *Si aliquis est, qui totaliter eloquijs resistit, longè erit à nostra Philosophia. Si autem ad veritatem eloquiorum scilicet sacrorum respicit, hoc & nos canone vtimur.* Hinc S. August lib de Fide, & symbolo cap. 9. circa finem ait: *Fides inconcussa tenenda est, vt dicamus istam Trinitatem vnum Deum: nec temerè aliquid de inuisibilibus affirmemus tanquam scientes, sed tanquam credentes: quoniam videri nisi mundo corde non possunt.*

Colloquium ergo cum Amete Solimam prosequens, addidi: hucusque tibi explicui, quomodo sine

enim totum multas partes, vt homo manus, & pedes. Non autem dicimus è conuerso, quod manus, & pedes habeant hominem. Habet etiam vnum subiectū multa accidentia, sicut pomum colorem, & odorem, non è conuerso. Habet etiam homo aliqua exteriora, sicut possessiones, & vestes, non è conuerso. In solis autem illis, quæ sunt partes alicuius vnius essentialis aliquando aliquid dicitur habere, & haberi, vt anima corpus, & corpus animam. Et similiter in quātum vir, & vxor in matrimonio coniunguntur, dicitur vir habere vxorem, & vxor virum. Et similiter in his, quæ per relationem vniuntur, sicut dicimus, quod pater habet filium, & filius patrem. Si ergo sic vniretur Deus humanæ naturæ, sicut anima corpori, vt ex his constitueretur vna natura communis. posset dici, quod Deus habet naturam humanam, & humana natura habet Deum, sicut anima habet corpus, & è conuerso. Sed quia ex diuina, & humana natura non potest constitui vna natura, propter perfectionem diuinæ, vt dictum est, & tamen in prædicta vnione principalius est, quod est ex parte Dei, manifeste consequitur, quod ex parte Dei accipi oportet; id quod habet naturam humanam. Illud autem, quod per aliquam naturam dicitur esse, dicitur esse suppositum, vel hypostasis naturæ illius, sicut quod habet naturā equi, dicitur esse hypostasis, vel suppositum naturæ equinæ. Et si sit natura intellectualis, quæ habetur, talis hypostasis dicitur persona. Sicut dicimus Petrum esse personam, qui naturam humanam habet, quæ est intellectualis natura.

Cum

Cum ergo Filius Dei, vnigenitum Dei Verbum per assumptionem habeat humanam naturam, vt dictum est, sequitur, quod sit hypostasis, vel suppositū, vel persona humanæ naturæ. Et cum ab æterno habeat diuinam naturam, non per modum compositionis, sed simplicis identitatis, dicitur etiam hypostasis, vel persona diuinæ naturæ, secundum tamen quod diuina verbis humanis exprimi possunt. Ipsum ergo vnigenitum Dei Verbum est hypostasis, vel persona duarum naturarum, diuinæ scilicet, & humanæ, in duabus naturis subsistens. Si quis autem obijciat, quod humana natura etiam in Christo non sit accidens, sed substantia quædam, non autem vniuersalis, sed particularis, quæ hypostasis dicitur, videtur consequi, quod ipsa humana natura in Christo hypostasis quædam sit præter hypostasim Dei Verbi, & sic in Christo erunt duæ hypostases. Considerare debet, qui sic obijcit, quod non omnis substantia particularis hypostasis dicitur, sed solum illa, quæ ab aliquo principaliori non habetur. Manus enim hominis substantia est quædam particularis, non tamen potest dici hypostasis, nec persona, quia habetur à principaliori, quod est homo: alioquin in quouis homine essent tot hypostases, vel personæ, quot membra, vel partes. Humana ergo natura in Christo non est accidens, sed substantia, non vniuersalis, sed particularis: nec tamen hypostasis dici potest, quia assumitur à principaliori, scilicet à Dei Verbo. Sic ergo Christus est vnus propter personæ, vel hypostasis vni-



unitatem, nec potest dici esse duo. Sed propriè dicitur, quod habet duas naturas. Et licet diuina natura prædicetur de hypostasi Christi, quæ est hypostasis Verbi Dei, quod est eius essentia, tamen humana natura non potest prædicari de eo in abstracto, sicut nec de aliquo habente humanam naturam. Sicut enim non possumus dicere, quod Petrus est humana natura, sed quod est homo, in quantum habet humanam naturam; ita nec possumus dicere, quod Dei Verbum est humana natura, sed quod habet humanam naturam assumptam, & ex hoc dicitur homo. Vtraque ergo natura prædicatur de Verbo Dei, sed vna in concreto tantum, scilicet humana, vt cum dicimus, Filius Dei est homo: diuina vero natura, & in abstracto, & in concreto dici potest, vt quod Verbum Dei, est diuina essentia, vel natura, & quod est Deus.

Cum autem Deus sit habens diuinam naturam, & homo sit habens humanam naturam, per hæc duo nomina significantur duæ naturæ habitæ, sed vnus habens vtramque. Et cum habens naturam, sit hypostasis, sicut in nomine Dei intelligitur hypostasis Verbi Dei, ita in nomine hominis intelligitur Verbum Dei, secundum quod attribuitur Christo. Et sic patet, quod per hoc, quod dicimus Deum Christum, & hominem, non dicimus eum esse duo, sed vnum in duabus naturis. Quia vero ea, quæ conveniunt naturæ, attribui possunt hypostasi illius naturæ, hypostasis autem tam humanæ naturæ, quàm diuinæ includitur tam in homine significante diuinam naturam, quàm

in homine significante humanam, quod est eadem hypostasis habens utramque naturam, consequens est, ut tam humana, quam diuina prædicentur de illa hypostasi, seu secundum quod includitur in nomine significante diuinam naturam, seu secundum quod includitur in nomine significante humanam. Possumus enim dicere, quod Deus Verbum, Dei est conceptus, & natus de Virgine, passus, mortuus, & sepultus, attribuentes hypostasi Verbi humani propter humanam naturam, & è conuerso possumus dicere, quod homo ille est vnus cum Patre, & quod est ab æterno, & quod creauit mundum propter diuinam naturam. In his ergo tam diuersis de Christo prædicandis distinctio inuenitur, si consideretur, secundum quod ista de Christo dicuntur.

Quædam enim dicuntur secundum humanam naturam, quædam secundum diuinam. Si autem consideretur: de quo dicuntur, indistincte proferuntur, quia eadem est hypostasis, & qua diuina, & humana dicuntur, ut si dicam, quod idem est homo, qui videt, & audit, sed non secundum idem. Videt enim secundum oculos, & audit secundum aures. Idem etiam est pomum, quod videtur, & adoratur, sed hoc quidē colore, illud autem odore, ratione cuius dicere possumus, quod videns audit, & audiens videt, & visum odoratur, & odoratum videtur. Et similiter dicere possumus, quod Deus nascitur de Virgine propter humanam naturam, & homo ille est æternus propter diuinam.

## §. VI.

*Explicatur Mystrium Incarnationis varijs similitudinibus.*

**V**aria adduxi symbola, & exempla sensibilia, quibus huic Mauro emollirem difficultatem, quam experiebatur in credendo hoc mysterio. Non quia existimarem, illa sufficere ad persuadendū mysterium tam arduum, & superans omnem humanum discursum; sed ut minorem difficultatem experiretur, & ut ostenderem, non esse impossibile, ut ipse existimabat.

Primò igitur explicui hoc mysterium exemplo *infectionis* desumpto ex Theodoretō Dialogo *inconfusus*. Nam si tu haberes in tuo horto nobilissimum truncum pyri habentem vnum ramum, huic trunco posses inferre aliū ramum, prunū, v.g. & tunc iam eadem arbor esset pyrus, & prunus, produceretque duos fructus specie diuersos, nimirum pyra, & pruna. Et in eodem trunco, veluti in eadem hypostasi, & supposito existeret duplex natura, & natura pyri, & natura pruni; nec propterea esset duplex arbor, sed vnica, cui esset connaturalis natura pyri, quia cum illa nasceretur, natura autem pruni licet per *infectionem* appropriaretur ipsi, tamen ex se esset extranea à natura pyri. Sic ergo cogita Verbum diuinum seu Personam Filij Dei, tanquam arborem diuinam habentem



tem ex se ramum diuinitatis, & ferentem ex se fructus omnino diuinos; huic diuinæ arbori, & quasi nobilissimo trûco inseruit omnipotentia Dei ramū humanitatis. Vnde Verbum post incarnationē iam habet duplicem naturā, quasi duplicē ramū; habet quidem naturā diuinā sibi connaturalem, & secum identificatā: & simul habet naturam humanam ex se quidē extraneam, quæ tamen per *infectionem* incarnationis inserta est personæ Filij Dei, & facta est propria Filij Dei. Vnde eadem persona Filij Dei habet naturam diuinā, & humanā, ac proinde est Deus, & Homo. Vnde Christus est vna arbor cum duplici fructu, diuino, & humano, habet enim operationes Dei, quia est Deus, & operationes humanas, quia est Homo. Sicut pyrus, cui inserta est prunus, habet duplicem fructum.

Secundò id ipsum explicui exemplo *ignitionis* desumpto ex D. Baillio. Sumamus, ferrum candens, vel carbonem ignitum. Non ne vides, quod ignis totum ferrum penetrat, occupat, & ad suam puritatem, & nitorem trahit, sibi que penitus adstringit & vnit. Sic ergo considera, quod Verbum diuinum tanquam ignis splendidissimus totam naturam humanam Christi penetrauit, & omnes eius partes sibi vniuit. Non ne vides, quod illa vnio ignis cum ferro est ita intima, vt vix possimus alterum ab altero discernere, cum tamen certum sit, ibi post ignitionem manere naturam ferri. Hoc ergo modo debes cogitare vnionem Verbi cum humanitate esse penitissimam, & vi illius

humanitatem totam esse imbutam, & resurgentem igne diuinitatis; & nihilominus manere cum distinctione à natura diuina Verbi, à qua magis illustratur, & perficitur, quàm ferrum, vel carbo ignitus perficiatur ab igne secum penetrato. Et sicut durante vnione ignis cum ferro, ferrum redditur incapax ferruginis, nigrioris, & frigoris; ita humanitas ratione vnionis cum diuinitate est incapax peccati, & erroris, quorum foret capax, si non esset vnita Verbo diuino. Vnde humanitas Christi differt à nostra sicut differt carbo ignitus à carbone extincto; & sicut differt ferrum candens à ferro frigido. Denique advertere debes, quod sicut beneficio vnionis inter ignem, & ferrum, operatio ignis tribuitur ferro, & operatio ferri tribuitur igni: dicitur enim ferrum splendere, calefacere, vrere, accēdere, & ignis potest dici secare, diuidere, penetrare, condensari; imperfectiones tamen ferri ignem non afficiunt. Ita beneficio illius admirabilis vnionis inter Verbum diuinum, & humanitatem; ea quæ sunt hominis tribuuntur Deo, & ea quæ sunt Dei tribuuntur homini: sic tamen vt imperfectiones humanitatis non lædant diuinitatem; sicut ferrum sua nigredine non inficit ignem, cui coniungitur.

Sed potissimum ad hoc mysteriū explicandū vsus sū exēplo animationis, sicut enim anima rationalis, & caro vnus est homo, ita Deus, & homo vnus est Christus; vt inquit Athanasius in symbolo. Adverte, Amete, quanta sit distantia inter animā, & carnē; anima enim est res subtilis, incorporea, simplex, viuā, mobilis, pura, intel-

ligens, immortalis, per se subsistens; caro est crassa, multiplex, impura, sordida, torpens, sensu, & ratione destituta, corruptioni obnoxia: & tamen anima vi sua suoque contactu carnem extollit, & ad se trahit, sibi-que substantialiter vnit, & vnus ex vtroque homo constat: & per hanc vnionem caro fit spiritalis, pulchra, viua, mobilis, & bonorum animæ particeps, ita vt omnis honor, qui animæ deferretur, simul etiam deferatur carni. Rursus caro non gestat animam, sed anima carnem, & hæc in animâ veluti in sustentante recumbit, non autem anima in carne: vnde caro ad hypostasim animæ eleuata, & vnita videtur. Præterea iste homo, v.g. Petrus, simul est anima, & caro, vel vt magis proprie loquar animalis, & carnalis, vt animalis anima rationali, est incorporeus, immortalis, & ratione præditus, vt carnalis est corporeus, mortalis, & ratione carens, &c. Denique quidquid operatur aut patitur caro, operatur vel patitur homo animalis: & quid operatur aut patitur anima, operatur, vel patitur etiam homo carnalis. Adhuc ergo modum licet quoad perfectionem inter naturam humanam, & Deum sit infinita distantia; tamen potest Deus sua infinita potentia naturam humanam in infinitam celsitudinem supra omnem creaturam attollere, & ad hypostasim, seu Personam Verbi (quæ naturæ humanæ, & singulis eius partibus intime præsens erat) indubili, & substantiali nexu adstringere, & vnice potuit, ita vt iam non illa in se, & per se, sed in Verbo, veluti ramus terrenus in cœlesti trunco, & veluti corpus



in regente, & sustentante se anima subsistere. Nec  
 idcirco Verbum mutari, sed humanitas eleuari, ad  
 Verbum trahi, & modum quendam inexistenti Ver-  
 bo accipere debuit. Sicut cum magnes attrahit, &  
 copulat sibi ferrum, non magnes, sed ferrum muta-  
 tur: cum Angelus assumit corpus, non Angelus, sed  
 corpus mutationem patitur: & cum cera infunditur  
 sigillo, ipsa, non sigillum mutatur. Hæc symbola ad-  
 ducit P. Lessius in tract. de Perfect. Diuin. ad expli-  
 candum hoc mysteriũ, & illis ego vsus sum ad impri-  
 mendam aliquam notitiã huius veritatis illi Mauro,  
 ne tantam difficultatem sentiret in ea credenda. Et  
 in hoc colloquio aliquam partem viæ transigimus;  
 sed quia vt inquit Isai. c. 7. v. 9. *Si non credideritis, non  
 intelligetis*, prius debet persuaderi mysterium aliquod  
 esse revelatum à Deo, ac proinde credi debere, quã  
 illud rationibus explicemus; quia rationes illæ homi-  
 ni habenti fidem deserviunt ad acuendam intelligẽ-  
 tiam; vbi autem fides non præcedit, non sufficiunt ad  
 persuadendum, illud mysterium esse verum: & ideo  
 postquam explicui mysteria ista; aliam viam aggres-  
 sus sum, qua pergere debent, qui infidelibus volunt  
 persuadere vera esse mysteria nostræ fidei. Nam col-  
 loquium hucusque habitum in eum finem direxi, vt  
 huic Mahumentano ostenderem non esse impossi-  
 bile Mysterium Incarn. non autem vt rationibus  
 persuaderem, debere ab illo accep-  
 tari vt verum.

## CAPVT. XI.

*Quomodo Prædicatores Euangelici persuadere debent Insuperabilibus, vera esse mysteria nostræ Fidei.*

**Q**Via mysteria nostræ Fidei sunt omnino supernaturalia, & superant omnem rationē, & discursum naturalē, ratione naturali non potest directē ostendi eorū veritas; quia quod est supra omnem rationē, ratione demonstrari non potest. Et ideo licet possimus solvere, quæ contra illa obijciuntur, quia cū impugnent veritatem, necesse est vt sint fallacia argumenta oppugnantia mysteria nostræ fidei: tamen non debet minister Evangelicus niti rationibus ad directē probandum illa esse vera: *Quæ igitur fidei sunt* (inquit D. Thom. 1. part. q. 32. artic. 1.) *non sunt tentanda probari, nisi per authoritates ijs, qui authoritates recipiant.* Apud alios vero sufficit defendere, nō esse impossibile quod prædicat fides. Unde Dismys. dicit cap. 2. de Diuin. Nomin. Si aliquis est, qui totaliter eloquijs resistit, longè erit à nostra Philosophia. Si autem ad veritatem eloquiorum, scilicet sacrorum respicit, hoc & nos canone vtimur. Hinc S. August lib de Fide, & symbolo cap. 9. circa finem ait: *Fides inconcussa tenenda est, vt dicamus istam Trinitatem vnum Deum: nec temerè aliquid de inuisibilibus affirmemus tanquam scientes, sed tanquam credentes: quoniam videri nisi mundo corde non possunt.*

Colloquium ergo cum Amete Solimam prosequens, addidi: hucusque tibi explicui, quomodo sine

repugnantia, & contradictione intelligi possit quod Deus factus sit homo; & quomodo Christus possit simul esse Deus, & homo. Nunc vero alia viâ utar, vt tibi persuadeam Christianæ Religioni nomen dare. Et imprimis, amice Amete, stultum est, quod tu tibi persuadeas, myſteria Religionis Christianæ esse falsa, quia tu ratione, & discursu tuo nō potest assequi quomodo se habeant. Sic enim negare deberes: vt falsum omnē illud, quod tuo discursu non potes comprehendere. Hoc autem est manifeste absurdum: multa enim sunt, quæ ratio naturalis non valet comprehendere. Inter Aristotelem, & alios Philosophos diu, acriterque disputatum est, an continuum componatur ex punctis indivisibilibus, an ex partibus semper diuisibilibus in minores, & minores sine termino. Et hucusque nemo Philosophorum hanc difficultatem omnino vincere potuit, & veritatem palam detegere. Rem illi explicui, quæſtio est inter Philosophos, an si Angelus diuidat hunc vnguem in duas medietates; & rursus vnā medietatem in alias duas, & sic deinceps, an aliquando perveniret ad punctum aliquod indivisibile, quod amplius non posset diuidi. In qua quæſtione Princeps Philosophorum Aristoteles negat. & multi cum illo. At Zeno cum alijs affirmat. Et nemo hucusque clarè ostendere potuit, quisnam eorum sit veritatem assecutus. Rursus tu certa experientia cognoscis fluxus, & refluxus maris: & tamen vndenam illi proveniant, ignoras.

Nos omnino videre res à longe experimur, & in-



terposito medio opaco eas non videre; & tamen ignoramus quomodo fiat tam mirabilis visio in humore oculorum. Experimur homines tam felicitis memorat, vt continuata serie multa recitare valeant; & tamen quomodo fiat illa memoratio, ignoramus. Scimus ex rudi massa formari fœtum in ventre fœminæ; & tamē quomodo id fiat, omnino ignoramus. Videmus ex grano, vel ossiculo arborem nasci, & quomodo id fiat nescimus. Experimur magnetem attrahere ferrum; & quomodo attractio fiat, ignoramus. Et vt alia omittam, vos Mauri creditis corporum resurrectionem; & tamen discursus naturalis nō assequitur, quomodo corpus conuersum in vermes, in hervas, vel in pisces (quando scilicet ab eis deuoratur) possit resurgere. Ergo stultum est dicere: Deus non est Trinus, quia ego non assequor, quomodo hoc possit esse: Deus non est factus homo, quia ego nō capio, quomodo id fieri potuerit. Ratio stultitiæ est, quia ratio euidentis demonstrat, Deum esse infinitū, & incomprehensibilem ab omni humano, imò ab omni creato intellectu: si ergo est infinitus, poterit in se habere perfectiones aliquas, quas noster intellectus solo lumine naturali nequeat assequi: si est omnipotens: ergo potest aliquid facere quod discursus humanus non potest assequi, esse possibile. Ergo stat Mysterium Trinitatis, & Incarnationis esse vera, quamvis tu non possis mente tua illa capere: ergo stultum est asserere, *non ita est, quia ego non capio.*

Christiani non credimus hæc mysteria, quia illa

intellectu nostro cōprehendimus; sed quia Deus, qui nec fallere, neque falli potest, illa nobis revelavit. Deo autē loquenti credere debemus, quāvis non intelligamus, quomodo esse possit id, quod ipse dicit. Certē quod tibi difficultatē ingerit, difficultatē ingessit vehementem Philotophis, & sapientibus, qui extra Religionem Christianam educati. impossibile primo iudicabant, Deum esse Trinum, & Vnum, & hominem crucifixum esse Deum. Et tamen id postea firmissime crediderunt, & in defensionem horum mysteriorum libros scripserunt, & multi eorum sanguinem pro hac fide profuderunt. Tales fuerunt Dionysius Areopagita, qui ad fidem Christi conversus est ab Apostolo Paulo (occasionem conversionis exposui ex Actibus Apostolorum cap. 17.) Insignis iste Philosophus cum esset annos natus viginti, quinque, & Helio soli in Egypto commoraretur, mirandum illam solis Eclypsim, quæ tempore Passionis Domini contigit, vidit: & causam ignorās obstupuit: & postea ex Paulo cognoscens hoc prodigium accidisse in morte Iesu Christi, quem Paulus Atheniensibus prædicabat, hinc motus non parū est ad amplectendam eam fidem, quam Apostolus prædicabat. Et postea illam scriptis illustravit, & pro hac fide Martyr occubuit: irritatus Magistrum suum Paulum, qui prius magnam blasphemiam cogitabat, quod Apostoli prædicabant, nempe, Iesum Nazarenum à Iudæis crucifixum esse Filium Dei naturalem; postea vero à Christo miraculose conversus, eius diuinitatem, mortem,

& resurrectionem, & reliqua Religionis Christianæ mysteria in magna orbis parte prædicavit; & tandem in huius fidei defensionem martyrium passus est Romæ simul cum Apostolo Petro. Talis etiam fuit conversio Iustini Philosophi sapientissimi, qui postquam perscrutatus fuit omnes penè sectas veræ sapientiæ adipiscendæ causa, tandem ad fidem Christi conversus est, eamque doctissimis libris defendit, & Romæ pro ea martyrium subiit anno Christi 165. Talis quoque fuit Hilarius, qui cum esset Philosophus Gentilis, desiderans veram Philosophiam invenire, libros Philosophorum legens, & in eis quod quærebat non inveniens, tandem libros Sacræ Scripturæ perscrutatus est, & planè cognovit Scripturam Sacram Deū habere Authorem, & fidem Christi suscepit; & postea Episcopus Pictaviensis creatus, Fidem Catholicam confitentem divinitatem Iesu Christi, & Trinitatem Personarum accerrimè propugnavit contra Arrianos, ut constat ex eius libris de Trinitate, in quorum principio suam conversionem scribit: & denique plenus sanctitate, & fide, multis undique virtutibus editis, ita ut & mortuos suscitaverit, migravit ad cælos, anno Christi 369. Talis etiam fuit magnus Ecclesiæ Doctor Augustinus, qui cum esset subtilissimus vir ingenij, & inscientijs versatissimus, ex conversatione D. Ambrosij cœpit errores pristinos agnoscere, & tandem Catholicam Christi Fidem suscepit; omniaque illius mysteria, præsertim Trinitatem Personarum Divinarum, & Deitatem Christi contra hæreticos propugnauit.

Cer-



Certè omnes isti, & multi alij, quos breuitatis causa prætermitto, sapientiores multo erant, quam tu, fueruntque post conversionem Viri Sanctissimi, & dubitari non potest, quod maximam experti sunt difficultatem in ijs mysterijs, & tamen illa firmissimè crediderunt, & multi pro testificatione illorum vitam dedere: cur ergo tu non credes, quod tot tam illustres sapientia, & sanctitate Viri post diligentem omnium sectarum discussionem crediderunt? Aut cur quæso, illi sapientissimi Doctores captivauerunt intellectum suum ad credendum firmissimè mysteria, quæ non intelligebant, nisi quia vrgentissima habuerunt fundamenta, quibus persuasi sunt, Deum reuelasse mysteria hæc, & Authorem esse Religionis Christianæ? Et inde benè intulerunt, hominem teneri credere Deo loquenti, quamvis loquatur mysteria, quæ excedunt naturalem nostrum discursum. Hæc autem fundamenta te etiam mouere debent, vt id credas, quod illi crediderunt.

Dic mihi, quæso si aliquis tuæ sectæ *Papæ* ( sic vocant Sacerdotes, & Alfaquinos ) esset vir eximie probitatis, & veracitatis, essetque sapientissimus; ita vt suspicari prudenter non posses, eum, vel ex ignorantia falli, vel ex malitia velle fallere, tibi asseueraret rem aliquam valde difficilem, & serio testaretur, ita se habere; non ne illi affirmanti crederes? Respondit annuendo: tederem, inquit, quia ita mecum discurrerem hic Vir est sapientissimus, & ego homo ignarus; ille multa scit, quæ ego ignoro: aliunde verò  
est

est Vir probus, & Sanctus, qui neminem decipere curaret: ergo prudentiæ erit, fidem illi tribuere. Bene dixisti: sed ex ore tuo te iudico: si homini probus, & sapienti credere debemus, quæ narrat, quamvis ea per nostrum discursum non assequamur, cur non credemus Deo loquenti, & testificanti? Hic respondit: si ego scirem Deum esse qui loquitur, libentissimè crederem, quamvis essent mysteria altissima supra meum caput. Et tunc ego optimè dixisti: sed inde convinceris ut credas, Christum esse Deum, & in Deo non dari unam tantum personam, sed tres, quavis tuo discursu id capere non possis: quia ego tibi manifestissimè probabo, Deum revelasse hæc mysteria, & manifestasse mundo.

Ad hoc probandum adduxi argumenta illa, quibus libro præcedenti demonstravi Christi diuinitatem. Primò quia Christus fuit Propheta Sanctissimus, & Doctor veritatis, ut tu fateris: At manifestum est Christum de seipso dixisse se esse Filium Dei naturalem, verumque Deum; siquidem hoc ab eius ore audierunt Apostoli, & toto mundo prædicarunt, & persuaferunt, & in testimonium huius veritatis martyrium subierunt. Secundò, quia Christus doctrinam illam evidentibus confirmavit miraculis. Tertiò, quia Apostoli per totum orbem dispersi hanc doctrinam innumeris signis confirmarunt. Quartò, quia pro illa testificanda multa cèntena Martyrum millia atrocissima passi sunt tormenta cum summa constantia, & magna lætitia. Quintò, quia in hac fide singulis sæ-

culis floruerunt insignes. Sancti, manifestis miraculis à Deo illustrati. Sextò, quia perfidi Iudæi, quia Christum tanquam blasphemum occiderunt, à Deo deserti sunt, & seuerissime vsque modo puniuntur. Septimò, quia in sola Christi fide elucent notæ veræ Religionis, quas supra breviter perstrinxi, & fuisse in hac, & præcedenti parte explicaui. Hæc & similia argumenta petita à motiuis credibilitatis confeci. Ad quæ ob, mutescibat Maurus, & ferebatur se nescire, respondere ijs argumentis.

Sed præcipuè intiti primæ demonstrationi, quam supra pag. confeci. Hic respondit Maurus, legem Christi fuisse quidem Sanctam, & à Deo datam, cæterum non durasse nisi vsque aduentum Mahumeti; sicut lex Moysis fuit Sancta, & à Deo collata per Moysen tanquam per legatum, & Nuntium Dei, & tamen non durauit nisi vsque ad aduentum Christi. Aiebat ergo, has tres leges à Deo descēdisse, & Moysen, Christum, & Mahumerum fuisse Dei prophetas, & veras leges publicasse; cæterum duas priores iam cessasse, & abrogatas esse, solumque nunc in mundo esse veram legem Mahumeti. Sed contra ego manifestissimis argumentis ostendi, id nequaquam dici posse.





## CAPVT XII.

*Demonstratur, legem Mahumeti non successisse legi Christi, sicut lex Christi successit legi Moysis. Vbi exponitur quomodo lex Christi non sit opposita legi Moysis: sed eius adimpletio, & perfectio: & conuincuntur Iudaei contendentes, Sacramentum circumcisionis, & ceremonialia legis antiqua debere in aeternum durare, quia sunt à Deo instituta.*

**I**lla eualio Mauri, cum quo colloquebar, fundamentum habet in Alcorano, in quo Mahumetus frequenter docet, & asserit: *Quod Deus sublimis, & benedictus misit Moysi testamentum, id est scripturam veteris Testamenti, & legis Mosaeica; Dauidi autem Psalterium, Iesu vero Filio Mariae Euangelium, sibi autem Alcoranum.* Verum, manifestum esse mendacium, quod Deus miserit Alcoranum Mahumeto, inde conuincitur. Quia Alcoranum continet doctrinam contrariam Euangelio; & apertè negat quod Euangelium clarè docet, nempe Christum mortuum esse, & resurrexisse; Christum esse Deum, & dari in Deo Trinitatem Personarum. Vnde est manifestum mendacium, quod Mahumetus pronunciat in quinto capitulo Alcorani, dicens: *Hic liber, videlicet Alcoranum, Nec mendacium aliquod, neque aliquid praeeritis Prophetis contrarium nuntiat.* Nam mors Christi, eiusque Resurrectio erat praenuntiata à Daniele, à Davide, & alijs  
Pro-

## 286 *Demonstr. contra Mahumet.*

Prophetis, vt infra ostendam manifesté: & ab omnibus Euangelistis vniformiter doctur: vnde Alcoranum hoc negans evidentè opponitur Prophetis, & Euangelio, ac proinde non est liber à Deo missus, sed à Diabolò inventus, & à Mahumeto confictus ad seducendum.

Vnde contra evasionem Mauri insurgens, illi evidentè ostendi, legem Mahumeti non posse esse à Deo: quia cum certum sit, legem Moysis, & legem Christi à Deo descendisse, vt ipsi Mauri confitentur; necesse est, vt lex Mahumeti non descenderit à Deo: quia Deus sibi contradicere non potest; & per vnum Prophetam nequit prius revelare vnum mysterium, & per alium postea revelare oppositum. Deus autem per Prophetas antiquos revelavit, Christum mortuum, & resurrecturum. Mahumetus autem apertè in Alcorano negat, Christum mortuum esse, ac proinde negat etiam resurrectionem, quia resurrectio mortem supponit. Rursus Christus manifestè docuit, se esse Filium Vnigenitum Dei, verumque Deum; & docuit in Deo dari tres personas: idque scribunt Euangelistæ: & Apostoli omnes id mundo persuaferunt. Nam dum in orbem terrarum profecturi essent, ne vlla ex parte, aliqua, vel apparens inter eos in annunciatione Euangelij diuersitas esset, communi consilio quosdam Fidei Canones, quibus vniuersam Christianam fidem præstringentes stabilirent, constituerunt; quos proprio nomine Dei Ecclesia *SYMBOLVM APOSTOLORVM* dicere consuevit; vel quia singuli ad illud

illud perficiendum attulerint suum symbolum, vel quoniam qui verè Christiani essent eo symbolo velut thesauri militari, aut indicio dato, ab ijs, qui falso Christum prædicarent, dignoscerentur, vt docet Ruffinus D. Hieronymi coætaneus in præfatione expositionis symboli.

Ex his clarè cognoscere potes, Amete, Mahumetum non fuisse Dei Prophetam, sed seductorem. Ad hæc Maurus ne cogeretur fateri, vel Christum eiusque Euāgelistas, & Apostolos falsam doctrinam prædicasse, vel Mahumetum non fuisse verum Dei Prophetam, respondit, Euangelium prout ex ore Christi manauit atque ab eius Apostolis, & Euangelistis descriptum est, absque falsitatis commixtione verum esse: cæterum à posteris Christianis infectum, & falsificatum esse in multis, nimirum in illis omnibus, in quibus discordat ab Alcorano. Et hæc est communis solutio ad quam recurrunt Mahumetani, quando sit argumentum contra ipsos ex libris Prophetarum, & Euangelistarum, quos ipsi vt libros Dei venerantur. Et sumitur ex Alcorano Azorà 12. Videns enim Mahumetus doctrinam suam esse contrariam Euangelio, quod ipse sæpe laudauerat, ne videretur sibi contradicere, dixit Euangelia esse corrupta, & adulterata à Christianis: & se solum in suo Alcorano habere puram, & incorruptam doctrinam Christi, & Prophetarum, qui ante ipsum præcesserunt. Hanc Mauri evasionem ita præclusi, tamque patenter de falsitate conuici, vt obmutesceret, & quid opponeret, nō



haberet. Et infra seorsim adducam argumenta, quibus Christi prædicator possit hanc Mahumetanorum fabulam appetè confutare. Ad colloquium autem rediens addidi.

Lex Moyſis sancta fuit, & à Deo data; cæterum in illa nihil continetur quod non concordet Euangelio: non existimes, Amere, legem Christi esse contrariam legi Moyſis: Christus enim ipse dixit, se non veniſſe ſolvere, ſed adimplere legem Moyſis: *Nolite putare, quoniam veni ſolvere legem, aut Prophetas: non veni ſolvere, ſed adimplere. Amen quippè dico vobis, donec tranſeat Cælum, & terra, iota vnum, aut vnus apex non præteribit à lege donec omnia ſiant.* Match. 5. v. 17. & 18. Si me interrogaueris, quomodo Chriſtus dicit ſe nō veniſſe, vt legem ſolveret, ſed adimpleret, cum reiſſa ſolverit, & abrogauerit, & poſt Chriſti adventū ceſſauerit lex Moyſis? Reſpondeo tibi; veriſſimum eſſe, quod Chriſtus non venit, vt legem ſolveret, ſed adimpleret; primo, quia quandiu lex vigere debuit, ipſe eam diligentiffimè obſervavit (quamvis ad eius obſervationem non teneretur, quia erat Deus) & vt Apoſtoli obſervarent curam habuit; & ideo ipſe, & Apoſtoli circumciſi ſunt, & aſcendebant quorannis ad Templum ad diem Feſtum. Secundò dicitur non ſolviſſe, ſed adimpleſſe, quia benè interpretando perfecit. Tertiò legem implevit, quia gratia, per quam impleri poſſet, nobis attulit: vt enim inquit Euangelista Ioannes cap. 1. v. 17. *Lex per Moyſem data eſt, gratia autem per Ieſum Chriſtum facta eſt;* & ideo vt ait Auguſti-

Justinus, prius iubebat, sed non iuuabat. Post Christi aduentum, & iubet, & iuuat. Quartò, quia quæ in lege promissa erant, exhibuit; quæ cæremonijs, & figuris adûbrata, repræsentavit.

Itaque cum in lege, & Prophetis quatuor essent partes, nempè promissa, & vaticinia; præcepta Decalogi; ceremonialia; atque iudicialia: Christus omnia complevit: promissa, & vaticinia complevit, exhibendo quæ promissa, & prædicta erant: præcepta moralia Decalogi complevit, melius interpretando; & falsas expositiones Scribarum, & Phariseorum reiiciendo: complevit ceremonialia, exhibendo illa, quæ per cæremonias repræsentabantur, & adducendo veritatem illarum figurarum, & corpus illius vmbra, vt pro Circumcisione carnis, Baptismum, & Circumcisionem cordis; & pro sacrificijs animalium, & avium Sacrificium sui corporis in Cruce offerendû; & pro sacrificijs, & oblationibus panum, & farinæ, sacrificium incruentum corporis, & sanguinis sui in Eucharistia: denique complevit iudicialia, quia præmia, & supplicia corporea, & temporalia, quæ lex Moÿsis promittebat, vel comminabatur populo illi rudi, & carnali, Christus in spiritualia, & æterna commutavit.

Quare legem illam antiquam Christus abrogavit, non tollendo, sed adimplendo; non violando, sed perficiendo; sicut pictor (vt Theophil. ait) inchoatæ, & extremis tantum lineamentis adûbratæ imagini, dum vltimam apponit manum, & colores adhi-

bet, priorem imaginem abolet, & nouam inducit, abolet autem non dissolvendo, sed absolvendo, non delendo, sed perficiendo.

Vnde lex Moysis, & lex Christi non comparantur inter se tanquam duæ leges specie diversæ, & inter se oppositæ; sed tanquã duæ leges respicientes eundem finem, quarum altera imperfectè, altera perfectè illi finem attingit; vel potius tanquam vna, & eadem lex secundum statum perfectum, & imperfectum: non differunt illæ duæ leges, sicut differunt homo, & brutum; sed sicut differt homo, dum est vir, à seipso, dum est puer. Lex antiqua data est per Moysen à Deo Populo Israelitico, sicut puero: lex Evangelica data est generi humano à Deo per Christum Filium suū, sicut viro. Genus humanum sub lege veteri erat in statu pueritiæ; sub lege autem nova est sub statu virilitatis, & perfectionis, ut enim inquit S. Thomas 1.2. quæst. 91. art. 5. ad 1. Sicut Pater familias in domo alia mandata proponit pueris, & alia adultis: ita etiam vnus Deus in suo regno aliam legem dedit hominibus adhuc imperfectis existentibus, & aliam perfectiorē iam introducētis per priorem legem ad maiorem capacitatem diuinorum.

Itaque lex potest considerari secundum finem, ad quem ordinat homines, & secundum propinquitatem ad finem, vel distantiam ab illo. Si primo modo consideretur, Lex noua non est alia à lege veteri (inquit S. Thom. 1.2. quæst. 97. art. 1.) Quia vtriusque est idem finis, scilicet ut homines subdantur Deo, est autem



*vnus Deus, & noui & veteri Testamenti secundum illud Rom. 3. vnus Deus est, qui iustificat circumcisionem ex fide, & preputium per fidem. Si autem consideretur secundo modo, Lex noua est alia à veteri: quia lex vetus est quasi Pedagogus Puerorum, vt Apostolus dicit ad Galatas 3. lex autem noua est lex perfectionis, quia est lex charitatis, de qua Apostolus dicit, Colos. 3. quod est vinculum perfectionis.*

Quare lex noua comparatur ad veterem, sicut perfectum, & imperfectum; & quia omne perfectum adimplet id, quod imperfecto deest; ideo lex noua adimplet veterem, in quantum supplet illud quod legi veteri deerat, vt docet ibidem art. 2. idem S. Doctor. Quamvis autem aliqua dederit præcepta Deus hominibus in illo statu legis veteris, quæ cessarunt adveniente, & promulgatà lege noua, quia illa erant convenientia pro illo statu, & non erant convenientia pro statu legis novæ; tamen non revelauit Deus de seipso aliquid in lege veteri, quod negaverit in noua: in lege veteri sub vmbreis, & figuris significauit Trinitatem personarum, licet non proposuerit expresse hoc mysterium illi populo rudi, ne sumeret inde occasionem existimandi esse tres Deos: manifestationem huius mysterij reservauit tempori legis novæ, in quo misit vngentum suum in mundum, vt ipse, qui est in sinu Patris, enarraret. Benè quidem potest Deus in vno tempore revelare, & manifestare aliquod mysterium, quod in alio non revelauit; nequit tamen illud ipsum,

sum, quod prius de seipso affirmavit, postea negare.  
 Ut constat ex prima nostra demonstratione, pag. 57.

Creavit Deus primum hominem in gratia, & iustitia originaria ad finem supernaturalem visionis beatificæ, amoris, & gaudij inde resultantium, eo pacto, & conditione, ut si observaret præceptum non edendi fructus arboris scientiæ boni, & mali, conservaret sibi, & derivaret in posteros eam gratiam, & iustitiam; si autem peccaret, eam amitteret sibi, & posteris, omnesque manerent sub captivitate peccati, & potestate Diaboli. Peccavit Adamus, & totam posterorum massam corripit, infecitque peccato, & subiecit se, & omnes suos posteros captivitati Diaboli. Deus autem summè bonus, & misericors decrevit Filium suum Unigenitum in hunc mundum mittere, ut indutus carne Diabolum vinceret, & captivos eriperet de eius tyrannica potestate. Decrevit autem differre huius mysterij executionem per multa sæcula propter rationes quas expendit D. Thom. 4. contra gent. cap. 55. num. 9. & 3. part. quæst. 1. art. 5. Præstituit tamen tempus convenientius ad tanti mysterij dispensationem. Ut autem pararet sibi populum, in quo erat nasciturus, apparuit Abraham, illumque elegit in patrem credentium; & Abraham posteros multiplicavit, ut ex illis constitueret Synagogam: filios Israel in signis, & portentis eduxit de Ægypto; promisit adventum Messias, & Salvatoris per Prophetas, dedit legem populo Israel, ei que dedit præcepta moralia, quæ semper erant permansu-

ra, scribens in tabulis lapideis decem præcepta Decalogi, quæ in prima creatione impresserat, tabulis cordis, quia videlicet illa erant penè oblitterata ex multitudine peccatorum, quæ mentem obæcabant; dedit etiam præcepta quædam ceremonialia de sacrificijs, & oblationibus, quæ adumbrabant, & representabant sacrificium mortis, & Passionis Christi: dedit etiam præcepta iudicialia, quasi propria illius populi, ut illum separaret à consortio Gentiliū, ne ex illorum contubernio, & communicatione inciderent in peccata fœdissima, quibus idololatræ cōtaminabantur. Ut autem reciperent Messiam, quando veniret, prænuntiavit per Patriarchas, & Prophetas tempus, & locum, ubi, & quando erasciturus: & mores eius, miracula, Discipulos, & mortem præsignavit, sub velis tamen, & figuris, ut fides locum haberet. Tota autem illa lex antiqua erat imperfecta, eiusque finis erat disponere homines ad suscipiendum Messiam venturum, & legem perfectam ab eo promulgandam.

Quod egregiè explicat S. Thom. & contra gent.  
 „ cap. 55. num. 9. Quia hoc requirit conditio huma-  
 „ næ naturæ ut non statim ad perfectum ducatur,  
 „ sed manuducatur per imperfecta, ut ad perfectio-  
 „ nem perveniat: quod & in instructione puerorum  
 „ videmus, qui primo de minimis instruuntur: nam  
 „ à principio perfecta capere non valent: similiter  
 „ etiam si alicui multitudini aliqua inaudita propo-  
 „ nerentur, & magna, non statim caperent, nisi ad ea



„ affluerent, sic igitur conueniens fuit à principio,  
 „ vt humanum genus instrueretur de ijs, quæ perti-  
 „ nent ad suam salutem per aliqua leuia, & minora  
 „ documenta per Patriarchas, & Prophetas; & tan-  
 „ dem in consumatione temporum perfecta doctri-  
 „ na Christi proponeretur in terris, secundū quod  
 „ Apostolus dicit ad Galat. 4. *At ubi venit plenitudo*  
*temporis misit Deus Filium suum in terris: & ibidem*  
*dicitur: Quod lex pedagogus noster fuit in Christo: sed*  
 „ *iam non sumus sub pedagogo.* Et sicut ad adventum  
 „ magni regis oportet aliquos nuntios præcedere,  
 „ vt præparentur subditi ad eum reverentius susci-  
 „ piendum: ita oportuit adventum Dei in terras  
 „ multa præcedere, quibus homines essent parati  
 „ ad Deum incarnatum suscipiendum: quod quidem  
 „ factum est, dum per præcedentia promissa, & do-  
 „ cumenta hominum mentes dispositæ sunt, vt faci-  
 „ lius ei crederent, qui antea prænuntiatus erat, &  
 „ desiderantius susciperetur propter priora pro-  
 „ missa.

Postquam autem Christus venit, debuit cessare  
 lex vetus quoad præcepta ceremonialia, & iudicia-  
 lia, & quoad Sacramenta, quæ habebat lex illa; quia  
 lex quoad illas ceremonias, & leges municipales se-  
 parantes Iudæos à Gentilibus, debuit cessare quan-  
 do venit Christus, qui in illis præfigurabatur; & qui  
 veniebat ad salvandos omnes homines, & congre-  
 gandam vnā Ecclesiam ex Iudæis, & Gentilibus,  
 iuxta illud Pauli ad Ephes. 2. vers. 14. *Qui fecit utra-*

que vnum. Et cum omnia Sacramenta, ex Passione Christi efficaciam habeant, sanè Sacramenta, quæ præcesserunt Incarnationem Christi, talia esse debuerunt, vt significarent, & quodammodo reprobarent salutem futuram ex Christi Passione: vnde cessare debuerunt, postquam Christus redemptionem generis humani sua morte consumavit. Et debuerunt illis succedere Sacramenta, quæ hominibus reipsa salutem exhiberent ob meritum passionis iam præsentis. Et hinc confutatur error Iudæorum, qui credunt Sacramenta legalia propter hoc quod à Deo sunt instituta, in perpetuū esse servanda; cū Deus nō pœniteat, neque mutetur. Confutatur, inquam, quia vt optimè inquit D. Th. 4. cōtra gent. c. 57.

„ Absque aliqua mutatione, vel pœnitētia disponētis  
 „ fit, quod diversa disponat secundum congruentiā  
 „ temporum diversorum, sicut pater familias alia  
 „ præcepta tradit filio parvulo, & alia iam adulto;  
 „ sic & Deus congruenter alia Sacramenta, & præ-  
 „ cepta ante Incarnationem tradidit ad significan-  
 „ dum futura, alia post Incarnationem ad exhiben-  
 „ dum præsentia, & memorandum præterita. Qua-  
 „ re post Passionem Christi cessare debuit circumci-  
 „ sio: quia hæc instituta fuit in signum fidei Abrahæ:  
 „ fides autem Abrahæ fuit commendata in hoc, quod  
 „ credidit diuinæ promissioni de futuro semine, in quo  
 „ benedicerentur omnes gentes, id est de futuro  
 „ Christo, & ideo quandiu hoc erat futurum. oportebat  
 „ protestari fidem Abrahæ in circumcissione: sed

postquam hoc iam est perfectum, oportet idem alio  
 signo declarari, scilicet Baptismo, qui in hoc circum-  
 cisioni succedit, secundum illud Apostoli ad Colo-  
 sent 2. *Circuncisi estis, circuncisione non manu facta in  
 expolatione corporis carnis, sed in circuncisione Christi,  
 confepulti in Baptismo.* Ita D. Thomas 12. quæst. 103.  
 art. 3. ad 4. Audiamus etiam D. August. tom. 1. lib.  
 de Vera Relig. cap. 17. egregiè explicantem, quo  
 pacto lex nova veteri non opponatur, sed vtraque  
 „ à Deo sit. Quisquis autem (inquit) ideò negat  
 „ vtrumque testamentum ab vno Deo esse posse,  
 „ quia non eisdem Sacramentis teneretur populus no-  
 „ ster, quibus Iudæi tenebantur, vel adhuc tenen-  
 „ tur: potest dicere, non posse fieri, vt vnus pater  
 „ familias iustissimus aliud imperet eis, quibus ser-  
 „ vitutem duriolem vtilem iudicat, aliud eis, quos  
 „ in filiorum gradum adoptare dignatur. Si autem  
 „ præcepta vitæ movent, quod in veteri lege mi-  
 „ nora sunt, in Euangelio maiora, & ideo putatur  
 „ non ad eundem Deum vtraque pertinere; potest  
 „ qui hoc putat perturbari, si vnus medicus alia  
 „ per ministros suos imbecilioribus, alia per semet-  
 „ ipsum valentioribus præcipiat ad reparandum,  
 „ vel obtinendum salutem. Vt enim ars medicinæ  
 „ cum eadem maneat, ne vlllo pacto ipsa mutetur,  
 „ mutat tamen præcepta languentibus, quia muta-  
 „ bilis est nostra valetudo: ita divina providentia,  
 „ cum sit ipsa omnino incommutabilis, mutabili ta-  
 „ men creaturæ variè sub venit, & pro diuersitate

„ mor-



„ morborum alijs alia iubet , aut vetat, vt à vitio,  
 „ vnde mors incipit , & ab ipsa morte ad naturam  
 „ suam,& essentiam,ea quæ deficiunt,id est ad nihi-  
 „ lum tendunt,educat,& firmer.

## CAPVT XIII.

*Demonstratur,legem Christi non potuisse abrogari per le-  
 gem Mahumeti, quamvis lex Moysis sit abrogata  
 per legem Christi.*

**H**Is sic explicatis,ad Maurum conversus,nonne  
 vides,inquam,Amete,quomodo inter se be-  
 nè cohæreant , quod Deus sit Author legis Mo-  
 saycæ,& legis Christi?At minime cohæret quod sit  
 Author legis Christi , & simul author legis Mahu-  
 ti : nam Deus nequit mentiri,neque quod semel re-  
 velauit,potest falsificare.At per Christum docuit ho-  
 mines , Deum esse Trinum in personis ; ipsumque  
 Christum esse Filium suum Vnigenitum , quem in  
 hunc mundum misit ad salvandum genus humanum  
 per mortem,& Palsionem suam;mundoque per A-  
 postolos persuasit , hominem crucifixum esse Deū,  
 & tertia die resurrexisse,& corpus suum,& sangui-  
 nem hominibus reliquisse in Sacramento Altaris;  
 Baptismum esse necessarium ad salutem,circuncisio-  
 nem autem iam cessasse. Cùm ergo Mahumetus hæc  
 omnia neget,evidenter vincitur, eum non fuisse  
 Dei Prophetam , sed seductorem , qui honesto

Religionis titulo imperium usurpavit.

Clarissimeque hoc perspicere potes: nam quia postquam Deus dedit legem populo per Moysen, daturus erat legem perfectam per Christum: in lege veteri per Patriarchas, & Prophetas promisit Christum, illiusque adventum prænuntiavit: & prædixit omnia, quæ futura erant tempore legis novæ. Si ergo Deus missurus erat in mundum perfectissimum Legislatorem, maximūque Prophetarum, qualem vos Mahumetum fuisse creditis, illius adventum prænuntiavisset in lege Moysis, & in lege Christi, ut scilicet mūdus cum tanquam Dei Prophetam susciperet, & legem ab eo promulgatam ad salutem necessariam amplecteretur. At manifestissimum est, nec Deum in veteri Testamento, nec in nouo promississe Mahumetum; nec in illo fuisse à Christo prænuntiatum nisi sub generali ratione falforum Prophetarum, cum dixit Matth. 24. v. 11. *Multi pseudo Prophetæ surgent, & seducent multos.* Ergo certum est Mahumetum nō fuisse Dei prophetam, nec legem dedisse ut verum Dei ministrum.

Sed miseri Mahumetani meridiana in luce caligant, & credunt illum fuisse prænuntiatum à Moysse, & Christo, cæterum Iudæos, & Christianos in odiū Mahumeti delevisse ea quæ in scripturis de eo erant prænuntiata: idque credunt, quia Mahumetus ipse in Alcorano ad præoccupandam hanc objectionem testatur mentionem fieri de eo in veteri, & novo Testamento. Siquidem Azorà 60. affirmat, Domi-

num nostrum Iesum Christum eum prænuntiasse, & in Evangelio suo hæc verba possuisse: *Amen amen dico vobis, quod post me venturus est Apostolus Dei, qui vocabitur Makumed, seu Mahumetus.* Refert autem teatrum viræ humanæ tom. 1. fol. 559. esse opinionem apud Mahumetanos, in cap. 14. Ioan. v. 16. vbi nos legimus, *Ego rogabo Patrem, & alium paraclytum dabit vobis*, antea loco paraclyti legi *Makumed*, quasi Christus dixisset: *Ego rogabo Patrem, & Mahumetum dabit vobis.*

Verum hoc esse insigne mendacium, facile evincitur, quia eadem Evangelia quæ in Ecclesia leguntur, fuerunt in Ecclesia Christi ante adventum Mahumeti, vt constat ex expositionibus Sanctorum Patrum Hieron. Ambr. Basilij, Nazianzeni, Athanasij, Chrysostomi, Augustini, & Gregorij, qui ante Mahumetum floruerunt; nam hic postremus mortuus est anno Christi 604. Mahumetes vero anno 631. reliqui autem multo ante floruerunt. In ijs enim expositionibus, nec apud vllum scriptorem, nec in aliquo exemplari, vel versione Evangeliorum mentio vlla facta est Mahumeti: certum est autem non potuisse christianos, vel Iudæos in odium Mahumeti corrumpere scripturas, antequam Mahumetus in mundum venisset. Deinde cum Moyses Deuteronomij 4. severè prohibuerit aliquid addere, vel detrahere Scripturis dicens: *Non adjicietis ad verbum, & ego præcipio vobis, neque auferetis ab eo.* Et cum Iohannes Apocal. 22. id ipsum prohibens, dicat: *Siquis*



*quis apposuerit ad hæc, apponat Deus super eum plagam scriptas in libro isto, & auferat eum de libro vitæ: quis nisi stultus credat Iudæos, vel Christianos voluisse à sacris litteris abradere nomen Prophetæ, quem Deus illis promitteret, præsertim antequam cognosceret, qualis futurus esset. Idque amplius constabit ex dicendis infra, quando probemus scripturas non esse corruptas. Constatque manifestè easdem extare nunc veteris Testamenti versiones, quæ extiterunt tempore Christi, & ante eius adventum, in quibus nulla mentio Mahumeti fit.*

*Estque manifestum, Paraclytum, quem Christus promissit Ioannis 14. non esse Mahumetum: nam adventus illius Paraclyti promittitur futurus intra paucos dies Act. 1. v. 15. Non post multos hos dies: Mahumetus autem venit post sexcentos annos. Secundò, quia illum Paraclytum promittit Christus Apostolis, ut eos instrueret: Ille vos docebit, & suggeret vobis omnia, quæcumque dixerò vobis. Ioann. 14. 26. Mahumetus autem Apostolos non docuit. Tertiò, quia Christus dixit, illum Paraclytum esse invisibilem: Quoniam mundus non potest accipere, quia non videt eum, nec scit eum.*

*Alio etiam argumento evidenti probavi illi Mauro, legem Mahumeti non esse datam à Deo post legem Christi, sicut lex Christi fuit data post legem Moysis. Quia si res ita se haberet, lex Mahumeti esset perfectior lege Christi, & lex Christi foret dispositio ad legem Mahumeti, sicut lex Moysis fuit dis-*

dispositio ad legem Christi: Deus enim in instructione generis humani procedit ab imperfecto ad perfectum, ut supra explicuimus cum S. Thom. At hoc est manifestè falsum; quia Christus in Evangelio docuit altissimam vitæ sanctitatem, quam posuit in ardenti, & perfecta Dei dilectione; & ad eam assequendam altissima dedit consilia, contemnendi divitias, honores, & delectationes carnales, abnegandi seipsum, sumendi Crucem suam, diligendi inimicos, tolerandi iniurias, & exercendi perfectissima omnium virtutum opera, patientiam, humilitatem, continentiam, temperantiam, &c. Et omnium virtutum se exhibuit exemplar perfectissimum. Hanc autem perfectionem lex Mahumeti non præcipit, nec consulit. Immò in Alcorano docet, ut fideles reddant malum pro malo, & easdem iniurias, molestias, atque læsiones inferant alijs, quas ab illis patiuntur, & carnis delectationibus laxat habenas. Tantumque abest ut virginitatem, vel castitatem consular, ut eius observationem censeat impossibilem: sic enim in Alcorano ait: *Nocturnos coitus cum mulieribus promittit nobis Deus, sciens nobis huius rei abstinentiam, tum difficilem, tum impossibilem esse.* Ipsique Mahumetani dicunt, nimis arctam, & spirituales esse legem Christi; proptereaque sapienter egisse Altissimum mittendo Mahumetum Regnis Arabum cum lege laxa, ac facili: ipseque Mahumetus in Alcorano inquit: *Deus nequaquam difficilia, seu ardua requirit à nobis.* Et sæpè dicebat se missum fuisse à Deo ut legem Christi, quæ

ni.

nimis rigida erat, temperaret, & per mitiora præcepta homines duceret in Paradysum.

Ipsaque impura Mahumeti vita, evidenter probat, illum non fuisse Dei Prophetam: quod latè in hoc colloquio huic Mauro exposui, & infra seorsim proponam.

Denique illam Mauri evasionem manifestè confutavi, quia si lex Mahumeti comparatur ad legē Christi, sicut lex Christi comparatur ad legem Moysis, sequitur legem Christi post adventum Mahumeti abrogatam iam esse, sicut abrogata fuit lex Moysis post adventum Christi; ac proinde iam homines in illa non salvari; sicut post adventum Christi non salvantur in lege Moysis. At hoc esse evidenter falsum, constat primo: quia post adventum Mahumeti floruerunt singulis sæculis in Ecclesia Christi multe fœminæ, & viri sanctitate insignes, & gloria miraculorum illustres: Deus autem sectatores falsarum sectarum miraculis, & signis non illustrat. Et ideo in Synagoga postquam Christus venit nullus exitit Prophetæ, nullus homo, qui gloria miraculorum clauerit; cum tamen ante adventum Christi tot miracula, & prodigia operatus fuerit Dominus per Moysen, per Josue, per Eliam, per Elisæum; aliosque Viros Sanctos: & ratio est, quia postquam Christum occiderunt, & eius Apostolos persecuti sunt, ablata sunt eis omnia supernaturalia beneficia, & privilegia consueta, gratia prophetiæ, efficacia miraculorum; reprobataque sunt à Deo eorum Sacrificia: quod



quod hoc argumento probat Chrysostomus, nam Deus in lege illa præcipiebat, ne sibi offerrentur sacrificia extra Templum Hierosolymitanum. Ergo cū Templum illud destruxerit Deus in vindictam occisionis Christi, vtens tanquam instrumento Imperatoribus Tito, & Vespasiano; signum est, iam sacrificia illa reprobasse. Quod hoc simili explicat: nam si agrotus enixè à Medico postulasset facultatem bibendi vinum, eamque concelsisset Medicus eo pacto, & conditione, vt non biberet nisi per talem scy-  
 hum, quem ipsi assignasset: & postea vas illud Medicus ipse infringeret: planum est, quod Medicus hoc facto protestaretur, se nolle, vt agrotus vinum gustaret. Hoc ergo pacto dicimus iam Deo non placere sacrificia, & victimas Hebræorum, quia destruxit Templum, in quo vnice licebat illi populo sacrificia Deo offerre. Abstulit ergo Deus ab illo populo Charismata supernaturalia, & eius sacrificia reprobat: omnemque illam excellentiam vaticinio-  
 um, miraculorum, privilegiorum, & Divinorum Charismatum transulit in Apostolos, & in Christi Ecclesiam, in qua semper floruerunt, & nunc florēt; quod signum manifestum est, Deum Ecclesiam Christi diligere vt Sponsam, & velle eo modo coli, quod illa à Christo, & Apostolis edocta prescribit. Alio deinde sensibili, & manifesto argumento hoc ipsum comprobatur, quia Deus statim post peccatum priorum parentum, Christum promisit, qui Diabolum vinceret, vt deducunt communiter Patres ex


verbis illis, quæ Deus adversus serpentem pronuntiavit: *Ipsa conteret caput tuum.* Genes. 3. vers. 16. promisit eius adventum Abraham. Genes. 22. v. 18. *Benedicentur in semine tuo omnes gentes terræ.* Et Patriarcha Jacob Genes. 49. v. 10. prædixit Christi adventum illis verbis: *Non auferetur sceptrum de Iuda, & dux de femore eius donec veniat qui mittendus est.* Prædixit etiam, & promisit Moyses Deut. 18. v. 15. *Prophetam de gente tua, & de fratribus tuis sicut me, suscitabit tibi Dominus, &c.* Promisit, & prænuntiavit per alios Prophetas eius adventum varijs signis præfigurans; & cum venit, dedit illi potestatem faciendi magna, & stupenda miracula, ut ipse Mahumetus in Alcorano Azorà 1. testatur. Introducit enim Angelum „ alloquentem cum Maria sub hac forma: O Maria „ omnibus viris, & mulieribus splendidior, mundior, „ atque iucundior, tibi ab universitatis creatora „ mittitur summi nuncij gaudium cum Verbo Dei, „ cuius nomen est Iesus Christus, qui est facies omnium „ gentium in hoc futuroque sæculo, sapiens, „ vir optimus, ipse Deus Filium tuum cum divina „ virtute venientem edocebit librum legiferum, „ omnisque Magisterij peritiam, & Testamentum, „ ac Evangelium. Ille cæcos, & mutos curabit, morphæuticos, ac leprosos mundabit, mortuos creatore „ re cooperante vivificabit, &c. Hæc Mahumetus „ de Christo. Cum tamen de seipso in Alcorano dicat, *Non sibi datum esse signum aliquod facere*, ut testatur Carthusianus lib. 2. art. 9. pag. 103. Faterurque se esse

*Prophetam ignorantem.* Si ergo Deus tot retro  
 miliaribus annorum per Prophetas, & Patriarchas  
 promisit Christum, illumque, & legem ab eo dan-  
 tam prænuntiavit; ipsumque tot prærogativis, & ex-  
 cellentijs ornavit, quales, nec Moyfi, neque ulli Pro-  
 phetarum vnquam concessit, quis, nisi stultus, potest  
 credere, legem ab illo tot prodigijs inductam, & pro-  
 rogatam, solum sexcentis annis durasse? Si lex Moyfis,  
 quæ imperfecta erat, & solum dispositio ad legem  
 Christi, duravit ultra mille, & quingentos annos;  
 quæ ab egressu filiorum Israel de Ægypto vsque ad  
 Christi Natiuitatem transierunt 1518. anni ) quis  
 tantis compos credere potest legem Christi perfe-  
 ctam, solum sexcentis annis durasse? Si umbra, & fi-  
 gura tantopere duravit, res figurata, & significata  
 quomodo potuit tam citò finire? Quorsum tot mira-  
 culorum, & Prophetiarum apparatus, si lex Christi,  
 in exiguo tempore erat permansura? Quomodo  
 angelus dixit Luc. 1. 33. *Dabit illi Deus sedem David  
 patris sui, & Regni eius non erit finis?* Si eius Regnum,  
 Ecclesia intra tam breve temporis intervallum in-  
 citurum erat.

His auditis argumentis obmutuit Maurus, & fa-  
 ctatur se nescire illis respondere: non potui tamen  
 persuadere, vt Baptismum peteret. Illum in nostro  
 collegio Malacensi Religiosi perhumaniter tracta-  
 runt. Ego verò ad extremum illum amicabiliter, &  
 familiariter alloquens, dixi: Amice Amete, coram  
 eo ignorantiam allegare non poteris: ego tibi ve-



ritatem manifeste annuntiavi. Si adhuc dubitas, an ego vera locutus sim, Deum roga, vt tibi veritatem manifestet, vt tenebras mentis tuæ illuminet, & te doceat viam salutis. Post tot argumenta audita, saltem debes dubius manere, an tibi sit necessarium ad salutem æternam, Religionem Christianam suscipere: agitur hic de summa rerum; Deum ergo enixe roga, vt te illuminet: & vt merearis á Deo illuminari, vitia fuge, pietatem sectare, Deum super omnia dilige, & proximum sicut te ipsum, & decem præcepta Decalogi diligenter observa; hæc enim omnes homines obligant. Donavi illi doctrinam Bellarmini, & rogavi, vt attente legeret explicationem mysteriorum nostræ sanctæ Fidei, sperans, fore vt aliquando veritatem agnosceret: & post multa charitatis signa, & amicabilem amplexum, Maurum dimisi. Audivi postea hunc hominem gravi morbo oppressum, Baptismum petiisse. Rem tamen satis exploratam non habeo, maximam tamen spem concepi, cum tandem moriturum Christianum.



## LIBER QVARTVS.

*QVO DEMONSTRATUR,  
Christum mortuum esse, & resurrexisse, contra  
quod Alcoranus fabulatur, & exponitur,  
ut Deus fieri voluerit homo passibilis: &  
ostenditur, nec novum nec vetus Testamentum  
fuisse corruptum à Christianis, ut  
Mahumetus finxit.*

## CAPVT PRIMVM.

*demonstratur contra Mahumetanos, Christum mortuum  
esse, & resurrexisse: indeque evidenter ostenditur, Alcora-  
num mendacijs, & fabulis plenum esse.*



COLAVS De Cusa Cardinalis in sua Cri-  
vatione Alcorani lib. 1. cap. 3. ait: totam  
intentionem Mahumeti in Alcorano  
hanc esse, ut scilicet persuadeat *Christum*,  
à Melsiam, nec Filium Dei esse, neque pro homini-  
us crucifixum, & mortuum. Quoniam Christum Fi-  
um Dei esse, & in Cruce mortuum, est fides illa, quæ  
vincit Diabolum, & mundum, & sola est vera, & per-  
fecta, & nulla fides præter illam resistere potest Dia-  
bolo, & dare victoriam, & immortalem vitam in Reg-

no Cœlorum intellectuâli, & incorruptibili : ideo hoc medio Sathan, de mundo ipsam Evangelicam fidem omnino eliminare conatur.

Mahumetus igitur in Alcorano lib. 2. Azorâ 6. qui intitulatur de Iosepho sic inquit : *Judæi Mariæ blasphemiam, & immoderatam contumeliâ inferunt, seque Christum Mariæ Filium, Dei nuntium, peremisse perhibent, sed nequaquam eum, sed sui similem suspendentes interfecerunt.* Estque inter Mahumetanos opinio, seu error satis communis, Iesum Christum ea hora, qua Judæi eum comprehendere voluerunt, posuisse figuram suam in Judâ proditore, sicque Judæus Iesum capere existimantes, Iudam cepisse; ut testatur Carthusianus lib. 2. art. 22. pag. 158. & mihi narravit Maurus quidam Matrili ann. 1670. id ipsum, & ideo in alio cap. seu Azorâ Alcor. ait Mahumetus : *Judæi Iesum illudere aestimantes, ab eo sunt illusi.* Doct. Petrus de Cavalleria in suo *Zelo Christi* pag. 129. testatur Mahumetum in Alcorano Azorâ 3. de Judæis loquentem hæc habere, Dicunt super Mariam mendacium magnum, & dicunt : Nos occidimus Messiam Iesum Filium Mariæ, nuntium Dei: non occiderunt, neque suspenderunt, sed sic simulatum fuit eis. Et paulo post: Non occiderunt eum veraciter, immo elevavit eum Deus ad se. Itaque Mahumetani credunt hanc fabulam Alcorani, quod Christus non sit mortuus, sed alius eius similis, ut testatur etiam R. P. Fr. Antonius del Castillo in suo *Itinerario Hierosolymitano* lib. 3. cap. 4. pag. mihi 178.



Quis non miretur Mahumetum Virum sagacem, callidissimum id ausum fuisse negare, quod non solum Christiani, sed etiam Iudæi, & Gentiles, & universus orbis ut rem manifestam supponebant, neminem Iesum Nazarenum fuisse à Iudæis in Crucem actum: res enim hæc publica fuit, & toti orbi nota, Pilatusque Iudææ Præses sententiam pronuntiavit, & res coram infinita hominum multitudine peracta est. Quod negaverit Christi divinitatem, & Trinitatem Divinarum Personarum, aliaque mysteria supernaturalia adeo mirandum non est: cæterum quod negare ausus sit historiam apud nationes omnes notam, & litteris contestatam à Christianis, à Iudæis, imò ab ipsis Gentilibus, manifeste probat huius nebulonis immanem absque fronte mentiendi audaciam. Hic error similis est Hæresi Basilidis, de quo ita scribit, Epiphan. Hæresi 24. Basilides confingit nobis, alium fabulæ actum, non Iesum passum esse assensens, sed Simonem Cyrenæum. Nam quoniam dum Dominus Hierosolymis educeretur, velut Evangelij series habet, coegerunt quendam Simonem Cyrenæum ad portandum Crucem: hinc reperit, ut nequitia suæ tragædiam confingeret. Et illum (inquit) quo portabat Crucem, transformavit in suam speciem, & seipsum in Simonem, & pro se ipso tradidit Simonem, ut crucifigeretur. Cum autem ille crucifigeretur, stabat ex opposito invisibilis Iesus, deridens eos, qui Simonem crucifigebant. Ipse vero discessit ad Cœlestia, tradito Si-

„ mone ad crucifigendum, & illæsus processit ad  
 „ Cælum.

In similem errorem lapsus est Manichæus, dicens,  
 non Christum, sed Diabolum fuisse crucifixum: sic  
 enim ait, apud August. lib. de fide contra Manichæum  
 „ cap. 22. Inimicus quippe, qui eundem Salvatorem,  
 „ iustorum Patrem, crucifixille se speravit; ipse est  
 „ crucifixus: quo tempore aliud actum est, aliud  
 „ ostensum. Princeps itaque tenebrarum affixus est  
 „ Cruci, idemque spineam coronam portavit cum  
 „ suis socijs; & vestem coccineam habuit: acetum  
 „ etiam, & fel bibit: quod quidam dominum potasse  
 „ arbitrati sunt; atque omnia, quæ hic sustinere visus  
 „ est, tenebrarum duci bus irrogata sunt.

Eundem errorem tenuerunt Marcionistæ, & Cer-  
 doniani; qui in eo tamen differunt à Mahumeto,  
 quod illi negabant, Christum veram habuisse car-  
 nem; Mahumetus vero verè natum fuisse ex Maria  
 fatebatur: ut enim inquit Augustinus lib. de Hæresi-  
 bus cap. 21. Cerdoniani: *Dogmatizabant Christum ne-*  
*que natum ex femina, nec habuisse carnem, neque vere*  
*mortuum, neque quidquam passum, sed simulasse Passionem.*  
 Et ut ait ibid. cap. 14. Marcus nescio quis, qui *Hæresim*  
*condidit, negans resurrectionem carnis, & Christum non*  
*verè, sed putatiuè passum assuerans.* Et de Manich. testa-  
 tur lib. contra Epist. Manich. eos docuisse, Christum  
 non verum: *Sed simulatam carnem oculis ostendisse, nec*  
*per tulisse, sed simulasse passionem.* Sed omnes isti Hære-  
 tici inimici Crucis Christi sugillantur ab Augu-  
 stino,

tinio, & his omnibus dicere possumus, quod dixit Sanct. Doct. Manichæis lib. de fide cap. 33. *Miseri non timetis, ut dicatur vobis in iudicio: ego eos liberaui, pro quibus passus sum: Ite, ille vos liberet, cui meas adscribitis passionēs.*

Impugnatur verò hoc delirium, & manifestum Mahumeti mendacium. Primò, quia falsificat prædicationes Prophetarum, qui annuntiarunt Christi mortem; ut illam Danielis cap. 9. *Post hebdomadas septuaginta annorum occidetur Christus*, & illud Psalm. 21. *Foderunt manus meas, & pedes meos, dinumerauerunt omnia ossa mea, &c.* Et illud Isaïæ 53. *Vere langores nostros ipse tulit, & dolores nostros ipse portauit. Ipse autem vulneratus est propter scelera nostra, & liuore eius sanati sumus, & posuit Dominus in eum iniquitates omnium nostrum: oblatus est quia ipse voluit, & non aperuit os suum, tanquam ovis ad occisionem ducetur, &c.* Hunc textum Isaïæ legebat in curru suo eunuchus Reginae Candaces, cum Deus miraculose adduxit Philippum, qui eum illi exponeret, ipsumque baptizavit. Act. 8. v. 28. Neque dicere potest Mahometus, Iudæos corrupisse, & adulterasse scripturas; tum quia id esse evidenter falsum, seet. sequent. ostendam: tum quia cum nulla sit in testamento veteri illustrior prophetia, clariusve probans, Iesum Nazarenum esse Messiam, & Christum promissum in lege antiqua, nihilominus Iudæi Perfidi, quorum maxime intererat, quod ex Scripturis non constaret, illum esse Christum, nunquam ausi sunt negare, Danielem scripisse illa verba.



& cum Christiani, & Iudæi sint inter se maxime contrarii, habeantque Scripturas veteris testamenti secundum varias versiones; etiam interpretum, qui floruerunt ante Christum, in omnibus exemplaribus veteris testamenti leguntur illæ prophetiæ eodem tenore verborum. Et sanè si appareret aliquod verisimile fundamentum, ad asserendum Prophetiam Danielis esse adulteratam, id non dissimilarent Iudæi, ne tam aperte convincerentur illo textu.

Impugnatur secundò, quia ipse Mahumetus in Alcorano Azorà 44. quæ appellatur Azorâ de Maria, vocat Dominum Iesum *Verbum veritatis*, & Prophetam Sanctissimum, qui nunquam falsum locutus sit. Et tamen, dum dicit, eum non fuisse crucifixum, illum facit Prophetam mendacem. Siquidem Christus ipse Matth. 20. duodecim Discipulis in vnum congregatis dixit: *Ecce ascendimus Hierosolymam, & filius hominis tradetur principibus Sacerdotum, & scribis, & condemnabunt eum morte, & tradent eum ad illudendum, & flagellandum, & crucifigendum, & tertia die resurget.*

Tertiò, quia facit Christum impium erga Virginem Matrem, cui secretum illud non manifestavit: constat enim illam acerbissimos passam fuisse compassionis dolores iuxta Crucem, quos non pateretur, si sciret, eum, qui inter duos latrones pendeat, non esse filium suum, sed Iudam proditorem, vel alium, cui Deus impretsisset Christi figuram.

Quartò, quia eclypsis illa Solis, quæ accidit in morte crucifixi, fuit planè, & evidenter miraculosa,

iquidem accidit in Paschate Iudæorum, quod nunquam nisi in diem 15. Lunæ primi mensis incidebat, cum Luna est plenissima. Hoc autem prodigium simul cum alijs, quæ in morte crucifixi acciderunt, manifestè probat, eum, qui crucifixus est, fuisse verum Christum.

Quintò, quia ut ostendi disp. præcedent. Christus suam Resurrectionem manifestis argumentis probavit: Resurrectio autem Mortem supponit.

Sextò, quia si indecens non fuit Deum permittere, ut Christus Vir Santissimus, & innocentissimus à Iudæis comprehenderetur, & flagellaretur, ut Mahometus supponit fuisse comprehensum, & flagellatum, neque indecentia vlla reperiri potest in eo, quod permiserit crucifigi. Ut quid autem illam metamorphosim, & illusionem Deus decerneret?

Septimò, quia cum quatuor Evangelistæ, qui Evangelia sua scripserunt diversis locis, & temporibus, tam diligenter, & tam uniformiter narrent omnia, quæ attinent ad Passionem Christi, cum tamen miracula breviter præstringant; id sanè non fecerunt nisi ex impulsu divino, & quasi Spiritus Sancti amnuescentes. Deus autem illos movere non potuit ad scribenda mendacia: ergo verissimum est, Christum mortuum esse.

Octavò, quia cum Apostoli dispersi sunt per universum mundum, symbolum Fidei composuerunt, in quo expresse docetur: *Christum crucifixum, mortuum, & sepultum fuisse. Illi autem profecti prædicaverunt ubi-*

que

*que Domino cooperante, & sermonem confirmante, & sequentibus signis. Matth. vlt. & fidem contentam in illo symbolo, quæ rem docet humanæ sapientiæ incredibilem, nempe hominem inter duos latrones crucifixum esse vnigenitum Dei Filium, verumque Deum, mundo persuaserunt sine armorum violentia, sine sensuum blandimento pauci homines ignobiles infirmi prædicantes contemptum omnium eorum, ad quæ humanus appetitus rapitur, quos homines sequi crimen erat morte plectendum, & brevi tempore urbem mundi dominam expugnarunt, & meliorem mundi partem: quod sine ingenti miraculo, & divina potentia fieri non potuit. Deus autem nequit miracula facere ad radicandam in mundo fidem falsam.*

Nonò, quia mysterium Crucis Christi innumeros Sanctos Christo peperit, qui eo ardentius Christum diligentes, quo ignominiam Crucis pro se indignius pertulit, carceres, Cruces, innumeraque tormenta pro Christo alacriter passi sunt; in eisque impletum est illud Christi verbum: *Ego si exaltatus fuero à terra, omnia traham ad me.* Credibile enim non est, fidem falsam, & quæ crucifixum crederet, qui crucifixus non fuit, talem potuisse generare sanctitatem.

Decimò, quia miracula, quæ per signum Crucis Deus operatus est, & quotidie operatur, & honor, quem Deus exhiberi voluit Cruci, quæ ante Christum erat ignominie signum, manifestè probant, Christum in Cruce morientem eam virtutem Crucis communicasse.



## CAPVT II.

*Crucis miracula clarè probant, Christum in ea mortem  
sustinuisse.*

**M**iracula Crucis illustriora enumeret Christi prædicator ad confundendos Mahumeti sectatores. Observat Baronius divina quadam dispensatione factum esse, vt supplicium, quod Barabbæ duplici ex causâ debebatur, tum vt latroni, tum vt homicidæ, converteretur in Christum, cuius nulla esset mortis causa; vt Dei Filius pro redemptione totius generis humani Crucem subiret, quæ tam apud Iudæos, quam apud Gentiles, insigne salutis esset. Signandos namque esse signo *THAV*, qui liberandi essent ab ira Dei, Ezech. Prophetæ fuit divinitus demonstratum cap. 9. & apud Ægyptios istud signum Crucis in Sacris eorum litteris significasse vitam, Ruffin. 2. hist. 29. Socrat. lib. 5. cap. 17. Sozomen. & alij testantur. Vide Breviarium Rom. die 3. Maij, in qua celebratur Inventio S. Crucis ab Helena Augusta, & quomodo miraculo fuerit distincta à reliquis latronum: contigit hæc Inventio an. Christi 326. Ea fuit in partes divisa, & vna delata Romam, alia Constantinopolim, quæ autem maxima pars relicta est Hierosolymis, ingi miraculo per particulas distributa, semper tota integra permansit, vt testatur Baronius in notis ad Martyrologium Romanum die 3. Maij, idemque testantur S. Paulin. Epist. 11. ad Sever.

& S. Cyrillus Cathec. 10. vbi affirmat totum terrarum orbem ligno S. Crucis Hierosolymis accepto locupletatum esse.

Idem autem Bar. ibidem testatur Græcos aliam etiam de S. Cruce celebrare consuevisse solemnitatem ad 16. Kalendas Iunij, qua recolitur memoria admiranda illius apparitionis Crucis signi supra Hierosolymam meridie factæ, cuius rei gestæ hist. S. Cyrillus tunc eiusdem Civitatis Episcopus exactè describit post Cateches. Et die 14. Septemb. celebrat Ecclesia Exaltationem S. Crucis, quando Heraclius Imperator, Cosr hoe devicto, eam de Perside Hierosolymam reportavit; miracula verò, quæ tunc contigerunt, satis comprobant, Sacrum illud Lignum contactu corporis Christi sanctificatum fuisse. Peravius affirmat S. Crucem restitutam esse ann. Christi 628. & sequenti vere Hierosolymam Heraclium illam summa veneratione transulisse. Concordat Batou. in notis Martyrolog. affirmans contigisse hanc translationem ann. 19. Imperij Heraclij, id est, anno Christi 629. quo tempore Mahometus vivebat; & transportationem S. Crucis in Persiam, eiusque recuperationem factam ab Heraclio non ignoravit, quo magis innotescat hominis impudentia, qui negare ausus est mortem Christi in illa Cruce, pro qua totus orbis Christianus pugnavit.

Inter apparitiones S. Crucis insignis est illa, quam promeruit Constantinus Magnus Imperator, quam describit Eusebius lib. 1. vitæ Constantini cap. 22. &

sequentibus, & ex ipso Baronius ad ann. 312. Cum  
 enim Urbem Romanam ex Tyranide Maxentij, ar-  
 mata manu *eripere statuisset*, deque belli ancipite alea,  
 & Marte communi diligentius cogitaret, Deorum-  
 que imbecillitatem iam aliquoties perspicuè cogno-  
 „ visset, ad Deum Christianorum confugit, eumque  
 „ solum observare, & colere statuit, inquit Eusebius.  
 „ Quo circa huius opem imploravit precibus, ut  
 „ tum quisnam esset, illi significaret, tum rebus quas  
 „ apud animum proposuisset, dexteram adiutricem,  
 „ porrigeret. Imperatori igitur ista precanti visio  
 „ quædam divina, & imprimis admirabilis apparuit;  
 quam ipsemet post victoriam narravit Eusebio Cæ-  
 sariensi, qui eam litteris prodidit, etiam iure iurando  
 interposito: *Cum iam Sol* (verba sunt Eusebi) *ad medium*  
*Cælum ascendisset*, die in pomeridianum tempus pau-  
 lulum inclinante, dixit, se Crucis signum, ex lucis  
 splendore figuratum, in ipso Cælo, Soli imminens,  
 „ manifestis oculis aspexisse, in quo inscriptionem  
 „ consignatam: *IN HOC VINCE*. Admiratio in-  
 „ gens ipsum, & totum exercitum, qui eum comita-  
 „ batur, atque adeo huius facti spectator factus erat,  
 „ incessit. Sed dubitatione admodum inter se da-  
 „ strahi, quidnam ostentum illud sibi vellet, asseruit,  
 „ atque eum diù multumque de eo cogitantem op-  
 „ pressit nox, ibi ei dormienti Christum Dei Filium,  
 „ cum signo in Cælo monstrato visum esse, præce-  
 „ pisseque ut exemplari ad imitationem illius signi,  
 „ quod in Cælo apparuerat, fabricato, eo tanquam  
 „ præ-



„ præsidio in prælijs cum hostibus comittendis utre-  
 „ retur: simul atque dies illuxit surgens Constanti-  
 „ nus primo arcanum illud visum amicis exponit:  
 „ deinde artificibus, qui aurum, & lapides pretiosos  
 „ affabre sculpere noverant, accersitis, medio inter  
 „ illos loco assidet, verbis signi describit effigiem,  
 „ eamque auro, & lapidibus pretiosis imitatione  
 „ adumbrare mandat. Et hanc effigiem ab artifi-  
 „ cibus sculptam vexilli, seu labari Imperialis hastili in-  
 „ figi iussit, cuius formam ibi describit Eusebius, tan-  
 „ demque concludit: *Isto igitur salutari signo Imperator,*  
*tanquam hostilis cuiuscunque, & infestæ violentiæ pro-*  
*pugnaculo, semper usus est, cuius expressæ similitudines*  
*mandavit, ut uniuersum exercitum perpetuo antecederent.*

Virtute autem Crucis Constantinus Magnus de  
 Maxentio, eiusque exercitu victoriam reportavit: &  
 Maximinum Tyrannū orientis superavit: & denique  
 Licinium Tyranum virtute eiusdem Crucis profligavit.  
 Probat autem P. Gretserus lib. 2. de Cruce cap.  
 44. Constantino Magno ter Crucis signum Cœlitus  
 ostensum esse.

Sed quis numerare possit miracula, quæ Christia-  
 ni signo Crucis operati sunt? S. Antonius Abbas, ut  
 scribit S. Athan. in eius vita, omnibus Dæmonum  
 machinamentis, & tentationibus signum Crucis  
 obijciebat, & eos fugabat. Et cum Ethnicis quibus-  
 dam Philosophis disputans, inter alia sic locutus est:  
*Crucifixum nominamus, & uniuersi Dæmones, quos vos de-*  
*os colitis, rugiunt, atque ex obsessis corporibus ad pri-*

*mam Dominiæ Crucis signum fugantur. Vbi sunt illa fabulosa oracula? Vbi Egyptiorum incantationes? quo Magorum proficere carmina? Certè nunc vastata sunt omnia, cum de sua Cruce Christus intonuit. Hinc Chrysost. hom. 4. de laudibus S. Pauli probat, non solum veritatem hanc, quod Christus crucifixus sit, sed etiam quod crucifixus sit Deus, qui per Crucem Diabolum vicit. Cuius rei gratia ( inquit ) Dæmones tantum modo nomen Crucis audientes in fugam resiliunt, cum certè si res se haberet aliter, magis eos oporteret irridere, quam fugere. An forte Crux quid clarum videtur, ac nobile? Immo è contrario, turpis, & exprobabilis mors est: vnde igitur illam Dæmones reformidant, nisi de virtute crucifixi? Theodore. lib. 3. hist. cap. 3. narrat, quod cum Iulianus Apostata privatam adhuc agens vitam, spem Imperij potiendi concepisset, perlustrare cæpit Græciam, conquirere vates, & ariolos sciscitaturus ab illis, an voti compos futurus esset; incidit in hominem, qui ei hoc prædicere pollicitus est. Qui quidem deducto eo in fanum simulacrorum; & intra eius abdita collocato, fraudulentos Dæmones invocat, quibus in specie, qua solent, apparentibus, metus coegit Iulianum, signo Crucis frontem suam signare. Dæmones igitur Domini trophæi conspici figuram, & suæ ipsorum cladis recordati, confecti, evanuerunt. Tum præstigiator, causa cur fugerent intellecta, Iulianum obiurgat, qui tum timorem, in quo erat, declaravit, & se virtutem Crucis vehementer admirari dixit: nam Dæmones quoniam  
 „ eius*

„ eius figuram ferre non poterant , aufugisse. Hæc Theodoret. & idem testatur S. Gregorius Nazianzenus orat. 1. contra Iulian.

S. Hier. in vita S. Hilarion. narrat, S. Virum signo Crucis armatum vicisse Dæmonum turbas, qui ferocium animalium allumentes formam, illum terrere conabantur. Severus Sulpitius refert, Diabolum se visibilem S. Martino formis diversissimis sæpè ingessisse: Sanctum vero semper interritum stetisse, signo S. Crucis munitum, S. Greg. Nisen. in vita S. Greg. Thaumaturg. scribit, eum signo Crucis fugasse Dæmones ex Templo Idolorum, in quo pernoctarat. Et in vita S. Chrysost. legimus, eum signo Crucis in publica concione Dæmoniacum curasse. S. Greg. Magn. lib. 8. Dial. cap. 2. narrat, S. Benedict. signo Crucis fugasse Diabolum tentatorem, qui sub specie avis nigre circa eius faciem volitabat. Gregor. Turon. affirmat, S. Patroclum, & S. Nicetium Treveritorum Episcop. plurimos energumenos virtute Crucis liberasse. Idemque testatur Beda de S. Arnolfo in eius vitam. 3. & in actis fidelissimis S. Daniel. apud Surium tom. 6. 11. Decemb. legimus eum Dæmones expulisse, cum manus solum modo obsessis imposuisset eum signo Crucis. Idemque testantur gravissimi Script. de S. Medardo Episcop. Noviam. de S. Domnol. de S. Germ. Parisiens. de S. Niceta, de S. Albino Audegan. Episcop. de S. Iniberto, & S. Procopio Martyre, de S. Placido Martyre, de S. Mauro, & alijs apud Gretserum lib. 4. de Cruce cap. 41.



Et apud eundem Gretserum ibid. cap. 42. Gregor. Turon. narrat S. Simplicium Episcop. Agustud. signo Crucis in terram deiecisse simulacrum Berecynthiæ, quod in processione deferebant Gentiles circum agros, & vineas. Et Surius testatur Sanct. Glyceriam Virginem, & Martyrem facto signo Crucis, & invocato nonine Iesu obtinuisse à Deo, vt statua lapidea Jovis corruerit subito, & cominuta fuerit.

Deinde S. Martina, Virgo nobilissima, sub Alexandro Imperatore passa 12. Ianuarij, cum sibi Crucis signum impressisset, Dianæ idolum, fulmine cœlitus excusso, comminutum est. Itemque S. Satyrus Martyr quoddam idolum præteriens, cum exufflasset in illud, signans sibi frontem, statim Idolum corruit, atque ea de causa decollatus est. Et S. Procopius Martyr, qui sub Diocleciano passus est 8. Iulij oratione facta ad Dominum Iesum-Christum, cum signum Crucis in aëre iecisset adversus statuas Idolorum, dixit: vobis dico immundis simulacris, timete Domini mei nomen, & in aquam resoluta, in hoc Templo dispergimini. Quod & factum est. Denique vt alia omittam, S. Benignus, qui sub Aurelio passus est 1. Nouemb. cum Idolothyta Sancto in os ingerere vellent, signo Crucis contra eas carnes edito cordeque sursum suspensio, & oculis in Cœlum sublati dixit: Domine, &c. Cum hæc dixisset, & Crucis expressisset signum, mox idola omnia lignea, & lapidea, & vasa, in quibus sacrificia offerebantur, instar fumi evanuerunt.

De S. Laur. Martyre canit Ecclesia: *Quod per sig-*

*num Crucis cecos illuminauerit.* S. Greg. lib. 1. Dialog. cap. 10. simile miraculum narrat de Fortunato Episc. Civit. Turditanæ: & alij multi Sancti eadem miracula sæpè operati sunt signantes cecos signo Crucis. Consulatur P. Gretserus lib. 4. cap. 48. ad 58. qui ex D. Aug. & Sophronio, & ex S. Greg. Nyssen. alijsque Sanct. Script. probat signo Crucis morbos fuisse depulsos: mutos, aridos, paralyticos, & surdos recepisse usum membrorum: serpentes, & dracones fugatos, vel interemptos: truculentas feras cicuratas, flammæque repressas: multos virtute Crucis venenum sine noxa bibisse. S. German. Episcop. Parisiensis, qui sub Iustiniano Imperatore vitæ sanctitate floruit, signo Crucis mortuos suscitavit, vt testatur Fortunatus in eius vita cap. 35. Ad probandam mirabilem Crucis virtutem habes opportuna valdè exempla apud P. Franc. Arias nostræ Societatis tom. 1. de imitat. Christi tract. 3. cap. 40. & in vita S. Chrysost. apud Ribaden. in qua dicitur S. Doct. ferocissimum occidisse Leonem, qui hominibus infestus erat, erecta Cruce; iuxta quam Leo mortuus inventus est.

## CAPVT III.

*Cur Deus factus sit homo, & pro hominibus pati  
voluerit?*

**E**Xponenda est Mahumetanis, & infidelibus Incarnationis Filij Dei necessitas, & convenientia, vt in amorem Dei excitati, mentis tenebras excutiant.

stant. Eam autem dilucidè explicat P. Lefius lib. 12. de perfectionibus divinis cap. 3. ijs verbis. Prolapsa natura generis nostri in primo parente fraude Diaboli à statu supernaturali, & amissa iustitia originali, cæterisque virtutibus, subtracta etiam singulari illa Dei protectione, ac directione, & partis inferioris obedientia, & immortalitatis dono, in miserimum statum incidit; neque aliud restabat, quam ut sibi relicta, suo pondere, & impetu instar fluminis cuiusdam de peccato in peccatum ruens, per varios anfractus errorum, & dolorum in pelagus exitij sempiterni devolveretur. Tanta enim erat ad malum pronitas, ut nihil fere nisi peccare posset; tantus imperus, ut à nemine nisi à solo Deo posset sisti, ac inhiberi, ipsum vero malum tam atrox, ac penitus inolitum, ut à nullo præter quam à Dei manu posset excindi.

Deus igitur, cuius misericordie non est numerus, & bonitatis infinitus est thesaurus, intimis misericordie visceribus commotus, statuit nos ista multiplici miseria eripere, & rursus ad statum supernaturalem erigere. Verum id nec ita convenienter nec satis fructuose fieri poterat, nisi & pro peccato iustitiæ divinæ æquivalens satisfactio exhiberetur, & fons quidam perennis, ac inexhaustus, quo peccata, quotiescunque homines in ea inciderent, deleri possent, constitueretur. Parum enim fuisset, in pristinum gradum iustitiæ restitui, nisi etiam futuris lapsibus ista tanta infirmitate, & mali proclivitate fuisset consultum. At neutrum illorum à pura creatura præstari



poterat : nulla enim pro homine liberando poterat offerre pretium æquivalens, nulla etiam fontem perpetuæ remissionis, & iustificationis construere. Tanta enim est, vel vnius peccati mortiferi malignitas, tanta in maiestatem illam infinitam iniuria, vt omnibus Sanctorum, Angelorum, & hominum obsequijs, laudibus, cultibus, precibus, humilitationibus, penitentijs, afflictionibus ex æquo, & vt ita dicam, ad æquilibrium, iustamque æqualitatem nequeat compensari, vt infra de iustitia ostendetur. Cum igitur nullum remedium, nec in terra, nec in Cælo malis nostris medendis, & bonis amissis recuperandis appareret, nec vllus Angelus, aut vlla mens creata quidquam congrui auxilij posset invenire; misericordia divina inauditum, admirabile, ineffabile, incomprehensibile, omnibus sæculis, omnibus Angelis, & hominibus obstupefendum excogitavit consilium, nimirum, vt Filius Dei, sapientia genita, per quam facta sunt omnia, naturam nostram sibi copularet, & in ea, ac per eam totum genus humanum repararet. Nisi enim reparator noster esset Deus, non posset exhibere pro offensione, & iniuria à nobis in divinitatem commissa, quidquam æquivalens: nec constituere perennem, & indefectibilem reconciliationis Thesaurum. Nisi esset etiam homo, cessaret meritum, cessaret satisfactio, cessaret exemplum, cessaret illa suavis, & naturæ congruentissima providentia, qua res per ea, quæ sui sunt generis, gubernantur.

Hoc igitur post calum est primum, & maximum

mi-

misericordiæ divinæ in nos beneficium, ut potè infinitum, & aliorum multorum, quorum singula infinitæ sunt æstimationis, origo, & fundamentum; quo maxime Deus infinitum suum in nos amorem, & misericordiam declaravit. De quo Dominus ipse Ioan. 3. *Sic Deus dilexit mundum, ut filium suum unigenitum daret, ut omnis, qui credit in illum, non pereat, sed habeat vitam æternam.* Quis hæc animo voluens non obtupescat? Quis tantæ benignitatis consideratione lachrymas contineat? Quis in obsequium Dei vicissim se non libentissime expendat? *Sic*, tam intense, tam effuse, tam ardentem, tanta æstimatione, tanti illum fecit, & appreciavit *Deus*, illa infinita maiestas, nullius egens, sibi sufficientissima, qui verbo creavit omnia, cui tot milliones serviunt Angelorum, & qui momento temporis infinitos alios excellentiores servos, & cultores sibi ex nihilo poterat condere. *Mundum*, humanum genus, infimum naturæ rationalis terminum, brutis affine, terrenis addictum, Cœlestium inane, immundum, ingratum, inimicum, rebelle, in quo nihil dignum amore, plurima dagna, odio, & supplicio. Obstupescite homo, Angelicis spiritibus, tã sublimi ingenio, & natura præditis, in sua dânatione relictis, tibi vilissimo, & nullius pretij vermiculo, à magno illo Numine tam immensum amorem, & favorem exhibitum. *Filium suum unigenitum*, non Angelum, non Cherubinum, non Seraphinum, non Filium aliquem adoptivum, sed Filium suum unigenitum, naturalem, consubstantiallem, eiusdem maiestatis, potestatis, sa-

### 326 *Demonstr. contra Mahumet.*

pientia, excellentia, quem infinito dilexit amore, cui totam suam substantiam, vna cum omnibus suis perfectionibus, & thesauris bonorum ab æterno profudit. *Daret*, in Rectorem, in Doctorem, in exemplum vitæ; in Redemptorem, in pretium, & satisfactionem pro peccatis; in Thesaurum perpetuum iustitiæ, & reconciliationis; in iuge sacrificium, in Sacerdotem æternum; in panem vitæ æternæ, & alimentum immortalitatis, in pignus futuræ gloriæ; in Regem, Iudicem, & Remuneratorem vivorum, & mortuorum; in gloriam, & triumphum patriæ Cœlestis. *Daret*, ad unionem nostræ naturæ, ad nuditatem, & paupertatem, ad labores, & incommoda huius vitæ, ad contumelias, & persecutiones, ad alapas, & sputa, ad flagella, & spinarum punctiones, ad omne genus proborum, & dolorum, ad Crucem, & mortem, vt totius nostri generis peccata in se susciperet, eaque in suo, quasi illorum author ac reus, lueret corpore. *Vt omnis, qui credit, &c.* Totum hoc fecit, vt nos ab exitio sempiterno, cui addicti eramus, eriperet, & æterna vita donaret; nec de nobis requireret aliud, quam vt credamus in Filium, eique obediamus. Hactenus P. Lelsius.

Quare vt merito inquit Clem. Alex. in exhortat. ad Gent. *Verbum vitam præbuit vt opifex, bene viuere docuit, vt Magister, vt semper viuere suppeditaret, vt Deus.* Hinc pulchrè Aug. tract. 24. in Ioan. Si dixisset tibi Deus tuus, *Ego sum veritas, & vita*, tu desiderans veritatem concupiscens vitam, viam, qua ad  
,, hæc



hæc pervenire posses, profecto quæreres, & dices tibi: Magna res veritas, magna vita; si esset, quomodo illuc perveniret anima mea. Quæris qua? Audi dicentem primo; *Ego sum via*. Primo dixit, qua venias; postea dixit, quò venias. *Ego sum via, ego sum veritas*. Ipse manens apud Patrem, veritas, & vita est: induens se carne factus est via. Non tibi dicitur; labora quærendo viam, ut pervenias ad veritatem, & vitam: non, inquam, hoc tibi dicitur. Ergo piger surge, via ipsa ad te venit, & te de somno dormientem excitavit, (si tamen excitavit) surge, & ambula.

## CAPVT IV.

*Exponitur ex Patribus cur Deus voluerit fieri homo passibilis, & mortem Crucis subire?*

**E**Cclesiæ Sol August. tom. 1. lib. de vera Religione cap. 16. sic rem hanc explicat, & convenientias detegit, quibus Deus permotus est ad assumendam carnem passibilem. *Cum omnibus*, inquit, modis medeatur animis Deus pro temporum opportunitatibus, quæ mira eius sapientia ordinantur, nullo modo beneficentius consuluit generi humano, quam cum ipsa sapientia Dei, id est unicus Filius consubstantialis Patri, & coæternus totum hominem suscipere dignatus est, & Verbum caro factum est, & habitavit in nobis. Ita enim de-

„ monſtravit carnalibus, & non valentibus intueri  
 „ mente veritatem, corporeisque ſenſibus deditis,  
 „ quam excelſum locum inter creaturas habeat hu-  
 „ mana natura, quod non ſolum viſibiliter, nam id  
 „ poterat, & in aliquo æthereo corpore ad noſtro-  
 „ rum aſpectuum tolerantiam temperato, ſed etiam  
 „ hominibus in vero homine apparuit: ipſa enim  
 „ natura ſuſcipienda erat, quæ liberanda. Et ne quis  
 „ fortè ſexus à ſuo creatore ſe contemptum putaret,  
 „ virum ſuſcepit, natus ex ſcœmina. Nihil egit vi,  
 „ ſed omnia ſuadendo, & monendo, vetere quippè  
 „ ſervitute tranſacta, tempus libertatis illuxerat, &  
 „ opportunè iam homini ſuadebatur, quam libero  
 „ eſſet creatus arbitrio. Miraculis conciliavit fidem  
 „ Deo, qui erat, paſſione homini quem gerebat. Sa-  
 „ tellites voluptatum divitias pernicioſe populi ap-  
 „ petebant: pauper eſſe voluit. Honoribus, & Impe-  
 „ rijs inhiabāt: Rex fieri noluit. Carnales filios mag-  
 „ num bonum putabant: tale coniugium prolenque  
 „ contempſit. Contumelias ſuperbiſſimè horrebāt:  
 „ omne genus contumeliarum ſubſtinuit. Iniurias  
 „ intolerabiles eſſe arbitrabantur: quæ maior iniu-  
 „ ria, quam iuſtum, innocentemque damnari: Dolo-  
 „ res corporis execrabantur: flagellatus, atque cru-  
 „ ciatus eſt. Mori timebant: morte mulctatus eſt.  
 „ Ignominioſiſſimum mortis genus Crucem puta-  
 „ bant: crucifixus eſt. Omnia, quæ habere cupien-  
 „ tes non rectè vivebamus, carendo vilia fecit. Om-  
 „ nia quæ vitare cupientes à ſtudio deviabamus ve-

„ ritatis, perpetiundo deiecit. Non enim vllum pec-  
 „ catum committi potest, nisi dum appetuntur ea,  
 „ quæ ille contempsit, aut fugiuntur quæ ille substi-  
 „ nuit. Tota itaque vita eius in terris per hominem  
 „ quem suscipere dignatus est, disciplina morum  
 „ fuit. Resurrectio verò eius à mortuis, nihil homi-  
 „ nibus perire naturæ, cum omnia salva sunt Deo,  
 „ satis indicavit, & quemadmodum cuncta serviant  
 „ creatori suo, siue ad vindictam peccatorum, siue  
 „ ad hominis liberationem, quamque facile corpus  
 „ animæ seruiat, cum ipsa subiicitur Deo. Hactenus  
 Augustinus.

Guillem. etiam Paris. lib. de fide cap. 3. pulcherri-  
 mam reddit rationem, cur expediens fuerit, Deum  
 „ pro hominibus pati in homine assũpto: *Nulla enim*  
 „ *via* ( inquit ) magis suaderi communitati generis  
 „ humani potuit, Deum suæ gloriæ velle nos habe-  
 „ re consortes, quam per hoc, quod miseræ nostræ  
 „ consortium inivit. Qua enim via evidentius osten-  
 „ di potuit hominibus, quod secum vellet Deus  
 „ beatè, & gloriose viuere, quam per hoc, quod cū  
 „ eis voluerit miserè, & ignominiose, viuere, & quod  
 „ plus est etiam mori? Quid ingentius imprimere po-  
 „ tuit cordi humano, quod communicanda ei esset  
 „ divinæ gloriæ beatitudo, quam ipsius humanæ mi-  
 „ serię in Filio Dei facta communicatio? Deinde  
 „ quid adeò spem veniæ erigere potuit, quid adeò  
 „ de misericordia Dei firmare fiduciam, quo signo,  
 „ vel argumento verisimilius probari potuit cordi



,, humano, Deum velle parcere, & miſereri homi-  
 ,, nibus, quam per hoc, quod Pater miſericordiarum  
 ,, proprio Filio, vt eis parceret, non pepercit, & ipſe  
 ,, filius, vt immunes, & illæſi abirent latrociniorum  
 ,, ſuorum, dignatus eſt perpeti ſuſpensionem. Maniſe-  
 ,, ſtum igitur eſt ex his quantum Deus voluerit ho-  
 ,, mines eſſe ſuos ſocios in gloria ſua, quibus & ipſe  
 ,, voluit eſſe ſocius in eorum tanta miſeria.

Poſtmodum aliam adiungit rationem, qua pro-  
 bat ſolam fidem Chriſtianam Catholicam eſſe verā,  
 quia ſola fides Catholica ea continet, & prædicat,  
 quæ hominem accendere poſſunt ad Deum aman-  
 dum ardentiffimè, & prout ipſe amari vult ab ho-  
 minibus. Vera namque fides, & Religio debet homi-  
 nes ducere ad Dei perfectum amorem: & hæc mo-  
 tiva ardentiffimè Deum diligendi maxime continet,  
 ,, & prædicat fides Cathol. *Sicut enim* (inquit) ignis  
 ,, ignem maximè generat, & applicatione ſua, ſeu  
 ,, contactu, quæ ignibilia, & ſuccenſibilia ſunt ma-  
 ,, ximè inflammat, & ignis, ſic ignis divinæ delectio-  
 ,, nis tanto benefico nobis exhibitæ, per credulita-  
 ,, tem cordibus hominum applicatus, ignem ſanctæ  
 ,, dilectionis in Deum maximè in illis generat, ea-  
 ,, que amore benefico maximè incendit, & inflam-  
 ,, mat. Et omnia alia beneficia veluti ſcintillæ, &  
 ,, prunulæ permodicæ ad calefaciendum, inflam-  
 ,, mant cor humanum: beneficium vero Incarnatio-  
 ,, nis atque Redemptionis, non ſolum eſt ſicut mons  
 ,, igneus cordibus noſtris inflammandis per credu-  
 ,, lita-

„ litem appositus, immò incomparabiliter maior  
„ ignis, quam esset totus mundus, si totus arderet.  
„ Quanto enim maior est Filius Dei toto mundo;  
„ tanto corda humana magis calefacere debet, & in-  
„ flammare per hanc credulitatem ei applicitus,  
„ quam totus mundus corpora nostra, si totus arde-  
„ ret. Est enim Filius Dei, beneficium nobis colla-  
„ tum, in quantum nobis, & pro nobis datus: quod  
„ autem sunt torres, & faces, ad calefacienda corpo-  
„ ra calore sensibili, hoc sunt beneficia ad calefa-  
„ cienda corda calore spirituali, hic autem calor a-  
„ mor est. Manifestum igitur est, quia si totus mun-  
„ dus arderet, modicus ignis esset ad calefaciendum  
„ corpus quodcumque, immò nullus in compara-  
„ tione huius beneficij ad calefacienda corda hu-  
„ mana. Manifestum igitur est, quia maior ignis ca-  
„ lefaciendis, aut inflammandis cordibus nostris ad-  
„ hiberi non potuit, quam beneficium Dominicæ  
„ Incarnationis, & passionis: hunc autem sola ista  
„ fides, seu credulitas ipsis adhibet. Hæc ille.

Denique ut alia omittam, egregiè S. Thomas 4.  
contra gent. cap. 55. explicuit, cur conveniens fuerit  
Deum carnem passibilem assumere. *Non oportuit* (in-  
quit) *Deum carnem impassibilem, & immortalem susci-*  
*pere:* Sed magis passibilem, & mortalem. Primò qui-  
dem, quia necessarium erat hominibus, quod bene-  
ficio Incarnationis cognoscerent, ut ex hoc ad Di-  
vinum amorem inflammarentur. Oportuit autem ad  
veritatem incarnationis manifestandam, quod car-

nē similē alijs hominibus sumeret, scilicet passibilē,  
 & mortalē. Si enim immortalē,, & impassibilē carnē  
 suscepisset, visum fuisset hominibus, qui talē carnē nō  
 noverant, quod aliquod phantasma esset, & non ve-  
 ritas carnis. Secundò, quia necessarium fuit, Deum  
 carnem assumere, vt pro peccato humani generis sa-  
 tisfaceret. Contingit autem vnum pro alio satisfac-  
 ere, ita tamen quod pœnam pro peccato alteri de-  
 bitam ipse sibi non debitam voluntarie assumat; pœ-  
 na autem consequens humani generis peccatum est  
 mors, & aliæ passibilitates vitæ præsentis: vnde & A-  
 postolus dicit ad Romanos 5. *Per vnum hominem pec-*  
*catum in hunc mundum intravit: & per peccatum mors.*  
 Oportuit igitur, vt carnem passibilem, & morta-  
 lem Deus assumeret absque peccato: vt sic patien-  
 do, & moriendo pro nobis satisfaceret, & peccatum  
 auferret. Et hoc est quod Apostolus dicit ad Roma-  
 nos 8. quod *Deus misit Filium suum in similitudinem*  
*carnis peccati*, id est, habentem carnem similem pec-  
 catoribus, scilicet passibilem, & mortalem. Et subdit,  
*Vt de peccato damnaret peccatum in carne*, id est, vt per  
 pœnam, quam in carne pro peccato nostro susti-  
 nuit, peccatū à nobis auferret. Tercio, quia per hoc,  
 quod carnem passibilem, & mortalem habuit, effi-  
 caciùs dedit nobis exempla virtutis, passiones car-  
 nis fortiter superando, & eis virtuose vtēdo. Quar-  
 tò, quia per hoc magis ad spem immortalitatis eri-  
 gimur, quod ipse de statu carnis passibilis, & morta-  
 lis mutatus est in impassibilitatem, & immortalita-  
 tem



tem carnis: quod etiam de nobis sperare possumus, qui carnem gerimus passibilem, & mortalem: si vero à principio carnem impassibilem, & immortalem assumpsisset, nullam daret occasio immortalitatem sperandi his, qui in seipsis mortalitatem, & corruptibilitatem experiuntur. Hoc etiam mediatoris officium requirebat, ut communem haberet nobiscum passibilem carnem, & mortalem, cum Deo vero virtutem, & gloriam, ut auferens à nobis quod nobiscum commune habebat, scilicet passionem, & mortem, ad id nos duceret, quod sibi, & Deo erat commune, fuit enim mediator ad iungendum nos Deo. Similiter etiam non fuit expediens, quod Deus incarnatus vitam in hoc mundo ageret opulentam, & honoribus, seu dignitatibus sublimem. Primò, quidem, quia ad hoc venerat, ut mentes hominum terrenis deditas ad divina elevarer: vnde oportuit, ut suo exemplo homines in contemptum divitiarum, & aliorum, quæ mundani desiderant, traheret: & quod inopem, & privatam vitam agerent in hoc mundo. Secundò, quia si divitijs abundasset, & in aliqua maxima dignitate constitutus fuisset: id quod divinè gessit, magis potentiæ sæculari, quam virtuti divinitatis fuisset attributum: vnde efficacissimum argumentum suæ divinitatis fuit, quod absque adminiculo potentiæ sæcularis totum mundum in melius commutavit,

## CAPVT V.

*Demonstratur contra Mahumetanos, neque vetus, neque  
novum Testamentum esse adulteratum; & inde evincitur,  
Alcoranum utrique Testamento contradicentem,  
esse librum mendacem, & Diaboli sugge-  
stione compositum.*

**C**Um Mahumetani ex vna parte videant, Alcoranum apertè dicere libros veteris Testamenti, & Evangelia Iesu Christi descendisse de cælo: nam in prima Azorà, seu primo capite introducit Deum sic loquentem cum Mahumeto: Tu fidem creatoris illis prædicans, penitus persuade, ut libris tibi divinitus missis, Abraham quoque ac Moisi, ac Christi, cæterorumque Prophetarum libris fidem firmam adhibeant. Et capite duodecimo introducit iterum Deum sic loquentem cum Iudæis (secundum quod Turcæ vtuntur Alcorano sine distinctione librorum) Christum Mariæ Filium, cui commisit Evangelium, quod est lumen, & confirmatio Testamenti, ac recta via timentibus Deum, ad vestræ legis supplementum missus, Iudæi, omnis ergo Evangelij servus, ipsius præcepta in dicendo sequatur, alioqui malus erit.

Et demum Alcoranum introducit Deum præcipientem Mahumeto, ut quando incidat dubium circa intelligentiam eorum, quæ ipsi divinitus revelata sunt,

sunt, recurrat ad Iudæos, & Christianos, qui legem prius receperunt: *Si ambiguus fueris de his, quæ descendere fecimus, interroga eos, qui legem legunt ante te. Noli esse de his, qui non crediderunt signis Dei, ne forte damneris.* Cum hoc, inquam, Mahumetani ex vna parte videant; & ex alia videant, Evangelia, & vetus Testamentum continere doctrinam manifestè contrariam Alcorani doctrinæ; sic discurrunt. Alcoranum, & vtrumque Testamentum inter se dissentiunt: Alcoranum necesse est esse verum, integrum, sincerum: vtrumque ergo Testamentum necesse est esse depravatum, & inversum. Idque deducunt ex Alcorano Azorà 12. vbi Mahumetus dicit: *Se solum habere Evangelium purum, & incorruptum, quod Christus à Deo accepit;* ac proinde Christianos habere illud depravatum, & adulteratum. Et idem docet de libris Moysis, & Prophetarum.

Sed Mahumetanos falli, dum sibi persuadent Alcoranum de cælo descendisse, eiusque doctrinam esse divinitus revelatam, evidenti argumento evincemus in hunc modum. Alcoranum, & vtrumque Testamentum inter se dissentiunt, & doctrinas continent contradictoriè oppositas. At certum est vtrumque Testamentum de cælo descendisse, idest Deum habere authorem, & doctrinam veram continere, certum deinde est nec vetus Testamentum, neque novum esse corruptum, seu adulteratum, sed esse integrum, & incorruptum, prout à Moyse, & Prophetis, atque ab Apostolis, & Evangelistis scriptum est. Er-



go certum est Alcoranum de cælo non descendisse, neque Deum habere Authorem; sed eius doctrinam quatenus opponitur veteri, vel novo Testamento, esse apertè falsam, & diabolum habere Authorem.

Minor seorsim probanda est, quoad vtrumque Testamentum; & nunc in generali suadetur: quia vt tanquam corrupta, & adulterata reiiciatur aliqua scriptura, non sufficit quod aliquis affirmet esse corruptam, sed necesse est quod id prober, producendo in medium aliquod illius exemplar authenticum ab illo discordans, quod ipse vitiatum esse ait. Ast Mahumetani nihil tale producunt, sed potius cōtra ipsos aperte demonstratur, omnia exēplaria novi, & veteris Testamenti, Hebraica, Chaldaica, Syriaca, Arabica, Græca, & Latina, quæ per vniuersum mundū dispersa sunt, habere expressè eam doctrinam, in qua eis contradicit Alcoranum; quin vnum vnquam repertum sit exemplar Alcorano concordans, & à doctrina Religionis Christianæ discordans. Ergo Mahumetani temerè, & cæcè credunt vtrumque Testamentum esse corruptum, quia vtrumque contradicit Alcorano; sed potius deducere debent, Alcoranum non esse librum divinitus inspiratum, sed mendacijs plenum, quandoquidem continet doctrinam contrariam libris veteris, & novi Testamenti, qui reperiuntur inter omnes ferè orbis nationes.

## CAPVT SEXTVM.

*Demonstratur, vetus Testamentum non esse depravatũ à  
Iudeis, vt Mahumetani fabulantur.*

**V**T id demonstrem quæro, quando Iudæi adulterarunt, & immutarunt scripturas veteris Testamenti? An ante adventum Christi, an post? Non ante, quia cum ipsi accepissent librum legis à Deo per manus Moylis, tot præcedentibus signis, & prodigijs, scirentque certissimè libros Moylis, & Prophetarum scriptos fuisse inspirantè, & dictante Deo, ingensque esse crimen eos adulterare; certe id præstare non potuerunt sine vehementi passione; ante adventum autem Christi nulla passio vehemens ad id præstandum eos compellere potuit: siquidem nec odium Christi, & Christianorum, neque odium Mahumeti ad id compellere potuit, antequam Christus nasceretur, & Mahumetus in mundum venisset.

Præterquam quod cum essent in Synagoga viri probi, & zelum Dei habentes, qui fortitèr obliterent depravatoribus, fieri non potuit vt viri aliqui nequam & scelerati corrumperent omnia exemplaria, quæ per orbem erant dispersa, & in varias linguas translata à diversis interpretibus, & in celebrioribus orbis bibliothecis asseruavantur.

Deinde si Hebræi ante Christi adventum scripturas corruperunt, quare Christus, & Apostoli nun-

quam illos de tam insigni crimine reprehenderunt, præsertim cum leviora non tacuerint? Quare Dominus ait Ioan. 5. *Scrutamini Scripturas.* Et Matth. 25. *Super Cathedram Moysis sederunt Scribæ & Pharisei: quacumque ergo dixerit vobis, servate, & facite.* Cui credibile erit, Christum ad corruptas Scripturas legendas sine vlla præmonitione homines invitasse: vel ad corruptores audiendos, & sequendos amandasse? Nec enim si Testamētum vetus esset corruptum, id Christus ignoraret, cum esset plenus sapientia: nam Mahumetus ipse in Alcorano cap. 13. inquit: *Quod Deus Christum librum & sapientiam, & Evangelium, & Testamentum edocuit.*

Nec item dici potest Iudæos post Christi adventum adulterasse, & depravasse Scripturas. Nam omnia testimonia, quæ à Christo, & ab Apostolis citantur, inveniuntur in Moyse, & Prophetis, ut ab illis citata sunt. Ergo sic legebantur tunc in Moyse, & Prophetis. Ergo neque ante, nec post Christi adventum Scripturæ veteris Testamenti adulteratæ sunt à Iudæis. Et hoc argumento vsi sunt Origenes lib. 8. in Isaiam, & Hieronymus in caput 6. Isaiæ ad probandum vetus Testamentum non fuisse corruptum ab Hebræis.

Item Augustinus lib. 15. de Civ. Dei cap. 13. inde probat, Iudæos non adulterasse Scripturas, quod non videatur vlllo modo credibile, Iudæos voluisse suis iudicibus eripere veritatem, ut nostris detraherent veritatem: & etiam si voluissent, non sit verisimile  
uisse. Vr



Ut autem vis argumenti magis innotescat, sciendum est, vetus Testamentum sæpe, & per diversos Interpretes translatum esse ex lingua Hebræica in Græcam. Prima translatio facta est iussu Ptolomæi Philadelphi, Regis Ægypti à septuaginta senioribus 291. annis ante Christi adventum, ut testatur S. Epiphanius, & sequitur Bellarminus. Rex enim ille, qui ex toto orbe terrarum libros adducebat in suam Bibliothecam, voluit in ea habere libros Moysis, & Prophetarum: & ideo per legatos suos rogavit Eleazarum summum Sacerdotem, ut ad se mitteret viros sapientes, qui libros Legis, & Prophetarum transferrent in linguam Græcam: misit autem summus Sacerdos septuaginta duos seniores, senos ex singulis tribubus filiorum Israel, utriusque linguae peritissimos, qui spatio dierum septuaginta-duorum mirabili consensione divinas Scripturas apud Pharam Ægypti ex Hebræo sermone in Græcum idioma transtulerunt. Idque divino consilio factum est, ut cum Apostoli postea prædicarent Evangelium Græcis, ex testimonio Prophetarum, quorum libros Græci habebant, omnibus persuaderent, Iesum Nazarenum à Iudæis crucifixum esse Christum promissum in lege & Prophetis. Et ut notat Eusebius lib. 8. de præparatione Evangelica, ideo Deus disposuit, ut ea translatio fieret ante Christi adventum, quia si facta fuisset postea, perfidi Iudæi in suspensionem translatores vocarent.

Anno autem 104. post Christi Nativitatem, nem-

pe quarto anno Imperij Traiani facta est secunda translatio ab Aquila Pontico, vt quidam volunt: vt autem sentit Bellarminus cum Epiphanio, facta est hæc translatio anno duodecimo Adriani Imperatoris, idest anno Christi 131. Tertia translatio facta est à Theodotione octavo anno Imperatoris Commodi, idest anno Christi 189. Postea anno 9. Imperatoris Severi, & Christi 203. facta est alia translatio à Simacho. Postea sub Imperium Heliogabali ad annos Christi 222. vel 223. Patriarcha Hierosolymitanus inuenit in subterraneis vrbis Hiericho totum vetus, & novum Testamentum è lingua Græca in Latinam fideliter translatum; & hæc vocatur quinta editio, seu translatio Hiericontina. Ita refert Fr. Antonius de Guevata. Sed Cardinalis Bellarminus ait, quintam editionem Græcam inventam esse in dolijs quibusdam apud urbem Hiericho anno 8. Antonini Caracallæ; & secundum Baronium hæc translatio inventa est septimo anno Antonini Caracallæ, & anno Christi 219. Sexta quoque editio incerti Authoris in dolijs inclusa inventa est apud Nicepholim Alexandro Mammeæ filio imperante, imperare autem cœpit Alexander anno Christi 224.

Has omnes versiones in vnum corpus coniunxit Origenes anno Christi 233. dividens singulas paginas in sex columnas, ac in prima quidem scripsit Hebraicum textum: in secunda eundem textum Hebraicum Græcis litteris: in tertia interpretationem Aquilæ: in quarta interpretationem Simachi: in quinta in-

interpretationem LXX. seniorum: in sexta interpretationem Theodotionis: atque hæc volumina propter quatuor interpretationes tetrapla, propter sex columnas hexapla dicebantur.

Quadraginta annis ante Christum natum translata est Scriptura Sacra ex lingua Hebræa in Caldaicam à Iudæo quodam in Babilonia, qui appellabatur Jonathan Abenunciel; & translatio hæc fuit fidelissima. Et ea frequenter vtuntur Ecclesiæ Orientales; videlicet Armeni, Caldæi, & Ægyptij. Translata quoque est in linguam Syriacam.

Quarè libri Moyſis, & Prophetarum translati erant in varias linguas, & orbis erat plenus his libris. Omnes autem istæ translationes continent prophetiam Danielis, quæ prædixit Christum occidendum: & continent alia multa contraria his; quæ in Alcorano habentur. Et translationes istæ hucusque perseuerant. Nec fieri potuit vt omnia exemplaria ab aliquo, vel aliquibus corrumperentur. Ergo est falsissimum, Iudæos ante Christum, vel post Christum adulterasse Scripturas.

Sanè Religio Iudæorum erga sacros libros tanta fuit, vt scribat Philo in libro de egressu filiorum Israel ab Ægypto, vsque ad sua tempora per spatium plusquam duorum millium annorum, ne verbum quidem fuisse vnquam in lege Hebræorum immutatum, & quemlibet Iudæum centies potius moriturum, quàm vt pateretur legem in aliquo mutari.

Idque ipsum alijs argumentis convincitur: quia si



Iudæi falsare voluissent Scripturas in odium Christianorum, sine dubio præcipua vaticinia sustulissent: id autem minimè fecerunt, quia vt probat Bellarminus, ea in quibus discrepant exemplaria Hebræa à Græcis, & Latinis, sæpè nullius momenti sunt, quantum attinet ad fidem, & Religionem: *Et sæpè codices Hebræi magis Iudæos vexant, quam Græci, aut Latini.* Ipsaque dispersio Iudæorum per vniversum orbem cum libris sacris, probat in illis libris contineri ea, quæ de Christo prædixerant Prophetæ circa eius mortem, & resurrectionem, aliaque mysteria, in quibus Religio Christiana opponitur Mahumetanæ. Vt enim observant S. Iustinus in oratione exhortatoria, & S. Augustinus lib. 18. de Civit. Dei cap. 46. & manifeste deducitur ex illis verbis Psalmi 46. *Ne occidas eos, ne quando obliuiscantur populi mei, disperge illos in virtute tua.* Ideo dispersi sunt Iudæi Sacras Scripturas circumferentes: vt cum Pagani nolunt credere ea, quæ dicimus de Christo esse prædicta, sed dicunt eiusmodi vaticinia à Christianis fuisse conficta, eos mittamus ad inimicos nostros Iudæos, qui vaticinia illa secum ferunt. Ergo mysteria Religionis Christianæ, in quibus opponitur Mahumetanis, & ex quibus probatur Christum à Iudæis occisum, tertia die surrexisse, & esse verum Deum, continentur in Scripturis veteris Testamenti prout à Deo dictatæ fuerunt.

Denique probatur esse manifestum mendacium, quod Scripturæ veteris Testamenti sint à Iudæis falsatæ; quia cum certum sit Deum habere providentiam

tiam suæ Ecclesiæ, verisimile non est, passurum fuisse, ut verba tot illustrium Prophetarum generaliter falsarentur: præsertim cum ad hunc finem Iudæos disperferit per totum orbem terrarum, ac circumferre eos voluerit libros legis, & Prophetarum, ut inimici nostri Christianæ Religioni testimonium perhiberent.

## CAPVT SEPTIMVM.

*Demonstratur, novum Testamentum non esse corruptum: & inde convincitur, doctrinam Alcorani ipsi contrariam esse falsam. Vbi recensentur Hereses præcipuè contra Trinitatem, & Incarnationem, & Concilia Generalia, in quibus damnatae sunt.*

**L**iber Alcorani Azorà, seu capite 5. hæc habet: *Hic liber, videlicet Alcoran, nec mendacium aliquod, nec aliquid præteritis Prophetis contrarium nuntiat.* Verum hæc verba dolosè dicta esse à Mahumeto ad seducendam barbaram illam gentem, & falsissimam Alcorani laudem continere, facile convincitur tum ex dictis, tum ex dicendis: quia liber ille continet doctrinam evidenter contrariam doctrinæ Evangelij, quod à Deo descendisse, & scriptum esse impulsu, & directione Spiritus Sancti, ipse Mahumetus fatetur.

Quod autem Evangelium Christi, quod modo habemus Christiani, sit illud ipsum, quod ex impulsu divino conscriptum fuit ab Apostolis; neque fuerit adulteratum à Christianis, nunc demonstrandum est.

Et in primis onus incumberebat Mahumetanis produ-  
cendi in medium aliquod exemplar Evangeliorum  
conscriptum ante adventum Mahumeti, quod con-  
cordaret cum Alcorano: at id non præstant, nec præ-  
stare possunt: sed potius omnia exemplaria Evange-  
liorum ante Mahumetum conscripta, Hebraicè, Græ-  
cè, Latinè, & in alijs linguis, quæ erant per totum  
orbem dispersa, manifestè attestantur Religioni  
Christianæ. Quærantur exemplaria antiqua Evange-  
liorum inter Christianos, inter Iudæos, inter Genti-  
les, & nullum invenietur, quod non eam contineat  
doctrinam, quam Christiani credimus: neque huius  
depravationis, & corruptionis universalis Evange-  
liorum omnium, quæ narrant Passionem Christi, &  
mortem Crucis, & tertia die resurrectionem, & mira-  
cula, quæ fecit in confirmationem illius doctrinæ,  
quam prædicabat, quod ipse sit Filius Dei naturalis,  
verusque Deus, nullus unquam scriptor mentionem  
fecit usque ad Mahumetum, & Mahumetanos; neque  
post Mahumetum ullus Doctor Christianus, vel Iu-  
dæus, vel Gentilis mentionem aliquam facit tam hor-  
rendæ hæresis, qualis foret Evangelia omnia subver-  
tere, & doctrinam falsam in mysterijs tam principali-  
bus illis affigere, & universo orbi tanquam articulos  
fidei proponere: quod signum evidens est, talem hæ-  
resim non extitisse; nam de omnibus, & de earum, au-  
thoribus, & tempore, & loco, quo incæperint, habe-  
mus certas historias; & tamen de hac re altum est si-  
lentium apud omnes omnino Scriptores, præter Ma-  
hu-



humetanos. Cum tamen silentio non esset omnino prætereunda tam nefaria hæresis, & tam horrendum delictum. Quis enim credat hoc in mundo accidisse, quod omnia Evangelia à Christo tradita, & ab Apostolis scripta fuerint depravata, & falsata; & tamen quod nullus extiterit in toto orbe Christianus, qui zelum veræ doctrinæ haberet, & litteris proderet posteris tantum nefas, ut à doctrina falsa caverent?

Vnde hoc dilēma conficitur: si extitit re vera hæc universalis omnium Evangeliorum depravatio, & falsatio: vel Summus Pontifex cum omnibus Patriarchis, & Episcopis, & Christianis in hanc depravationem consensit, vel illi restitit Summus Pontifex cum aliquibus Prælatis, vel saltem aliqui Prælati illi obstiterunt. Si primum, ergo periit Christi Ecclesia, siquidem omnes Prælati successores Apostolorum, apostataverunt à fide vera, & amplexati sunt fidē falsam, & secum traxerunt reliquos Christianos. Ergo Christus fuit Propheta fallus dum dixit: *Tues Petrus & super hanc petram edificabo Ecclesiam meam, & portæ inferi non præbalebunt adversus eam*: Christum vero fuisse Prophetam veracissimum, Mahumetani confitentur. Si secundum: ergo veri Christi fideles congregarent Concilium, ut se oppoterent tantæ impietati, & tam nefariam hæresim damnarent, & omnes fideles per litteras monerent, ut à tam pestilenti doctrina fugerent. Si enim non obliterent impietati, & non pugnarent pro defensiva veritate Evā-

go certum est Alcoranum de cælo non descendisse, neque Deum habere Authorem; sed eius doctrinam quatenus opponitur veteri, vel novo Testamento, esse aperte falsam, & diabolum habere Authorem.

Minor seorsim probanda est, quoad utrumque Testamentum; & nunc in generali suadetur: quia ut tanquam corrupta, & adulterata rejiciatur aliqua scriptura, non sufficit quod aliquis affirmet esse corruptam, sed necesse est quod id prober, producendo in medium aliquod illius exemplar authenticum ab illo discordans, quod ipse vitiatum esse ait. Ast Mahumetani nihil tale producunt, sed potius contra ipsos aperte demonstratur, omnia exemplaria novi, & veteris Testamenti, Hebraica, Chaldaica, Syriaca, Arabica, Græca, & Latina, quæ per vniuersum mundum dispersa sunt, habere expressè eam doctrinam, in qua eis contradicit Alcoranum; quin vnum vnquam repertum sit exemplar Alcorano concordans, & à doctrina Religionis Christianæ discordans. Ergo Mahumetani temerè, & cæcè credunt utrumque Testamentum esse corruptum, quia utrumque contradicit Alcorano; sed potius deducere debent, Alcoranum non esse librum divinitus inspiratum, sed mendacijs plenum, quandoquidem continet doctrinam contrariam libris veteris, & novi Testamenti, qui reperiuntur inter omnes ferè orbis nationes.

## CAPVT SEXTVM.

*Demonstratur, vetus Testamentum non esse depravatum à  
Iudeis, vt Mahumetani fabulantur.*

**V**T id demonstrem quæro, quando Iudæi adul-  
terarunt, & immutarunt scripturas veteris Te-  
stamenti? An ante adventum Christi, an post? Non  
ante, quia cum ipsi acceperint librum legis à Deo  
per manus Moylis, tot præcedentibus signis, & pro-  
digijs, scirentque certissimè libros Moylis, & Pro-  
phetarum scriptos fuisse inspirante, & dictante Deo,  
ingensque esse crimen eos adulterare; certe id præ-  
stare non potuerunt sine vehementi passione; ante  
adventum autem Christi nulla passio vehemens ad  
id præstandum eos compellere potuit: siquidem nec  
odium Christi, & Christianorum, neque odium Ma-  
humeti ad id compellere potuit, antequam Christus  
nasceretur, & Mahumetus in mundum venisset.

Præterquam quod cum essent in Synagoga viri  
probi, & zelum Dei habentes, qui fortiter obliterent  
depravatoribus, fieri non potuit vt viri aliqui nequam  
& scelerati corrumperent omnia exemplaria, quæ  
per orbem erant dispersa, & in varias linguas transla-  
ta à diversis interpretibus, & in celebrioribus orbis  
bibliothecis asseruabantur.

Deinde si Hebræi ante Christi adventum scriptu-  
ras corruerunt, quare Christus, & Apostoli nun-



quam illos de tam insigni crimine reprehenderunt, præsertim cum leviora non tacuerint? Quare Dominus ait Ioan. 5. *Scrutamini Scripturas.* Et Matth. 25. *Super Cathedram Moysis sederunt Scribæ & Pharisei: quaecumque ergo dixerit vobis, servate, & facite.* Cui credibile erit, Christum ad corruptas Scripturas legendas sine vlla præmonitione homines invitasse: vel ad corruptores audiendos, & sequendos amandasse? Nec enim si Testamētum vetus esset corruptum, id Christus ignoraret, cum esset plenus sapientia: nam Mahometus ipse in Alcorano cap. 13. inquit: *Quod Deus Christum librum & sapientiam, & Evangelium, & Testamentum edocuit.*

Nec item dici potest Iudæos post Christi adventum adulterasse, & depravasse Scripturas. Nam omnia testimonia, quæ à Christo, & ab Apostolis citantur, inveniuntur in Moyse, & Prophetis, ut ab illis citata sunt. Ergo sic legebantur tunc in Moyse, & Prophetis. Ergo neque ante, nec post Christi adventum Scripturæ veteris Testamenti adulteratæ sunt à Iudæis. Et hoc argumento vsi sunt Origenes lib. 8. in Isaiam, & Hieronymus in caput 6. Isaiæ ad probandum vetus Testamentum non fuisse corruptum ab Hebræis.

Item Augustinus lib. 15. de Civ. Dei cap. 13. inde probat, Iudæos non adulterasse Scripturas, quod non videatur vlllo modo credibile, Iudæos voluisse suis codicibus eripere veritatem, ut nostris detraherent authoritatem: & etiam si voluissent, non sit verisimile potuisse.

Ut autem vis argumenti magis innotescat, sciendum est, vetus Testamentum saepe, & per diversos Interpretes translatum esse ex lingua Hebraica in Græcā. Prima translatio facta est iussu Ptolomæi Philadelphi, Regis Ægypti à septuaginta senioribus 291. annis ante Christi adventum, ut testatur S. Epiphanius, & sequitur Bellarminus. Rex enim ille, qui ex toto orbe terrarum libros adducebat in suam Bibliothecam, voluit in ea habere libros Moysis, & Prophetarum: & ideo per legatos suos rogavit Eleazarum summum Sacerdotem, ut ad se mitteret viros sapientes, qui libros Legis, & Prophetarum transferrent in linguam Græcā: misit autem summus Sacerdos septuaginta duos seniores, senos ex singulis tribubus filiorum Israel, utriusque linguae peritissimos, qui spatio dierum septuaginta-duorum mirabili consensione divinas Scripturas apud Pharaonem Ægypti ex Hebræo sermone in Græcum idioma transtulerunt. Idque divino consilio factum est, ut cum Apostoli postea prædicarent Evangelium Græcis, ex testimonio Prophetarum, quorum libros Græci habebant, omnibus persuaderent, Iesum Nazarenum à Iudæis crucifixum esse Christum promissum in lege & Prophetis. Et ut notat Eusebius lib. 8. de præparatione Evangelica, ideo Deus disposuit, ut ea translatio fieret ante Christi adventum, quia si facta fuisset postea, perfidi Iudæi in suspensionem translatores vocarent.

Anno autem 104. post Christi Nativitatem, nem.

pe quarto anno Imperij Traiani facta est secunda translatio ab Aquila Pontico, vt quidam volunt: vt autem sentit Bellarminus cum Epiphanio, facta est hæc translatio anno duodecimo Adriani Imperatoris, idest anno Christi 131. Tertia translatio facta est à Theodotione octavo anno Imperatoris Commodi, idest anno Christi 189. Postea anno 9. Imperatoris Severi, & Christi 203. facta est alia translatio à Simacho. Postea sub Imperium Heliogabali ad annos Christi 222. vel 223. Patriarcha Hierosolymitanus inuenit in subterraneis vrbis Hiericho totum vetus, & novum Testamentum è lingua Græca in Latinam fideliter translatum; & hæc vocatur quinta editio, seu translatio Hiericontina. Ita refert Fr. Antonius de Guevara. Sed Cardinalis Bellarminus ait, quintam editionem Græcam inventam esse in dolijs quibusdam apud urbem Hiericho anno 8. Antonini Caracallæ; & secundum Baronium hæc translatio inventa est septimo anno Antonini Caracallæ, & anno Christi 219. Sexta quoque editio incerti Authoris in dolijs inclusa inventa est apud Nicepholim Alexandro Mammeæ filio imperante, imperare autem cœpit Alexander anno Christi 224.

Has omnes versiones in vnum corpus coniunxit Origenes anno Christi 233. dividens singulas paginas in sex columnas, ac in prima quidem scripsit Hebraicum textum: in secunda eundem textum Hebraicum Græcis litteris: in tertia interpretationem Aquilæ: in quarta interpretationem Simachi: in quinta in-



terpretationem LXX. seniorum: in sexta interpretationem Theodotionis: atque hæc volumina propter quatuor interpretationes tetrapla, propter sex columnas hexapla dicebantur.

Quadraginta annis ante Christum natum translata est Scriptura Sacra ex lingua Hebræa in Caldaicam à Iudæo quodam in Babilonia, qui appellabatur Jonathan Abenunciel; & translatio hæc fuit fidelissima. Et ea frequenter vtuntur Ecclesiæ Orientales; videlicet Armeni, Caldæi, & Ægyptij. Translata quoque est in linguam Syriacam.

Quarè libri Moyſis, & Prophetarum translati erant in varias linguas, & orbis erat plenus his libris. Omnes autem istæ translationes continent prophetiam Danielis, quæ prædixit Christum occidendum: & continent alia multa contraria his; quæ in Alcorano habentur. Et translationes istæ hucusque perseuerant. Nec fieri potuit vt omnia exemplaria ab aliquo, vel aliquibus corrumperebantur. Ergo est falsissimum, Iudæos ante Christum, vel post Christum adulterasse Scripturas.

Sanè Religio Iudæorum erga sacros libros tanta fuit, vt scribat Philo in libro de egressu filiorum Israel ab Ægypto; vsque ad sua tempora per spatium plusquam duorum millium annorum, ne verbum quidem fuisse vnquam in lege Hebræorum immutatum, & quemlibet Iudæum centies potius moriturum, quàm vt pateretur legem in aliquo mutari.

Idque ipsum alijs argumentis convincitur: quia si

Iudæi falsare voluissent Scripturas in odium Christianorum, sine dubio præcipua vaticinia sustulissent: id autem minimè fecerunt, quia ut probat Bellarminus, ea in quibus discrepant exemplaria Hebræa à Græcis, & Latinis, sæpè nullius momenti sunt, quantum attinet ad fidem, & Religionem: *Et sæpè codices Hebræi magis Iudæos vexant, quam Græci, aut Latini.* Ipsaque dispersio Iudæorum per vniuersum orbem cum libris sacris, probat in illis libris contineri ea, quæ de Christo prædixerant Prophetæ circa eius mortem, & resurrectionem, aliaque mysteria, in quibus Religio Christiana opponitur Mahumetanæ. Ut enim observant S. Iustinus in oratione exhortatoria, & S. Augustinus lib. 18. de Civit. Dei cap. 46. & manifeste deducitur ex illis verbis Psalmi 46. *Ne occidas eos, ne quando obliuiscantur populi mei, disperge illos in virtute tua.* Ideo dispersi sunt Iudæi Sacras Scripturas circumferentes: ut cum Pagani nolunt credere ea, quæ dicimus de Christo esse prædicta, sed dicunt eiusmodi vaticinia à Christianis fuisse conficta, eos mittamus ad inimicos nostros Iudæos, qui vaticinia illa secum ferunt. Ergo mysteria Religionis Christianæ, in quibus opponitur Mahumetanis, & ex quibus probatur Christum à Iudæis occisum, tertia die surrexisse, & esse verum Deum, continentur in Scripturis veteris Testamenti prout à Deo dictatæ fuerunt.

Denique probatur esse manifestum mendacium, quod Scripturæ veteris Testamenti sint à Iudæis falsatæ; quia cum certum sit Deum habere providen-

tiam

tiam suæ Ecclesiæ, verisimile non est, passurum fuisse, ut verba tot illustrium Prophetarum generali ter falsarentur: præsertim cum ad hunc finem Iudæos disperferit per totum orbem terrarum, ac circumferre eos voluerit libros legis, & Prophetarum, ut inimici nostri Christianæ Religioni testimonium perhibereat.

## CAPVT SEPTIMVM.

*Demonstratur, novum Testamentum non esse corruptum: & inde convincitur, doctrinam Alcorani ipsi contrariam esse falsam. Vbi recensentur Hereses præcipuè contra Trinitatem, & Incarnationem, & Concilia Generalia, in quibus damnata sunt.*

**L**iber Alcorani Azorà, seu capite 5. hæc habet: *Hic liber, videlicet Alcoran, nec mendacium aliquod, nec aliquid præteritis Prophetis contrarium nuntiat.* Verum hæc verba dolosè dicta esse à Mahumeto ad seducendam barbaram illam gentem, & falsissimam Alcorani laudem continere, facile convincitur tum ex dictis, tum ex dicendis: quia liber ille continet doctrinam evidenter contrariam doctrinæ Evangelij, quod à Deo descendisse, & scriptum esse impulsu, & directione Spiritus Sancti, ipse Mahumetus fateretur.

Quod autem Evangelium Christi, quod modo habemus Christiani, sit illud ipsum, quod ex impulsu divino conscriptum fuit ab Apostolis; neque fuerit adulteratum à Christianis, nunc demonstrandum est.



Et in primis onus incumberebat Mahumetanis producendi in medium aliquod exemplar Evangeliorum conscriptum ante adventum Mahumeti, quod concordaret cum Alcorano: at id non præstant, nec præstare possunt: sed potius omnia exemplaria Evangeliorum ante Mahumetum conscripta, Hebraicè, Græcè, Latinè, & in alijs linguis, quæ erant per totum orbem dispersa, manifestè attestantur Religioni Christianæ. Quarantur exemplaria antiqua Evangeliorum inter Christianos, inter Iudæos, inter Gentiles, & nullum invenietur, quod non eam contineat doctrinam, quam Christiani credimus: neque huius depravationis, & corruptionis universalis Evangeliorum omnium, quæ narrant Passionem Christi, & mortem Crucis, & tertia die resurrectionem, & miracula, quæ fecit in confirmationem illius doctrinæ, quam prædicabat, quod ipse sit Filius Dei naturalis, verusque Deus, nullus vnquam scriptor mentionem fecit vsque ad Mahumetum, & Mahumetanos; neque post Mahumetum vllus Doctor Christianus, vel Iudæus, vel Gentilis mentionem aliquam facit tam horrendæ hæresis, qualis foret Evangelia omnia subvertere, & doctrinam falsam in mysterijs tam principalibus illis affigere, & vniuerso orbi tanquam articulos fidei proponere: quod signum evidens est, talem hæresim non extitisse; nam de omnibus, & de earum, authoribus, & tempore, & loco, quo incæperint, habemus certas historias; & tamen de hac re altum est silentium apud omnes omnino Scriptores, præter Ma-  
hu-

humetanos. Cum tamen silentio non esset omnino prætereunda tam nefaria hæresis, & tam horrendum delictum. Quis enim credat hoc in mundo accidisse, quod omnia Evangelia à Christo tradita, & ab Apostolis scripta fuerint depravata, & falsata; & tamen quod nullus extiterit in toto orbe Christianus, qui zelum veræ doctrinæ haberet, & litteris proderet posteris tantum nefas, ut à doctrina falsa caverent?

Vnde hoc dilēma conficitur: si extitit re vera hæc vniversalis omnium Evangeliorum depravatio, & falsatio: vel Summus Pontifex cum omnibus Patriarchis, & Episcopis, & Christianis in hanc depravationem consensit, vel illi restitit Summus Pontifex cum aliquibus Prælati, vel saltem aliqui Prælati illi obstiterunt. Si primum, ergo periit Christi Ecclesia, siquidem omnes Prælati successores Apostolorum, apostataverunt à fide vera, & amplexati sunt fidē falsam, & secum traxerunt reliquos Christianos. Ergo Christus fuit Propheta fallus dum dixit: *Tu es Petrus & super hanc petram edificabo Ecclesiam meam, & portæ inferi non præbalebunt adversus eam*: Christum vero fuisse Prophetam veracissimum, Mahumetani confitentur. Si secundum: ergo veri Christi fideles congregarent Concilium, ut se oppoterent tantæ impietati, & tam nefariam hæresim damnarent, & omnes fideles per litteras monerent, ut à tam pestilenti doctrina fugerent. Si enim non obliterent impietati, & non pugnarent pro defensiva veritate Evā-

geliorum, sed sinerent, ut illa adulteraretur, & cor-  
rumperetur, non essent vera Christi Ecclesia: ac proin-  
de vera Christi Ecclesia funditus periisset. At certum  
est nunquam in Ecclesia Christi congregatum fuisse Cō-  
cilium ad damnandos tanquam hæreticos eos qui di-  
cunt Christum mortuum esse, & resurrexisse, & se Filiū  
Dei appellasse; sed potius dantur multa Concilia,  
quæ illam doctrinā stabiliant; nullumque congregatum  
est Conciliū in Ecclesia Christi, quod non stabilierit  
doctrinā contentam in symbolo Apostol. Ergo ma-  
nifestum est Evangelia non esse falsata, & depravata.

Deinde argumentor. Si Christiani falsaverunt  
Evangelia: vel id fecerunt post adventum Mahumeti  
quasi in odium illius, & ut Alcorano authoritatem  
detraherent: vel ante adventum illius. Neutrum au-  
tem dici potest; ergo est insigne mendacium, quod  
Christiani falsaverint Evangelia, falso illis affigentes  
narrationem Passionis, & Resurrectionis Christi, &  
ea, quæ significant Divinitatem Christi, & Trinita-  
tem personarum divinarum. Quod non falsaverint  
post adventum Mahumeti, & in odium illius: proba-  
tur primo, quia ut in simili arguit S. Augustinus lib.  
15. de Civit. cap. 13. incredibile est, quod Christiani  
sibi abstulerint veritatem, dum invident Alcorano  
authoritatem, & quod fundamenta suæ Religionis  
voluerint subvertere, ut aliquantulum authoritatis  
detraherent Alcorano; hoc enim perinde esset, ac si-  
quis sibi ipsi brachium amputaret, vel lethale vul-  
nus infligeret, ut inimicum suum leviter vellicaret.



Sanè neque Mahumetus, nec ullus vnquam hæresiar-  
cha tantum damnum intulisset Ecclesiæ Christi, quã-  
tum ipsa inferret sibi mutando, & pervertendo Evā-  
gelia, nam hæreses Ecclesiam Christi impugnant, sed  
non expugnant, quatiunt, sed non subvertunt: at Ec-  
clesia depravās Evangelia, & mēdacia proponens vt  
articulos fidei, seipsam expugnaret, & subverteret.

Prob. 2. quia evidens est Ecclesiam Christi ha-  
buisse eadem Evangelia ante adventum Mahumeti,  
quæ habet modò: nam Evangelia, quæ habuit an-  
te adventum Mahumeti narrabant historiam Passio-  
nis & Mortis Christi, eiusque Resurrectionem, &  
doctrinam eandem continebant, de Divinitate Chri-  
sti, & Trinitate, quam modò continent, vt constat  
ex omnibus Doctõribus Ecclesiæ Christi, tum Lati-  
nis, tum Græcis, qui ante Mahumetum floruerunt,  
quorum scripta continent expositionem eorundem  
Evangeliorum, quæ modo habemus, & leguntur eo-  
rum homiliæ, & sermones in Breviario Romano. Nā  
præter S. Dionysium Areopagitam, S. Ignatium Mar-  
tyrem, S. Clementem Papam, S. Policarpum, & alios,  
qui cum Apostolis egerunt: & præter S. Iustinum  
Philosophum, & Martyrem: & Sanctum Egesipum, &  
Sanctum Theophilum Episcopum Antiochenum  
Sextum ab Apostolo Petro: & S. Irinæum Episco-  
pum, & Martyrem, auditorem Sancti Policarpi, & S.  
Melitonem Sardanensem Episcopum, & Clementem  
Alexandrinum, Originis Præceptorem, aliosque illu-  
stres Scriptores, qui propè tempora Apostolorum

vixerunt, & ad secundum Ecclesiæ sæculum pertinent, suisque scriptis Divinitatem Christi, eiusque post mortem resurrectionem, aliaque mysteria nostræ fidei defenderunt: & præter Tertullianum, & Originem, qui floruerunt sub initium tertij sæculi, & suis scriptis Divinitatem Christi, & Trinitatem personarum divinarum propugnarunt; in medio tertij sæculi floruerunt S. Gregorius Taumathurgus Origenis auditor, & Sanctus Cyprianus Episcopus, & Martyr, alijque illustres sanctitate, & sapientiæ lumina. In quarto sæculo floruerunt magna illa Ecclesiæ lumina Athanasius, Basilus Magnus, Ambrosius, Hilarius Pictaviensis, Gregorius Nazianzenus, Gregorius Nissenus, & ad finem huius sæculi, & sub initium quinti Hieron. Chrysost. August. Cyril. Alexandrinus, Leo Magnus, alijque Illustrissimi Doctores, quorum opera nunc extant, & mysteria Christianæ Religionis, quæ modo profiteamur, explicarunt. Et sic ab Apostolis vsque ad hæc tēpora semper in Ecclesia Christi floruerunt Doctores, qui Divinitatem Christi, Trinitatem divinarum Personarum, aliaque mysteria omnia, quæ Mahumetus negat, suis scriptis illustrarunt, vt contenta in Evangelijs Domini nostri Iesu Christi.

Id ipsum secundo probatur ex symbolo Apostolorum, quod Ecclesia Christi ab Apostolis accepit, & semper retinuit, in quo continentur omnes fidei articuli, in quibus liber Alcorani opponitur Evangelijs.

Tertio, quia errores illi, quos Mahumetus in Alcorano docet, damnaverant iam Ecclesia in quinque Concilijs Generalibus, & in alijs Provincialibus. Sub Imperatore Gallieno ad annum Christi 255. Sabelius Heresiarcha apud Ptolemydam Ægypti docuit, in Deo vnam tantum esse Personam diversis tantum nominibus significatam ob diversa munia, quæ scilicet dicatur Pater, quatenus est principium creaturarum, Filius quatenus carnem assumpsit, & Spiritus Sanctus, quatenus animas sanctificavit. Paulo post Paulus Samosatenus Antiochenus Episcopus Divinitatem Filij oppugnare cœpit, contra quem prima Antiochiæ Synodus est habita sub annu Christi 260. cui inter alios insignes viros interfuerunt S. Gregorius Taumathurgus Episcopus Neocesariensis, & eius Frater Athenodorus. Sed tunc subdola tergiversatione Patrum studia Paulus elusit. Postea vero altero in Concilio Antiochiæ celebrato damnatus, ac sede deturbatus est.

Postea ad annum Christi 314. tempore Constantini Magni Imperatoris surrexit Alexandria impius heresiarcha Arrius, qui licet contra Sabellium assereret, Patrem, & Filium, & Spiritum Sanctum esse Personas inter se realiter distinctas, tamen aiebat, non esse eiusdem naturæ; ac proinde dicebat, Verbum, & Spiritum Sanctum, non esse Personas divinas: ac per consequens vnam dumtaxat Personam intra Deum admittebat. Hæc hæresis damnata est sub Sancto Silvestro Pontifice, & Constantino Mag-



no Imperatore in prima Synodi Generali 318. Episcoporum habita in Nicæa Bythinia vrbe anno Christi 325. & in ea damnata est hæresis Sabelliana, & Arriana; & declarata est veritas Catholica, quam vera Ecclesia Christi nunc tuetur, & semper tenuit; nempe in Deo dari tres Personas realiter distinctas inter se, eiusdem tamen naturæ; ac proinde definitum est, Christum esse verum Deum; & in hoc Concilio editum est symbolum illud, quod Ecclesia canit in Missa. Interfuere huic Concilio Episcopi sanctitate, & miraculis illustres, inter quos eminere S. Nicolaus Episcopus Miræ in Lycia, & S. Spiridion Episcopus Trimituntis in Cipro, S. Alexander Episcopus Alexandrinus, & S. Panuphius Thebaydis superioris Episcopus; & S. Spiridionem, & S. Panuphium, aliosque insignes viros sacra stigmata decorabant, quæ protestificatione Fidei Divinitatis Christi, & Trinitatis Personarum magna constantia acceperant in persecutione Imperatorum.

Deinde contra Macedonium Episcopum Constantinopolitanum, qui negabat Divinitatem Spiritus Sancti, congregata est secunda Synodus Generalis Episcoporum 150. sub S. Damaso Papa, & Grariano, atque Theodosio Imperatoribus anno Christi 381. Constantinopoli; & secunda Synodus appellatur Concilium Constantinopolitanum primum. In hoc Concilio iterum damnatæ sunt hæreses Sabellianorum, & Arrianorum, & publicatum fuit illud symbolum, quod canitur in Ecclesia, in quo addita sunt ali-

aliqua verba symbolo Nicæno. Inter Alios Prælatos sanctissimos interfuerunt huic Concilio, Nazianzenus, & S. Gregorius Nyſenus frater S. Baſilij.

Quamvis in ijs Concilijs definitum fuerit Verbum Dei eſſe Perſonam Divinam æqualem Patri, & eiſdem naturæ cum illo; ex quo neceſſario ſequabatur, Chriſtum Dominum eſſe verum Deum, ſiquidem Chriſtus, nihil aliud eſt, quam Verbum Dei indutum carne, ſeu Filius naturalis Dei factus homo, tamen poſtea Neſtorius Patriarcha Conſtantinopolitanus, neſciens diſtinguere inter naturam, & Perſonam, aſſeruit ſicut in Chriſto eſt duplex natura, divina ſcilicet, & humana, ita eſſe in Chriſto duplicem perſonam, alteram humanā, & purè creatā, alterā divinā, & increatā; aſſerebatque Perſonam Divinam Verbi habitaſſe in perſona creata Ieſu Nazareni, ſeu Chriſti ſpeciali quodam modo, quem explicui diſp. 22. ſect. 3. proindeque aſſerebat, Beatam Virginem, non eſſe dicendam Theotocon, ſed Chriſtotocon, id eſt non Matrem Dei, ſed Matrem Chriſti, ſeu puri hominis, in quo ſpeciali modo habitabat Deus. Contra hanc hæreſim congregata eſt tertia Synodus Generalis, id eſt Concilium Epheſinum ſub Celeſtino primo Papa, & ſub Theodoſio minore Imperatore anno 431. eiſque præſuit S. Cyrillus Alexandrinus Episcopopus; nomine Summi Pontificis; ad illudque confluxere ultra ducenti Episcopopi; & inter eos multi ſanctitate, & miraculis illuſtres, quos Baronius enumerat. In hoc Concilio Neſtorius ſede ſua pulſus eſt

est, & definitum est, in Christo dari vnicam Personā, divinam scilicet, cum duplici natura, altera divina, quam ab æterno habuit per identitatem, & à Patre accepit per generationem æternam; altera humana, quam in tempore sibi copulavit per vnionem physicam, & realem: & quam accepit in tempore à Matre per generationem temporalem miraculosè factam sine opera viri: ac proinde definitum est, Christum esse verum Deum, & verum hominem, & Beatam Virginem esse Dei genitricem; quia nimirum genuit humanam naturam, quam Deus sibi coniunxit vnione hypostatica, seu personali: *Nam sicut anima rationalis, & caro vnus est homo ita Deus, & homo vnus est Christus*, vt dicitur in symbolo Athanasij. Et sancta hæc Synodus Nestorium negantem Christi Divinitatem appellavit *novum Iudam*, & decrevit, vt scripta Nestorij flammis absumerentur: renovavitque symbolum Nicænum, & sub anathemate præcepit, ne quis aliquid præter id quod per illud definitum est, ad fidem adijcere vllō modo tentaret.

Et hæc eadem fides Catholica confirmata rursus est in quarta Synodo Generali, idest in Concilio Calcedonenſi celebrato sub Leone I. Pontifice, & Marciano Imperatore anno 451. contra Eutichianos, & Nestorianos, in quo definitum est, esse in Christo duas naturas in vna persona. In hoc Concilio simul cum Eutychete Constantinopolitano Archimandrita, dānatus est Dioscorus Episcopus Alexandrinus, &



Cyrilli immediatus successor, qui hæresim Eutyche-  
ris tollentis in Christo naturam omne discrimen  
probabat, & relegatus est in Gangram Paphlagoniæ  
urbem, ibidemque infœliciter obiit. Et hæc quatuor  
Concilia Generalia S. Gregorius Papa, ut quatuor  
Evangelia venerabatur. Eademque fides denuo con-  
firmata est in quinta Synodo Generali, idest in secun-  
do Concilio Constantinopolitano celebrato anno  
Christi 553. sub Vigilio Papa, & Iustiniano primo  
Imperatore, iterumque Nestoriani, & Eutychiani  
damnati sunt, & definitum est contra Monothelitas  
in Christo dari duplicem voluntatem divinam, &  
humanam, quia cum esset Deus, & homo, habebat  
operationes divinas, & humanas, & omnia in ipso  
erant duplicia; duplex natura, duplex intellectus, du-  
plex voluntas, duplex operatio intelligendi, &  
amandi.

Constat ergo evidentissimè non fuisse corrupta  
Evangelia à Christianis post Mahumeti adventum,  
ideo enim id dicunt, quia Evangelia Ecclesiæ Catho-  
licæ, quæ leguntur post Mahumetum, continent Di-  
vinitatem Christi, & Trinitatem Personarum, & nar-  
rant Christi Mortem, & Resurrectionem. At hanc  
doctrinam, ut contentam in Sacris Scripturis, Eccle-  
sia multis sæculis ante Mahumetum definivit contra  
Sabellianos, contra Arrianos, & Nestorianos. Ec-  
ce Mahumetus nihil aliud fecit, quàm renovare has  
hæreses. Ergo manifestum est doctrinam illam de  
Divinitate Christi, eiusque Morte, & Resurrectione,

& de Trinitate Personarum non fuisse additam Evangelio à Christianis post Mahumeti adventum.

Et sanè cum Patres Concilij Nicæni ad damnandos Arrianos argumenta sumerent ex Evangelijs: sanè si aliquod fundamentum daretur ad suspicandum illa esse corrupta qua parte significant Trinitatem Personarum, & Divinitatem Christi, illud non dissimulassent Arriani: constat autem manifestè, nunquam Arrianos in favorem sui erroris hunc prætextum allegasse; sed admisisse Evangelia illa, quæ modò habemus, & controversiam inter illos, & Catholicos non fuisse de verbis, sed de verborum sensu; quia hæretici verba Evangelij ad improprios sensus detorquebant, evidensque est ex scriptis Augustini, Hieronymi, Basilij, & aliorum Patrum, Arrianos confutatos fuisse à Patribus ex illis verbis, quæ nunc legimus in primo capite Evangelij Ioannis: *In principio erat Verbum, & Verbum erat apud Deum, & Deus erat Verbum, omnia per ipsum facta sunt, &c.* Quæ verba hæretici admittebant, & ex ipsis contra ipsos insurgabant Doctores Catholici, eosque convincebant. Ergo planum est tunc extitisse Evangelia, quæ modò existunt. Ergo falsum est, Christianos post adventum Mahumeti corrupisse Evangelia.

Dicent forsan Mahumetani, se quidem idem nunc docere, quod docuerunt Arriani de Trinitate Personarum, & quod docuerunt Nestoriani de Christo: inde tamen non inferri, quod ipsi à veritate aberrant: quia non probatur Arrianos, & Nestorianos iuste fuisse

fuisse damnatos, ut hæreticos: sed potius dicendum  
esse, errasse Patres Concilij Nicæni, & Concilij Ephe-  
sini. Sed contra est primo, quia si Mahumetani fatean-  
tur se esse Arrianos, & Nestorianos, fateri debent Al-  
coranum esse librum mendacem, quia negat id quod  
constanter affirmabant Arriani, & Nestoriani, nem-  
pe Christum vere mortuum fuisse, & tertio die surre-  
xisse; circumcisionem iam cessasse, & Baptismum esse  
necessarium ad salutem: item novum Testamentum  
esse purum, & incorruptum. Si ergo Arriani veram  
fidem habebant, sequitur Mahumetanos habere fi-  
dem falsam, siquidem sectantur articulos omnino op-  
positos. Quod si Mahumetani dicant, Arrianos veram  
quidem fidem habuisse, quatenus negabant Trinita-  
tem, & Divinitatem Christi; falsam tamen quatenus  
credebant Mortem, & Resurrectionem Christi, at-  
que necessitatem Baptismi; sequitur Arrianos habuis-  
se absolute fidem falsam, quia ut Fides sit falsa, non  
est necesse ut nullum articulum verum habeat, sed  
sufficit ut habeat aliquos falsos: fides autem falsa ne-  
quit esse fundamentum salutis æternæ, fuerunt ergo  
Arriani extra viam salutis. Aliunde vero dicis Catho-  
licos, qui damnaverunt Arrianos, etiam habuisse fidem  
falsam: ergo sentis omnes omnino Christianos tunc  
habuisse fidem falsam, quia Christiani, vel erant Ca-  
tholici, vel Arriani. Ergo sentis omnes Christianos  
fuisse tunc extra viam salutis: deinde etiam fateris  
Judæos post adventum Christi esse extra viam salu-  
tis. Ergo nulla tunc erat in mundo Religio, & Fides



vera: siquidem Religio Mahumetana nondum tunc  
advenerat. Ergo omnes damnabantur omnibus illis  
sæculis: quod est evidenter falsum, ut constat ex pri-  
ma demonstratione suprâ facta pag. 57.

Contra secundo, quia facile est probare, non Ca-  
tholicos, sed Arrianos errasse: tum quia Christus vere  
promisit Ecclesiam à se fundatam supra Petrum in  
perpetuum duraturam. Ecclesia autem Arriana peni-  
tus interijt per multa sæcula: ergo Ecclesia Arriana  
non erat Ecclesia Christi. Tum quia tanta fuit po-  
tentia Arrianorum, ut non minus miraculum sit Ca-  
tholicos prævaluisse contra Arrianos, quàm præva-  
luisse contra decem terribiles persecutiones Certi-  
lium, quas per tria sæcula passa est Ecclesia Christi.  
Deus autem miracula nequit facere ad destinendam  
veram Ecclesiam.

Denique id ipsum clarissimè demonstratur, quia  
nullus eorum, qui Divinitatem Christi, & Trinita-  
tem Divinarum Personarum negarunt, nec ullus hæ-  
reticus damnatus ab Ecclesia Catholica postquam  
hæresim bibit & docuit, unquam miracula fecit; ut  
facile est comprobare per omnes hæresiarchas, qui  
Ecclesiam Catholicam oppugnarunt ab exordio eius  
usque ad nostra tempora; cum tamen omni sæculo  
floruerint evidenti gloria miraculorum multi viri, &  
feminae ex ijs, qui credunt Christum crucifixum esse  
verum Deum, & Trinitatem Personarum in Deo  
adorant; nam surdos, cæcos, mutos, claudos à nativi-  
tate mirabiliter curarunt, mortuos suscitavunt, alia-  
que

que innumerabilia prodigia operati sunt; in eisque ad litteram verificata est illa Christi promissio: *Qui credit in me, opera quæ ego facio, & ipse faciet, & maiora horum faciet, quia vado ad Patrem.* Specialique gloria miraculorum floruerunt multi sancti, qui insensissimi fuerunt hæreticis Arrianis, vt Athanasius, Basilus, Hilarius, Nicolaus, Antonius Magnus, Martinus, & alij innumeri: vt patet ex ijs, quæ supra diximus pag. 212. Martyresque invocato nomine Iesu Filij Dei vivi, idola confregerunt, Dæmones expulerunt, orationum obturaverunt, aliaque innumera signa ediderunt, vt constat ex eorum Actis.

Probavimus hucusque, Christianos non adulterasse Evangelia post adventum Mahumeti: nunc probandum restat, nec antea hoc nefas commisisse. Et sane ante Mahumetum, id facere non potuerunt in odium ipsius, & vt Alcorano auferrent authoritatem, vt per se patet. Quo ergo fine tantum scelus committere potuerunt? Et imprimis incredibile est adulterasse Evangelium quoad eam partem, in qua tam late, & ex instituto narratur Historia Passionis, & Mortis ignominiosissimæ. Si enim Christiani ad extollendum, & magnificandum Christum addidissent Evangelio ea, quæ testantur eius divinitatem, falsoque scripssent, illum esse verum Deum, nullatenus confinxissent, eum tam ignominiosè ac turpiter crucifixum esse; quia hoc potissimum augebat difficultatem credendi, quod ipse sit Deus, nam Iudæi scandalizabantur audientes Deum fuisse crucifixum, & Gentiles

hoc putabant ſtulticiam, vt teſtatur Paulus, quia indecens iudicabant Filium Dei tam turpiter fuiſſe trucidatum. Quare ſi ad commendationem ſui Magiſtri aliquid confecturi eſſent; potius quamvis reipſa fuiſſet crucifixus, confingerent, non ipſum, ſed alium, cui impreſſit ſuam figuram, reipſa crucifixum fuiſſe; vt configunt Mahumetani; quia indecens ipsis videtur, quod Propheta ſanctiſſimus, qualem credunt fuiſſe Chriſtum, tam indignè tractatus fuerit à Iudæis. Deinde ſi ea quæ Evangelia dicunt de Divinitate Chriſti; & de Auguſtiſſimo Eucharistiæ Sacramento, & de Paſſione Domini eſſent confecta à Chriſtianis: certe obiter tantum perſtringerent ea quæ attinent ad Paſſionem, & ignominiam Chriſti; & ea, quæ attinent ad eius commendationem, & gloriam, lato calamo proſequerentur. Conſtat autem Evangelia Hiſtoriam Paſſionis quoad omnes eius circumſtantias latiſſimè proponere, miracula vero, Divinitatem Chriſti, & alia quæ in oculis hominum glorioſa apparent, breviter tantum, & quaſi per tranſennam narrare: quod argumento eſt, Evangelia ſincere, & vere eſſe conſcripta ex impulſu Spiritus Sancti, non autem mendaci artificio compoſita.

Deinde probatur Evangelia non fuiſſe corrupta ante adventum Mahumeti. Nec enim dici poteſt fuiſſe corrupta ab ipsis Apoſtolis, qui ea ſcripſerunt; nec dici poteſt fuiſſe corrupta à Chriſtianis poſt tempus Apoſtolorum. Vt primum probem, ſuppono vt quid certum, & exploratum, Chriſtum non ſcripſiſſe manu ſua



sua Evangelia; necdum viveret ea dictasse exscribenda à Discipulis, sed Apostolos ea scripsisse post Mortem Christi diversis locis, temporibus, & linguis. Nam ut probat Baronius, Mathæus scripsit Hebræicè Hierosolymis anno Christi 41. Iudæis, qui crediderant, exposcentibus. Marcus scripsit Latine Romæ anno Christi 45. ut interpret Petri. Lucas scripsit Græcè in Achaya anno Christi 58. Ioannes scripsit Ephesi anno Christi 99. lingua Græca. Suppono secundo, Evangelistas cum primum scripserunt Evangelia, ut veritatem scripsisse, & nullas eis immiscuisse falsitates: quia Mahumetus ipse iubet credere Evangelij, aitque illa de cælo descendisse, idest ex impulsu divino conscripta esse. Cum ergo exploratum sit nulla vnquam fuisse in Ecclesiâ Christi Evangelia, nisi quæ conscripta sunt ab Apostolis, manifestè sequitur Apostolos veridicè primò scripsisse Evangelia. Hoc supposito probo Apostolos non adulterasse Evangelia: quia cum dispersi fuerint per vniuersum orbem, & veram Christi fidem invexerint multis editis signis, & miraculis in confirmationem doctrinæ illius, quam prædicabant; & volumina Euangeliorum vere, & sincere conscripta, per totum orbem fuerint dispersa: quomodo potuerunt postea Evangelia illa adulterare, aut quo fine? Sanè Apostoli, ipso Mahumetò teste, fuerunt viri sancti, ac proinde tantum nefas subvertendi veram fidem, quam tot miraculis plantaverant, in eos cadere non potuit. Constatque eos immensos labores sustinuisse in prædicatione

Evangelij, potiusque ignominiosam, & crudelem necem subire voluisse, quam eam fidem deserere, quam prædicabant: quomodo autem tam constanter martyrium subirent pro doctrina falsa, & dolosè conficta sine vlllo emolumento temporali, & cum certo salutis æternæ detrimento?

Rursus licet ipsi vellent Evangelia à se conscripta mendacijs, & fabulis corrumpere: id minimè obrinere possent: tum quia obfisterent fideles, qui cum Domino nostro Iesu-Christo conversati fuerant, & non sinerent corrumpi Evangelia sincere, & fideliter conscripta, & veridice narrantia Christi gesta, & doctrinam; manifesteque convincerent, esse commentitia, & falsa ea, quæ de novo adjiciebantur: vnde mendacium non posset prævalere. Deinde quomodo pauci homines poterant omnia exemplaria Evangeliorum per totum orbem dispersa colligere, & comburere, & loco illorum nova exemplaria mendacia, & fabulosa reponere, quin vel vnum exemplar superfuisset veridicum? Præterea cum Evangelistæ prædicaverint in Provincijs inter se adeo distantibus, quomodo communi consilio potuerunt tam uniformiter narrare mendacia, & fabulas? Evidens ergo est, Apostolos ipsos, & Evangelistas non adulterasse Evangelia.

Quod etiam alio argumento convincitur. Nam inter Evangelistas nullus tam aperte testatur Christi Divinitatem, ac Ioannes. Constat autem Ioannem cum primum scripsit Evangelium, Divinitatem Chri-

Christi declarasse: nam vt testatur Hieronymus libro de Scriptoribus Ecclesiasticis, Ioannes scripsit Euangelium suum vt confutaret Cherinthum, Ebionem, aliosque hæreticos negantes Diuinitatem Christi, quam Apostoli per vniuersum orbem prædicauerant. Narratque Hieronymus ex fidei historia, quam citat, Apostolum rogatum ab omnibus penè Asiæ Episcopis, & multarum Ecclesiarum legationibus de Diuinitate Salvatoris altius scribere, ita facturum respondisse, si indicto ieiunio in commune omnes Deum deprecarentur; ieiunio vero expleto, revelatione Divina saturatum, illud præmium de cælo veniens eructasse: *In principio erat Verbum*, &c. Ergo Euangelium Ioānis ita ab illo conscriptum est, sicut modo legitur. Ergo quod Euangelium dicit de Christi Diuinitate, non est confictum, sed verissimè scriptum. Ergo Evangelia non sunt corrupta ab ipsis Evangelisti.

Sed nec dici potest esse corrupta à posterioribus Christianis, qui Apostolis succellerunt. Primò, quia oppositum evincit argumentum proximè factum, quia constat Ioannem scripsisse suum Euangelium ad declarandam æternam generationem Christi, eiusque Diuinitatem. Secundò, quia D. Dionysius Areopagita, qui cum Apostolis conversatus est, & ab eorum ore audiuit mysteria nostræ fidei, edidit libros multos, in quibus loquitur de Trinitate Divinarum Personarum, de Diuinitate Christi, eiusque Morte, & Resurrectione, & de eius præsentia reali in Eucha-



charistia, & reliquis mysterijs, quæ continentur in Evangelio, quod modo legitur. Et similiter Sanct. Iustinus Philosophus, & Martyr, qui prope tempora Apostolorum floruit ( siquidem obiit anno Christi 165. ) & S. Egesippus Iustino coæqualis eandem doctrinam suis scriptis tradiderunt, quam modo habent Evangelia: & similiter reliqui omnes Doctores Christiani, qui continuata serie post Apostolos flourunt.

Tertiò, quia ut testatur Baronius ad annum Christi 185. S. Pantæus Christianus Philosophus, & Clementis Alexandrini magister, vir omni eruditionis genere præstantissimus, cuius memoriam ob insignem vitæ sanctitatem Ecclesia celebrat die 7. Julij, qui summa cum laude litteras sacras Alexandria interpretatus est, desiderio flagrans propagationis fidei ad Indos profectus est; ubi Evangelium Matthæi Hebraicè scriptum à Bartholomæo Apostolo illuc delatum, reperit, in manibus quorundam, qui hætenus ibi Christum profitebantur: eratque planè illud ipsum, quod nunc habemus, & quod ipse exposuit Clementi Alexandrino, & Clemens Origini, & Origenes Gregorio Taumathurgo, & usque ad nos pervenit.

Quartò, quia anno Christi 485. repertum est in insula Cypri Corpus Sancti Barnabæ Apostoli cum Sancti Matthæi Evangelio ad pectus apposito, quod manu sua exscriptum secum tulerat ad annunciandam Fidem Christi in illa insula; repertum, inquam, est ex

revelatione ab ipſomet Apoſtolo facta Arthemio Salaminæ Epifcopo. Et hoc Evangelium manu Sancti Barnabæ exaratum Conſtantinopolim delatum eſt, petente Zenone Imperatore, & auro exornatum in Palatio Imperiali poſitum eſt, vt ſcribit Baronius ex fideliffimis hiftoricis rem comprobans. Erat autem Evangelium illud ipſiſſimum, quod tunc habebat Eccleſia. Ergo certum eſt illud Evangelium permanſiſſe purum, & incorruptum, & prout à Matthæo fuerat ſcriptum.

Quintò, quia Apoſtoli antequam diſpergerentur per Vniuerſum Orbem ad prædicandum Evangelium Chriſti, compoſuerunt brevem illam formulam articulorum, quam vocamus ſymbolum Apoſtolorum, quam vn formitèr proponerent Iudæis, & Gentilibus; vt vidimus ſuprà cap. I. pagin. 313. & ideo fides Chriſti vbique terrarum introducta eſt cum mira vniſormitate, ita vt Regna, & Provinciæ inter ſe valde diſiſtæ omninò cõvenirent in articulis fidei, quos credebant. In illa autem brevi formula, ſeu ſymbolo continentur præcipua myſteria Religionis Chriſtianæ, in quibus ipſa differt à Religione Mahumeti; nempe Incarnatio Filij Dei, eius Mors, & Reſurrectio, & Trinitas Divinarum Perſonarum: ergo Evangelium, quod Apoſtoli prædicaverunt in Vniuerſo Orbe, continebat hanc eandem doctrinam: nec enim Apoſtoli vulgarunt per orbem Evangelium, quod in ſua doctrina opponeretur ſymbolo. Ergo certum eſt doctrinam de Incarnatione Verbi Divini, & Di-

vinirate Chriſti, & de eius Morte, & Reſurrectione, & Trinitate Perſonarum contentam fuiſſe in Evangelijs, quæ ſcripſerunt Apoſtoli. Ergo non ſunt corrupta Evangelia quatenus hanc doctrinam continent.

Sextò, quia pro aſſerenda divinitate hominis crucifixi à Iudæis, eiusque glorioſa Reſurrectione, cæterisque myſterijs, in quibus Evangelium differt ab Alcorano paſſi ſunt innumerabiles Martyres à Nerone Imperatore uſque ad Conſtantinum Magnum, ideſt ab anno Chriſti 66. in quo ſub Nerone Petrus, & Paulus Romæ, & Andræas in Achaya paſſi ſunt martyrrium, uſque ad annum Chriſti 312. in quo Signum Crucis Conſtantino apparuit, & Religioni Chriſtianæ favere cœpit, donec anno 324. Baptizatus eſt. In ijs perſecutionibus Fides Catholica innumeris eſt confirmata miraculis; ideoque tam diu perſecutiones non minuebant, ſed potius augebant credentium numerum, quia Gentiles videntes conſtantiam martyrum, & in perferendis tormentis atrociffimis alacritatem, & miracula quæ martyres edebant, hinc movebantur ad eam fidem ſuſcipiendam; ut vidimus ſuprà 1. p. lib. 1. cap. 10. Satis hoc comprobatur ex Actis Sancti Ianuarij quæ habentur in Breviario Romano die 19. Septembris: ex quibus conſtat quinque hominum millia converſos fuiſſe ad conſitendâ crucifixi divinitatem propter conſtantiam Martyris, & miracula, quæ faciebat. Et miraculum uſque adhuc perſeuerans, planè evincit, veram eſſe Chriſti



Divinitatem, pro qua asserēda Ianuarius mortuus est. Ut enim inquit Martyrologium Romanum: Neapoli *Beatissimi Martyris sanguis in ampulla vitrea adhuc servatur, qui in conspectu capitis illius positus, velut recens liquefcere, & ebullire conspicitur.* Constatque ex Actis Sanctæ Martinæ Virginis, & Martyris die 30. Ianuarij propter constantiam Sanctæ Virginis, & miracula manifesta, quæ Deus operatus est in eius martyrio: Ex eius tortoribus non nullos miraculi novitate correptos, Dei adspirante gratia, Christi fidem amplexos, post cruciatus gloriosam martyrij palmam capitis abscissione promeruisse.

Constantiaque ipsa, & alacritas in perferendis atrocissimis tormentis pro asserenda Christi Divinitate in ætate vel nimis tenera, vel nimis senili, & in sexu fragili, clarissimum argumetum est, quod Fides illa vera erat; ac præinde quod Evangelia testantia Christi Divinitatem, Mortem, & Resurrectionem eius non erant corrupta. Prædicator Christi in medium producat Acta S. Agnetis Virginis trecennis, & S. Eulaliæ Meritanæ, quæ cum duodecim esset annorum, decem, & novem pro Christo pertulit tormentorum stupenda genera, cuius memoriam habes in martyrologio Romano die 10. Decembris: S. Agapytis Martyris, qui cum esset annorum quindecim, & amore Christi ferueret, iussu Aureliani Imperatoris tentus est, ac primò nervis crudis diutissimè cæsus, deinde sub Antiocho Præfecto graviora supplicia passus, exinde cum ex imperio Im-

„peratoris leonibus obijceretur, & minimè læſus eſ-  
 „ſet, gladio miniſtrorum coronandus percutitur;  
 „vt ait Martyrologium Romanum die 18. Septem-  
 „bris. Et Acta Sanctorum Martyrum Complutenſium  
 „Iuſti, & Paſtoris fratrum: Qui cum adhuc pueri lit-  
 „teris imbuerentur, proſectis in ſchola tabulis, ſpō-  
 „te ad martyrium cucurrerunt, & mox à Daciano  
 „Præſide teneri iuſſi, & ſuſtibus cædi, cum ſe mu-  
 „tuis colloquijs conſtantiffimè roborarent, extra  
 „civitatem perducti, à carnifice iugulati ſunt. Pro-  
 „ponat Acta S. Simeonis Epilcopi Hieroſolymitani,  
 „qui cum centum, & viginti eſſet annorum, ita forti-  
 „ter, & hilariter ſuſtinuit ea tormenta quæ Dominus  
 „noſter Ieſus Chriſtus paſſus eſt, vt omnibus eſſet ad-  
 „mirationi, vt habes in Breviario Romano 18. Fe-  
 „bruarij. Proponat conſtantiam S. Policarpi iam ſe-  
 „nis, vt eam narrat P. Ribadeneyra in eius vita. Hæc,  
 „& alia exempla, quæ paſſim occurrunt in Breviario,  
 „& Martyrologio, manifeſte probant, illam conſtan-  
 „tiam, & hilaritatem inter atrociffima tormenta, quã  
 „Martyres oſtenderunt, vt conteſtarentur Ieſum cru-  
 „cifixum à Iudæis eſſe verum Deum; & miracula, qui-  
 „bus Deus illorum fidem approbavit, à Deo fuiſſe, &  
 „Deum habuiſſe Authorem. Deus autem nequit mi-  
 „racula facere in confirmationem doctrinæ falſæ: nec  
 „conſtantiam, & hilaritatem tribuere in ſuſtinendis  
 „tormentis pro mendacijs, & erroribus. Veriſſima er-  
 „go eſt fides, quæ conſtitetur, Chriſtum eſſe verum  
 „Deum, & pro hominibus fuiſſe crucifixum; & tertis  
 die

die surrexisse. Delirant ergo Mahumerani, dum dicunt esse corrupta Evangelia, quæ hanc doctrinam continent.

Septimò probatur Evangelia non fuisse adulterata, & corrupta post tempora Apostolorum. Quia unaquæque Provincia, vel natio à suo Apostolo conversa, ab eodem accepit Evangelium Christi, sive in scriptis, sive in tabulis cordis; & post fidem susceptam procuravit sibi descripta quatuor Evangelia, aliosque libros sacros novi, & veteris Testamenti, qui confirmati, & roborati erant per divina miracula. Si ergo in illis Evangeliorum libris, quos primo per Apostolos suscepit, nihil continebatur de Passione, ac Resurrectione Christi, nihil de eius Divinitate, & præsentia in Eucharistia, nihil de Trinitate Divinarum Personarum: quis ex universis regionibus, & Prouincijs ad Christum conversis, vel in toto, vel ex parte, potuit in vnum colligere omnes libros sacros novi, & veteris Testamenti, & illos immutavit, corripuit, & infecit, quin vel vnum exemplar purum, & incorruptum ex innumeris, quæ per universum erant dispersa, superfuerit? Quis non videat hoc esse incredibile?

Sic enim arguo. Nam cum Apostoli fidem Christi invexerint editis multis signis, & miraculis, vera Christi Evangelia, & sinceram doctrinam in libris sacris contentam, sparserunt per orbem. Quis ergo potuit omnes illos libros colligere, & comburere, vel dilacerare, & loco illorum ponere nova exempla-



plaria corrupta, & adulterata? Vel enim tantum opus aggressi sunt pauci aliqui viri sceleratissimi: vel tota Christi Ecclesia simul hoc consilium sumpsit destruendi Evangelia pura, & immaculata, quæ à Sanctis Apostolis acceperat, & tot signis, & miraculis erant confirmata, & loco illorum reponendi Evangelia corrupta, & depravata. Neutrum autem dici potest. Non primum, quia impossibile est, paucos aliquos homines potuisse à toto orbe Christiano penitus exterminare exemplaria omnia sincera, & vera Evangeliorum: & quamvis physicè possent, est penitus impossibile, quod Christiani hoc permetterent. Si enim tanto ardore Christi fidem complectebantur, ut mille mortes mallent pati, quàm Christum negare: quomodo permetterent, quod di, in Christi doctrina penitus interiret? Hoc non est minus incredibile, quam quod omnes cives vnius Regni sponte consentiant, ut omnes fontes, & putei, & flumina è quibus bibunt, veneno inficiantur.

Nec potest dici secundum. Ecclesia enim, quæ tantum zelum habuit, ut pro conservanda incorrupta, & pura doctrina Christi tot Concilia Generalia summis sumptibus, & laboribus congregaverit: quomodo nemine cogente ipsa sua sponte divinissimam Christi doctrinam ab Apostolis acceptam, & tot miraculis confirmatam, & sanguine tot martyrum illustratam, corrumpere, & inficeret? Hoc est evidenter incredibile: rursus est aperte impossibile. Quia hoc ipso, penitus intra aliquot annos perditam  
fuit,

Fuisset, & omnino interiisset, Fides illa, quam Christus per Apostolos plantavit; & Ecclesia Christi conversa fuisset in Synagoga Sathanæ, & magistram errorum. Quod & Christum facit mendacem, siquidem promisit Petro, fidem ipsius, & successorum non defuturam: *Rogavi pro te, ut non deficiat fides tua.* Luc. 22. v. 32. Et Matth. 28. v. 20. promisit futurum in sua Ecclesia usque ad finem mundi: *Ecce ego vobiscum sum usque in consummationem sæculi.* Et promisit inferni portas non prævalituras adversus Ecclesiam. Rursus facit Deum improvidum. Est enim res Deo indigna, quod legem novam perfectissimam tot retrò sæculis promiserit, quod illam tot prodigijs, & miraculis per Christum in mundum invexerit; & tamen cito permiserit illam penitus aboleri.

Denique delirium impugnatur. Quia si fides de divinitate Hominis à Judæis crucifixi, & Trinitatis Personarum in vna essentia, & præsentia realis Christi integri, & perfecti sub qualibet particula Hostiæ consecrata, falsa est: sequitur fidem falsam fuisse introductam in mundo per vera miracula. Quia lex proponens credenda fide infallibili mysteria tam ardua, & quæ præcipit concupiscentias omnes frænare, & vitia refecare, eximiamque puritatem sectari, & omnia in futurum reservat, non potuit mundo persuaderi nisi signis, & miraculis. Deus autem miracula nequit facere ad introducendam fidem falsam. Ergo delirium est asserere, quod hæc fides est falsa.

Postremo in hac Fide de Divinitate Christi, &

Trinitate Personarum, & alijs mysterijs, quæ Ecclesia Catholica credit, omni sæculo floruerunt eximia sanctitate viri, & fœminæ, & gloria miraculorū illustres; & extra Ecclesiam Catholicam hoc non invenitur. Hoc autem est manifestum argumentum, quod illa est vera, reliquæ autem sectæ oppositæ sunt falsæ.

Ex quibus omnibus apertè concluditur, Mahumetanos asserentes, Evangelia esse corrupta, manifestè falli.





## LIBER QVINTVS.

IN QVO EX CONTRADICTIONIBUS Alcorani, ex fabulis, quibus est refertus, ex erroribus manifestis contra historiam, contra Mathematicam, & Philosophiam, ex impura Mahumeti vita, & moribus eorum, quos Mahumetani Sanctos appellant, evidenter demonstratur, legem contentam in Alcorano non esse legem Dei, nec illi convenire ullam ex proprietatibus legis Divinae, quas David descripsit.

## CAPVT I.

Evidentes contradictiones in Alcorano contentae manifeste probant, Mahumetum non fuisse Dei Prophetam, sed Diaboli ministrum. Vbi cur vinum Mauris prohibuerit.



ALCORANVM Manifestas continere contradictiones, facile est probare. Imprimis contradictio est, quod ex vna parte dicit, Christum Filium Mariae esse Verbum Dei missum Mariae, & ex alia parte docet, Christum non esse Deum. Haec cōtradictio constat à pag. 146.



Itum re vera crucifixum, & mortuum fuisse, & tertia die resurrexisse: alij vero id constanter negant, asserentes, non Christum, sed Christi vmbra, vel potius hominem eiusdem figuræ cum Christo, tormenta illa sustinuisse; & inter hos sunt aliqui ex Glossatoribus Alcorani, qui testatur, Christum transfigurasse Iudam proditorem in sui imaginem, atque ita Iudam, non Christum crucifixum fuisse. Et iam hoc mihi testatus est Christianus novus Africanus Matrili anno 1670.

Sed hæc ridicula fabula de transmutatione, & metamorphosi Christi in Iudā lib. 4. c. 1. impugnata manet. Constat enim manifestè Iudam proditorem laqueo se suspendisse, & id fecisse antequam Christus in Crucem ageretur satis innuit Mathæus cap. 27. v. 6. & id approbat Maldonatus: sunt tamen qui dicant, non nisi post Christi resurrectionem id eum fecisse, cum audisset Christum resurrexisse, quod minime sperabat: tunc enim abiecta omni spe salutis, quod humani generis Redemptorem vendidisset, laqueo sibi vitam eripuisse, vt historiæ Scholasticæ Author scribit. Quomodocumque tamen res acciderit, certum est, Iudam laqueo se suspendisse: *Et suspensum crepuisse medium, & diffusa fuisse omnia viscera eius*, vt dicitur Acto. 1. vers. 19. Et loco eius electum esse Mathiam in Apostolum ad prædicandam Christi Resurrectionem, & Evangelium eius annuntiandum.

Rationem huius contradictionis in Alcorano circa Christi mortem reddit Lupus de Obregon in confutatione Alcorani cap. 9. folio mihi 93. quia ini-



rio cum Mahumerus cœpit in schedulis scribere tanquam revelationes sibi factas à Deo per Angelum Gabrielem ea, quæ audierat à Christianis gladiatorijs (vt vidimus suprâ lib. 1. cap. 2. pagin. 18. ) vera scripsit de Christi Morte, & Resurrectione, prout illi enarraverant Christiani. Sed postea Almedinæ, quia Iudæi ipsi valde infensi ob laudes Christi, quas prædicabat, iactitabant Iesum Nazarenum Mariæ Filium non fuisse Sanctum, nec Messiam in lege, & Prophetis promissum vt Mahumerus prædicabat, sed hominem blasphemum, qui cum esset simplex homo sicut reliqui, Filium Dei se faciebat; & ideo à maioribus suis iure merito fuisse occisum: vt se vindicaret de Iudæis, illos confundere cœpit, hanc fabulam in vulgus spargendo, & contra Iudæos sic prædicando: „ Iudæi dicunt, se Christum crucifixisse; sed hoc „ mendacium est; quia non illum, sed pro illo alium „ ipsi similem crucifixerunt; & Iesus Christus se in „ cœlum sublevavit; & ideo Iudæi existimantes se „ illuisse Christum, potius illusi sunt ab eo.

His adiungamus alias Alcorani contradictiones. Multas enumerat Ioannes Andræas, antea Maurozum Alfaquinus, de quo mentionem fecimus lib. 1. cap. 1. pagin. 8. in confutatione Sectæ Mahumetanæ cap. 10. Nam lib. 1. Alcorani capite, seu Azorâ 1. dicitur: *Alcoranum descendisse de cœla in mense Aramadan.* Et lib. 4. capite *de Fumo*, & capite *de Nocte Sancta* dicitur, *vna nocte descendisse.* Et ramen constat Mahumetum in componendo Alcorano viginti tres

annos consumpsisse, decem in Mecca, & tredecim in Almedina: existuntque in Alcorano capita, quæ appellantur *Mequiya*, & alia, quæ appellantur, *Mediniya*, idest capita edita Meccæ, & capita edita Almedinæ.

Item lib. 2. cap. 11. inquit. *De fructu palmarum, & de vuis vitium comedite, & bibite*, idest, *daëtylos comedite, & vinum de vite bibite*, idque tanquam Dei oraculum suis Discipulis proposuit. Et propterea duodecim annis licitum fuit Mahumetanis vinum bibere. Postea vero contra Dei permissionem vsum vini suis prohibuit. Quam autem huius prohibitionis causam reddiderit, narrat Carthusianus lib. 3. in sectam Mahumetanam art. 13. pag. 331. verba Alcorani transcribens. In articulo primo illius libri pagina 264. proponit Carthusianus præmium Alcorani, seu exordium, in quo hæc verba leguntur: Erat Nuncius Dei (scilicet Mahumetus) sedens inter socios, & descendit super eum Angelus Gabriel, dicens: Salutat te Deus, Mahumete, veniunt ad probandum te tres, vel quatuor viri peritissimi Principes Iudæorum, & Magistri in Israel. Et narrat Alcoraniliber, Magistros illos Iudæorum varias quæstiones proposuisse Mahumeto: illorum autem Iudæorum peritissimus vocabatur Abdias, qui cum Mahumeto loquens, sic interrogavit: Cum in paradyso vinum esse describas, quid operis ibi habet, si vinum illicitum est? Si autem licitum est, cur in hoc sæculo prohibes vinum; Respondit: tam argutè quæris, ut vna interrogazione geminam necessario respon-

376 lionem extorqueas. Vtrumque ergo exponam, &  
 377 illic esse licitum, & hic illicitum.

378 Erant enim Angeli Dei duo, Horoth, & Maroth,  
 379 missi olim à Deo de cœlis in terram, gubernando,  
 380 & instruendo generi humano tributi, his interdi-  
 381 ctis, ne occiderent neque iniuste iudicarent, neque  
 382 vinum biberent. Multo itaque tempore sic habito  
 383 cum noti iudices essent vniverso orbi, venit ad eos  
 384 quadam die mulier præcunctis fœminis omnino  
 385 pulcherrima, causam habens aduersus maritum:  
 386 quæ vt causæ suæ accommodaret iudices, quadam  
 387 die inuitavit eos ad prandium. Quibus epulanti-  
 388 bus ipsa epulas & pocula vini apponit, astat mini-  
 389 strans, affert crebro, instat vt sumant. Quid plura?  
 390 Vicerunt blanditiæ mulieris. Inebriati poculis in  
 391 hospitam formosam incaluerunt: victi accubitu  
 392 petierunt. Spondet conditione, dummodo alter  
 393 verbum doceat per quod ascendebant in cœlum:  
 394 alter verbum, per quod descendebant. Placet con-  
 395 ditio. Cùm ergo didicisset, elevata est subito, &  
 396 ascendit in cœlum. Quod cùm vidisset Deus, explo-  
 397 rata causa posuit eam Luciferum, ita pulcherri-  
 398 mam inter stellas, vt fuerat inter mulieres. Illis in  
 399 iudicium evocatis proposuit eis Deus, vt eligerent  
 400 inter pœnas sæculi huius, & alterius. Elegerunt  
 401 hanc. Suspensi sunt ergo per catenas ferreas, de-  
 402 missis capitibus in puteo Behil vsque in diem iu-  
 403 dicij. Quid ergo Abdia? Nonne sufficiens videtur  
 404 causa, cur in paradyso licitū sit vinū, & hic illicitū?

Ait:



**Ait:** vera satis, & meritò. Hucusq; Alcorani textus.

Quis hæc audiens non miretur, vel potius intimè doleat, quod tam ingens pars mundi, vt Prophetam Dei veneretur tam ridicularum fabularum artificem? Oportet vt Christi prædicator hanc fabulam coram Mahumetanis narret, & quod certam fidem faciat, quod illam Mahumetus in Alcorano scripserit, vt certum est scripsisse, vt confundantur, & erubescant, & qualis fuerit Mahumetus tandem agnoscant, & intelligant Alcoranum fabulis, & mendacijs esse plenum; & erroribus manifestis. Nonne error est manifestus, quod Angeli boni, qui statim post calum malorum, confirmati sunt in bono, tàm turpiter deliquisse? Nonne error est, eos corporeos facere, & capaces comedendi verè, & vtendi scæminis eo pacto, quo homines vtuntur? Oppositum namque constat tùm per rationem, tùm ex scriptura Tobia 12. *Ego sum Raphael Angelus: etenim videbar vobiscum manducare, & bibere, sed ego inuisibili cibo & potu vtor, videlicet clara Dei visione, & fruitione.* Quis non rideat audiens, scæminam in præmium patrati sceleris illud præmiũ à Deo accepisse: Quis non sciat stellam illam, quæ Lucifer appellatur, cum alijs fuisse in principio creatam? Audiant hæc Mahumetani, & erubescant, quod librum Alcorani, in quo eiusmodi fabulæ continentur, pro libro diuinitus inspirato recipiant.

Quamvis Mahumetus eam rationem reddiderit Abdæ de prohibitione vini; aliam tamen reddit Author

thor quidam, qui inter Sarracenos diu conversatus est, ut refert Carthusianus illo articulo 13. pagina 335. Narrat itaque Author ille, Mahumetum visitare solitum quendam eremitam: eius autem ministros super hoc tædio affectos, & tam frequentes visitationes agrè ferentes decrevisse occidere eremitam: cumque quadam vice tam Mahumetus, quam eremita vino fuissent inebriati, & gravi somno opprimerentur, satellites principis sui gladium extrahentes eremitam occidisse, cruentatumque gladium in locum reposuisse priorem; Mahumetum vero à somno excitatum, suis ministris imputasse eremitæ mortem, & eos punire statuisse: eos vero concorditer testatos fuisse, Mahumetum ipsum in ebrietate necem eremitæ intulisse; & in huius dicti probationem, ostendisse ipsi proprium gladium cruentatum: eoque viso, erubuisse Mahumetum, & de cætero renuntiasse vino, eiusque usum suis discipulis prohibuisse.

Ut testatur citatus Ioannes Andræas, & refert Carthusianus lib. 2. art. 9. pagina 103. Mahumetus in Alcorano introducit Deum sic loquentem cum  
 „ ipso: Si ambiguus fueris de his quæ descendere  
 „ fecimus (idest de Alcorano) interroga eos, qui le-  
 „ gunt legem ante te. Noli esse de ijs, qui nolunt  
 „ credere signis Dei, ne forte damneris. Super quem  
 textum dicunt omnes glossatores Alcorani, Mahumetum nomine eorum, qui scripturas legunt ante ipsam, intellexisse Iudæos, ac Christianos; ac proinde

de docuit ibi, Iudæos, & Christianos habere legem à Deo datam, Ex alia vero parte in Alcorano lib. 1. cap. 1. affirmat: *Neque Iudeos, neque Christianos legem habere.* Quæ sunt dicta manifestè inter se opposita.

Alia evidentissima contradictio in dictis Alcorani constat, quia sæpè cultores suæ legis hortatur Mahumetus in Alcorano, ut eant præliatum contra incredulos, præsertim cōtra participatores, idest, Christianos, quatenus timore, & virtute gladij eos inducant, & cogant ad credendum Mahumeto, illumque recipiendum tanquam Dei Nuncium, & Prophetam. Idque opere exequantur vsque modo perfidi huius Legislatoris Discipuli. Ipseque sæpè dicebat, se in virtute gladij missum esse; & ut vidimus libr. 1. cap. 1. pag. 12. Alcorani habet caput, cuius titulus est: De ente, seu gladio, in quo sic iubet: occi-  
 33 dite omnes incredulos. Item: omnes occidite do-  
 33 nec Mahumetani fiant. Et in capite decimo Alcorani, ut testatur Carthusianus pag. 496. sic ait: Quid  
 33 cum illis incredulis communicatis? Vos itaque  
 33 neminem eorum vobis associate negotiatorem  
 33 aut socium, vel amicum, nisi prius recta via Dei in-  
 33 ierit vobiscum pugnatum, sive prædatum: sin au-  
 33 tum eos ubicumque repertos (si sit possibile) capi-  
 33 te, & interficite. Hinc iterum iussit, ut non cre-  
 dentes, eum esse Dei Nuncium, & Prophetam, occiderentur, vel saltem tributum solverent.

Et tamen his dictis in Alcorano sæpè contradicit, nam cap. 4. sic inquit: *Vim nequaquam propter legem*



### 380 *Demonstr contra Mahumet.*

„ *inferatis*, cùm recta pravaque via patefactæ sint.  
 „ Et cap. 5. ex Dei persona: Tuum est mea præcep-  
 „ ta tantummodo gentibus patefacere. Et cap. 24.  
 „ Nuncio nihil attinet nisi præceptum cuique gen-  
 „ tium applicare. Et cap. 21. Nos non misimus te cu-  
 „ stodem vel coactorem digredientium à lege: tuum  
 „ enim non est, nisi tantum rem annuntiare. Et cap.  
 „ 19. An tu gentes ad fidem, & credulitatem cogere  
 „ studes, cùm nisi Deo volente nemo credere pos-  
 „ sit, qui malos atque incredulos in sua sorte dimit-  
 „ tit. Quis non videat inter hæc dicta apertissimam  
 contradictionem?

Deinde Mahumetus in Alcorano in Azorà, quæ  
 „ inscribitur de Vacca, seu juvenca, affirmat, Iudæos,  
 „ Christianos, & Sabæos, vnumquemque salvari  
 „ posse in sua lege. Et Azorà 2. Omnes gentes, quæ  
 „ benè viuunt, siue sint Iudæi, siue Christiani, siue  
 „ quicumque alij, quamvis propriam legem dimit-  
 „ tat, & aliam accipiat, si bona opera faciat, certissi-  
 „ mè salvabitur. Et capite seu Azorà 32. ( vt refert  
 „ Carthusianus pag. 7. & pag. 170. ) introducit Deum  
 „ sic loquentem: A nobis cuique gentium lex, quam  
 „ sequatur, est posita. Et cap. 32. inquit: Deus singu-  
 „ lis gentibus nuntios misit, vnicuique ex gente sua.  
 „ Et cap. 12. introducit Deum sic loquentem: Sua  
 „ vnicuique à nobis posita sunt lex atque iudicia.  
 Quod perinde est ac dicere, vnumquemque salvari  
 „ posse in lege sua: quod certum est Mahumetum do-  
 „ cuisse, vt constat ex dictis à nobis libro 2. capit. 3.

pagina 68. Cui doctrinæ apertè contradicit in Azorà de Abraham, ubi ait: *Nullum posse salvari nisi in lege Makumeti.* Et Azorà 5. ubi docet: *Eos, qui non receperint Alcoranum, gravissima tormenta passuros.*

Illi etiam doctrinæ, qua vniversaliter docet, vnūquemque salvari posse in sua lege, manifeste opponitur quod docet Azorà 12. ubi hæc habet: *Secundum viros legum nullius legis fide vel perfectionem assequi, nisi Testamenti (veteris scilicèt, seu legis Moisaicæ) & Evangelij, & huius libri (nempè Alcorani) à Deo dati præceptis obediant.* Quæ doctrina non solum pugnat cum eo quod vniversaliter alibi docet, vnumquemque salvari posse in sua lege, sed etiam repugnantia inter se dicit, quia docet, neminem posse salvari nisi obediat præceptis Evangelij, & Alcorani: ergo cum in Evangelio præcipiatur Baptismus, & fides in Divinitatem Christi, & Trinitatem Personarum Divinarum, nemo poterit salvari nisi hæc præcepta adimpleat: vnde si ad salutem necessarium quoque est obedire præceptis Alcorani; impossibilis redditur omnibus salvatio, cum Alcoranum oppositum præcipiat: & nemo possit præcepta contradictoriè opposita simul observare. Vnde patet Mahometum insigniter mentitum esse dum capite, seu

Azorà 1. Alcorani dicit: *Hic liber veridicus est,*

*& sine contradictione falsitatis.*

## CAPVT II.

*Cur tot in Alcorano reperiuntur contradictiones?*

**S**ed meritò quis interrogabit, quomodo Mahumetus, qui vir erat astutus, & sagax, tot contradictiones in Alcorano reliquit? Respondeo primò, rationem generalem petendam esse ex Dei providentia: cum enim Deus sit summe bonus, & hominum salutem verè, & sincerè desideret, nunquam permittit, ut seductor aliquis ita falsam sectam colorare veritatis vestiatur, ut ab amatoribus Dei, & veritatis nequeat apprehendi eius falsitas. Permisit Deus ut Diabolus appareret Evæ ad illam seducendam, sed non permisit ut in forma honesta Angeli appareret, sed in forma serpentis, ut facilius posset Eva mendacium detegere. Ut enim inquit Augustinus „ lib. 11. de Genesi ad lit. Non debemus opinari, „ quod serpentem sibi, per quam tentaret Diabolus eligeret: sed cum esset in illo decipiendi cupiditas, non nisi per illud animal potuit, per quod „ posse permissus est. Nec permisit ut deciperet falsitatibus nimis occultis, quas Eva non posset apprehendere, sed mendacijs ita clarè oppositis ijs, quæ Deus dixerat, ut facile posset ea discernere, & agnoscere, Diabolum esse, qui in serpente loquebatur. Permisit, ut Diabolus ingrederetur simulachra idolorum; & inde responsa præberet, & idololatriam



suaderet: ita tamen hoc temperavit, ut homines facile possent cognoscere, non esse spiritum bonum, & veracem, qui in statuis idolorum loquebatur; quia nimirum Dæmones respondebant res tam clare falsas, & præcipiebant res tam apertè malas, ut solo rationis naturalis lumine possent homines mendacium detegere. Permisit, ut Rabini Talmudi inventores deciperent Iudæos, qui in sua infidelitate perseverant; sed tales fabulas, & res adeò absurdas in Talmud miscuerunt, ut Iudæi facile possent cognoscere, libros illos Talmudi non habere Deum Authorem. Adhunc ergo modum permisit ut Mahometus se Dei Nuncium, & Prophetam simulaverit ad decipiendum; cæterum tot fabulas, & contradictiones in Alcorano immiscuit, & res adeò fœdas præcepit, & fecit, ut sint inexcusabiles, qui Alcoranum tanquam librum divinitus inspiratum venerantur, & Mahometum ut Dei Prophetam suscipiunt.

Harum vero contradictionum causa magis immediata fuit; quod Mahometus revelationes fingebat, prout opus erat illi ad decipiendum, & captandam populorum gratiam, & vitia sua occultanda, & sic secundum opportunitatem temporum fingebat revelationes contrarias, quia illis indigebat ad fines suos obtinendos. Et revelationes illas in schedulis scriptas in arca quadam servabat. Disposuitque Deus, ut moreretur antequam schedulas illas recognosceret, & contradictiones deleret, & Alcoranum in unū

rio cum Mahumetus cœpit in schedulis scribere tanquam revelationes sibi factas à Deo per Angelum Gabrielem ea, quæ audierat à Christianis gladiatoribus (vt vidimus suprâ lib. 1. cap. 2. pagin. 18.) vera scripsit de Christi Morte, & Resurrectione, prout illi enarraverant Christiani. Sed postea Almedinæ, quia Iudæi ipsi valde infensi ob laudes Christi, quas prædicabat, iactitabant Iesum Nazarenum Mariæ Filium non fuisse Sanctum, nec Messiam in lege, & Prophetis promissum vt Mahumetus prædicabat, sed hominem blasphemum, qui cùm esset simplex homo sicut reliqui, Filium Dei se faciebat; & ideo à maioribus suis iure merito fuisse occisum: vt se vindicaret de Iudæis, illos confundere cœpit, hanc fabulam in vulgus spargendo, & contra Iudæos sic prædicando: „ Iudæi dicunt, se Christum crucifixisse; sed hoc „ mendacium est; quia non illum, sed pro illo alium „ ipsi similem crucifixerunt; & Iesus Christus se in „ cœlum sublevavit; & ideo Iudæi existimantes se „ illuisse Christum, potius illusi sunt ab eo.

His adiungamus alias Alcorani contradictiones. Multas enumerat Ioannes Andræas, antea Maurozum Alfaquinus, de quo mentionem fecimus lib. 1. cap. 1. pagin. 8. in confutatione Sectæ Mahumetanæ cap. 10. Nam lib. 1. Alcorani capite, seu Azorâ 1. dicitur: *Alcoranum descendisse de cœla in mense Ramadan.* Et lib. 4. capite *de Fumo*, & capite *de Noctē Sancta* dicitur, *vnâ noctē descendisse.* Et tamen constat Mahumetum in componendo Alcorano viginti tres

annos consumpsisse, decem in Mecca, & tredecim in Almedina: existuntque in Alcorano capita, quæ appellantur *Mequiya*, & alia, quæ appellantur, *Mediniya*, idest capita edita Meccæ, & capita edita Almedinæ.

Item lib. 2. cap. 11. inquit. *De fructu palmarum, & de vuis vitium comedite, & bibite*, idest, *daëtylos comedite, & vinum de vite bibite*, idque tanquam Dei oraculum suis Discipulis proposuit. Et propterea duodecim annis licitum fuit Mahumetanis vinum bibere. Postea vero contra Dei permissionem vsum vini suis prohibuit. Quam autem huius prohibitionis causam reddiderit, narrat Carthusianus lib. 3. in sectam Mahumetanam art. 13. pag. 331. verba Alcorani transferens. In articulo primo illius libri pagina 264. proponit Carthusianus præmium Alcorani, seu exordium, in quo hæc verba leguntur: Erat Nuncius Dei (scilicet Mahumetus) sedens inter socios, & descendit super eum Angelus Gabriel, dicens: Salutat te Deus, Mahumete, veniunt ad probandum te tres, vel quatuor viri peritissimi Principes Iudæorum, & Magistri in Israel. Et narrat Alcoraniliber, Magistros illos Iudæorum varias quæstiones proposuisse Mahumeto: illorum autem Iudæorum peritissimus vocabatur Abdias, qui cum Mahumeto loquens, sic interrogavit: Cum in paradysso vinum esse describas, quid operis ibi habet, si vinum illicitum est? Si autem licitum est, cur in hoc sæculo prohibes vinum; Respondit: tam argutè quæris, ut vna interrogazione geminam necessario respon-



37 sionem extorqueas. Vtrumque ergo exponam, &  
 38 illic esse licitum, & hic illicitum.

39 Erant enim Angeli Dei duo, Horoth, & Maroth,  
 40 missi olim à Deo de cœlis in terram, gubernando,  
 41 & instruendo generi humano tributî, his interdî-  
 42 ctis, ne occiderent neque iniuste iudicarent, neque  
 43 vinum biberent. Multo itaque tempore sic habito  
 44 cum noti iudices essent vniverso orbi, venit ad eos  
 45 quadam die mulier præcunctis fœminis omnino  
 46 pulcherrima, causam habens aduersus maritum:  
 47 quæ vt causæ suæ accommodaret iudices, quadam  
 48 die inuitauit eos ad prandium. Quibus epulanti-  
 49 bus ipsa epulas & pocula vini apponit, astat mini-  
 50 strans, affert crebro, instat vt sumant. Quid plura?  
 51 Vicerunt blanditiæ mulieris. Inebriati poculis in  
 52 hospitam formosam incaluerunt: victi accubitorum  
 53 petierunt. Spondet conditione, dummodo alter  
 54 verbum doceat per quod ascendebant in cœlum:  
 55 alter verbum, per quod descendebant. Placet con-  
 56 ditio. Cùm ergo didicisset, elevata est subito, &  
 57 ascendit in cœlum. Quod cùm vidisset Deus, explo-  
 58 rata causa posuit eam Luciferum, ita pulcherri-  
 59 mam inter stellas, vt fuerat inter mulieres. Illis in  
 60 iudicium evocatis proposuit eis Deus, vt eligerent  
 61 inter pœnas sæculi huius, & alterius. Elegerunt  
 62 hanc. Suspensi sunt ergo per catenas ferreas, de-  
 63 missis capitibus in puteo Behil vsque in diem iu-  
 64 dicij. Quid ergo Abdia? Nonne sufficiens videtur  
 65 causa, eur in paradyso licitū sit vinū, & hic illicitū?

Ait:

6, Ait: vera satis, & meritò. Hucusq; Alcorani textus.

Quis hæc audiens non miretur, vel potius intimè doleat, quod tam ingens pars mundi, vt Prophetam Dei veneretur tam ridicularum fabularum artificem? Oportet vt Christi prædicator hanc fabulam coram Mahumetanis narret, & quod certam fidem faciat, quod illam Mahumetus in Alcorano scripserit, vt certum est scripsisse, vt confundantur, & erubescant, & qualis fuerit Mahumetus tandem agnoscant, & intelligant Alcoranum fabulis, & mendacijs esse plenum; & erroribus manifestis. Nonne error est manifestus, quod Angeli boni, qui statim post calum malorum, confirmati sunt in bono, tãnturpiter deliquisse? Nonne error est, eos corporeos facere, & capaces comedendi verè, & vtendi scæminis co pacto, quo homines vtuntur? Oppositum namque constat tùm per rationem, tùm ex scriptura Tobia 12. *Ego sum Raphael Angelus: etenim videbar vobiscum manducare, & bibere, sed ego inuisibili cibo & potu vtor*, videlicet clara Dei visione, & fruitione. Quis non rideat audiens, scæminam in premium patrati sceleris illud præmiũ à Deo accepisse: Quis non sciat stellam illam, quæ Lucifer appellatur, cum alijs fuisse in principio creatam? Audiant hæc Mahumetani, & erubescant, quod librum Alcorani, in quo eiusmodi fabulæ continentur, pro libro diuinitus inspirato recipiant.

Quamvis Mahumetus eam rationem reddiderit Abdiæ de prohibitione vini; aliam tamen reddit Au-

thor quidam, qui inter Sarracenos diu conversatus est, ut refert Carthusianus illo articulo 13. pagina 335. Narrat itaque Author ille, Mahumetum visita-  
re solitum quendam eremitam: eius autem ministros super hoc tadio affectos, & tam frequentes visita-  
tiones agrè ferentes decreuisse occidere eremitam: cumque quadam vice tam Mahumetus, quam ere-  
mita vino fuissent inebriati, & gravi somno oppri-  
merentur, satellites principis sui gladium extrahen-  
tes eremitam occidisse, cruentatumque gladium in  
locum reposuisse priorem; Mahumetum vero à som-  
no excitatum, suis ministris imputasse eremitæ  
mortem, & eos punire statuisse: eos vero concorditer  
testatos fuisse, Mahumetum ipsum in ebrietate  
necem eremitæ intulisse; & in huius dicti compro-  
bationem, ostendisse ipsi proprium gladium cruen-  
tatum: eoque viso, erubuisse Mahumetum, & de cæ-  
tero renuntiasse vino, eiusque usum suis discipulis  
prohibuisse.

Ut testatur citatus Ioannes Andræas, & refert  
Carthusianus lib. 2. att. 9. pagina 103. Mahumetus  
in Alcorano introducit Deum sic loquentem cum  
„ ipso: Si ambiguus fueris de his quæ descendere  
„ fecimus (idest de Alcorano) interroga eos, qui le-  
„ gunt legem ante te. Noli esse de ijs, qui nolunt  
„ credere signis Dei, ne forte damneris. Super quem  
textum dicunt omnes glossatores Alcorani, Mahu-  
metum nomine eorum, qui scripturas legunt ante  
ipsum, intellexisse Iudæos, ac Christianos; ac proin-



de docuit ibi, Iudæos, & Christianos habere legem à Deo datam. Ex alia vero parte in Alcorano lib. 1. cap. 1. affirmat: *Neque Iudeos, neque Christianos legem habere.* Quæ sunt dicta manifestè inter se opposita.

Alia evidentissima contradictio in dictis Alcorani constat, quia sæpè cultores suæ legis hortatur Mahumetus in Alcorano, ut eant præliatum contra incredulos, præsertim cōtra participatores, idest, Christianos, quatenus timore, & virtute gladij eos inducant, & cogant ad credendum Mahumeto, illumque recipiendum tanquam Dei Nuncium, & Prophetam. Idque opere exequantur vsque modo perfidi huius Legislatoris Discipuli. Ipseque sæpè dicebat, se in virtute gladij missum esse; & ut vidimus libr. 1. cap. 1. pag. 12. Alcorani habet caput, cuius titulus est: De ente, seu gladio, in quo sic iubet: occidite omnes incredulos. Item: omnes occidite do- nec Mahumetani fiant. Et in capite decimo Alcorani, ut testatur Carthusianus pag. 496. sic ait: Quid cum illis incredulis communicatis? Vos itaque neminem eorum vobis associate negotiatorem aut socium, vel amicum, nisi prius recta via Dei inierit vobiscum pugnatum, sive prædatum: sin autem eos ubicumque repertos (si sit possibile) capite, & interficite. Hinc iterum iussit, ut non credentes, eum esse Dei Nuncium, & Prophetam, occiderentur, vel saltem tributum solverent.

Et tamen his dictis in Alcorano sæpè contradicit, nam cap. 4. sic inquit: *Vim nequaquam propter legem*

### 380 *Demonstr contra Mahumet.*

„ *inferatis*, cum recta pravaque via patefactæ sint.  
 „ Et cap. 5. ex Dei persona: Tuum est mea præcep-  
 „ ta tantummodo gentibus patefacere. Et cap. 24.  
 „ Nuncio nihil attinet nisi præceptum cuique gen-  
 „ tium applicare. Et cap. 21. Nos non misimus te cu-  
 „ stodem vel coactorem digredientium à lege: tuum  
 „ enim non est, nisi tantum rem annuntiare. Et cap.  
 „ 19. An tu gentes ad fidem, & credulitatem cogere  
 „ studes, cum nisi Deo volente nemo credere pos-  
 „ sit, qui malos atque incredulos in sua sorte dimit-  
 „ tit. Quis non videat inter hæc dicta apertissimam  
 „ contradictionem?

Deinde Mahometus in Alcorano in Azorà, quæ  
 „ inscribitur de Vacca, seu juvenca, affirmat, Iudæos,  
 „ Christianos, & Sabæos, vnumquemque salvari  
 „ posse in sua lege. Et Azorà 2. Omnes gentes, quæ  
 „ benè viuunt, siue sint Iudæi, siue Christiani, siue  
 „ quicumque alij, quamvis propriam legem dimit-  
 „ tat, & aliam accipiat, si bona opera faciat, certissi-  
 „ mè salvabitur. Et capite seu Azorà 32. ( vt refert  
 „ Carthusianus pag. 7. & pag. 170. ) introducit Deum  
 „ sic loquentem: A nobis cuique gentium lex, quam  
 „ sequatur, est posita. Et cap. 32. inquit: Deus singu-  
 „ lis gentibus nuntios misit, unicuique ex gente sua.  
 „ Et cap. 12. introducit Deum sic loquentem: Sua  
 „ unicuique à nobis posita sunt lex atque iudicia.  
 „ Quod perinde est ac dicere, vnumquemque salvari  
 „ posse in lege sua: quod certum est Mahometum do-  
 „ cuisse, vt constat ex dictis à nobis libro 2. capit. 3.

pagina 68. Cui doctrinæ aperte contradicit in Azorâ de Abraham, vbi ait: *Nullum posse salvari nisi in lege Mahumeti.* Et Azorâ 5. vbi docet: *Eos, qui non receperint Alcoranum, gravissima tormenta passuros.*

Illi etiam doctrinæ, qua vniuersaliter docet, vnumquemque salvari posse in sua lege, manifeste opponitur quod docet Azorâ 12. vbi hæc habet: *Secundum viros legum nullius legis fide vel perfectionem assequi, nisi Testamenti (veteris scilicet, seu legis Mosai- cæ) & Evangelij, & huius libri (nempè Alcorani) à Deo datî præceptis obediant.* Quæ doctrina non solum pugnat cum eo quod vniuersaliter alibi docet, vnumquemque salvari posse in sua lege, sed etiam repugnantia inter se dicit, quia docet, neminem posse salvari nisi obediat præceptis Evangelij, & Alcorani: ergo cum in Evangelio præcipiatur Baptismus, & fides in Divinitatem Christi, & Trinitatem Personarum Divinarum, nemo poterit salvari nisi hæc præcepta adimpleat: vnde si ad salutem necessarium quoque est obedire præceptis Alcorani; impossibilis redditur omnibus salvatio, cum Alcoranum oppositum præcipiat: & nemo possit præcepta contradictoriè opposita simul observare. Vnde patet Mahumetum insigniter mentitum esse dum capite, seu

Azorâ 1. Alcorani dicit: *Hic liber veridicus est,*

*& sine contradictione falsitatis.*



suaderet: ita tamen hoc temperavit, ut homines facile possent cognoscere, non esse spiritum bonum, & veracem, qui in statuis idolorum loquebatur; quia nimirum Dæmones respondebant res tam clare falsas, & præcipiebant res tam apertè malas, ut solo rationis naturalis lumine possent homines mendacium detegere. Permisit, ut Rabini Talmudi inventores deciperent Iudæos, qui in sua infidelitate perseverant; sed tales fabulas, & res adeò absurdas in Talmud miscuerunt, ut Iudæi facile possent cognoscere, libros illos Talmudi non habere Deum Authorem. Adhunc ergo modum permisit ut Mahometus se Dei Nuncium, & Prophetam simulaverit ad decipiendum: cæterum tot fabulas, & contradictiones in Alcorano immiscuit, & res adeò fœdas præcepit, & fecit, ut sint inexcusabiles, qui Alcoranum tanquam librum divinitus inspiratum venerantur, & Mahometum ut Dei Prophetam suscipiunt.

Harum vero contradictionum causa magis immediata fuit; quod Mahometus revelationes fingebat, prout opus erat illi ad decipiendum, & captandam populorum gratiam, & vitia sua occultanda, & sic secundum opportunitatem temporum fingebat revelationes contrarias, quia illis indigebat ad fines suos obtinendos. Et revelationes illas in schedulis scriptas in arca quadā servabat. Disposuitque Deus, ut moreretur antequam schedulas illas recognosceret, & contradictiones deleteret, & Alcoranum in unū

volumen digereret. Vt enim constat ex dictis pagina 44. non Mahumetus, sed Homar eius socer, & tertius Arabum Achalypha, schedulas ex arca *legationis* extraxit, & ex ijs librum Alcorani composuit. In his autem quæ de persona Christi scripsit, propterea doctrinas contrarias habuit; quia initio cum se vt Prophetam venditare cœpit, ea vt revelata prædicabat, quæ à Christianis audierat: vnde cum ab illis audivisset, Christum esse Verbum Dei, factum hominem, seu indutum natura humana; in principio suæ prædicationis Divinitatē Christi agnovit: postea vero à Sergio Monacho. Hæretico Nestoriano, & Arriano deceptus, impiè docuit, Christum esse purum hominem.

## CAPVT III.

*Ostenditur inexcusabiles esse Mahumetanos, qui legentes Alcoranum, & percipientes quæ docet, non deserunt Mahumeti legem.*

**H**Oc ex dictis clarè deducitur. Cum enim Alcoranum plenum sit fabulis ridiculis, contradictionibus manifestis, & erroribus crassissimis contra rectam rationem, fieri non potest, vt homines perspicacis ingenij librum illum legant, quin saltem in dubium prudens inducantur, an liber ille sit à Deo inspiratus, an Diaboli suggestionē compositus, & in hoc dubio tenentur à Deo lucem enixe postulare ad cognoscendam veritatem, quod si serio facerent,

abſtudio à Deo illuminarentur, & traherentur ad  
Chriſti fidem ſuſcipiendam. Hanc obligationem  
Mahumetanorum ob oculos ponet vtilis valde quæ-  
ſtio, quam proponit, & ſolvit Guillelmus Patiffienſis  
lib. de legibus cap. 21. his verbis.

„ Siquis quærat de illo, qui invenit Doctores, vel  
„ Prædicatores contrarios, videlicet unum fidelem,  
„ & alium infidelem, neque ſufficiat ex proprio ſen-  
„ ſu, vel ex dictis eorum, vel ex vita, cui eorum ma-  
„ gis credere debeat, an requireret Deus ab illo ut di-  
„ vinet fidem? Hic proculdubio, quia non habet do-  
„ humana ratione quid faciat, implorare debet divi-  
„ num auxilium, ut dicit Auguſtinus, & tota instan-  
„ tia deprecari, ut illuminator animarum Deus viâ  
„ veritatis ei oſtendat, & cor eius applicet ei parti  
„ contradictionis, quæ vera eſt, & ei accepta. Pie  
„ autem credendum eſt de miſericordia Dei, quia  
„ ſic pulſanti aperiat, & quod niſi vel negligentia  
„ quærendæ veritatis, vel alia culpa obſtat, cor  
„ eius avertet Deus, ne impietatis errori conſen-  
„ tiat. Idem ſentiendum eſt, & in alio caſu, videlicet  
„ ſi ſeducor ſub prætextu veri, Catholique Do-  
„ ctoris ſimplici alicui, & indocto errorem aliquem  
„ impietatis prædicet, quia Deus cor eius avertet,  
„ ne illi credat, niſi hoc, vel negligentia eius, vel  
„ alia culpa impediatur; cuſtodit enim Dominus dili-  
„ gentes ſe. Dicimus etiam, quia cum intellectus hu-  
„ manus creatus ſit ad inquirendam, & cognoscen-  
„ dam veritatem ſalutarem, maxime debet eſſe ſta-



1. diosus, atque sollicitus. Quare negligentia eius in  
 2. hoc atque desidia maxime culpabilis est, atque  
 3. damnabilis.

4. Vnde deduces, iustissimè à Deo damnati omnes  
 Gentiles, omnes Mahumetanos, & omnes Iudæos,  
 5. qui fidem Christi non quærunt, & quæsitam ample-  
 6. ctuntur: quia cum Deus illuminet omnem hominem  
 7. venientem in hunc mundum, omnes homines ratio-  
 8. nis compotes cognoscere possunt, ac debêt, existere  
 9. Numen aliquod, cui inservire debeant, & tenentur  
 10. quærere veritatem salutarem, & legem naturalem ob-  
 11. servare; quod si præstarent, abs dubio Deus illos tra-  
 12. heret ad fidem Christi, quæ necessaria est ad salutem,  
 13. vnde quod non trahantur, culpa illorum est. Hinc  
 14. Augustinus loquens de Religione Christiana Epist.  
 15. 49. *Ad Deo gratias*, protulit celebrem illam senten-  
 16. tiam: ita (inquit) *Salus Religionis huius, per quam solam*  
 17. *veram salutem vera veraciterque promittitur, nulli unquam*  
 18. *defuit, qui dignus fuit, & cui defuit dignus non fuit.* Vo-  
 19. cat autem dignos Religionis Christianæ eos, qui ob-  
 20. servant legem naturalem scriptam in cordibus ho-  
 21. minum, quæ dicat Deum esse, colendum, honestè vi-  
 22. vendum, & proximo non inferendum malum: non  
 23. quia homines per opera mere naturalia mereantur  
 24. positive illuminari à Deo per donum fidei; sed quia  
 25. per opera naturalia honesta impediens peccata,  
 26. adquirunt aliquam dispositionem, qua posita abs du-  
 27. bio illuminarentur: *Facienti enim, quod in se est, Deus*  
 28. *non denegat gratiam:* ac proinde licet per actus natu-

rales honestos observationis legis naturalis non constituerentur positive digni, ut illis Deus retribueret fidem; quodam modo constituerentur digni, quibus Deus misereatur.

Ut autem exemplo monstremus: Mahumetanos lumine rationis naturalis posse cognoscere falsitatem sectæ Mahumetanæ, vel saltem in prudentem dubitationem induci, an sit falsa, hic appendam colloquium, quod habuit P. Ignatius de las Casas nostræ Societatis (cuius memoriam fecimus supra cap. 6. pag. 93.) cum Mauro quodam dum interfaceret per Turcarum terras, illudque referam ipsius verbis.

CAPVT IV.

*Colloquium inter Patrem Ignatium de las Casas, & Mahumetanum quendam: ex quo probatur, Mahumetanos solo rationis ductu posse cognoscere Alcorani falsitates.*

**P**ater Casas. Mihi Tripolim versus pergenti se adiunxit Maurus ex comitatu nostro; & iam mihi prior factus benevolè, urbanèque salutem mihi impartitus est: dixitque mihi, audiui te Idiomate Arabico loquentem, qua propter placet mihi tecum sermonem facere. Tunc ego: placet inquam, maximèque delector, quod qualis fuerit peritia tibi deservire possit.

*Maurus.* Quod primum scire velim abste sit, an Arabicè loqui, scribereque scias?

*Pater.* Quid tibi proderit hoc scire? Nullum commodum video profecturum, ni velis falsa crimina mihi impingere, & ita me in vitæ discrimine constituas.

*Maurus.* Ego sum prædives mercator, & probus, & inter Alfaqies magnæ notæ; absit ut iudices, me improbum esse, paraturumque malum alicui; quin potius hoc à te sciscitatus sum, ut te mearum cogitationum, curarumque conscium faciam, & hoc iuramento firmo.

*Pater.* Ego non omnino ignarus sum lectionis, Scriptorumque Arabum.

*Maurus.* Legisti ne nostrum Alcoranum?

*Pater.* Maiorem curam ingeris mihi hac interrogatione: si ego affirmem, tu quidem coram iudice me coges, ut mortem subeam, vel Maurorum legem amplectar.

*Maurus.* Iam quidem tibi subiraſcor; testor Deum, me nolle tibi parare insidias, neque tibi ex colloquio meo aliquid mali obtenturum esse; & hoc sincere, & amicabili animo tibi dico.

*Pater.* Legi quidem Alcoranum.

*Maurus.* Non ne tibi placet?

*Pater.* Si mihi placuisset, iam Mahumeti legem amplexus fuisset. Ne nos legis concertationibus immisceamus; nam tu servas tuam legem, & ego meam; nec ego infructuose disceptare de legibus volo; sin verò aliquid me tibi profuturum sperarem, non dubitarem caput meum pro veritate opponere.

*Maurus.* Cupio certè scire quid sentiant Christiani Alcoranum legentes.



*Pater.* Aperti tu mihi tuam mentem, & ego tibi respondebo.

*Maurus.* Ego in illo multa sibi adversantia reperio: nam iam hic aliquid dicit, & illi oppositum alibi asserit. Profecto attentè considero, quid sibi velit tot rerum diversarum, & inter se contrariarum varietas ore Dei prolata: & hærentem dubitantemque me trahit, an lex Dei sit nostra, quæ tam facile plures uxores admittit, & dimittit.

*Pater.* Si tu hoc sentis, quid tibi addere possum? At si quidem aperta fronte mihi loqueris, ego tibi dico, Alcoranum, nec legem datam à Deo esse, nec eius Authorem Prophetam fuisse, sicut nec tu Imperator Turcarum es: & rectè arbitratus es, nam ille Mahumet, cum nebulo insignis foret, ingentiaque mendacia comminisceretur, cuncta Deo loquenti sibi falso attribuit.


*Maurus.* Sed quid dices ad illa, quæ certè bona, & pia, precesque sanctas, quæ in illo reperiuntur? Hoc quidem ostendit eius Authorem Deum fuisse.

*Pater.* Ne mireris si inter plurima nefanda, & mala dogmata, aliquid boni intermisceatur: hæc verusutia est Dæmonis semper nobis infesti, sub velamento alicuius boni, aut veri vult decipere incautos. Veritas, ubicunque refulgeat, Deum habet Authorem; mala, & pessima Diabolum, & eius assecras: nec à Deo lata lex est, quæ veris & falsis tessellata est.

*Maurus.* Quomodo lex vestra Deum Trinum facit, & Christum Mariæ Filium, Deum dicitis esse,

cum homo sit, & Propheta? Et quod mihi absortum videtur, est, Christianos minime iuxta suam legem vivere.

Hinc arrepta occasione: ego (inquit Pater Casas) de Divinis Personis, de Incarnatione Verbi, de eius necessitate ad delendum originale peccatum claritate, qua potui, disserui cum illo. Attente me excepit, dubitavit prudenter, & tandem rationibus victus ingenuè fassus est, Alcoranum non esse legem à Deo datam, nec Mahumetum Prophetam fuisse. Alacrique animo decrevit collectis in vnum opibus suis cum vxore, & filijs Venetias navigare prætexto titulo negotiationis. Tripolim inter hæc pervenimus, vbi cum in eum offenderem in hospitali domo mea, cum illo egi de suis sanctis desiderijs: at ille lachrimans, heu! respondit, veretur ne vxores, & filij mei me in infernū trahant: tum ego, noli te ipsum obsecare, & irretire his illecebris, plus his animus æstimatur tuus, de hisque curare non debes. Dens qui te creavit, vocavitque ad se, non te deseret, dummodo, quod tuum est, præstes. Tunc ille sic facturum promisit, meique coram Deo memor esto, respondit. Hucusque Pater Casas.



## CAPVT. V.

*Impura Mahumeti vita clarè probat, eum non fuisse Dei  
Prophetam, sed sagacem Regnorum  
deprædatorem.*

**Q**uia falsa persuasio, quod Mahumetus fuerit Dei  
Apostolus, & Propheta, cæcos Arabes detinet  
in Alcorani tenebris, Christi Prædicator, vt ab his  
tenebris ad lumen Evangelij eos traducat, debet ip-  
sos perurgere, vt dicant, quo fundamento credunt,  
Mahumetum fuisse Dei Prophetam, & legem ab ipso  
latam, fuisse Dei iussu, & impulsu promulgatam? Et  
facile convincere poterit, Mahumetum nullo argu-  
mento probasse se fuisse à Deo electum; & temere  
Arabes illum vt Dei Prophetam venerari; cum nul-  
lum ad hoc credendum habeant prudens fundamen-  
tum; quia nec vitæ puritate, & gloriæ mundanæ con-  
temptu, neque miraculis, neque donis prophetiæ, ne-  
que aliquo alio argumento Mahumetus suam ele-  
ctionem comprobavit. Sed potius dantur evidentia  
signa ad credendum, illum fuisse callidum impostor-  
em, & sagacem Regnorum deprædatorem. Constat  
enim, non rationabili prædicatione, non divinarum  
Scripturarum allegatione, non miraculorum soli Deo  
possibilium operatione, non sancta, & exemplari  
conversazione, omniumque terrenorum contemptu  
Mahumetum, eiusque socios, discipulos, successores,



ac ministros legem suam introduxisse, sed manu hostili, fortitudine populari, violentiaque crudeli hoc egisse: ideoque homines viles, ac bestiales pronos fuisse ad eius legis susceptionem, quia tota illa lex carnalis, atque venerea est.

Christus Dominus nobis præscripsit veram formam cognoscendi; quisnam sit verus Dei Nuncius, ac Propheta; quisnam Pseudopropheta, verusque deceptor. *A fructibus eorum cognoscetis eos.* Matth. 7. 16. & 20. *Omnis arbor bona bonos fructus facit, mala arbor malos fructus facit.* Ex operibus, ex moribus dignoscendus est Propheta, an à Deo sit missus, an spiritu humano, vel diabolico se ingesserit?

Et Propheta Isaïas nobis præscribens modum dignoscendi, quisnam sit Propheta à Deo verè interne illuminatus, & supernaturaliter instructus, & à Deo missus ad tradendam hominibus legem Divinam, & viam Cæli persuadendam, inquit cap. 28. 9. *Quem docebit Dominus scientiam, & quem intelligere facit auditum? ab lactatos à lacte, avulsos ab vberibus.* Id est, quis erit dignus à Deo supernaturaliter informari, & divinorum secretorum intelligentiam veram ab ipso accipere? *Ab lactatos à lacte, avulsus ab vberibus*, id est homo abstinenter, & sobriè vivens, carnales delectationes, mundanas consolationes despiciens, & à terrenis, & sensibilibus se abstrahens, ut ad Cælestia, & spiritualia mentem levet, ut Deo omnis puritatis fons adherat, & in amore creatoris cor suum stabiliat. Ex quibus verbis constat, quam longè fuerit Mahumet-

metus à munere Nuncij, & Apostoli Dei, & Legislatoris divinitus missi; cum luce meridiana conset, cum toto cordis affectu ad principatum terrenum, ad pulcharum faminarum, non solum sibi nuptarum, sed alijs legitimè coniunctarum, propriarumque cogitatarum amplexum, & ad temporales divitias anhelasse. Id autem manifestè probabimus ex ipso Alcorano, & Mahumetaporum libris authenticis.

Antequam autem ad hoc probandum descendam, prius in mediū proferam fabulam, quam in sui commendationem confinxit, & tanquam Dei gratiam, & favorem miraculosum sibi factum rudibus Arabibus credendum proposuit. Dicebat Mahumetus, sibi, cum esset quatuor annorum, Angelum Gabrielem aperuisse pectus, & cor extraxisse, & mundasse à guta nigra, quam omnes homines in corde habere credūt Arabes, & dicunt esse quasi fomitem peccati; quia existimant ratione illius guttæ nigræ homines à Diabolo tentari. Ita habetur in Alcorano lib. 1. cap. 1. & tanquam res certa refertur in libro *Azgar*, qui est valde authenticus apud Mahumetanos, & in illo continetur vita Mahumeti, & Alchalifarum, seu Regum aliorum, qui illi in Regno successerunt, ut testatur Ioannes Andræas in sua confutatione sectæ Mahumetanæ cap. 1. Consequenter ad hanc fabulam introducit Mahumetus lib. 4. Alcorani in cap. quodam, quod intitulum de *Stellis* Deum sic loquentem cum Mahumetanis: *Deus iurat per stellas, quod vester Propheeta Mahumetus nunquam fuit tentatus à Diabolo, neque*

fal.

*falsum, aut mendacium ore suo unquam protulit, nec vanè locutus est, sed per veram reuelationem Dei omnipotentis: & quod fuerit prope Deum ad duplicem ballistæ iactum.*

Et in præmio Alcorani hæc habet: *Hic liber absque falsitatis, vel erroris annexu veridicus est eis, quibus inest amor diuinus, Deitatisque timor, & cultus, & in cap. 1. inquit: Hunc librum veracem esse penitus credite. Et cap. 17. introducit Deum sic commendantem librum Alcorani: Si hanc legem fecissemus descendere super montem, inclinaret se mons ille, & adoraret eam præ timore Dei.*

Verum omnes has laudes Mahumeti, & Alcorani esse fabulas, & insignia mendacia artificiose composita ab ipso ad seducendos barbaros illos Arabum populos, evidenter comprobatur: quia manifestum est Alcoranum esse plenum fabulis, mendacijs, & erroribus: & Mahumetum qui tantopere se extollit, fuisse hominem mendacem, perjurum, & vitiosissimum; quod nunc liquido constabit ex ipso Alcorano, & libris authenticis Maurorum.

Nam Mahumetus ipse Azorà, vel cap. 44. Alcorani introducit Deum sic loquentem cum ipso: *O Prophetæ, mulieres omnes, quibus donanda dederis; omnes tuæ manui per emptionem subditæ, & amictæ tuæ, mater teræque, filiarumque filias, omnesque item bonas mulieres tibi gratis succumbere cupientes, licitas tibi constituo: idque tibi soli permittitur, has à te remoue, illas adiunge prohibito tuo: nec proprijs abiectis, nisi dilexeris, molesteris, ille namque tuo voto carere debent.*



Quis, etsi cæcus sit, non videat, hanc non fuisse concessionem Dei, sed fictionem Mahumeti, ut palliaret effrænem suam libidinem? Quis dicat Deum, qui vniversaliter dixit: *Vxorem proximi tui non concupisces: & non machaberis*, huic homini tribuisse amplam facultatem cognoscendi aliorum hominum coniuges, & consanguineas, & affines suas, & omnes ancillas, & vniversaliter omnes fæminas sibi placentes, quarum voluntates oblatiis donis ad sui amorem flecteret? Quomodo non erubescunt Arabes venerari vt Dei Prophetam hunc equum emissarium potius quam hominem temperatum, & modestum.

Id autem melius constabit, si detegamus causam ob quam hanc concessionem Alcorano inseruit tanquam Dei revelationem. Rem narrat Lupus de Obregon ex Ioanne Andræa. Iam vidimus capit. 2. pagina 22. Mahumetum non contentum vna vxore, & quia probè noverat, quod cum munere Prophetæ, quod sibi ambitiose assumpserat non bene cohærebat alias fæminas cognoscere extra Matrimonij honestum titulum, finxit revelationem, in qua Deus concedebat facultatem, vt vnusquisque Maurus posset Matrimonium contrahere cum duabus, tribus, quatuor, vel etiam pluribus fæminis, si eas posset sustentare, quæ lex inserta est Alcorano lib. 1. cap. 3. Postea vero, quia idololatræ obmurmurabant, novâ legem promulgavit, in qua Deus iubeat vt nullus vir posset vltra quatuor vxores sibi associare: & simul præcipiebat ad vitandas rixas, & contentiones,

vt æqualitatem ſervaret vir cum ſingulis vxoribus: & ius tribuebat fæminis, vt coram iudice poſſent conqueri de marito, ſi æqualitatem non ſervaret in toro, & reliquis, ſimulque præcepit viris, & fæminis, vt fidem conſortibus ſervarent, & iuſſit, vt lapidaretur quicumque ex conſortibus adulterium committeret. Publicatis hiſ legibus, Mahumetus præter Adixam, quam dudum duxerat, matrimonium de novo contraxit cum Axa puella octo annorum filia Vbequaris, cum Hafiza filia Omaris, & cum Aguadâ filia Zambî.

Liber Azear narrat, quod cum à Civitate abeſſet Zeidin olim Mahumeti ſervus, Mahumetus amore captus vxoris eius, quæ pulcherrima erat, eam viſitavit, & blande eam allocutus, ſignificavit, ſe velle illam ducere vxorem; & præcepit, vt cum Zeidinus domum reverteretur, hoc ei mandatum daret: *Propheta Mahumetus iuſſit, vt ſtatim coram illo compareas, quia iam optimum cardinem pro tua ianua elegit.* Hiſ verbis ſignificans paræmiam quandam inter lenones frequentem, qua vti ſolebat Mahumetus ipſe, cum mercaturam exercebat, & ſeriem Camelorum in Ægyptum cum mercibus ducebat; & per illam loquendi formam ſignificabat, ſibi aliquam feminam placuiſſe, velleque eam ſibi capere. Auditis ijs verbis contriſtatus eſt valde Zeidinus, quia bene cognovit, Mahumetum velle ſibi vxorem, vel vi, vel dolo auferre. Et timens inſidias, & mortem ſibi parandam ab illo, ſi ei reſiſteret, Mahumetum adit, qui palam illum hortatus

tus est, vxorem repudiare, vt eam sibi matrimonio iungeret.

Potentiam Mahumeti timens Zeidinus inuitus repudiavit vxorem, quam vehementer amabat: eamque Mahumetus clandestinè sibi copulauit, libidinem suam sub honesta Matrimonij larua expleturus: vulgatum est hoc Mahumeti scelus; & consanguinei vxoris Zeidini domum Mahumeti armati invadunt, eum occisuri, si vxorem marito legitimo non restitueret: timuit ille tumultum, & vxorem Zeidino restituit, sed amore illius fœminæ captus, ad suas artes confugit, finxit sibi Angelum Gabrielem apparuisse, & adduxit scripta in schedula verba, quæ sibi Angelum locutum fuisse dicebat, illaque legi iussit coram suis Discipulis, & postea inserta sunt Alcorano lib. 3. cap. 17. verba autem sunt hæc: *O Mahumete, quare iussisti, vt servus tuus Zeidin vxorem suam iterum acciperet, quando quidem tu illam diligebas? Deus vult, vt illam iterum accipias, & vt tuam possideas: contentus sit Zeidin sua sorte, quod scilicet per aliquod tempus voluptatem cepit cum illa fœmina: nunc Deus vult vt tu illa fruaris, & ne ob timorem hominum illam relinquas, & vt sine stomacho, & iræ astu quiescas.*

Publicato hoc capitulo inter Mahumeti discipulos, testatur Alcorani liber, & Azear, ipsos Mauros fœminam illam in domum Prophetæ reduxisse; & eū illam sibi in vxorem accepisse. Zeidinus tamen noluit aliam sibi fœminam matrimonio iungere, ne si-



millem violentiam à Mahumeto iterum pateretur. Idolatræ Meccæ ira incensi sunt contra Mahumetum, palam obmurmurantes, cum lenonis potius officium, quam Prophetæ munus obire: & tumultum commoventes, illum absdubio occidissent ob iniuriam illatam Zeidino, nisi eius Soceri Vbequar, & Homar, & alij Viri nobiles tempestatem hanc sedassent, & tumultum compescuissent. Hanc historiam referunt ipsi libri Mahumetanorum tanquam persecutionem sui Prophetæ.

Sed quamvis Cives Meccani necem non intulerunt Mahumeto, tamen publicè eius famam corradebant, dicentes, eum dignum esse, qui lapidaretur, tum propter iniuriam illatam Zeidino, tum quia violauit legem Matrimonij, plusquam quatuor vxores assumendo. Ille vero cognito scandalo, & populi tumultu, ad suas artes confugit; finxit, sibi Archangelum Gabrielem locutum, & novum capitulum Alcorano addendum dedisse; illudque iussit legi Mauris: sic autem habet: *O propheta, Deo placet, vt lex communis Matrimonij te non comprehendat; vult vt tu solus possis nubere cum omnibus fæminis, quæ tibi placuerint; & quæ se tibi obtulerint, idque sine charta dotis.* Caput hoc insertum est Alcorano in lib. 3. cap. 17. Hac arte persuassit populo barbaro, voluntatem Dei esse, quod Prophetæ non ligarentur lege communi circa numerum vxorum, sed possent sibi Matrimonio iungere quotquot vellent. Et post hanc dispensationem à Deo concessam Prophetæ, refert liber Azeat, Ma-

hy.

humetum alias octo uxores duxisse, quorum nomina refert Lupus de Obregon in suo libro contra Mahumetanos. Vnde præter ancillas habuit eodem tēpore duodecim, vel tredecim uxores. Liber Azear citatus dicit Mahumetum nupsisse cum quindecim mulieribus; & eodem tempore habuisse vndecim uxores, præter ancillas. Ita testatur Ioannes Andræas in suo lib. cap. 7.

Sed cum Mahumetus aliquas ex vxoribus ardentius amaret, & pluribus noctibus cum illis dormiret; duæ ex principalioribus, nempe Zaynex filia Sahiz, & Maymona filia Alariz, conquestæ sunt, dicentes Mahumetum non servare eam cum vxoribus æqualitatem, quam in sua lege præcipiebat, ipsasque iniuria affecisse, & contempsisse. Et cum ex hac querimonia scandalum suboriretur, novam confluxit Mahumetus revelationem sibi à Gabriele factam, novumque adduxit capitulum, quod insertum est lib. 3. cap. 17. Alcorani, & ita ad verbum habet: *O Mahumete, uxores tuæ de te conqueruntur. Sed Deo placet, ut tu frequentius utaris illis, quæ tibi magis placuerint: ut iubet, ne reliquæ idcirco de te conqueri possint.*

Hæc omnia constat manifestè ex ipso libro Alcorani, & ex libro Azear, ut testatur Ioannes Andræas: factumque ipsum negari non potest. Ex ijs vero plane convincitur Mahumetum adulterum fuisse, & sæpè mentitum esse: atque fabulosam esse laudem illam, quam in Alcorano legimus, nempe Deum per stellas Cæli iurasse, nunquam Mahumetum fuisse tentan-

&c. Quis non miretur Mauros venerari, vt Sanctum; & Dei Prophetam hominem viciolissimum, & delectationibus carnis penitus deditum. Hæc expendere, & amplificare debet Christi prædicator, vt pudore suffundat Mahumetanos, & eos agnoscere cogat Mahumetum Virum fuisse sceleratissimum.

His adiungo aliam historiam, quam ex libris Mahumetanorum refert Sanct. Petrus Paschalius pagin. 25. numer. 21. historiam hanc de vxore Zeidini à Mahumeto vsurpata narrans, ait, Mahumeto cum alijs deambulante, manus, pedesque eius repente intortos apparuisse, eumque in terram cecidisse, vti solebat cum spiritus eum arripiebat: tunc circumstantes illum operuisse dicentes, eius amicum Angelum ei apparuisse. Et postquam paulisper in terra iacuisset, surrexisse, & dixisse sibi dictum, & inspiratum fuisse, quod Zeineb vxorem Zeidini Matrimonio sibi copularet, & insuper Deum illam sibi in Matrimonio collocasse, quia illius flagrabat amore: & istius Matrimonij testes esse Michaellem, & Gabrielem. Additque Sanct. Martyr prædictam Zeyneb alijs vxoribus Mahumeti insultare solitam, cum iactantia dicendo: *Se meliorem esse illis, si quidem nupta vxorataque erat cum Propheta, non ab hominibus, sed à Deo.* Finitque narrationem S. Martyr, his verbis: *Et hæc historia in Alcoran scripta manet, tanquam maxima, & præcipua Mahumeti laus.*

Quis est adeò vecors, & stupidus, qui non agnoscat hoc dolo, & hac arte vsum fuisse Mahumetum,



stimulasseque revelationem, ut potiretur vxore Zei-  
dini sine nota adulterij, & incæstus? Nam Mahume-  
tus Zeidinum adoptauerat in filium, ut testatur ibi-  
dem S. Petrus Palchafius. Vnde manifeste constat,  
Mahumetum adulterum, & incæstuosum fuisse, &  
revelationes finxisse ad explendam impotentem li-  
bi dinem.

Et ut ait Ioan. Andr. in suo libro contra sectam  
Mahumetanam cap. 7. Iacobitarum Rex tanquam  
munus magni pretij obtulit Mahumeto Virginem  
pulcherrimam, natione Iudæam, Marinam nomine:  
statim eius amore captus est Mahumetus; eamque so-  
licitavit, & consequutus est. Et cum duæ ex princi-  
palioribus vxoribus Mahumeti adulterium suspica-  
rentur, stimulis Zelotipiæ agitatæ, diligenter eum ob-  
servabant, per rimas, & cancellos auscultantes uma-  
ritum suum, & ancillam. Tandemque eos in adulte-  
rio deprehenderunt, & acriter vtraque Mahume-  
tum reprehendit, exprobrantes delictum, & dicen-  
tes, eum non se gelsisse ut Prophetam; nec facere,  
quod prædicabat, sed violasse fidem matrimonij  
quam in sua lege præcipiebat. Ille vero timens ne  
res tam fæda in vulgus spargeretur, enixè ab eis po-  
stulavit, ut rem silentio premerent; & iure iurando  
promisit, se nunquam deinceps fidem matrimo-  
nij violaturum. His promissis placati sunt. Cæte-  
rum cum secundo eum quadam die cum ancilla pec-  
cantem offendissent, in iras effusæ conquestæ sunt  
apud suos consanguineos de Mahumeti inadelita-

te, dicentes, Mahumetum eas repudiasse, & fidem matrimonij, & iuramenti iniquè fregisse. Res publicata est, & Mauri scandalizati sunt. Mahumerus vero, ut notam, & ignominiam effugeret, ad communes, suas artes fingendi revelationes confugit. Finxit Deum per Angelum Gabrielem sibi locutum, & novum capitulum legis sibi dedisse Alcorano inferendum, in quo Deus præcipiebat, quod Mauri possent ancillas cognoscere licite, & absque ullo peccato, etiam vxoribus iniunctis. Et hoc mandatum posuit initio capitis, ut gratiam Maurorum captaret. Et legitur in Alcorano lib. 4. & caput illud appellatur *Capitulum de prohibitione, capitulo del vedamiento*, ut ex Arabico vertit Ioannes Andreas. Introduciturque in eo capite Deus excusans Mahumeti factum, & testificans, *Eum in hoc opere non peccasse*, & præcipiens vxoribus Mahumeti, ut veniam à Propheta petant. Viderint nunc Mahumetani, quam verum sit quod Alcoranum testatur, Mahumetum nunquam peccasse, neque falsitatem dixisse; cum constet evidenter, eum adulterum, & perjurum fuisse. Hanc eandem historiam narrat etiam S. Petrus Paschasius pag. 35. num. 34. dicitque illam Mahumeti concubinam appellatam fuisse *Meridm*.

Ut autem constet, quam carnalis fuerit Mahumerus, audiant Mahumetani, quod narrat liber *Azeat*, nempe Mahumetum nupsisse cum filia Vbequar puella sexenni, & in illa tenera ætate consumasse cum illa matrimonium. Ita testatur Ioannes Andreas cap. 12. sui libri in fine. Alij autem Autores dicunt, octo an-

nos habuisse puellam illam, quando Mahumetus cum  
ipsa concubuit. S. Petrus Paschasius pagin. 23. num.  
20. ait, Axam septem habuisse annos, quando Ma-  
humetus duxit illam, decem vero, cum eam deflo-  
ravie.

Audiant, quod narrat S. Petrus Paschasius ex Mar-  
torum libris pag. 36. num. 36. Mahumetus (inquit)  
in diebus menstrualibus suarum mulierum uteba-  
tur illis vase præpostero. Et sic Axa vxor illius cir-  
ca hoc dedit contra Mahumetum testimonium  
pessimum, & vile, dicens: Mahumetus mihi insit  
meam operire naturam, quando volebat coire  
mecum in tempore menstrui, & insuper Maymona  
vxor illius dixit: Quod quando Mahumetus cum  
aliqua ex suis mulieribus cubare volebat, iubebat  
illam, quæ tunc habebat menstruum, quod natu-  
ram suam cooperiret, pannisque etiam eam com-  
primeret, & tunc utebatur illa. Et circa hanc ma-  
teriam Maurus quidam illum interrogavit, dicens:  
quid faciam, quando mea est in menstruis vxor?  
Et respondit illi Mahumetus, comprime super  
eius naturam fœmoralia illius (nam fœmoralibus  
utuntur mulieres Mahumetanae) & reliquis eius  
membris, seu corporis partibus scito te pro tua  
voluntate uti posse.

Audiant, quod idem Sanctus Martyr narrat ex  
Mahumetanorum libris pag. 27. num. 23. In Mauro-  
rum (inquit, libris scriptum habetur, quod Mahumet-  
us veste utebatur purpurea, ungebatque se vingue-



„ tis odoriferis, vt bene oleret, optissimusque à se  
 „ odor exiret: etiamque oculos, & labia tingebat,  
 „ sicut hac tempestate Maurorum prætores, & alij  
 „ multi, & multæ faciunt. Vnde cum aliqui suorum  
 „ sectatorum Mahumetum de his rebus reprehenderent,  
 „ & obiurgarent dicentes, quod talia Dei  
 „ Nuntio non convenirent. Respondit (false se excusando) *Datum mihi est, & concessum, quod delecter voluptatemque capiam in tribus: Primum vnguentis: secundum mulieribus: tertium oratione.* Sed in hoc tertio palam mentitus est, quia cum duobus prioribus non convenit: nihil enim ita mentem auertit à Deo, rebusque divinis, neque orationem ita impedit, ac carnales delectationes, quæ mentem obæcant, & hominem similem iumentis insipientibus reddunt. Et duo priora manifestè ostendunt, Mahumetum non fuisse Dei Prophetam, neque Virum spirituales. Nā vt inquit S. Gregorius, *Gustato spiritu, deobsipit caro:* & quanto quis Deum gloriosum, & excelsum profundius contemplatur, ardentius amat, dulcius gustat, tanto plus fastidit carnalia, & delectamenta aspernatur venerea. Idcirco si Mahumetus fuisset vir spiritualis, & consolationes divinas expertus, nusquam vsque adeo insipienter fuisset locutus. Proptereaque Paradysum posuit in delectationibus gustus, & tactus, quia eius spiritus semper carnalibus delectationibus inhians, veluti in carnem mutatus erat: & quia caro erat, Spiritus Dei in illo commorari non poterat.

Audiant quod narrat Dionysius Carthusianus in suo opere contra Mahumetanos pag. 487. id deducens ex libris authenticis Mahumetanorum, nimirum Mahumetum falsum esse: *Quod tantum potuerit cum mulieribus agere, quantum alij viri quadraginta ad coitum fortes.* Unde vna hora poterat cum quadraginta foeminis consummatam, & perfectam copulam habere. Hoc de seipso dixisse Mahumetum, & se laudasse de hac monstruosa potentia, testantur tres libri apud Mahumetanos valde authentici, nempe liber *Asmail*, in quo agitur de bonis qualitatibus Mahumeti: & liber *Agear*, in quo scribuntur vitæ Acahsarum, & alius liber, qui appellatur *Almazhodi*. Ita refert Lupus de Obregon in suo tractatu contra Mahumetanos, ex Ioanne Andrea, & alijs. Ex his verbis planè convincitur, Mahumetum non fuisse Dei Prophetam, & Virum Sanctum, vt cæci Arabes credunt: quia vel falsum dixit, vel verum. Si falsum, mendax fuit, & insuper carnalissimus, quia magnam sui laudem existimavit, habere potentiam ad coitum valentiolem, quàm habeant tauri, vel asini emissarii. Si verum, evincitur Diabolum ei subministrasse fomenta libidinis, quia naturale nequit esse, quod unus homo possit cum tot mulieribus intra brevem temporis moram copulam consummare.

Quare merito S. Petrus Paschasius, postquam ex libris ipsis Mahumetanorum, enormia Mahumeti, comprobavit delicta, tandem pag. 50. num. 60. concludit, quod doctrina, quam tribuit, & docuit

suos credentes Mahumerus, fuit occidere homi-  
 nes, stuprare, & captivas ducere mulieres cum par-  
 vulis, alienum prædari, sub illorum potestate redi-  
 gere terras, & aliena regna forni, incantationes,  
 & coniurationes facere, augurari, ominari, & aus-  
 picari, divinis, & incantatoribus uti propter con-  
 cupiscentiam, & luxuriam, propter cupiditatem &  
 ambitionem omne rationis metas transilire, ha-  
 benas virijs laxare, nihil malum prohibere, omnia  
 mala tolerare, non custodire, neque servare legi-  
 bus, & promissis non stare, & quod plus est,  
 omnia iuramenta faciliter frangere, nisi in illorum  
 utilitate cedere, contempnerint. Denique in eius Al-  
 corano, eiusque dictis multas vanitates, fabulas,  
 mendacia, contrarietates, & Hæreses viles, & im-  
 puras invenietis infertas, & alia multa, quæ minime  
 dicere, nec facere debuisset homo, qui se Nuncium  
 Dei esse dicebat. Et si se ab hoc inaniter iactabat,  
 quare vxores accipiebat alienas, non solum exte-  
 rorum, sed etiam suorum, & viliter, & perulantes  
 se excussans, dicebat, quod illi Deus omnia, quæ  
 appetebat, concedebat? Et quod in hoc mundo  
 suæ delitiæ, ac voluptates erant, vnguentis pretio-  
 sis, & odoriferis, vestibus purpureis, & mulieribus  
 uti ad nutum suæ voluntatis? O stultitia misero-  
 rum, qui crediderunt, & credunt in talem Nun-  
 cium! Tam manifestè in frontem, & in verecundum,  
 tam publicum peccatorem, Hæresum, mendacio-  
 rum, errorum, abusionum, amentiarum, & vanisa-  
 tum



rum feminatorem! Hucusque Sanctus Martyr, Le-  
ge, quæ à nobis supra dicta sunt cap. 1. & 2. de modo,  
quo Mahumetus suam sectam invexit, & facile con-  
stabit, Mahumetum non fuisse Dei Prophetam, sed,  
sagacissimum regnorum deprædatorem, qui ut, reg-  
num sibi, & suis successoribus relinqueret, legem  
composuit, quæ nihil difficile intellectui proponit, &  
nihil arduum voluntati præcipit, sed habenas laxat  
cupiditati, ambitioni, & luxuriæ.

## CAPUT VI.

*Ideo Diabolus Mauris persuadet, Mahumetum fuisse Vi-  
rum Sanctum, ut eius vitia sub larvâ virtutum imitan-  
tes in infernum cum ipso detrudantur.*

**Q**uod Viferio meditatus fuerit, quomodo tot Arabes,  
& Persæ & aliarum nationum homines ingenij  
acumine præditi Alcoranum legere possint, quin sta-  
tim cognoscant, Mahumetum non divino consilio,  
sed astutiâ humana librum illum composuisse, & le-  
gem dedisse carni, & sanguini conformem, ut homi-  
nes facilius ad se traheret, & regnum sibi pareret;  
facile deprehendet Diabolum, tenebras offundere  
menti eorum, ut dum Mahumetum Virum Sanctum  
fuisse credunt, facile eius vitia imitentur. Ut enim  
expendit Theodoretus lib. 7. de Græcarum affectio-  
num curatione, inter technas, & astutissimos Diaboli  
dolos ad præcipitandos homines in fædissima flagi-

tia, vnus ex præcipuis fuit. persuadere hominibus, vt  
 tanquam Deos colerent, & venerarentur homines  
 flagitiosos, plenos sæuitijs, libidinibus, iniustitijs, &  
 omnium generum delictis; vt Saturnum homicidam,  
 & patricidam: Ieuem incaustum, & nefandum;  
 Apollinem nephandum adulterum; Mercurium Sedu-  
 ctorem; Venerem, & Floram meretrices; Plutodem  
 Proserpinæ raptorem; & alia huiusmodi monstra; &  
 vt omnibus manifesta fierent suorum Deorum flagi-  
 tia, etiam persuasit Poetis, vt illa carminibus suis de-  
 pingerent, & mentibus hominum ad imitationem  
 „ blande insinuaient. Quia vero maxima pars homi-  
 „ num litteras nescit, neque idonei sunt qui Poeta-  
 „ rum, ac Philosophorum verba, sensusque perci-  
 „ pant, alia quædam reia rudioribus his capiendis,  
 „ retinendisque comparauit. Instituit enim pictores,  
 „ fabrosque ferrarios, quique faciendis simulachris  
 „ opifices ligno lapideque vtuntur, tales eorum fi-  
 „ guras, qui vocantur Dij, pingere, cudere, conflare,  
 „ effingere, quales illi fabulatores suis pridem verbis  
 „ expresserant, vt haberent hi quoque proposita fla-  
 „ gitorum exempla, quique participes lectionis,  
 „ sermonumque esse non poterant, ita saltem fadi-  
 „ simas imagines intuendo execrabili doctrina mi-  
 „ nus carerent. Atque horum artificum simulachris,  
 „ non solum templis complerunt, sed fora, sed viros,  
 „ sed locupletum Virorum domus; quoquo enim te  
 „ veritas, est videre eos, qui falso Dij nominantur,  
 „ amatorum facta exprimere, præ libidine rabidos  
 fer-

„ferri, in venerem concitari: Patremque Deorum  
 „tauro, aquila, cygnoque dissimulatum, coque pacto  
 „amicis feminis commisceri: Mercuritum vero ser-  
 „monis praesidem, hircum effectum Panà, filium  
 „genuisse caprinis fultum eruribus, & cornibus prae-  
 „munitum, &c.

Hincque effectum est, ut miseri homines, qui in  
 suis peccatis interioribus conscientiae stimulis pun-  
 gebantur, & remorsu conscientiae aliquantulum de-  
 tinabantur, ne tam prout in vitia ruerent, in tantam  
 dissolutionem devenerint, ut sine freno in omne fla-  
 gitiorum genus suorum Deorum facta imitantes  
 prolapsi sunt. Ut optimè notavit Iulius Firmicus in  
 eo libro, quem composuit de errore Religionum  
 prophanarum. *Adulterio delectatur aliquis? Iovem respi-*  
*cit, & inde cupiditatis suae fomenta conquirat, probat, imi-*  
*tatur, & laudat, quod Deus suus in cygno fallit, in tauro*  
*rapit, ludit in satyro.* Erant quippe quasi canonizata  
 flagitia, dum tanquam Dij colebantur, qui similia  
 commiserant peccata, & ideo non fugiebantur ut pro-  
 bitiosa, quia patrata cernebantur ab ijs, quos ut Deos  
 colebant. Unde cum Chreas apud Terentium in Eu-  
 nucho reprehenderetur, quod dolo, & violentia vir-  
 ginem quandam defloraverat, respondit. *Si princeps*  
*Deorum Iupiter hoc fecit, cur non facerem ego, qui homo*  
*mortalis sum?* Si enim iure merito dixit Firmicus:  
*Desinunt esse probri loco purpurata flagitia: à fortiori de-*  
*sinebant apud Gentiles esse probri loco quasi deificata*  
*flagitia, id est, à Dijs commissa,*



# 410 *Demonstratio contra Mahomet.*

Et ideo æterna Dei sapientia, Dei Filius, in hunc mundum venit, ut dissolveret hæc opera Daemonum. *In hoc apparuit Filius Dei, ut dissoluat opera Diaboli*, inquit Ioannes Epist. 1. cap. 3. v. 8. Ideo enim Filius Dei factus est homo, ut se nobis omnium virtutum exhiberet perfectissimum exemplar: ut qui Deorum falsorum vitia imitantes præcipitabantur in infernum, Veri Dei apparentis in homine virtutes imitantes in Cælum ascenderent, & ideo factus est homo, ut sicut falsi Dij, qui fuerunt homines vitiosissimi, & exemplo suæ depravatæ vitæ in libris Philosophorum, & Poetarum publicatæ, & oculis representatæ in statuis, & simulachris totum mundum corruerunt: ita verus Deus factus homo exemplo visibili suæ vitæ, ab omni peccato mundissimæ, & omni virtute ornatissimæ, litteris traditæ summa autoritate, & sinceritate, & mundo prædicatæ per Viros Sanctissimos, & coram oculis hominum in imaginibus, & simulachris propositæ in templis, & domibus magna efficacia moveret homines ad fugam, & derestationem omnium vitiorum, & ad amorem honestatis, cunctarumque virtutum valide pertraheret. *Atque adeo sapientissimus universorum Deus factus homo paucis viris, iisque piscatoribus, & publicanis, & uni funium contextori*, (inquit Theodoretus in præmio libri, quem inscripsit, „ Hæreticarum fabularum compendium) universum „ terræ habitabilis orbem colendum tradidit. Sec- „ lestissimus autem Dæmon hominum pernicies, „ cum vidèret eos multorum Deorum adorationis

errorem spinas radicatus evellere, seque ijs, qui  
 obediunt, privari, ac destitui: cum sit machinarum  
 confarcinator, & improbitatis artifex, alias insi-  
 djandi rationes excogitavit. Cum enim homines  
 sua operatione dignos elegisset, & veluti perso-  
 nam quandam eis Christianorum appellationem  
 imposuisset, & tanquam melle quodam os poculi  
 illivisset, exitiale mendacij venenum hominibus  
 obtulit: & cum hominum perniciem sitiret, non  
 expectavit ut Apostolorum predicatio confirma-  
 retur, & invalesceret, & tunc fraudem offerret:  
 sed cum primum illi terram colere ceperunt, &  
 vera pietatis, ac Religionis semina deicere, is in-  
 terca seminavit zizania. Hæresiarchas scilicet ex-  
 citando, qui veritatem ab Apostolis prædicatam op-  
 pugnant; & primum omnium elegit Simonem  
 Magum: Deinde Basilidem, Carpocratem, Cherin-  
 thum, Ebionem, Marcionem, Arium, Nestorium, &  
 alios eiusmodi Hæresum optifices. Cum autem altis-  
 simus Dæmon videret Ecclesiam Christi harum  
 Hæresum zizania eradicasse per Concilia, & San-  
 ctissimorum Patrum scripta: excitavit Mahometum  
 hominem superbum, ambitiosum, carnalem, qui no-  
 vam cuderet sectam, & sub specioso titulo cultus  
 veri Dei introducendi, & idololatriæ extermi-  
 nandæ mundum inficeret; & ut facilius finem inten-  
 tum assequeretur, disposuit, ut Arabes cum sectam  
 illam suscipiunt, tanquam summam, & compendium  
 suæ fidei crederent, *Unum esse Deum, & Mahometum*  
*esse*

*esse eius Prophetam, Nuncium, & Apostolum. Et ideo*  
*vt vidimus supra capit. 3. pagina 53. cum circun-*  
*ciduntur faciunt fidei suæ professionem sub hac for-*  
*ma: La illa illa, Alba Mahumed Rasualha, id est: vnus*  
*Deus tantum est, & Mahumetus est eius Profeta, & Apo-*  
*stolus. Et dant operam vt pueri non circuncidentur*  
*vsque dum possint verba illa proferre, & suæ fidei*  
*protestationem facere. Atque Dæmon nullum detri-*  
*mentum ratus est, quod Mahumetani credant hanc*  
*primam veritatem, quod non est nisi vnus Deus,*  
*dummodo simul cum hac veritate credant maximam*  
*illam falsitatem, quæ omnium errorum Mahumeranæ*  
*sectæ origo est, nempe, quod Mahumetus fuit maxi-*  
*mus Dei Profeta à Deo in orbem missus, vt homi-*  
*nes viam salutis doceret, & legislator sanctissimus.*  
*Hinc enim fit, vt credant vera esse omnia, quæ in Al-*  
*corano credenda proponit, & licita, & sancta esse*  
*omnia quæ præcipit, & permittit, & vt exempla sui*  
*Prophetæ sectentur. Vnde, quia ille multas vxores*  
*habuit, & ancillas defloravit, & venerem præposte-*  
*ram cum vxoribus exercuit, & vxores dimittere do-*  
*cuit, & peccatum nefandum in lege sua non punit; &*  
*incantationibus, & augurijs vsus est: & regna depræ-*  
*datus est aliena, & Christianas terras occupavit; alia-*  
*que execranda commisit scelera, hæc omnia Mahu-*  
*metani imitantur; nec illos pudet facere, quod fecisse*  
*sciunt Mahumetum, quem Virum Sanctum, & Dei*  
*Apostolum credunt fuisse.*

*Quare Christi prædicator in conversione Mauro-*  
*rum-*



rum laborans, debet in hoc maxime incumbere, ut ostendat Mahumetum non Dei Prophetam, sed seductorem, non virum sanctum, sed hominem sceleratissimum fuisse, qui larvam illam legislatoris, & Prophetæ accepit, ut sibi regnum compararet: qui in suo Alcorano mendacijs multa vera inseruit, & malis bona commiscuit, malignitate fallendi, ut scilicet falsis propter vera crederetur, & mala propter bona reciperentur, ut supra pag. 20. observavimus ex Guillelmo Parisiensi: eiusque propositum non fuit aliud, quam difficultatem omnem profligare, quam Christiani homines incredendo, & operando patiuntur, ut constat ex verbis Bellarmini relatis pagin. 5. ut ita homines facile susciperent legem, quæ nihil difficile intellectui credendum proponit circa divina, neque aliquid carni, & sanguini contrarium præcipit, sed ianuam aperit delectationibus carnis, & cupiditatibus animi.

## CAPVT VII.

*Pluralitas vxorum, & eas repudiandi licentia, quam lex Mahumeti præscribit, clarè demonstrat, eam non esse legem Dei.*

**M**Ahumetus in Alcorano lib. 4. Azorà 3. sic loquitur: *Duas vel tres, aut quatuor vxores ducite, nisi timueritis eas nullatenus pacificare posse; tunc enim quot sua manus castigare quiverit. Iam autè usu receptum est apud Mahumetanos, ut vnusquisque, tot ducere*

cere post, quos alere valet. Et ideo Magnus Turca in quodam Palatio, quod appellatur Serrallo, ducentas, vel trecentas mulieres sub titulo vxorum habet præter concubinas. Magnates autem & Dynastæ habent quadraginta vxores in diuersis domibus, quas Eunuchi custodiunt. Ita testatur Thomas Bœius de signis Ecclesiæ tom. 1. signo 56.

Quia Mahumetus suam legem miraculis, & operatione virtutum introducere non potuit, per humanam astutiam excogitavit quidquid erat accommodatum ad suæ legis divulgationem, & extensionem, & id tanquam sibi à Deo revelatum, & diuinitus inspiratum barbaris Arabibus proposuit. Hinc se in virtute gladij à Deo missum perhibuit, hinc suos ad deprædationem, & pugnas hortatus est: hinc multitudinem vxorum, & repudiationem concessit; hinc licentiam cognoscendi fœminas in bello captas indoluit, quo alacriores & promptiores ad bella faceret.

Hanc vero legem de pluralitate vxorum iniustam esse, est de fide Catholica, definitum in Tridentino sess. 24. Canone 1. h's verbis: *Si quis dixerit licere Christianis plures simul habere vxores, & hoc nulla lege diuina esse prohibitum, anatHEMA sit.*

Sed non solum est illicitum Christianis, sed omnibus gentibus. Idque probatur contra Mahumetanos ex veteri, & novo Testamento, quæ Mahumetus admittit, & quibus iubet credi, vt vidi noster sup. pag. 149. Nam Gen. 2. v. 24. dicit Deus: *Relinquet homo patrem suum, & matrem suam, & adhaerabit ei, & erunt duo*

*Duo in carne vna.* Ut autem expendit Innocent. III. in cap. *Gaudemus* de divortijs ad probandum paganum habentem plures vxores, dum convertitur ad fidem non posse nisi vnam retinere, nempe illam, quam primo duxit, in illis verbis continetur præceptum divinum de vnica tantum vxore, non enim dixit Deus: *Adhærebit vxoribus suis, sed adhærebit vxori suæ*: nec dixit, *erunt plures in carne vna*: *Sed erunt duo in carne vna*, ijs verbis apertè significans, à se sancitum esse, vt vnus vir vnam dumtaxat, & non plures simul habeat vxores. Quod autem illa sint verba Dei, & non Adæ, apertè docuit Christus Dominus Matth. 19. v. 4. Cum enim Pharisei tentantes eum, interrogassent ab eo, an liceret homini dimittere vxorem quacunque ex causa? Respondit Dominus: *Non legistis, quia qui fecit hominem ab initio, masculum, & feminam fecit eos? Et dixit: Propter hoc dimittet homo patrem, & matrem, & adhærebit vxori suæ, & erunt duo in carne vna.* Hæc verba dicta à Deo, & per os Adæ, tanquam per os præconis divini proclamata legē apertissimam de vnitæte vxoris declarant. Ex illis enim verbis tanquam à Deo prolatis Salvator noster contra Phariseos probavit, non licere viro prima vxore vivente alteram ducere, neque primam dimittere. Ergo Christus Dominus exponens mentem sapientis legislatoris Dei, docuit, Deum vnam tantum vxorem vni viro concessisse: ergo polygamia multarum vxorum simul iure divino à Deo fuit prohibita.

Quod confirmatur ex illa explicatione Christi



## 416 *Demonstr. contra Mahamet.*

Domini Matth. 19. vers. 6. *Itaque iam non sunt duo, sed una caro.* Hæc enim verba significant, matrimonij initio instituti eum esse effectum, ut qui coniunguntur fiant vna caro: at si vnus multis iungatur, non erit vna caro, sed multæ, neque tam fiet vnio, quam divisio per tale matrimonium. Expendensque Hieronymus illa verba Christi: *Qui fecit hominem ab initio, masculum, & feminam fecit illum*, asserit, quod dicendo, *Masculum, & feminam*, ostendit, secunda vitanda coniugia: non enim ait, masculum, & feminas, quod ex priorum repudio quærebatur, sed *masculum, & feminam*, ut vnus coniugis consortia necerentur. Et ut communiter interpretantur Patres, Chrysostomus, Hieronymus, Beda, Theophilactus, Euthimius, Strabus, & Author imperfecti, Christus illis verbis fecit hoc argumentum: si Deus voluisset vnum virum plures habere vxores, non vnam tantum, sed plures feminas initio fecisset. Neque enim Adamus aliam poterat habere vxorem, nisi quæ cum illo creata fuisset à Deo: quia omnino repugnat naturæ, ut pater ducat filiam, aut neptem: omnes autem feminae præter Evam, aut filia, aut neptes Adami fuerunt. Atque adeo Deus coegit Adamum Monogamum esse. Quod si tunc, quando propagandum erat genus humanum, noluit Deus ut Adamus haberet nisi vnam vxorem: multo minus volet nunc, quando vniversus orbis plenus est iam hominibus, quod vnus homo habeat plures feminas.

*Idque iterum deducitur ex illis verbis Dei: Et*

erunt duo in carne vna. Disputant Patres, & Expositores, quomodo vir, & mulier dicantur vna esse caro. Hieronymus, & Beda ad liberos referunt, vt D. Thomas interpretatur in catena, & in commentarijs ad hunc locum; quia nimirum ex viro, & vxore genitus filius vna vtriusque communis est caro. Alij ad corporum coniunctionem, quem admodum videtur interpretari D. Paulus 1. ad Corinth. 6. dum ait: *Qui adhæret meretrici vnum corpus efficitur.* Alij ad amorem mutuum, de quo idem Paulus ad Ephes. 5. Ita, & viri debent diligere vxores suas, vt corpora sua. *Qui vxorem suam diligit, seipsum diligit.* Alij ad potestatem, quam vir in vxorem, & vxor in virum habet; vt enim inquit D. Paulus 1. ad Corinth. 7. *Mulier sui corporis potestatem non habet, sed vir. Similiter autem, & vir sui corporis potestatem non habet, sed mulier.* Alij vero, quorum sententiam maximè probat Maldonatus, aiunt, perinde fuisse dicere: *Erant duo in carne vna*, ac si diceret: non iam duo sunt homines, sed vnus. Notum est enim carnem ab Hebræis poni pro toto homine, vt, vidimus sup. pag. 202. Significat ergo Christus virum, & vxorē non duos esse homines, sed vnum; vxorem veluti corpus, virum veluti spiritum, & animam esse. Itaque non magis debere virum ab vxore, quam animam à corpore separari. Vnd: sicut eadem anima non potest duplex corpus simul informare; ita ex Dei institutione nequit idem vir duplicem vxorem habere.

Probatur idipsum ex nouo Testamento. Nam Christus Dominus Matth. 19. volens restituere Ma-

Matrimonium ad eum statum, eamque perfectionem, & rectitudinem, quam habuit in sua primæva institutione, polygamiam omnino prohibuit, illis verbis: *Quicumque dimisserit uxorem suam, nisi ob fornicationem, & aliam duxerit mæchatur.* Ex quibus verbis evidenter infertur esse illicitum transire ad secundas nuptias vivente prima uxore: si enim qui primam uxorem dimisserit, non potest secundam legitime ducere, sed mæchatur dum alij mulieri coniungitur, quia nimirum priori iniuriam facit, cui sui corporis potestatem fecit per primum & legitimum Matrimonium: ergo et fortiori mæchabitur, si retenta priore uxore, novam duxerit: Ergo ex Christi declaratione, & institutione est omnino irritum secundum Matrimonium vivente prima uxore.

Quod confirmatur: Nam Marcus hanc eandem historiam narrans, inquit cap. 10. v. 11. *Quicumque dimisserit uxorem suam, & aliam duxerit, adulterium committit super eam.* Vbi non excipit fornicationis causam; sicut Mathæus exceperat. Vt autem notat Maldonatus, non potest excogitari alia causa, cur Mathæus exceperit fornicationem, Marcus vero non exceperit, nisi quia Mathæus voluit explicare, aliquando licere uxorem dimittere, si nimirum adultera sit: Marcus autem docere voluit, nunquam licere aliam uxorem ducere: etiamsi prior propter adulterium dimissa sit.

Animadvertitque Maldonatus, observatione dignum esse, quod Marcus dicat: *Adulterium committit* su-



*super eam*, id est contra eam, atque, ideo Marcum hoc dixisse, ut indicaret, non magis licere dimissa vxore adultera aliam ducere, quam vxore contra ipsum adulterium committente, contra illam adulterium committere. Lucas etiam cap. 16. v. 18. generaliter locutus est sicut Marcus, dicens: *Omnis qui dimittit vxorem suam, & alteram ducit, mæchatur, & qui dimissam à viro ducit, mæchatur.* His verbis planè significans, Christum Dominum vniuersaliter prohibuisse polygamiam.

Deinde id ipsum probatur multiplici ratione. Quia quamvis vxorum pluralitas non sit contra primarium Matrimonij finem, qui est filios procreare, & educare; cum vnus vir multis mulieribus fecundandis, earumque libris educandis sufficiens esse possit: neque vxorum pluralitas sit contra prima iuris naturalis principia, quæ certissimam, ac inuolabilem consuetudinem continent, & in quæ nulla potest cadere dispensatio: tamen illa vxorum pluralitas est contra alios fines secundarios Matrimonij; & attento iure naturæ illicita est, nisi accedat Dei dispensatio, vt late probat P. Thom. Sanchez lib. 7. de Matrim. disp. 80. Idque persuadent rationes adductæ à D. Thom. 3. contrah. cap. 124. & à Bellarm. tom. 2. lib. 1. de Matrim. cap. 10. & ab Alphonso de Castro lib. 11. aduersus Hæreses, verbo nuptiæ in 4. Hæresi.

Probatur autem primo, quia in omni Matrimonio intervenit quidam contractus vi cuius coniuges mutuo trasferunt in alterum sui corporis dominium,

Neque mulier dum viro nubit gratis tribuit viri corporis sui potestatem, sed propter æqualem compensationem, quia nimirum vir vicissim tradit mulieri sui corporis potestatem, & ideo Paulus 1. Corinth. 7. dicebant: *Mulier sui corporis potestatem non habet, sed vir. Similiter autem vir, &c.* Ergo sicut mulier plenam sui corporis potestatem viro tradit, ita vir tradere debet plenam sui corporis potestatem mulieri: quod non contingeret, si idem vir plures haberet vxores, quia potestas in corpus mariti esset diuisa inter plures, & ita nulla haberet plenam potestatem in illud. Quid enim si vtraque simul debitum peteret? Tunc enim vtrique maritus reddere non posset. Vnde vel vtraque fraudaretur vsu dominij sui: vel altera alteri præferretur, & tunc illa, quæ postponeretur, iniuriam pateretur. Esset ergo contractus inæqualis, & iniustus.

Secundò, quia finis secundarius Matrimonij est remedium adhibere fragilitati virorum, & mulierum, ne si consorte careant prolabantur in peccatum incontinentiæ. Et ideo Apost. 1. Corinth. 7. v. 5. dicebat vxoratis: *Nolite fraudare inuicem, nisi fortè ex consensu ad tempus, vt vacetis orationi: & iterum reuertimini in idipsum, ne tentet vos Sathanas propter incontinentiam vestram.* Est autem contra hunc finem pluralitas mulierum; quia vnicus vir nequit multarum mulierum incontinentiæ remedium adhibere. Vnde quo vir plures vxores acceperit, eo Matrimonium erit iniustum.

Tertiò, quia vxorum pluralitas aduersatur tranquillæ, ac pacificæ cohabitationi coniugum, quæ est finis secundarius Matrimonij, essetque multarum rixarum fomes, & contentionibus, & æmulationibus perpetuam præbet occasionem, vt constat ex contentionibus inter Saram, & Agarem vxores Abraham, inter Liam, & Rachelem vxores Iacob, Gen. 16. & 30. & inter Annam, & Phenenam vxores Elcanæ 1. Reg. 1. connaturale enim est, & sexui fragili mulierum conforme, vt vnaquæque vxorum virum sibi magis propitium, & ardentiorẽ sui amatorem facere satagat, & alijs inuisum, & infestum reddere, vnde ex multitudine vxorum vitium zelotipiæ, rixæ, & discordiæ necessario oriuntur. Cum ergo Deus nihil magis commendauerit hominibus, quam concordiam, & pacem: consequens est vt prohibuerit pluralitatem vxorum, quæ perpetuam discordiæ materiam facile subministrat.

Quartò, quia vxor non subditur viro tanquam famula, sed tanquam socia, & collateralis: & ideo ipsa quoque in domo principatum habet, vt fusc probat S. Chrysostom. Homil. 20. in Epist. ad Ephes. Idque deducit S. Thom. 1. part. q. 29. art. 3. ex ipsa formatione mulieris: ideo enim nec ex capite, nec ex pedibus, sed ex latere formata est, vt neque denominetur viro, nec illi subijciantur instar ancillæ; sed socia sit & collateralis. Quod etiam testantur honorum vocabula, & Regum enim vxores Reginae, & Augustorum Augusta dicuntur. Iam vero omnis principatus sua



naturā diligit singularitatem, vt August. docet lib. de bono coniugali, cap. 17. ergo repugnat Matrimonio vt vnus viri plures sint coniuges. Vt enim Aristotel. docet 8. Ethic. cap. 12. vir, & vxor non coniunguntur solum ad procreandum, vt animalia cætera, sed etiam ad cohabitandum, & vt simul familiam regant, & officia domesticæ inter se diuidiant. Vnde officia illa, quæ attinent ad vxorem vnus debent esse, vnaque proinde duntaxat debet esse vxor, vt illa quoad illa munia mulierum propria in familia principatum teneat.

Quintò, quia vt inquit D. Thomas 4. contragent. cap. 124. num. 2. In omni animalis specie, in quo patri inest aliqua sollicitudo de prole, vnus mas non habet nisi vnā fœminam: sicut patet in omnibus ayibus, quæ simul nutriunt pullos: non enim sufficeret vnus mas auxilium præbere in educatione prolis pluribus fœminis. In animalibus autem in quibus maribus nulla est sollicitudo de prole, indifferenter mas habet plures fœminas, & fœmina habet plures: sicut in canibus, in gallinis, & huiusmodi. Cum autem masculo inter omnia animalia sit magis cura de prole in specie humana, manifestum est, quod naturale est homini, quod vnus mas vnā fœminā habeat, & e converso.

Sextò, quia inter Virum, & vxorem debet esse vera, & liberalis amicitia, amicitia autem in quadam æqualitate consistit; si autem liceret viro habere plures vxores, non esset liberalis amicitia vxoris ad virum,

rum, sed quasi servilis, & hæc ratio (inquit D. Thom.) experimento comprobatur; quia apud viros habentes plures vxores, vxores quasi ancillæ habentur.

Denique quia vt ait idem D. Thom. amicitia intensa non habetur ad multos, vt patet per Philosoph. Ethic. 8. si igitur vxor habet vnum virum tantum, vir autem plures vxores, non erit æqualis amicitia ex vtraque parte: non ergo erit amicitia liberalis, sed quodammodo servilis.

Sed Mahumetani se protegunt exemplo Patriarcharum, quos constat habuisse multas vxores. Hanc difficultatem copiose, & erudite tractat Cardinalis Bellarminus tom. 2. lib. 1. de Matrimon. cap. 11. Ex quo respondeo, sententiam esse Scholasticorum communem Patriarchis antiquis licitum fuisse, ex diuina dispensatione plures vxores simul habere. Et vt declarat Innocentius III. cap. *Gaudemus* de divor. nulli vnquam fuit licitum sine diuina dispensatione plures simul vxores habere. Et ita Chrysostomus Homil. 56. in cap. 30. Genes. dicit consuetudinem plurium vxorum habendarum fuisse malam, & ideo à Christo abolitam; sed Patribus antiquis fuisse licitam, quia a Deo permissam.

Rationem autem cur Deus cum Patriarchis antiquis dispensauerit, reddit optimam Alphonsus à Castro lib. 11. aduersus Hæreses, verbo Nuptiæ. Nam sicut pro varietate temporum statuta etiam humana variantur, ita Deus pro varietate temporum varias condidit leges, & varias etiam eiusdem legis fecit

dispensationes. Ab initio enim mundi (vt Salvator  
 noster ait) masculum, & feminam fecit eos Deus,  
 & Matrimonium inter solos duos constituit, vt  
 essent tantum duo, & non plures in carne vna. Et  
 si illi primi parentes in iustitia perseverassent, sem-  
 per in toto temporis successu Matrimonium inter  
 duos tantum, prout à principio conditum erat, ce-  
 lebraretur. At cum postea hominum malitia aded  
 crevisset, vt fere omnes idolis servirent, & falsos  
 Deos colerent, paucissimis in cultu Dei permanen-  
 tibus, decrevit Deus viros servos suos pluribus fa-  
 minis per matrimonium copulare, vt cultores veri  
 Dei multiplicarentur, & sic Angelorum ruinæ ci-  
 tius repararentur. Benigne igitur in hac dispensa-  
 tione fecit Deus in bona voluntate sua cum huma-  
 no genere, vt sic cito ex hominibus tanquam ex vi-  
 vis lapidibus reedificaret muros celestis Hierusa-  
 lem, qui peccantibus Angelis rupti fuerant. Inno-  
 cet. III. in illo cap. *Gaudemus* de divort. dicit illos  
 Sanct. Patriarchas plures accepisse vxores propter  
 revelationem divinam de hoc illis factam.

At Christus Dominus, qui legem novam tanquam  
 perfectissimus Legislator mundo dedit, & verbis, &  
 exemplis homines abstraxit à carnalibus desiderijs, à  
 terrenis affectibus, & ab occupationibus circa sensi-  
 bilia, & caduca: eosque induxit ad spirituales affe-  
 ctus, ad actiones internas, & ad virtuosas occupatio-  
 nes; matrimonium reduxit ad eam puritatem, & re-  
 ctitudinem, in qua à Deo institutam fuerat, nimirum



vt vnus vir vnā dumtaxat possit habere vxorem; & omnem dispensationem circa vxorum pluralitatem omnino abstulit: quia vxorum pluralitas magnum impedimentum erat ad eam perfectionem, quam lex nova intendit. Constat enim quod quanto quis ad carnalia magis sensualiter, ac feruenter afficitur, tanto plus ab spiritali, atque diuino amore, atque ab omni virtutum perfectione impeditur. Certum est autem, nihil ita animum virilem ab arce virtutum deijcere, nihil ita cor viri effeminare, nihil ita mentem humanam deprimere, & absorbere, inebriare, ac tandem infatuare; sicuti effrænis facit concubitus, frequensque mulierum amplexus. Merito ergo Christus illam pluralitatem vxorum penitus abstulit. Iam enim post eius adventum cessauit ratio dispensandi; cum enim Sol iste diuinus mundum vniuersum illuminauerit, & errorum, & idololatriæ tenebras expulerit, verique Dei cultum per Apostolos suos in vniuersas orbis partes inuenerit; non erat conueniens, vt cuiquam liceret titulo propagandi cultores veri Dei plures simul vxores habere.

Sed dicent Mahumetani Deum dispensasse cum Mahumeto, & cum omnibus sectatoribus suæ Religionis, vt plures possint habere vxores. Sed contra, quia Mahumetus ipse in Alcorano Azorâ, seu c. 12. ait: *Deum commississe Euangelium Christo Mariæ Filio, & Euangelium esse lumen, ac confirmationem, & castigamen veteris Testamenti, ac rectam viam timentibus Deum.* Et c. 13. ait: *Deum tradidisse Christo Mariæ Filia animam*

*mundam, ac benedictam, quæ cæcum natum, atque leprosum curauit; & mortuos suscitauit; eumque edocuisse librum, & sapientiam, & Euangelium & testamentum.* Ergo cum Christus in Evangelio penitus abstulerit pluralitatem vxorum tanquam legislator supremus à Deo datus hominibus; consequens est, esse insigne mendacium, quod Deus cum Mahumeto, & eius sectatoribus dispensaverit. Sed Mahumerus ipse, quia carnalissimus, & turpissimus fuit, talem legem suis dedit. Illa namque vxorum pluralitas fovet in viris concupiscentiæ ignem, libidinis vehementiam, sensualitatisque irrefrenationem: quanto enim concupiscentia carnis cum pluribus personis exercetur, tanto plus sævit, nec suis terminis coarctatur. Vnde nulla hominum natio minus abstinet à vitijs contra naturam, immò à commixtione cum brutis, quam Mahumerani, quibus illa vxorum pluralitas, non remedium, sed incentivum est, atque adeo viri per illam vxorum pluralitatem efficiuntur libidinosi, atque brutales. Fæminis vero occasionem præbet alienos viros appetendi, & in fædißima peccata contra castitatem labendi; cum enim molles, ac fragiles sint, & suorum virorum exempla videant, qui tam frequenter venere vtuntur: & vnus non sufficiat tot vxoribus satisfacere; necesse est, vt hoc sit eis occasio magna peccata commitendi.

Contra secundo; quia cum certum sit Deum instituisse matrimonium inter duos duntaxat, & nunquam pluralitas vxorum fuerit licita nisi ex dispensatione Dei;

Dei; consequens est ut lex Mahumeti, omnibus viris licentiam præbens plures uxores simul habendi, non sit dispensatio, sed abrogatio legis divinæ: nam dispensatio non conceditur nisi in quibusdam casibus particularibus; & aliquibus dumtaxat personis. Ergo Deus qui per seipsum legem tulit de monogamia, & in illa dispensavit cum Patriarchis, & paucis quibusdam hominibus; & postea per Christum omnem dispensationem abstulit: non potuit postea legem illam iustissimam, & aptissimam ad perfectionem assequendam per Mahumetum penitus abrogare, concedendo novam legem de polygamia.

Contra tertio, quia ratio, propter quam Christus abstulit dispensationem in lege illa de monogamia, seu de matrimonio cum una dumtaxat muliere ab uno viro contrahendo, militavit non solum in illis sexcentis annis, quibus Christus Mahumetum antecessit; sed militat etiam nunc & usque ad finem mundi militabit, ut consideranti patebit. Ergo Christi institutio omnino reddit illicitam pluralitatem uxorum.

Quare Mahumetani solum verum matrimonium contrahunt cum prima uxore, reliquæ vero sunt concubinæ, & concubitus cum illis est adulterium, nec coram Deo excusationem habebunt, quia ignorantia, qua laborant, vincibilis est. Hinc quando Mahumetanus, vel alius infidelis polygamus ad Baptismum venit, cogitur ab Ecclesia dimittere uxores omnes præter primam, quod argumento est, solam primam esse



esse legitimam vxorem, reliquas vero esse illegitimas concubinas iure divino omnes obligante prohibitas. Si enim essent veræ, & legitimæ vxores, verumque matrimonium intercessisset inter virum illum & omnes illas mulieres, Ecclesia non obligaret infidelem illum conversum dimittere reliquas vxores præter vnā: quia lex Christi prohibet dirimi vera matrimonia, ac proinde si illa essent vera matrimonia non dirimerentur ab Ecclesia: sed solum præciperetur eiusmodi homini, ne deinceps alias vxores duceret, nisi prius obijissent omnes prius ductæ.

Sed pro complemento huius materiæ inquire, quo pacto Patriarchæ dicantur habuisse plures vxores, quando quidem ex scriptura videtur constare vnā tantum vxorem legitimam habuisse, cæteras vero mulieres, quibus adhæserunt, concubinas eorū fuisse. Si quidem Gen. 25. dicitur, *Dedit Habrahā cuncta, quæ possederat Isaac; filiis autem concubinarum largitus est munera.* Respondeo ex Bellarmino, veras, & legitimas vxores aliquando vocari concubinas, & ipsas concubinas dici vxores. Nam Genes. 16. Agar dicitur vxor Abrahæ: & Genes. 21. Cethura dicitur etiam vxor: & paulo post tam ipsa, quam Agar dicuntur concubinæ. Et Iudic. 19. vxor vera, & legitima, immò, & vnica cuiusdam Lævita nunc vxor, nunc concubina nominatur.

Ait ergo Bellarminus fuisse duo genera vxorum, tū apud Hebræos veteres, tū apud Gentiles: quædam, quæ ducebantur, non solum ad procreandos li-

beros, sed etiam ad societatem omnium bonorum, & totius domus gubernationem; atque harum tantum filios esse hæredes, & has tantum dici matres familias. Quasdam vero fuisse etiam legitimas vxores, sed non admissas ad societatem bonorum, & domus gubernationem: & has nequaquam matres familias appellari solitas, neque earum filios hæredes institui: & indifferenter appellatas fuisse, tum vxores, tum concubinas.

## CAP. VIII.

*Facilitas repudiandi vxores, quam Mahumeti lex concedit, clarè ostendit eam non habere Deum Authorem.*

**L**EGEM repudij introduxit Mahumetus ad occultandam iniquitatem, qua Zeidinum seruum suum iam adoptatum in filium propria vxore, quæ pulcherrima erat, expoliavit. Deum enim in Alcorano introducit sic loquentem in Azorà, seu capitulo, „quod inscribitur *Elazeb*. Quia Zeidinus rixatus est „cum vxore sua, eamque repudiavit; Ego, qui sum „Deus vester, eam tradidi in vxorem vestro Prophe- „tæ, & mea voluntas est, vt quilibet vir in posterum „repudiare possit vxorem suam sine peccato. Et vt „testatur Carthusianus pag. 478. tricessimo quinto „Alcorani capitulo datur lex de vxorum repudio, ita „vt liceat maritis suas repudiare vxores, & eas rur- „sus recipere vsque ad tertiam vicem, sit vt quater-

Neque mulier dum viro nubit gratis tribuit viro corporis sui potestatem, sed propter æqualem compensationem, quia nimirum vir vicissim tradit mulieri sui corporis potestatem, & ideo Paulus 1. Corinth. 7. dicebant: *Mulier sui corporis potestatem non habet, sed vir. Similiter autem vir, &c.* Ergo sicut mulier plenam sui corporis potestatem viro tradit, ita vir tradere debet plenam sui corporis potestatem mulieri: quod non contingeret, si idem vir plures haberet vxores, quia potestas in corpus mariti esset divisa inter plures, & ita nulla haberet plenam potestatem in illud. Quid enim si utraque simul debitum peteret? Tunc enim utrique maritus reddere non posset. Vnde vel utraque fraudaretur usu dominij sui: vel altera alteri præferretur, & tunc illa, quæ postponeretur, iniuriam pateretur. Esset ergo contractus inæqualis, & iniustus.

Secundò, quia finis secundarius Matrimonij est remedium adhibere fragilitati virorum, & mulierum, ne si consorte careant prolabantur in peccatum incontinentiæ. Et ideo Apost. 1. Corinth. 7. v. 5. dicebat vxoratis: *Nolite fraudare invicem, nisi forte ex consensu ad tempus, ut vacetis orationi: & iterum revertimini in idipsum, ne tentet vos Sathanas propter incontinentiam vestram.* Est autem contra hunc finem pluralitas mulierum; quia vnicus vir nequit multarum mulierum incontinentiæ remedium adhibere. Vnde quo vir plures vxores acceperit, eo Matrimonium erit iniustum.



Tertiò, quia vxorum pluralitas aduersatur tranquillæ, ac pacificæ cohabitationi coniugum, quæ est finis secundarius Matrimonij, essetque multarum rixarum fomes, & contentiõibus, & æmulationibus perpetuam præbet occasionem, vt constat ex contentiõibus inter Saram, & Agarem vxores Abraham, inter Liam, & Rachelem vxores Iacob, Gen. 16. & 30. & inter Annam, & Phenenam vxores Elcanæ 1. Reg. 1. connaturale enim est, & sexui fragili mulierum conforme, vt vnaquæque vxorum virum sibi magis propitium, & ardentio rem sui amatorem facere satagat, & alijs inuisum, & infestum reddere, vnde ex multitudine vxorum vitium zelotipiæ, rixæ, & discordiæ necessario oriuntur: Cum ergo Deus nihil magis commendauerit hominibus, quam concordiam, & pacem: consequens est vt prohibuerit pluralitatem vxorum, quæ perpetuam discordiæ materiam facile subministrat.

Quartò, quia vxor non subditur viro tanquam formula, sed tanquam socia, & collateralis: & Ideo ipsa quoque in domo principatum habet, vt fuse probat S. Chrisostom. Homil. 20. in Epist. ad Ephes. Idque deducit S. Thom. 1. part. q. 29. art. 3. ex ipsa formatione mulieris: ideo enim nec ex capite, nec ex pedibus, sed ex latere formata est, vt neque denominetur viro, nec illi subijciantur instar ancillæ; sed socia sit & collateralis. Quod etiam testantur honorum vocabula, & Regum enim vxores Regina, & Augustorum Augusta dicuntur. Iam vero omnis principatus sua

rum, sed quasi servilis, & hæc ratio (inquit D. Thom.) experimento comprobatur; quia apud viros habentes plures vxores, vxores quasi ancillæ habentur.

Denique quia vt ait idem D. Thom. amicitia intensa non habetur ad multos, vt patet per Philosoph. Ethic. 8. si igitur vxor habet vnum virum tantum, vir autem plures vxores, non erit æqualis amicitia ex vtraque parte: non ergo erit amicitia liberalis, sed quodammodo servilis.

Sed Mahumetani se protegunt exemplo Patriarcharum, quos constat habuisse multas vxores. Hanc difficultatem copiose, & erudite tractat Cardinalis Bellarminus tom. 2. lib. 1. de Matrimon. cap. 11. Ex quo respondeo, sententiam esse Scholasticorum communem Patriarchis antiquis licitum fuisse, ex diuina dispensatione plures vxores simul habere. Et vt declarat Innocentius III. cap. *Gaudemus* de divor. nulli vnquam fuit licitum sine diuina dispensatione plures simul vxores habere. Et ita Chrysostomus Homil. 56. in cap. 30. Genes. dicit consuetudinem plurium vxorum habendarum fuisse malam, & ideo à Christo abolitam; sed Patribus antiquis fuisse licitam, quia a Deo permissam.

Rationem autem cur Deus cum Patriarchis antiquis dispensauerit, reddit optimam Alphonsus à Castro lib. 11. aduersus Hæreses, verbo Nuptiæ. Nam sicut pro varietate temporum statuta etiam humana variantur, ita Deus pro varietate temporum varias condidit leges, & varias etiam eiusdem legis fecit

dispensationes. Ab initio enim mundi (vt Salvator  
 noster ait) masculum, & feminam fecit eos Deus,  
 & Matrimonium inter solos duos constituit, vt  
 essent tantum duo, & non plures in carne vna. Et  
 si illi primi parentes in iustitia perseverassent, sem-  
 per in toto temporis successu Matrimonium inter  
 duos tantum, prout à principio conditum erat, ce-  
 lebraretur. At cum postea hominum malitia adeò  
 crevisset, vt fere omnes idolis servirent, & falsos  
 Deos colerent, paucissimis in cultu Dei permanen-  
 tibus, decrevit Deus viros servos suos pluribus fa-  
 minis per matrimonium copulare, vt cultores veri  
 Dei multiplicarentur, & sic Angelorum ruinæ ci-  
 tius repararentur. Benigne igitur in hac dispensa-  
 tione fecit Deus in bona voluntate sua cum huma-  
 no genere, vt sic cito ex hominibus tanquam ex vi-  
 vis lapidibus reedificaret muros celestis Hierusa-  
 lem, qui peccantibus Angelis rupti fuerant. Inno-  
 cet. III. in illo cap. *Gaudemus* de divort. dicit illos  
 Sanct. Patriarchas plures accepisse vxores propter  
 revelationem divinam de hoc illis factam.

At Christus Dominus, qui legem novam tanquam  
 perfectissimus Legislatores mundo dedit, & verbis, &  
 exemplis homines abstraxit à carnalibus desiderijs, à  
 terrenis affectibus, & ab occupationibus circa sensi-  
 bilia, & caduca: eosque induxit ad spirituales affe-  
 ctus, ad actiones internas, & ad virtuosas occupa-  
 tiones; matrimonium reduxit ad eam puritatem, & re-  
 ctitudinem, in qua à Deo institutum fuerat, nimirum



vt vnus vir vnā duntaxat possit habere vxorem; & omnem dispensationem circa vxorum pluralitatem omnino abstulit: quia vxorum pluralitas magnum impedimentum erat ad eam perfectionem, quam lex nova intendit. Constat enim quod quanto quis ad carnalia magis sensualiter, ac feruenter afficitur, tanto plus ab spiritali, atque diuino amore, atque ab omni virtutum perfectione impeditur. Certum est autem, nihil ita animum virilem ab arce virtutum deijcere, nihil ita cor viri effeminare, nihil ita mentem humanam deprimere, & absorbere, inebriare, ac tandem infatuare; sicuti effrænis facit concubitus, frequensque mulierum amplexus. Merito ergo Christus illam pluralitatem vxorum penitus abstulit. Iam enim post eius adventum cessauit ratio dispensandi; cum enim Sol iste diuinus mundum vniuersum illuminauerit, & errorum, & idololatriæ tenebras expulerit, verique Dei cultum per Apostolos suos in vniuersas orbis partes inuenerit; non erat conueniens, vt cuiquam liceret titulo propagandi cultores veri Dei plures simul vxores habere.

Sed dicent Mahumetani Deum dispensasse cum Mahumeto, & cum omnibus sectatoribus suæ Religionis, vt plures possint habere vxores. Sed contra, quia Mahumetus ipse in Alcorano Azorá, seu c. 12. ait: *Deum commississe Euangelium Christo Mariæ Filio; & Euangelium esse lumen, ac confirmationem, & castigamen veteris Testamenti, ac rectam viam timentibus Deum.* Et c. 13. ait: *Deum tradidisse Christo Mariæ Filio animam*

*mundam, ac benedictam, quæ cæcum natum, atque leprosum curauit; & mortuos suscitauit; eumque edocuisse librum, & sapientiam, & Euangelium & testamentum.* Ergo cum Christus in Evangelio penitus abstulerit pluralitatem vxorum tanquam legislator supremus à Deo datus hominibus; consequens est, esse infigne mendacium, quod Deus cum Mahumeto, & eius sectatoribus dispensauerit. Sed Mahumetus ipse, quia carnalissimus, & turpissimus fuit, talem legem suis dedit. Illa namque vxorum pluralitas fovet in viris concupiscentiæ ignem, libidinis vehementiam, sensualitatisque irrefrenationem: quanto enim concupiscentia carnis eum pluribus personis exercetur, tanto plus sævit, nec suis terminis coarctatur. Vnde nulla hominum natio minus abstinet à vitijs contra naturam, immò à commixtione cum brutis, quam Mahumetani, quibus illa vxorum pluralitas, non remedium, sed incentivum est, atque adeo viri per illam vxorum pluralitatem efficiuntur libidinosi, atque brutales. Fæminis vero occasionem præbet alienos viros appetendi, & in fædissima peccata contra castitatem labendi; cum enim molles, ac fragiles sint, & suorum virorum exempla videant, qui tam frequenter venere vtuntur: & vnus non sufficiat tot vxoribus satisfacere; necesse est, vt hoc sit eis occasio magna peccata committendi.

Contra secundo; quia cum certum sit Deum instituisse matrimonium inter duos duntaxat, & nunquam pluralitas vxorum fuerit licita nisi ex dispensatione Dei;

Dei; consequens est ut lex Mahumeti, omnibus viris licentiam præbens plures uxores simul habendi, non sit dispensatio, sed abrogatio legis divinæ: nam dispensatio non conceditur nisi in quibusdam casibus particularibus; & aliquibus dumtaxat personis. Ergo Deus qui per seipsum legem tulit de monogamia, & in illa dispensavit cum Patriarchis, & paucis quibusdam hominibus; & postea per Christum omnem dispensationem abstulit: non potuit postea legem illam iustissimam, & aptissimam ad perfectionem assequendam per Mahumetum penitus abrogare, con-  
dendo novam legem de polygamia.

Contra tertio, quia ratio, propter quam Christus abstulit dispensationem in lege illa de monogamia, seu de matrimonio cum una dumtaxat muliere ab uno viro contrahendo, militavit non solum in illis sexcentis annis, quibus Christus Mahumetum antecessit; sed militat etiam nunc & usque ad finem mundi militabit, ut consideranti patebit. Ergo Christi institutio omnino reddit illicitam pluralitatem uxorum.

Quare Mahumetani solum verum matrimonium contrahunt cum prima uxore, reliquæ vero sunt concubinae, & concubitus cum illis est adulterium, nec coram Deo excusationem habebunt, quia ignorantia, qua laborant, vincibilis est. Hinc quando Mahumetanus, vel alius infidelis polygamus ad Baptismum venit, cogitur ab Ecclesia dimittere uxores omnes præter primam, quod argumento est, solam primam



esse legitimam uxorem, reliquas vero esse illegitimas concubinas iure divino omnes obligante prohibitas. Si enim essent veræ, & legitimæ uxores, verumque matrimonium intercessisset inter virum illum & omnes illas mulieres, Ecclesia non obligaret infidelem illum conversum dimittere reliquas uxores præter unam: quia lex Christi prohibet dirimi vera matrimonia, ac proinde si illa essent vera matrimonia non dirimerentur ab Ecclesia: sed solum præciperetur eiusmodi homini, ne deinceps alias uxores duceret, nisi prius obiissent omnes prius ductæ.

Sed pro complemento huius materiæ inquire, quo pacto Patriarchæ dicantur habuisse plures uxores, quando quidem ex scriptura videtur constare unam tantum uxorem legitimam habuisse, cæteras vero mulieres, quibus adhæserunt, concubinas eorum fuisse. Siquidem Gen. 25. dicitur, *Dedit Abraham cuncta, quæ possederat Isaac; filiis autem concubinarum largitus est munera.* Respondeo ex Bellarmino, veras, & legitimas uxores aliquando vocari concubinas, & ipsas concubinas dici uxores. Nam Genes. 16. Agar dicitur uxor Abraham: & Genes. 21. Cethura dicitur etiam uxor: & paulo post tam ipsa, quam Agar dicuntur concubinæ. Et Iudic. 19. uxor vera, & legitima, immò, & unica cuiusdam Lævite nunc uxor, nunc concubina nominatur.

Ait ergo Bellarminus fuisse duo genera vxorum, tum apud Hebræos veteres, tum apud Gentiles: quasdam, quæ ducebantur, non solum ad procreandos li-

beros, sed etiam ad societatem omnium bonorum, & totius domus gubernationem; atque harum tantum filios esse hæredes, & has tantum dici matres familias. Quasdam vero fuisse etiam legitimas vxores, sed non admittas ad societatem bonorum, & domus gubernationem: & has nequaquam matres familias appellari solitas, neque earum filios hæredes institui: & indifferenter appellatas fuisse, tum vxores, tum concubinas.

## CAP. VIII.

*Facilitas repudiandi vxores, quam Mahumeti lex concedit, clarè ostendit eam non habere Deum*

*Authorem.*

**L**EGEM repudij introduxit Mahumetus ad occultandam iniquitatem, qua Zeidinum seruum suum iam adoptatum in filium propria vxore, quæ pulcherrima erat, expoliavit. Deum enim in Alcorano introducit sic loquentem in Azorà, seu capitulo, „quod inscribitur *Elazeb*. Quia Zeidinus rixatus est „cum vxore sua, eamque repudiavit; Ego, qui sum „Deus vester, eam tradidi in vxorem vestro Prophe- „tæ, & mea voluntas est, vt quilibet vir in posterum „repudiare possit vxorem suam sine peccato. Et vt „testatur Carthusianus pag. 478. tricesimo quinto „Alcorani capitulo datur lex de vxorum repudio, ita „vt liceat maritis suas repudiare vxores, & eas rur- „sus recipere vsque ad tertiam vicem, sit vt quater-

narium numerum non excedat in repudiando, & recipiendo.

Hanc autem legem hoc pacto in praxim deducunt. Primò, vt Mahumetanus possit licitè vxorem repudiare, & matrimonium contractum dissolvere, debet solvere repudiatæ dotem, quam ei promissit, cum eam duxit. Secundò, qui semel vxorem repudiavit, potest iterum cum ea de novo matrimonium contrahere, & potest secundo, & tertio repudiare, & secundo, & tertio cum ea nubere; si tamen per tres vi-ces illam repudiavit, non potest quarta vice cum eadem vxore repudiata nubere, nisi prius alius vir eam cognoverit. Vnde antequam illam quarta vice recipiant, vocant hominem cæcum, vel aliam personam vilem, & illi pecuniam aliquam exhibent, vt cum ea congregiatur: hac autem præmissa diligentia, eam in vxorem recipiunt. Ita refert Luppus de Obregon. Tertio illicet apud ipsos vir possit repudiare mulierem, mulier tamen non potest repudiare virum: & hoc repudium debet fieri coram Alfaquino, seu Sacerdote. Et quamvis à repudiandis vxoribus sæpè ab-  
stineant ob timorem consanguineorum mulieris repudiatæ, non tamen ob timorem Dei, vel ad fugiendam culpam, quia hoc licitum sibi existimant. Tem-  
pore autem famis, vel cum annonæ caritas vrget, Ma-  
humetani facile vxores domo pellunt, & matrimo-  
nium dissolvunt, vt testantur Christiani, qui in Alge-  
rio commorati sunt.

In primis clare cernitur Mahumetum ad pallian-  
dam



dam suam iniustitiam, & carnalitatem finxisse in Alcorano, Zeidinum voluntarie repudiassse vxorem suam, constat enim ex cap. 5. pag. 397. non voluntarie, sed coacte ob violentiam sibi illatam à Mahumeto hoc fecisse. Secundò clarè cernitur barbaram, & iniustam esse legem, quæ ad recipiendam vxorem iam per tres vices repudiatam exigit tanquam conditionem, quod illa cum alio viro prius commisceatur.

Antequam vero argumentis probem illam legem repudiandi vxores, & dissolvendi matrimonia esse iniquam, & contrariam iuri divino, & naturali, suppono inter Christianos repudia esse irrita, & esse veritatem Catholicam definitam in Tridentino session. 24. Can. 6. & 7. Sacramentum Matrimonij quoad vinculum esse indissolubile: siquidem ibi Concilium anathema dicit ijs, qui sentiunt Matrimonium quoad vinculum vlla de causa solvi posse.

Suppono secundo, certum esse inter Catholicos, coniugium infidelium solvi posse etiam quoad vinculum, si alter coniugum convertatur ad fidem, & alter nolit cohabitare sine iniuria Creatoris. Id constat ex doctrina Pauli 1. Corinth. 7. *Si infidelis discedit, discedat, &c.* Et ex doctrina Ecclesiæ. 28. quat. 2. cap. *Si infidelis*, & cap. *Quanto*, cap. *Gaudemus de divortijs*. Nec obstat illud Christi Math. 19. *Quod Deus coniunxit homo non separet*. Nam hoc matrimonium non dirimitur ab homine, sed à Deo, cuius interpretem habemus Apostolum Paulum. Nec etiam obstat illud, *Qui dimisserit vxorem excepta fornicationis causa, &*  
*aliud*

*aliam duxerit, machatur.* Nam vt docet Augustinus lib. de adulterinis coniugijs cap. 1. & 2. Christus loquitur de matrimonio inter fideles, quod quia est Sacramentum est omnino indissolubile quoad vinculum, licet possint coniuges ob fornicationis causam separari quoad torum, & cohabitationem. Paulus vero loquitur de matrimonio inter infideles, quod non est Sacramentum; cuius matrimonij vinculum dissolvendi potestatem fecit Deus coniugi, qui convertitur ad fidem; si alter converti noluit. Quamvis enim Paulus consulat coniugi converso, vt permaneat cum infideli, si alter cohabitare velit sine iniuria creatoris, id est, quin infidelem ad infidelitatem pertrahere tenter, quia spes affulget quod sancta sua conversatione infidelem converteret ad Christum: tamen ad hoc non obligat, quia consulit, non præcipit, vt probat cum Augustino Cardinalis Bellarminus tom. 2. lib. de matrimonio cap. 12. §. *Sed neque.*

Neque demum obstat, quod propter Hæresim non dissolvatur vinculum matrimonij: nam matrimonium contractum inter Hæreticos post Baptismum, verum Sacramentum est; ac proinde est indissolubile; unde si alter coniugum convertatur ab Hæresi, non propterea potest qui convertitur transire ad alias nuptias; sed cohabitare debet cum coniuge Hæretico, si iste velit cohabitare sine iniuria Creatoris, & non sit periculum vt coniux Catholicus pervertatur ab Hæretico: si autē adsit periculum, separari debent, nullus tamen vivente alio potest ad alias nuptias transire,

His suppositis probo, illam legem Mahumeti esse iniquam. Primo, quia est contra Evangelium Domini nostri Iesu Christi, cui Mahumetus iubet credi, ut vidimus supra pag. 580. Probatur assumptum: nam apud Marcum cap. 10. sic ait Christus: *Quicumque dimiserit uxorem suam & aliam duxerit, adulterium committit super eam. Et si uxor dimiserit virum suum, & alij nupserit, mechatur.* Et apud Lucam c. 16. sic inquit: *Omnis qui dimittit uxorem suam, & alteram ducit, mechatur: & qui dimissam à viro ducit, mechatur.* Redditque rationem Christus, cur non liceat dimittere uxorem. *Quia qui fecit hominem ab initio, masculum, & feminam creavit eos, & dixit; Propter hoc dimittet homo patrem, & matrem, & adhærebit uxori sue, & erunt duo in carne una.* Itaque iam non sunt duo, sed una caro. Quod ergo Deus coniunxit, homo non separet. Matth. 19. & cum Pharisei replicassent, *Quid ergo Moyses mandavit dare libellum repudiij, & dimittere?* Respondit Christus: *Quoniam Moyses ad duritiam cordis vestri permisit vobis dimittere uxores vestras, ab initio autem non fuit sic.* Quæ verba exponens Hieronymus inquit: *Nunquid potest Deus sibi esse contrarius, ut aliud ante iusserit, & sententiam suo nouo frangat imperio? Non ita sentiendum est: sed Moyses, cum videret propter desiderium secundarum coniugum, quæ vel ditiores, vel iuniores, vel pulchriores essent, primas uxores interfici, aut malam vitam ducere, maluit indulgere discordiam, quam omnia, & homicidia perseuerare.* Notatque Chrysostomus hom. 33. operis imperfecti in Matth. Christum dixisse, quod Moyses



permiserit, non quod præceperit dimittere vxorem: *Quod enim precipimus semper placet; quod autem permittimus, non placet; sed permittimus illud, quamvis sit malum, ad maiora mala vitanda.* Bene itaque Moyses permisit illud, quod erat malum, nempe repudium; quia permisit malum repudij ad vitandum maius malum homicidij. Si enim Moyses non permisisset Iudæis vxores dimittere ob causam adulterij commissi, illas occiderent, vt ad alias nuptias transirent.

Notat autem Alphosus à Castro lib. 11. columna mihi 744. tria in hoc negotio intervenire, quorum primum Deus prohibuit, secundum permisit, tertium præcepit. Prohibuit quidem dimittere vxorem sine causa. Permisit dimittere vxorem ex causa turpitudinis, si illa turpis fuisset, & contra maritum deliquisset. Præcepit dare libellum repudij, si illam dimitteret: vt per illius libelli donationem auerteret ees ab eiusmodi vxorum dimissione. Nam dato libello repudij, non poterat amplius ad illam vxorem redire, nec poterat vxori postea reconciliari, vt habetur Deuteronomij 24. In donatione libelli, quæ erat præcepta, non erat peccatum. In dimissione autem vxoris, quæ erat permissa, committebatur peccatum, quia solvebatur vinculum matrimonij, quod ex lege naturæ erat indissolubile. Hæc Castro; idque tenet communior sententia Theologorum cum Magistro in 4. dist. 33. cum D. Bonaventura, Ricardo, & Soto ibidem; nimirum repudium Iudæis concessum illicitum sem-

semper fuisse, sed permissum tamen, ut impune fieret ratione maioris mali evitandi, ac proinde coniugium contractum post repudium unius vxoris cum alia, non tam coniugium, quam adulterium coniugij nomine reatum, fuisse:

Tamen Bellarminus lib, 1. de Matrimonio cap. 17. probabilissimum putat post repudium vxoris Iudæis à Deo concessum, matrimonium de novo initum permissum fuisse à Deo ut licitum, & non tantum ut minus malum. Et pro ea sententia præter Scotum, Durandum, Paludanum, & Eckium, citat S. Thom. qui in 4. dist. 33. quæst. 2. art. 2. quæstiuncula 2. eam appellat probabiliorem. Cæterum S. Doct. 4. contra G. cap. 23. in fine videtur sequi oppositam, ait enim, *Permissum fuisse minus malum ad excludendum maius malum.* Sed tamen Christus hanc concessionem Iudæis factam apertissimè revocavit Matth. 5. *Qui dimissam dixerit machatur,* & Matth. 19. *Ab initio non fuit sic. Et quod Deus coniunxit, homo non separet.* Et Marc. 10. *quicumque, &c.*

Quare repudium inter Mauros vsitatum, illicitum, & malum est, siue dicamus licitum fuisse Iudæis ex permissione divina repudiare vxores, siue dicamus nunquam fuisse licitum, sed solum permissum fuisse, ut fieret impune tanquam minus malum, necessarium ad vitanda maiora mala, quæ committerent Iudæi ob duritiem cordis sui, si lex non permitteret dimittere vxorem adulteram, & transire ad nuptias cum alia. Nam si adhuc post permissionem erat in se illicitum

illud repudium inter Iudæos: ergo à fortiori erit illicitum inter Mahumetanos. Si autem post permissionem erat licitum, etiam sequitur esse illicitum repudium Maurorum. Nam apud Iudæos solum erat permissum repudium ob fornicationis causam: & semper fuit illicitum inter ipsos repudiare vxores pro voluntate sua, & ad nutum. Mauri autem repudiare ad nutum possunt vxores, quamvis servaverint integrè matrimonij fidem; nullaque alia causa requiritur in eorum lege ad repudium, quàm quod maritus velit; dummodò enim tribuat dotem promissam, ad nihil aliud obligat lex. Præterea apud Iudæos qui dimittebat vxorem, non poterat amplius cum illa contrahere matrimonium; quod Deus disposuit, vt Iudæi rarius dimitterent vxores. At inter Mauros potest quilibet post repudiatam vxorem prima, secunda, & tertia vice, illam denuo recipere, novum cum illa contrahendo coniugium; & hæc conditio legis faciliat repudia, ac proinde est iniustissima eiusmodi lex. Potissima autem ratio, cur repudium sit illicitum, est, quia matrimonium ex natura sua debet esse perpetuum nisi Deus iubeat dimittere vxorem (vt iussit Abrahamo, vt enim inquit Bellarminus lib. 1. de Matrim. cap. 17. *Abraham iubente Deo repudiavit Agar, quam duxerat in vxorem*) vel saltem permittat, dispensando cum marito, vt possit dimittere vxorem ob aliquam grauem causam, qualis est causa adulterij: & hoc modo secundum sententiam S. Thomæ, Scoti, & Durandi, Deus permittit Iudæis dimittere vxores ob fornicationis



causam, & ad alias nuptias transire, Christus autem omnem eiusmodi dispensationem abstulit, & reduxit matrimonium ad eam puritatem, quam ex se habuit ab initio. Vnde post adventum Christi est semper illicitum repudiare uxorem, ita ut dissolvatur matrimonium, solumque est licitum divortium ob causam fornicationis, vel aliam gravem: divortium autem non solvit vinculum matrimonij, nec reddit vxoratos habiles ad contrahendum cum alijs, sed solum aufert obligationem cohabitandi cum consorte.

Nunc probandum specialiter est, repudium illud vñtatum apud Mahumetanos esse illicitum. Et imprimis quod illud sit contra rationem, suadetur à posteriori, quia etiam apud Ethnicos, vbi morum disciplina vigeat, nulla fiebant repudia. Scribit enim Tertullianus in Apologetico cap. 6. Romæ per annos fere sexcentos vrbe condita nullum scriptum fuisse repudium. Postea vero eversa disciplina, cum alijs vitijs etiam repudia introducta.

Secundo probatur ratione naturali. Nam ut observat D. Thomas 3. contra gentes cap. 122. licet in animalibus, in quibus sola fœmina sufficit ad prolis educationem, mas, & fœmina post coitum nullo tempore commaneant, ut patet in canibus: Tamen quæcumque animalia sunt, in quibus fœmina non sufficit ad prolis educationem, mas, & fœmina simul post coitum commanent, quousque necessarium est ad prolis educationem, & instructionem: sicut patet in quibusdam avibus, quarum pulli non statim post-

„ quam nati sunt, possunt cibum sibi quærere. Cùm  
 „ enim avis non nutriet lacte pullos (quod in promp-  
 „ tu est velut à natura paratum, sicut in quadrupedi-  
 „ bus accidit) sed oporteat, quod cibum alienum  
 „ pullis quærat, & præter hoc in cibando eos foueat,  
 „ non sufficeret ad hoc sola fœmella; vnde ex Diuina  
 „ Providentia est naturaliter inditum mari in talibus  
 „ animalibus, vt commaneat fœmellæ ad educatio-  
 „ nem fœtus. Manifestum est autem, quod in specie  
 „ humana fœmina minimè sufficeret sola ad prolis  
 „ educationem, cum necessitas humanæ vitæ multa  
 „ requirat, quæ per vnum parari non possunt. Est igitur  
 „ conveniens secundum naturam humanam, vt  
 „ homo post coitum mulieri commaneat. Et hac ra-  
 „ tione probat ibi S. Doctor simplicem fornicationem  
 „ esse peccatum, & matrimonium esse naturale. Quia si  
 „ indifferenter posset quis ad quamcumque accedere,  
 „ & statim abscedere, vt faciunt fornicantes, id esset  
 „ contra educationem prolis. Ex hoc autem naturali  
 „ principio postea cap. 123. probat matrimonium de-  
 „ bere esse indissolubile; quia si sollicitudo patris de fi-  
 „ lio, causat etiam in aibus commanentiam maris, &  
 „ fœminæ, ordo naturalis requirit quod in specie hu-  
 „ mana societas, & commotatio maris, & fœminæ,  
 „ quam matrimonium appellamus, non tantum sit diu-  
 „ rna, sed etiam quod sit per totam vitam. Nam pos-  
 „ sessiones ad conservationem vitæ ordinantur; &  
 „ quia naturalis vita, quæ conservari non potest in pa-  
 „ tre perpetuò, quasi quadam successione secundum spe-

speciei similitudinem conservatur in filio secundum naturam, est conveniens ut in ijs, quæ sunt patris, succedat & filius: naturale est igitur ut sollicitudo patris ad filium maneat usque ad finem vitæ suæ.

Secundo probatur, quia ut docet idem D. Thomas, necesse est, ut cætera omnia in homine ordinentur ad id quod est optimum; quare coniunctio maris, & fœminæ in specie humana non solum sic est ordinata legibus secundum quod ad prolem generandam, pertinet, ut est in animalibus: Sed etiam secundum quod convenit ad bonos mores, quos ratio rectè disponit; vel quantum ad hominem secundum se, vel quantum homo est pars domesticæ familiæ, autæ civilis societatis. Ad hos autem bonos mores pertinet individua coniunctio maris, & fœminæ: sic enim fidelior amor unus ad alterum erit, dum cogunt se indivisibiliter coniunctos; erit etiam utriusque sollicitior cura in rebus domesticis, dum se perpetuo commanuos in earundem rerum possessione æstimant. Subtrahuntur etiam ex hoc discordiarum origines, quas oporteret accidere, si vir uxorem dimitteret, inter eum, & propinquos uxoris. Et fit firmitior inter affines dilectio: tolluntur etiam adulteriorum occasiones, quæ darentur, si vir uxorem dimittere posset, aut è converso: per hoc enim daretur via facilior sollicitandi matrimonia aliena.

Quare lex Mahumeti tantam facilitatem dimittendi uxores concedens, est turpissima; & innumera



bilium peccatorum incitamentum, & occasio. Cum enim iuvenes sint ad opera carnis proclives, si quis videat puellam pulchram, & sibi placentem, finget se velle cum ea coniugium fixum contrahere, ut sic eius amplexibus fruatur; quamvis habeat animum eam repudiandi, postquam eam defloraverit, & in flore iuventutis ea usus sit. Vnde si repudium licitum sit, coniugium nihil aliud erit quam quædam sceminarum deliberatio, & probatio: cum enim connaturale sit ut scemina fastidium afferant viris postquam illis aliquo tempore vli sunt, & illa pulchritudinem amiserunt; hinc dabitur occasio viris, ut alias sceminas adolescentes, & pulchriores quærant, si licet abijcere eas. Estque lex illa contra rationem naturalem, quæ non patitur, ut scemina, quæ annos iuventutis consumpsit inserviando marito, & filios ei pariendo, & educando, postea si absque culpa sua deformis fiat, aut in morbum incidat, à viro deferatur, & dimittatur.

Probatur tertio, quia si ob aliquam causam esset licitum uxorem dimittere, præcipuè foret ob fornicationem, & adulterium, & in favorem innocentis, ne scilicet confors innocens cogeretur matrimonium continuare cum adultero. At hoc est falsum. Ergo nunquam est licitum matrimonium dissolvere. Probatur minor. Quia si liceret parti innocenti in causa fornicationis non solum divortiarì à parte nocenti, sed aliud matrimonium inire; vel id quoque liceret nocenti, vel non. Neutrum autem potest dici. Non pri-

primum, quia sic adulter commodum ex peccato suo reportaret; unde sapè viri de dita opera adulterium committerent, vt possent ab vxore sibi fastidiosa liberari, & aliam sibi gratam ducere. Non secundum. Quia si pars innocens ad alias nuptias transire potest, hoc ipso dissolvitur prius matrimonium; ac proinde pars nocens manet soluta à vinculo matrimonij: ergo poterit etiam matrimonium inire novum,

Quarto, quia vt argumentatur Bellarminus, si esset licitum eiusmodi coniugium vivente altero coniuge, aperiretur aditus infinitis repudijs etiam iniustis. Vbi enim coniuges sciunt debere se aut cœlibes vivere, aut priori coniugi reconciliari, non facile ad divortium adducuntur; at si scirent mox repudiata vxore posse aliam duci, facillime divortia fierent, & quærerent occasiones aliquando dissidiorum, & criminum.

Quinto, quia hæc repudiorum licentia in magnum vergit filiorum detrimentum. Vel enim filij cum patre manent, vel matrem dimissam sequuntur. Si primum, pro matre novercam coguntur accipere, à qua alieni indignè tractantur, & proprij totum ad se rapiunt matris affectum. Si secundum, aut educatione, & auxilio proprij patris carent, aut pro patre vitricum reperiunt.

Sexto, quia vt arguit S. Thomas: Naturalis quædam sollicitudo inest hominibus de certitudine prolis; quod propter hoc necessarium est, quia filius diuturna patris gubernatione indiget: quæcum-

que

„que igitur certitudinem prolis impediunt, sunt  
 „contra naturalem instinctum humanæ speciei. Si  
 autem vir posset mulierem dimittere, vel mulier vi-  
 rum, & alteri copulari, impediretur certitudo prolis,  
 dum mulier à primo cognita, post modum à secundo  
 cognosceretur. Est igitur contra naturalem instin-  
 ctum speciei humanæ, quod mulier à viro separetur.  
 Ergo non solum diuturna, sed individua debet esse  
 in humana specie maris, & fœminæ coniunctio.

Septimo quia ut inquit idem Sanctus Doctor,  
 amicitia quanto maior est, tanto debet esse firmitior, &  
 diuturnior: inter virum autem, & uxorem maxima  
 amicitia esse videtur: adunantur enim non solum in  
 actu carnalis copulæ, quæ etiam inter bestias quan-  
 dam suavem amicitiam facit: sed ad totius domesticæ  
 conversationis consortium; unde in signum huius ho-  
 mo propter uxorem patrem, & matrem dimittit, ut  
 dicitur Genes. 2. & ut inquit Christus Matth. 19. v. 6.  
*Iam non sunt duo, sed vna caro.* Ergo coniugium debet  
 esse perpetuum, & sola morte alterius potest dissolvi.  
 Vir enim, & uxor inter se legitimo matrimonio con-  
 iuncti debent esse sicut anima, & corpus; quia ut su-  
 præ vidimus ex Maldonato, verba Christi significant  
 virum, & uxorem non esse duos homines, sed vnum,  
 virque se habet ut anima, & uxor ut corpus. Ergo si-  
 cut vinculum inter animam, & corpus tam arctum  
 est, ut sola morte dissolvatur; ita vinculum matrimo-  
 nij tantum, taleque debet esse, ut sola morte viri vel  
 uxoris dissolvatur.



Ex dictis constat legem Mahumeti, quæ tam amplam repudijs ianuam aperuit, esse contra ius diuinum, contra ius naturale, contra ius politicum, contra bonos mores, & innumerabilium peccatorum radicem; inventamque fuisse à Mahumeto ad palliandam effrænem libidinem.

## CAPVT IX.

*Demonstratur, nullam ex proprietatibus legis Domini assignatis à Dauide conuenire legi Mahumetanæ.*

**P**ROPHETA Regius Psalm. 118. v. 8. legem diuinam describens, eiusque proprietates ob oculos ponens, inquit: *Lex Domini immaculata, conuertens animas, testimonium Domini fidele sapientiam præstans parvulis.* Dicitur immaculata, idest, sine vlla macula, & fæditate, non solum quia nihil iniustum, & malum præcipit, sed quia nullum peccatum permittit, vt permittunt leges humanæ, & vt explicat Bellarminus dicitur conuertens animas, quia nimirum illas conuertit ad se amandam, easque rapit consequenter ad Deum tam pulchræ legis Authorem. Eadem lex Domini dicitur testimonium, vt exponit Bellarminus, quia testificatur hominibus, quæ sit voluntas Dei, quid à nobis requirat Dominus, quas pœnas prævaricantibus, & quæ præmia observantibus præparaverit. Ait igitur *testimonium Domini fidele*, tum quia lex Domini nihil falsum docet, tum quia certissimè bonos

nos præmijs, & malos supplicijs afficiet. Sapientiam præstans parvulis, idest hominibus parvulis sensu dat lumen prudentiæ, vt sciant bona opera facere, & peccata vitare: Parvulos enim, inquit Bellarminus, vocat in hoc loco Propheta homines, qui non pol-  
 lent iudicio spirituali, quales sunt omnes amici huius sæculi: & per sapientiam intelligit prudentiam spi-  
 ritualem, quæ corrigit mores, & format ad præscrip-  
 tum divinæ legis. Dilucide, & breviter explicat hæc  
 „ verba Psalmi S. Thomas 1. 2. q. 91. art. 4. corp. Lex  
 „ Domini immaculata, idest nullam peccati turpitu-  
 „ dinem permittens: convertens animas, quia non so-  
 „ lum exteriores actus, sed etiam interiores dirigit:  
 „ testimonium Domini fidele, propter certitudinem  
 „ veritatis, & rectitudinis: sapientiam præstans par-  
 „ vulis, in quantum ordinat homines ad supernatu-  
 „ ralem finem, & divinum.

## CAPVT X.

*Ostenditur, legem Mahumetanam non esse immaculatam,  
 quia multa iniusta præcipit; & multa turpissi-  
 ma, vt licita permittit.*

**I**MPRIMIS assumptum probatur, quia lex Mahu-  
 metana Polygamiam, & repudium, vt licita per-  
 mittit; cum tamen sint iure divino, & naturali prohi-  
 bita: vt vidimus caput præcedenti.

Secundo, quia reddit licitam simplicem fornicati-  
 o-

tionem, contra id quod Deus præcipit Deuther. 23.  
*Non erit meretrix de filiabus Israel, nec fornicator de filiis Israel.* Et contra id quod Christus Matth. 15. v. 19. declarat. Vbi inter opera coinquantia animam  
 „ post adulteria ponit fornicationes: De corde exeūt  
 „ cogitationes malæ, homicidia, adulteria, fornicationes, & hæc sunt quæ coinquant hominem. Et  
 „ contra id quod Apostolus docet ad Galatas 5. v. 19. manifesta sunt autem opera carnis: quæ sunt  
 „ fornicatio, immunditia. Et 1. Corinth. 6. neque fornicarij, neque adulteri, neque molles, &c. Regnum Dei possidebunt. Circa quod videndus est S. Thomas 3. contra gentes cap. 122. & 2.2. q. 154. art. 2. vbi probat rationibus simplicem fornicationem esse illicitam. Idque Philosophi ipsi Gentiles cognovere. Et ideó volens Demosthenes cognoscere Laydem meretricem pulcherrimam, cum illa pretium ingens turpitudinis prius petivisset, respondit: *Ego tanti penitere non emo.* Ipsaque naturalis verecundia, quæ homines docet quærere latibula ad vacandum veneri, probat simplicem fornicationem esse peccatum. Quod Mahumetus licitam faciat simplicem fornicationem, patet; quia lib. 4. Alcorani c. 9. & secundum aliam editionem, in qua totum volumen Alcorani ponitur sine distinctione librorum, capite 32. inquit: *Castitatem observate nisi cum proprijs vxoribus, aut sibi subiectis, & ancillis: inde enim nulla fiet querimonia.* Vnde cum ancillis vel pretio emptis, vel bello capris licitum esse coire docet.



Rursus in capite, seu Azorá, quæ intitulatur Elmir,  
 „ seu Lux, inquit: Nulli mulieri vim inferatis; cæte-  
 „ rùm si illa voluntariè consenserit; sine metu, & ti-  
 „ more peccati potestis cum illa dormire. Et in ca-  
 „ pite Elmetarem, quod idem sonat ac excommuni-  
 „ catio, inquit: Deus omnipotens, & misericors con-  
 „ cedit omnibus vobis, qui erga Mahumetum devo-  
 „ ti estis, & eius legem observatis, quod possi is com-  
 „ municationem carnalem cum vestris ancillis, ac  
 „ cum vestris vxoribus habere. Quam legem Mahu-  
 metus publicavit, quando ab vxoribus suis deprehen-  
 sus est adulterium committens cum ancilla Iudæa,  
 quam illi præsentaverat Rex Iacobitarum, vt supra  
 narravimus pagina 401. Et hinc constat, Mahu-  
 metum non solum facere licitum coitum inter solu-  
 tum, & solutam, sed inter vxoratum, & solutam, imò,  
 & vxoratam, dummodo sit ancilla bello capta, vel  
 pretio empta: ac proinde non solum facere licitam  
 simplicem fornicationem, sed adulterium.

Mahumetani vero legem illam concedentem sibi  
 facultatem cognoscendi solutas, ita intelligunt; vt  
 non solum sit necessarium, quod illæ non resistent, sed  
 libentes consentiant, sed quod eis exhibeatur aliquod  
*turpitudinis pretium*. Vnde priusquam commiscean-  
 tur, dicit mulier, *batyl, batyl*, idest, da pretium vt sine  
 peccato possis me cognoscere.

Tertio, Mahumetus licitam facit venerem præpo-  
 steram cum proprijs vxoribus, & ancillis. Nam in ca-  
 „ pite Almeraren nuper citato dicit: Communica-

tionem carnalem cum ancillis vestris licite habere  
potestis, sicut cum vxoribus, & vtrisque potestis vti  
prout libuerit, quia vestrae sunt, pradium vestrum  
sunt: vnusquisque autem suum pradium, suam ve  
terram vt libuerit arare, & seminare potest. Idque  
præter alios testatur etiam S. Petrus Paschasius  
pag. & num. 36. vbi ait: legitur in libris Maurorum,  
quod aliqui illorum Mahumetum interrogarunt: si  
licitum illis esset, & concessum relicta concipiendi  
natura, vt suis mulieribus ad nutum voluntatis  
ipsorum. Et respondit Mahumetus: Vestrae mulie-  
res sunt, seminate vbicumque vobis placuerit. Vnde  
ipse Mahumetus in diebus menstrualibus  
utebatur illis vase præpostero. Vide quæ narraui-  
mus supra pag. 403.

Quarto, Mahumetus licitam facit pollutionem. Vt  
enim refert S. Petrus Paschasius pag. 37. num. 40. cum  
quidam suorum sectatorum dixissent, maximum vi-  
deri peccatum, quod vir semen effundat extra vas  
connaturale vxoris, quia impeditur generatio; res-  
pondit Mahumetus: Non ex tota aqua, vel semine  
eget, vel generabitur filius, & quando Deo aliquid  
creare placuerit, nullus est, qui possit illi impedire.  
Et alio loco dixit: Non dubiteris spargere, vel effun-  
dere vestrum semen, quomodo volueritis; nam nulla  
anima potest ab esse suo impediri, & priuari, si talis  
anima esse habere debeat.

Quinto, licitam facit Sodomiam viri cum viro,  
contra illud Leuit. 18. Cum masculino non commis-

„cearis coitu fœmineo, quia abominatio est. Et con-  
 „tra illud Pauli, neque molles, neque masculorum  
 „concubitores Regnum Dei possidebunt. Et contra  
 ipsum lumen rationis. Assumptum probatur: nam in  
 Alcorano in capite, cuius titulus est, *de Vacca*, sic in-  
 quit: *Sarraceni carnaliter non maculentur cum infidelibus  
 donec credant.* Hinc inferunt Mahumetani, quod  
 quamvis licitum non sit carnaliter commisceri pueris  
 alienæ Religionis; licitum tamen esse cum pueris Ma-  
 humetanis. Vnde ortum duxit infernalis illa consue-  
 tudo, quod Turcarum Imperator non solum in suo  
 Palatio habeat ducentas, vel trecentas vxores, & con-  
 cubinas ad explendam suam libidinem; sed alia in do-  
 mo asservantur ducenti, vel trecenti pueri formosi,  
 quibus nefande abutitur barbarus ille Mahumeti dis-  
 cipulus, & in Imperio successor. Idemque proportio-  
 ne seruata faciunt Magnates, & Procures regni, vt su-  
 præ cap. 7. pag. 441. diximus de vxoribus. Et in cele-  
 brioribus vrbibus Monarchiæ Turcicæ extant Domus  
 publicæ, in quibus pueri eiusmodi cinædi prostituun-  
 tur, vt nefandi prædicoes præpostera vtantur vene-  
 re: vt testatur Thomas Bozius de signo Ecclesiæ sig-  
 no 56. fol. 544.

Sexto, Mahumetani, vt testatur ibidem Bozius, li-  
 citum putant carnaliter coire cum bestiis, dummodo  
 sint sub proprio dominio. Quia enim Vbequar Ma-  
 humeti socer, & secundus post ipsum Sarracenorum  
 Alcalifa legem statuit, vel edictum promulgauit, in  
 quo dicebatur: *Quemlibet Sarracenum posse licite vti re-*



bus quæ sunt sub eius dominio, & potestate, eo modo, quo ipse maluerit: hinc Mahumetani intulerunt, licitum esse Mahumetanis communicationem carnalem habere non solum cum ancillis, sed etiam servis, & mancipijs, non solum quando sunt eiusdem Religionis, sed quamvis sint diversæ Professionis, & etiam licitum esse coire cum bestiis, quia ratio legis est vniuersalis, & ut ipsi existimant, extenditur ad vsum in ordine ad venerem etiam nephandam, & bestialem. Quod natura ipsa abhorret; & severissimè à Deo prohibetur Levit. 18. *Cam omni pecore non coibis, nec maculaberis cum illo.*

Et quamvis Mahumetus expresse non permisserit tanquam licitum coitum nephandum viri cum virò: tamen certum est, non præcipuisse, ut hoc scelus graviter puniretur. Vt enim testatur S. Petrus Paschasius pag. 37. num. 38. loquens Mahumetus de peccato sodomix, ait: Si vir cum alio viro in sodomix peccato convenerit, in talique culpa inventus, comprehensusque fuerit, statim reprehendantur, & corrigantur; & si doluerint, & pœnituerint, non idèd puniantur, nam Deus pius, & misericors est, & pœnitentiæ acceptator. Hinc merito infer Sanctus Martyr, propterea Mahumetum non imposuisse pœnam accerbissimam mortis pro tam horrendo crimine, quod Deus tantopere execratur, ut illud punierit igne de cœlo emisso in Sodomitas; & in Levitico cap. 18. v. 29. dixerit: *Perituram de populo suo omnem animam, quæ fecerit abominationem eiusmodi: quia videlicet Ma-*

humetus ab illo scelere purus non erat. Quod comprobatur ex testimonio, quod contra ipsum dederunt Axa, & Maymona uxores eius, ut vidimus supra cap. 7. pag. 414. testaturque hoc crimen valde dominari in Mauris, & posse absdubio præsumi, quod Sarraceni illud à Mahumeto acceperunt, & ad exemplum eius deinceps operati sunt.

Hinc deducitur non esse Dei legem eam, quæ tantam abominationem impunitam relinquit. Cum enim sodomia sit horrendum crimen, quod Deus vehementer execratur; impunitatem illi indulgere, est ansam præbere, ut frequenter committatur, ut cernimus inter Mahumetanos: evinciturque zelum Dei non habere Rempublicam illam, seu Professionem, in qua seuerè solum puniuntur furta, & alia peccata, quæ immediatè sunt contra proximum; impunita vero relinquuntur alia grauiora peccata, quæ naturam humanam magis maculant, & grauius Deum offendunt. Idque contingit in secta Mahumetana: Quare colligitur illam non esse sanctam: è contra vero Religionem Christianam, quæ flammis hanc maculam expiat, esse sanctam, & immaculatam, & Deum habere Authorem.

Rem comprobemus exemplo, quod in hunc scopum adducit P. Franciscus Arias nostræ Societatis tom. 1. de Imitatione Christi, tract. 16. cap. 3. quem edidit anno Christi 1598. In Vrbe Valentia, vbi Sanctæ Inquisitionis Tribunal peccatum nephandum seuerissime punit, Sacerdos de hoc crimine conuictus

publicè degradatus est in spectaculo Fidei, quod ibi habitum est; ad illud eductus est Apostata Mahumétanus, qui cum esset Mauri neophyti filius, Baptismum in infantia susceperat, postea vero pertinaciter Mahumétanæ sectæ adhæsit; & quia illam abiurare noluit sententia capitis in eum lata est. Comitabatur hunc perfidum Mahumétanum ad supplicium Religiosus & Societate Iesu, & in carcere, & per viam, & in loco ad publicè legeudam sententiam delinquentibus destinato, multum laboravit, ut ad Religionem Christianam eum pertraheret. Sed in cassum: quia aures suas obturauerat, & obstinatissimè decreverat in Religione suorum maiorum vitam finire. Sed quod Pater persuadere non potuit, persuasit solemnitas illa Sacerdotis degradatio, quæ in tabulato coram omni populo facta est. Attonito similis perfidus Mahumétanus Episcopum degradantem, & Sacerdotem degradatum attentè inspiciebat: & interrogavit à Patre Societatis qui ei adstabat, quid hoc rei esset? Aut cur ille Sacerdos ita puniebatur? Responsum est, illum commississe peccatum nefandum, & propter hoc peccatum execrabile flammis comburendum; prius tamen denudari ornamentis, & insignibus Sacerdotalibus, ut Iudici sæculari puniendus traderetur. Tunc enim vero Maurus mirari cœpit tam severè puniri inter Christianos delictum, quod inter Mahumétanos passim impunè committitur: & Deo tangente cor illius cognovit, non posse non esse sanctam, & veram legem Christianam, quæ tam severè punit eius-



modi delicta : é contra verò falsam , & impuram sectam Mahumetanam, quæ tam nephanda scelera impunita relinquit ; & solum animadvertit in peccata, quæ vtilitati hominum nocent ; ad hoc enim propriû commodum movet ; punire vero horrenda crimina, quæ nihil nocumenti temporalis afferunt, solum quia sunt contra Deum, & naturam rationalem dedecent, non nisi verus Dei zelus efficit. Sic illuminatus vocat Patrem, & palam profitetur se velle mori Christianum, & sectam Mahumetanam abiurat, & execratur: interrogat Pater huius subitæ mutationis causam; ille id quod narratum est, exponit. Quia Baptizatus iam fuerat, necesse non fuit illum Baptizare ; sed generalem confessionem totius vitæ instituit, & peccata omnia cum dolore, & compunctione exposuit ; & accepta sacramentali absolutione, sæpè repetita fidei Christianæ professione, & deplorata præterita cecitate, & elicitis ferventibus actibus contritionis, fidei, spei, charitatis, & resignationis, paulò post ultimo supplicio affectus est.

Septimo, ut testatur S. Petrus Paschasius pag. 37. num. 39. à Mahumeto suis Sectatoribus concessa fâ, cultas, & licentia est: Quod si duo homines habeant, vnam tantum ancillam, non solum vnicuique debet, in domesticis ancilla servire, sed etiam in lecto, & coitu, quem mulier cum viro habere solet : & sic concessit illis, quod multi vnam tantum mulierem habere possint. Hoc autem est contra prima iuris naturalis principia; etsi enim aliquando Deus dispen-

sa-

faverit, ut unus vir plures uxores habeat; nunquam  
 tamen dispensavit, ut una uxor plures viros habere  
 possit: imò neque dispensare potest, ut probat Cardi-  
 nalis Bellarminus lib. 1. de Matrimonio capite XI. in  
 secunda propositione, quia polygamia unius fœminæ  
 cum multis viris pertinet ad prima principia iuris na-  
 turæ, neque per ullam mutationem circumstantiarum  
 potest fieri bona, quia repugnat omnibus finibus ma-  
 trimonij. Quatuor enim possunt distingui fines ma-  
 trimonij. Primus, & primarius est susceptio, & educa-  
 tio prolis. Huic autem fini opponitur pluralitas mari-  
 torum respectu eiusdem uxoris, cum enim semel tan-  
 tum in anno possit mulier parere, ab vno viro suffi-  
 cienter fœtatur: si autem pluribus commisceatur, po-  
 tius impeditur quam iuvetur generatio; & ideò me-  
 retrices infœcundæ esse solent. Deinde, quia ut in-  
 quit D. Thomas lib. 3. contra gentes cap. 23. num. 3.  
 „ Naturalis quædam sollicitudo in est hominibus de  
 „ certitudine prolis, quod propter hoc necessarium  
 „ est, quia filius diuturna patris guberatione indi-  
 „ get: quæcumque igitur certitudinem prolis impe-  
 „ diunt, sunt contra naturalem instinctum humanæ  
 „ speciei. Hæc autem certitudo prolis impeditur per  
 pluralitatem virorum respectu eiusdem fœminæ. Ne-  
 mo enim illorum certus esse posset, an proles esset  
 sua. Ergo illa pluralitas virorum respectu eiusdem  
 fœminæ est contra prima iuris naturalis principia.

Secundus finis Matrimonij est, domestica societas,  
 & communicatio operum, quæ ad vitam necessaria

sunt; vt enim docet Aristoteles lib. 8. *Ethic.* cap. 12. vir & vxor non coniunguntur solum ad procreandum, vt animalia cætera, sed vt simul familiam regant, & domestica officia inter se partiantur. Contra hunc finem autem est, quod vna fœmina plures viros habeat; essent enim plura capita respectu eiusdem corporis: vnde sicut non potest idem servus duobus dominis recte servire; ita neque eadem fœmina duobus maritis subiecta esse.

Tertiùs finis est, vt sit coniugium in remedium concupiscentiæ: coniugium vero vnius fœminæ cum multis viris non solum remedium non adhiberet contra concupiscentiam, sed etiam iras, rixas, & discordias implacabiles excitaret inter rivalet; quas fœmina compescere non posset, cum ei competat subijci, & obedire, non præesse, & dominari.

Quartus finis Matrimonij est, vt sit Sacramentum Christi, & Ecclesiæ. Huic autem fini maximè opponitur pluralitas virorum respectu eiusdem fœminæ. Vnus enim est Deus, cui Ecclesia iungitur, non multi: nec potest Ecclesia, siue anima quævis multis Dijs coniungi, nisi fornicando.

Quare vt observat D. Augustinus lib. 3. de Doctrina Christiana cap. 12. & lib. de bono coniugali cap. 17. licet inveniuntur quidam sancti viri, qui plures vxores habuerint; nulla vnquam extitit sancta fœmina, quæ multos simul viros habuerit.

Octavò, Mahumetus, vt testatur S. Petrus Paschasius pag. 21. num. 18. asserit licitum esse exterius profi-



fiteri fidem falsam, & veram negare; sic enim ait in Alcorano: Qui Deum coactus, & compulsus negaverit, si corde non negaverit, quamvis ore neget, illi non imputabitur ad culpam; si autem corde simul, & ore negaverit, Dei ira venit super eum. Sed hic est error manifestus, ut docent omnes Christiani Theologi cum S. Thoma 2.2. quæst. 3. art. 2. aliquando enim datur obligatio gravis profitendi externè fidem veram, quam quis in corde habet; potiusque subeunda est mors, quam negare Deum. Ut enim inquit Christus Matth. 10. *Qui negaverit me coram hominibus, negabo eum coram Patre meo*, qui in cœlis est. Vnde Martyres elegerunt potius crudelissimam mortem, quam externe negare Christum, & idola venerari.

Nonó, docet esse licitum iuramentum falsum, & vanum; & solum prohibet falsitatem iuramenti promissorii. Ut enim testatur S. Petrus Paschasius pag. 34. num. 33. Sic Mahumetus suis sectatoribus dixit: Vos non arguet Deus de vestris iuramentis vanis, & mendacibus: sed arguet vos de iuramentis promissorijs, & de peccatis inter vos cum iuramento factis. Hæc doctrina est error manifestus: quia adducere Deum in testem mendacij, est peccatum gravissimum. Et ideo Deus Levit. 19. v. 12. Non perjurabis in nomine meo, nec pollues nomen Dei tui. Et Exodi 20. v. 7. Non assumes nomen Dei tui in vanum: neque enim habebit in fontem Dominus eum, qui assumpserit nomen Dei sui frustra. Quæ verba ex

5, diametro opponuntur verbis Mahumeti. Et Chri-  
 5, stus Matth. 5. v. 34. Ego autem dico vobis non iu-  
 5, rare omnino, &c. sit autem sermo vester, est, est;  
 5, non, non; quod autem his abundantius est, à malo  
 5, est. Et Propheta Hieremias cap. 4. ponit tres con-  
 5, ditiones iuramenti, vt sit licitum; in veritate, iudi-  
 5, cio, & iustitia.

Decimò docet, vindictam esse licitam, tantumque  
 abesse vt illicitum sit inimicos odio habere, vt potius  
 qui inimicum occiderit, ob hoc ipsum paradysum  
 mereatur. Et lib. 1. Alcorani cap. 2. hæc habet: *Eis,*  
*qui vobis iniurias, & molestias intulerint, alias æquales, &*  
*maiores inferte.* Vt testatur Lupus de Obregon in suo  
 libro contra Alcoranum. Qui est error contra doctri-  
 nam Dei, Deuteron. 32. v. 35. quam expendit Paulus  
 Rom. 12. v. 20. *Mibi vindicta, & ego retribuam, dicit*  
*Dominus.* Contra doctrinam Christi Matth. 5. v. 39. &  
 44. *Diligite inimicos vestros, &c.* Et contra illud Spiri-  
 tus Sancti, Ecclesiastici 28. *Qui vindicari vult, à Deo*  
*inveniet vindictam.* Conferat Christi minister tene-  
 bras cum luce, spiritum Mahumeti cum Spiritu  
 Christi, vt cognoscant Mahumetani virum illum non  
 Dei, sed Diaboli spiritum habuisse.

Vndecimò docet, licitum esse alienas occupare  
 terras, & ditioni sui Imperij quascumque subiugare  
 Provincias, & prædari sine alio titulo, quàm prædan-  
 di; seu prædari vt præderis, debellare vt debelles. Sic  
 5, enim ait in Alcorano Azorà 34. & Azorà 71. O bo-  
 5, na gens, ego vobis ostendam optimum commercij

„genus, quod vos liberet à maximo malo. Vt nimi-  
„rum credatis non esse nisi vnum Deum, & Mahu-  
„metum esse eius Prophetam; & hoc pacto proceda-  
„tis in nomine Dei ad diripiendum, ad prædandum,  
„& debellandum, in hoc opere vires, & diuitias in-  
„sumite, huic vitas ipsas impendite, notum enim vo-  
„bis facio, si sapitis, & vobis providere vultis, nihil  
„vobis posse vtilius contingere, quàm prædati, reg-  
„na debellare, vrbes expugnare: in præmium enim  
„huius facinoris, vobis Deus vestra peccata remit-  
„tet, & in paradyso vobis retribuet habitationes  
„amœnissimas, & omnibus affluentes delitijs; & in-  
„super vobis concedet, quod magna cum voluptate  
„vindictam sumatis de hostibus vestris, & Imperium  
„orbis adquiratis. Hanc doctrinam ita amplexantur  
Mahumetani, vt licitum sibi putent quascumque  
Prouincias aggredi, quascumque vrbes diripere, &  
Christianorum regna invadere, & quoquoque posunt  
Christianos in captiuitatem redigere.

Duodecimò docet, licitas esse superstitiones, &  
„divinationes, licita auguria, & veneficia. Vt enim  
„inquit S. Petrus Paschalius pag. 28. num. 23. Mau-  
„rorum legite libros, in quibus reperietis, Mahume-  
„tum vti superstitionibus, coniurationibus, & exor-  
„cismis vanis, & futilibus, sicuti vetulis contingere  
„solet, oscitando, expuendo, aliave signa, & figuras  
„faciendo. Vnde vna ex orationibus, quibus Mahu-  
„metus utebatur, hæc erat: Nostræ terræ pulvis, sali-  
„vaque aliquorum nostrorum infirmitates aliquo-



# 458 *Demonstr. contra Mahumet.*

rum sanat, Dei nostri indulgentia, & remissione. Et  
 observabat omnia, & auspicia, fidemque dabat  
 somnijs: & quando aliqui suorum ad eum conflue-  
 bant, ut illis aperiret somnia, docebat illos, quomo-  
 do deberent illa cognoscere, qualeque somnium  
 esset fœlix, qualeque infaustum. Et de hoc Mauri  
 magnum, & copiosum tractatum habent, & hoc  
 tanquam fide credunt, ab illoque summopere du-  
 cuntur, & reguntur. Vnde inter Mauros non est  
 prohibitum omina, & auspicia observare, sortibus,  
 & coniurationibus dæmonum uti, incantationibus,  
 & divinationibus inniti, & assentiri: & multi isto-  
 rum diuinorum à suo maledicto propheta exem-  
 plum sumentes, quando divinatori sunt pro assē,  
 vel nummo tantummodo vno, in terram iaciuntur,  
 & prosteruntur: dicuntque, quod tunc illis de-  
 monstratur, & manifestatur illud, quod scire, & di-  
 vinare volunt, dum iacent tanquam oblecti, ore si-  
 mul, & oculis incertis: & nec rubore afficiuntur,  
 quando dicunt sic contigisse prophetæ suo, quan-  
 do diuinare, & prophetizare volebat.

Idque docuisse Mahumetum constat ex Alcorano  
 in Azorâ Elaraph, ubi sic loquitur: Præcipio omni-  
 bus Sarracenis, ut utantur augurijs, & divinationi-  
 bus, & incantationibus: & qui aliter non potuerit  
 diuinare, saltem diuinet per scisuram digiti.

Facile est evincere non esse legem à Deo datam,  
 quæ hæc docet. Nam Deus oppositum omnino præ-  
 cepit Levitici 20. 6. Anima, quæ declinaverit ad

,atio-

„ariolos,& magos,& fornicata fuerit cum eis, po-  
„nam faciem meam contra eam, & interficiam illam  
„de medio populi mei. Et Leuit. 20.v. 27. Vir, siue  
„mulier, in quibus pythonicus, vel diuinationis fue-  
„rit spiritus, morte moriatur. Lapidibus obruent  
„eos: sanguis eorum sit super illos.

Facileque est comprobare Magos, & ariolos in-  
fœlicem mortem obijre. Nam Zoroaster magiæ in-  
ventor, vivus fuit combustus a Diabolo, quem con-  
sulebat, vt refert D. Clemens in libro Recognitio-  
num. Simon Magus quem Dæmones in sublime ege-  
rant, in terram præcipitatus, fractis cruribus obiit  
plenus ignominia, & dolore. Jezabel, quæ etiam ma-  
giam exercebat, à canibus devorata est. Henricus  
Cornelius Agripa morti propinquus a se abiecit  
Diabolum familiarem, qui sub forma canis eum co-  
mittabatur, dicens: *Abi mala bestia, tu me perdidisti.*  
Faustum insignem in Germania maleficum Dæmon  
quadam nocte è lecto extraxit, & suffocavit. flexa in  
dorsum facie, & vetulam maleficam, & sagam Dæ-  
mon coram omnibus vivam rapuit, vt refert Polido-  
rus Virgilius. Idemque alijs multis accidit; præter-  
tim insigni Malefico de quo refert Franciscus Picus,  
quod cum vellet ad vium coram Principe curioso  
Trojæ destructionem repræsentare, vivus raptus est  
à Diabolo, & amplius non comparuit. Alter vero,  
qui contra Diaboli præceptum manum extraxit è  
circulo magico ad contrectandam amasiæ effigiem,  
quæ illic obiecta est, illisus est parieti à Diabolo, &  
mi-

misere perijt. Alij quoque iuvenes, qui contra Dæmonis præscriptum pedem extra circulum moverunt, ab eodem suffocati sunt. Hæc omnia probant, Mahumetum, qui suis consuluit magiam dæmoniacam, maleficia, auguria, incantationes, confectationes, & vanas observationes, non fuisse Dei Prophetam, sed hominem nequissimum, & Diaboli discipulum.

## CAP. XI.

*Demonstratur legem Mahumeti non esse immaculatam, quia Virginitatem prohibet; & omnibus imponit obligationem nubendi, cum ad vigessimum quintum annum pervenerit.*

**P**hilippus Lonizerus lib. 2. Historiæ Turcicæ cap. 12. & Theatrum vitæ humanæ, verbo, castitas, referunt, esse præceptum in Alcorano, quod omnes, siue viri, siue fœminæ, cuiuscumque sint conditionis, dignitatis, vel præ eminentiæ, coniugium incant, cum attigerint annum vigessimum quintum. Quod præceptum ita interpretantur Turcæ, vt sibi persuadeant, non posse homines sanctos esse, & Deo placere si non nubant. Aiuntque, sicut arbores fructiferæ præstant sterilibus, & infructuosis, ita homines vxuratos, & incumbentes generationi filiorum excedere celibes, & continentes.

Facile est convincere legem prohibentem Anglicam Virginitatis virtutem non esse à Deo, sed ab homine carnali ortam duxisse, ex Diaboli suggestione,



ne, quamvis enim Matrimonium sanctum sit, & necessarium ad conservationem vniversi; virginitas tamen, & perpetua castitas multo magis Deo placent. Christus enim, & Beata Maria eius Mater Virgines fuerunt, teste ipso Alcorano, & eximia sanctitate floruerunt; ergo possunt homines maxime Deo placere servando perpetuam Virginitatem.

Secundò, impugnatur illud iniquum præceptum, quia Virginitas apud omnes Nationes venerationem meruit, & admirationem. Inter Hebræos Virgines fuerunt Elias, & Elisæus viri sanctissimi, & multi Prophetarum filij. Inter Græcos Sybillæ illustri sanctitatis fama floruerunt, & dono prophetiæ illustrari meruerunt, quia castitatem semper coluerunt, vt sentit Varro citatus à D. Hieronymo lib. 1. adversus Iovinianum. Tantique fecerunt Virginitatem Græci sapientes, tantoque in pretio castitatem habuerunt, vt Deas suas Dianam, & Minervam Virgines fuisse cōfinxerint; & inter duodecim cæli signa vnum appellatur Virgo.

Inter Romanos eam æstimationem habebant Virgines Vestales, vt illis per vicos, & plateas transeuntibus, omnes loco cederent, & gradum sisterent, etiam Consules, & Imperatores ipsi, & qui triūphum agebant, vt viam transeuntibus sine offendiculo relinquerent; vt testatur ibidem S. Hieronymus. Inter Japones, & Sinas Boncij, qui sunt veluti Monachi, & Religiosi, ob prærogativam castitatis, quam creduntur servare, magnæ sunt venerationi omnibus.

Sed quid de Republica Christiana loquar, ubi  
 virtus castitatis, & virginitatis excellentia viros, &  
 fœminas eximia reddit laude dignos. Plena est Eccle-  
 sia Christi Virginum choris. Etiam in statu matrimo-  
 nij inuenti sunt multi, qui imitantes puritatem Bea-  
 tissimæ Virginis Mariæ, & Iosephi virginitatem cum  
 coniugio iunxerunt. Tales fuerunt Eduardus Angliæ  
 Rex, & eius vxor: Henricus primus huius nominis  
 Imperator, & Chunegundes Imperatrix. Talis fuit  
 Ediltrudès Angliæ Regina, quæ cum tribus viris suc-  
 cessivè nuplisset, tamen semper virgo permansit. Talis  
 etiam fuit Emericus Esclauoniæ Dux, & Filius Ste-  
 phani Vngariæ Regis, cum vxore sua. Talis Boleslaus,  
 cognomine Castus, Poloniæ Rex, cum Cyngæ coniu-  
 ge sua. Talis Catharina Sueca ex Regia stirpe, & Pe-  
 trus Vrseolus Venetorum Dux. Alphonsus secundus  
 Castellæ Rex. Eleazarus Ariani Comes cum vxore  
 sua Delphina. Pulcheria Theodosij minoris soror, &  
 Imperatoris Marciani vxor.

Sed quid dicam de Imperatore Valentino, qui re-  
 liquos triumphos contemnens, de hoc vno triumpho  
 gloriabatur, quod scilicet illibatam Virginitatem ser-  
 vauit. Vt enim de illo scribit Hieronymus Epist. 49.  
 „Valentinus Imperator octogenarius adhuc virgo,  
 „cum audiret die fati sui triumphorum præconia  
 „recoli, quibus frequentissimus erat, ait vna se tan-  
 „tùm gloriari victoria, & requisitus quare Respondit,  
 „quod inimicorum nequissimum de vici carnem  
 „meam. Quid de illis Anglis virginibus (de quibus  
 men-

mentionem facit Bocius tom. 2. signo 93. num. 18.)  
 quæ facies suas pulcherrimas fœdauerunt, sibi ipsis  
 amputantes nares, ne in potestatem Barbarorum ve-  
 nientes, virginitatem amitterent? Quid de Casimiro  
 Poloniæ Rege, qui graui pressus infirmitate, mori po-  
 tius, quàm castitatis iacturam ex Medicorum consi-  
 lio subire constanter decrevit, generosa illa proferens  
 verba: *Nullam aliam vitam noui, nisi cœlestem illam, in  
 contaminatam, immortalem; ob quam eligo virgo mori.*  
 Candidissimam mustelam arpinam imitatus, quæ à  
 venatoribus luto obsessam viam qua fugere posset,  
 animadvertens, ne candidam pellem maculer, se capi-  
 finit, & opere ipso dicit: *Malo mori quam fœdari.*

Quid de ingenti Sanctarum Virginum agmine di-  
 cam, quæ mille martyria potius subire, quam virgini-  
 tatem amittere maluerunt? Quid de Agnete, de Ceci-  
 lia, Agatha, Catharina, Lucia? quid de inclyta Tecla,  
 quæ cum nuda leonibus discerpenda obijceretur, in  
 illis pudoris custodes inuenit. Nam pedes Sanctæ Vir-  
 gines osculantes, oculis interram demissis corpus nu-  
 dum neque tangere, nec aspicere ausi sunt, opere isto  
 docentes, quid facere deberent homines, vt elegan-  
 ter expendit Ambrosius: *Docuerunt Religionem, dum  
 adorant Martyrem; docuerunt etiam castitatem, dum Vir-  
 gini nihil aliud nisi plantas exosculantur, demissus in terram  
 oculis quasi verecundantibus, ne mas aliquis, vel bestia, Vir-  
 ginem nudam videret.* Iussa est postea vel Dijs sacrificare,  
 vel ad lupanarduci, vt ibi Virginitatem amitteret.  
 Oravit Sancta Virgo cœlestem sponsum, vt sibi in



tanto periculo opem ferret. Tulit sanè, nam cor Christiani militis mouit, vt domum illam infamem ingressus, vestes cum Tecla commutaret, quibus dissimulata periculum amittendæ castitatis euasit. Quid tandem de Sancta Vrsula, & undecim mille socijs eius dicam, quæ ne fidem, & castitatem amitterent, vitam libentissime amisserunt?

Quid quod Mahumetani ipsi operibus ipsis testantur virginitatem præferendam matrimonio, dum Morabitos suos venerantur quia castitatem creduntur seruare. Et ne legi suæ contradicant, dicere debent, Deum dispensasse cum Morabitis illis in illo præcepto nubendi. Sed re vera illi casti non sunt; nam ad tempus abstinere, vt postea æffrenatius veneri indulgeant.

Quarè vt inquit S. Gregorius super illud Genes. 22. In monte saluum te fac: virginitas altus mons est, ad quam Angelus hortatur: sed qui videt se non posse ascendere, maneat in Segor, idest in legitimo matrimonio, quia melius est mediocri bono uti, quam per abruta libidinum præcipitari.

Quantum Deo placeat virginitas constat ex Apocalypsis cap. 14. *Ecce Agnus stabat supra montem Sion, &c. Et cantabant quasi canticum novum. Hi sunt qui cum mulieribus non sunt coinquinati: Virgines enim sunt, & sequuntur Agnum quocumque ierit. Vt autem Viegas, & Alzar exponunt, hac phrasi nihil aliud significatur, quàm quod Agnus virginibus mirè delectetur, ita vt eos à suo latere nunquam velit discedere, sed eum*

comitentur, & sequantur quaque verſum; perinde ac Reginam Virginem, & Sponſam comitantur Virgines primariæ, & nobiliſſimæ, iuxta illud *Psalmi 44. Aſſirit Regina à dextris tuis in veſtitu de aurato, circumdata varietate. Adducentur Regi Virgines hoſt eam, proximæ eius afferentur tibi. Afferetur in letitiâ, & exultatione adducentur in Templum Regis.* Sicut enim Regina omnem ſuam voluptatem, colloquium, & conſolationem habet in ſuo puellarum gynæceo, & quod perpetuò eam ſtipat inſtar choꝝ: ita eandem habet Chriſtus in ſuo Virginum cætu. Ruſſum, ſicut muſici ſequentur principem, miroque concentu eum demulcent, eique ſunt in delirijs, ita Virgines Chriſto. Denique, ſicut Sponſa Sponſum, ita Virgines ſequuntur Chriſtum; ſunt enim Sponſæ Chriſti, vt ait Apoſtolus 2. Cor. 11. *Deſpondi vos vni viro Virginem caſtam exhibere Chriſto.* Chriſtus ergo amat Virgines, iſſique oblectatur, vt i Sponſus Sponſa.

Quod P. Cornelius à Lapide in eum locum Apocalypſis explicat exemplis, ad quæ vult reſpicere S. Ioannem in eo loco. Nam S. Clemens Pontifex Domitiani Imperatoris cognatus, perpetuam virginitatem coluit, vt docet S. Ignatius epittola ad Philadelphos. Idem eandem mirè extulit, alioſque docuit, vt paret ex eius epittolis, & teſtatur Epiphanius hæreſi 30. Quapropter eius hortatu S. Flavia Domitilla, nepotis & ipſa Domitiani, quam Aureliano deſponſam, S. Clemens Virginem Deo conſecravit, Euphroſina, Theodora, & aliæ nobiliſſimæ Virgines illuſtre pro

fide, & Virginitate martyrium obierunt. Quo circa Clemens à Trajano Imper. in Chersonam relegatus, cum plurimos Christianos eò pariter ad metalla damnatos, & inopia aquæ laborantes inuenisset, pro ijs preces fundens, vidit agnum stantem, qui dexterum pedem levauit, velut S. Clementi locum fontis indicans. Ergo Clemens ad locum in quo Agnus stabat accedens, parvoque ictu locum, qui erat sub pede Agni pulsans, mox fontem pulcherrimum elicuit: qui magno impetu effusus fecit fluvium: ex quo omnes Christiani tunc, & deinceps sitim levarunt. Quo miraculo Gentiles indigenæ ad fidem Christi conversi sunt. Ita habet eius vita, & Baronius anno Christi 100. Vnde, & in officio Ecclesiastico S. Clementis Antiphonas has legimus: *Orante S. Clemente apparuit ei Agnus Dei. Et, vidi supra montem Agnum stantem, de cuius sub pede fons vivus emanat: fluminis impetus letificat civitatem Dei.* In Sancto ergo Clemente adhuc vivente impletum est illud Apocal. 7. v. 17. *Agnus, qui in medio throni est, reget illos, & deducet eos ad vitæ fontes aquarum.* Fuit enim ipse Agni Dei assecla, idest Virgo, & ob Virginitatem Martyr paulò postquam hæc scripsit Ioannes, vt ad eum hic alluisse videatur. Imò sub Clemente Pontifice, & hæc quæ dixi inchoante, scripsit Apocalyp. & hæc ipsa S. Ioannes. Videtur ergo Domitillam, & alias Virgines tunc florentes, & pro Virginitate martyrium obituras, ad hoc fortiter obendum, hac visione, & hisce encomijs Virginitatis animare, & roborare voluisse.



Ita sub idem tempus S. Petrus S. Praxedem, & S. Potentianam: S. Paulus S. Teclam, & plurimas alias; S. Matth. S. Iphigeniam Regis Æthiopum filiam ad Virginitatem Deo vouendam excitauit: qua de causa S. Matth. ad aram sacrificans ab Hirtaco Regis fratre, qui Iphigeniam coniugem ambiebat, occisus, Virginitatis factus est victima, vt ait Hippolitus lib. de duodecim Apost. Paulus quoque à Nerone truncatus est, quod Virgines Christianas suæ libidini subtraheret, & Deo dicaret, vt testatur Chrysostomus.

Ita S. Agnes post mortem laureata apparuit cum Virginibus radiantibus, & splendidissime vestitis sequens Agnum, vt testatur S. Ambrosius lib. 5. Epist. 34. & habetur in Breviario Romano, die 28. Ianuarij. Ita Agnum secuta est B. Catharina Senensis, cui hoc datur elogium:

*Transijt ad sponsum tribus ornata coronis.*

Et illud:

*Dulce signum charitatis,*

*Dum amator castitatis*

*Cor mutat in Virgine.*

Quæ proinde ex hoc corde Christi igneo in suis epistolis ardentes Christi flammæ in omnes eiaculari, atque in omnibus non aliud facit, quàm vt Pontifices, Cardinales, Prælatos, Principes, Vrbes, Doctores, &c. ad quos scribit, inflammer amore Christi, ad eiusque perfectam sequelam incitet, & excitulet: quem proinde crebrò agnellum nuncupat, ideoque singu-

las epistolas incipit paritèr, & concludit : *In Iesu dulci,  
Iesu amore.*

Denique suis ipse verbis ad Christum Agnum ad  
cælum evocavit S. Ioannes Sanctum Eduardum Re-  
gem Anglorum, anno Domini 1106. vt scribit in eius  
vita Alredus Abbas Cisterciensis, qui floruit, anno  
Domini 1164. Sanctus Eduardus ( inquit ) nulli pe-  
tenti nomine Sancti Ioannis Evangelistæ, aliquis  
denegabat : hunc enim post Apostolorum Princi-  
pem arētius diligebat. Vnde contigit, quod quidam  
peregrinus absente eius ærario, in nomine Sancti  
Ioannis Evangelistæ importunè eleemosinam po-  
stularet. Cui Rex pretiosum annulum, cùm nihil  
aliud in promptu haberet, dedit. Accidit post hæc  
duos Anglicos ad adorandum Salvatoris sepul-  
crum Hieroselymam proficisci. Qui die quadam à  
publica strata declinantes, devia quæque sectati  
sunt; & sole ruente, nox obscura adducta est. Et cum  
nescirent quid agerent, quò se verterent, apparuit  
eis senex quidam venerandus, qui eos ad civitatem  
reducit. Susceptis autem hospitio mensa paratur;  
lautissimèque refectione dant membra quieti. Mane  
autem facto egresis illis de civitate, ait senex : viri  
fratres, cum summa prosperitate vos repatriaturos  
non dubitetis; quoniam prosperum iter faciet vo-  
bis Deus, & ego ob amorem Regis vestri in omni  
via firmabo super vos oculos meos. Ego enim sum  
Apostolus Christi Ioannes, qui regem vestrum ob  
meritum castitatis summa dilectione complector.  
Hunc

„ Hunc ergo annulum, quem mihi in habitu peregrini-  
 „ no apparenti tribuit, reportate, denuntiantes ei  
 „ obitus sui instare diem, quem infra sex menses visi-  
 „ tans visitabo, ut mecum sequatur Agnum quocum-  
 „ que ierit. His dictis disparuit: & illi ad patriam  
 „ prosperè redeunt, quæ viderant, Regi seriatim  
 „ retulerunt.

Addit Ioannes in laudem virginum: *Hi empti sunt ex hominibus primitiæ Deo, & Agno.* Empti dicuntur, quia pretio sanguinis Christi acceperunt hanc perfectam corporis, & animæ puritatem, ut hominibus altiores cælestem hic agerent vitam. Ideoque Deo, & Agno sūt *primitiæ*, id est selectissimi, & gratissimi fructus, & oblationes, quales in veteri testamento erant primitiæ frugum, & hominum. Sicut enim primi fructus sui novitate sapidissimi, & gratissimi sunt; ita & virginitas Deo, & sicut per primitias frugum Deo oblatas, reliquæ fruges omnes censebantur Deo oblatæ, ac ab eo benedictæ; ita pariter per Virgines, quasi per primitias Deo oblatas, Deus totis earum familijs, totique Ecclesiæ benedicit, & benefacit. Vnde præclare S. Hieronymus contra Iovinianum, qui Matrimonium æquabat virginitati: *Si Virgines (inquit) primitiæ Dei sunt: ergo viduæ, & in Matrimonio continentes erunt post primitias, id est in secundo, & tertio gradu: nec prius perditus populus saluari poterit, nisi tales Hostias castitatis Deo obtulerit, & immaculatum Agnum purissimis victimis reconciliauerit.*

Ex dictis constat, quam carnalis, & fœda sit Mahu-



meri lex, quæ cœleſtem virginitatis virtutem prohibet. Ideo autem prohibuit Angelicam iſtam virtutem, quia impoſſibilem iudicavit. Sic enim ait in ſecundo Alcorani capitulo. *Nocturnos cum mulieribus coitus Deus communiter nobis permittat, cum huiusmodi abſtinentiam tùm difficilem, tùm impoſſibilem eſſe agnoſcat.* Quam vero falſum ſit, impoſſibilem eſſe abſtinentiam à rebus veneriſ, conſtat exemplo tot Virginum, quorū habet Eccleſia Chriſti, & eorum qui in Matrimonio caſtitem ſervarunt. Mahumetus ex ſe alios iudicabat; cum vero ipſe eſſet turpiſſimus, impoſſibile cenſebat ſine commixtione fœminarum vitam agere.

## CAPVT XII.

*Oſtenditur, Alcoranum non eſſe legem, & teſtimonium Dei, quia teſtimonium Domini fidele, Alcoranum vero plenum eſt erroribus, mendacijs, & fabulis.*

**V**T hoc evincam, diſcurram per Alcorani errores contra Hiftoriam, contra Mathematicam, contra Philoſophiam, contra rationem naturalem, & contra Divinam Scripturam; pauca ſeligens ex multitudine errorum, quibus Alcoranum ſcatet.

*Errores Alcorani contra Hiftoriam.*

Alcorantum lib. 3. capite 1. affirmat Beatam Virgine

nem Mariam, Matrem Domini nostri Iesu Christi, fuisse illam Mariam sororem Aaronis, & Moyſis æquivocans vnam Mariam cum altera Maria, cum tamen manifestè conſtet inter vnam & alteram Mariam interceſſiſſet ultra mille, & quingentos annos. Nam à nativitate Moyſis, ad Nativitatem Chriſti tranſierunt 1598. anni. Hunc errorem notarunt Ioannes Andræas in ſuo tractatu contra ſectam Mahometanami cap. 4. & Cardinalis Cullaſus in Cribatione Alcorani lib. 1. cap. 4.

Gloſſatores Alcorani reſpondent, ſicut Deus miraculoſè fecit, quod Sara ſterilis pareret, ita miraculoſè conſervallè Mariam ſororem Moyſis, vt eſſet Mater Chriſti. Sed hæc fabula facile falſitatis convincitur ex ipſo Alcorano lib. 2. capite 1. vbi mentionem facit Conceptionis, & Nativitatis Beatæ Mariæ Virginis, dicitque fuiſſe in Templo præſentatam, & Sacerdotes Templi ſortitionem feciſſe, quis eorum curam habiturus eſſet illius Virginis, & ſortem cecidiſſe ſupra Zachariam: quæ in Mariam ſororem Moyſis cadere non poſſunt. Vnde manifestè deprehenditur falſitas, & contradicção Alcorani. Deinde Maria Chriſti Mater fuit, *omnibus viris, & mulieribus ſplendidior, mundior, atque iucundior*, vt teſtatur ipſum Alcoranum cap. 5. talis autem non fuit Maria ſoror Moyſis, & Aaronis, nam quia contra Moyſem locuta eſt, Deus immiſit illi lepram Num. 12. *Et ecce Maria apparuit candens lepra quaſi nix: ſeparataque eſt ſeptem diebus extra caſtra.*

Secundo capite 35. Alcorani confundit Regem

Pharaonem, qui regnabat, quando Moyſes eduxit filios Iſrael de Ægypto, cum eo qui regnabat, quando Moyſes natus eſt, & educatus in domo Pharaonis, cum conſtet fuiſſe diverſos. Textus Alcorani, ita habet. Cum Moyſes Pharaoni dixiſſet, vt filios Iſrael ſecum de Ægypto egredi ſineret. Pharao reſpondit: Nonne tu es, quem nutrivì puerum: & nobiſcum per annos moratus es, illudque perpetraviſti (occidendo ſcilicet Ægyptum) vnde malus reus factus es. Cæterum Mahumetum deceptum fuiſſe æquivocatione nominum, & falſum narraſſe, conſtat manifeſtè ex Scriptura. Cum enim Deus miſit Moyſem ad Pharaonem Exodi 4. v. 19. dixit ei: *Vade, & revertere in Ægyptum; mortui ſunt enim omnes, qui querebant animam tuam.* Quare Pharaon iſte ad quem miſſus eſt Moyſes, aliſus fuit ab eo, cum quo Moyſes habitavit, & ſub quo in Ægypto vixit: ſiquidem Moyſes Exodi 2. v. 15. ob occiſum Ægyptum fugit in terram Madiam, & ibi commoratus eſt quadraginta annis: & dum ibi commoraretur mortuus eſt Rex Ægypti, vt dicitur Exod. 2. v. 23. & poſtea quâdo miſſus eſt in Ægyptum regnabat aliſus Rex eiſdem nominis.

Tertiò, Mahumetus in Alcorano (vt teſtatur S. Petrus Paſchaſius pag. 31. num. 29.) aſſerit, Zachariam patrem Baptiſtæ tribus tantum diebus, & tribus noctibus mutum fuiſſe in pœnam incredulitatis ſuæ, quia nimirum Angelo annuntianti, Eliſabet parituram ipſi filium, credere noluit. Cum tamen ex Luc. cap. 1. v.



20. constet fuisse mutum vsque dum Elisabeth peperit. Et ecce eris tacens, & non poteris loqui, vsque in diem, quo hæc fiant. Illa autem narratio habetur in Alcorano capite 5.

Quarto, in primo Alcorani capitulo scriptum est: Deus suos ad se beneuolos, nequaquam hostes & erroneos adduxit. Hoc autem assertum esse falsum, clarè probatur, cum multos idololatrias, & vitiosissimos homines Deus converterit: quemadmodum Ilaías cum Deo loquens dicit cap. 55. Ecce gentem, quam nescies, bas vocabis: & gentes, quæ non noverunt te, ad te current. Hinc Dominus per Osæam loquens, inquit cap. 2. Vocavi non plebem meam plebem meam, & non dilectam dilectam. Et in Psalmo inquit: Populus quem non cognovi, servivit mihi, in auditu auris obedivit mihi.

Quintò, in tertio Alcorani capitulo tribuit Saul Regi factum Gedeonis: sic enim ait: Saul cum exercitibus sic accedens ait: Vos rivos visuri nihil, nisi quantum manus simul hausit gustetis: quod quidem transgrediens de meis viris esse desistet. Omnes vero præter paucos præceptum potando transgressi sunt. In ijs verbis videtur Mahometus tangere historiam quam habet Scriptura Judic. 7. v. 5. ubi ait: Cumque descendisset populus ad aquas, dixit Dominus ad Gedeonem: Qui lingua lambuerint aquas, sicut solent canes lambere, separabis eos seorsim: qui autem curuatis genibus biberint, in altera parte erunt. Fuit itaque numerus eorum,

„rum, qui manu ad os projiciente lamberant aquas  
 „trecenti viri: omnis autem reliqua multitudo flexo  
 „poplite bibit. Si autem illud dictum Alcorani intel-  
 ligatur de Saule, quando insequabatur Philistæos,  
 tunc enim adiuravit populum Israel, ne manducarent  
 donec vlcisceretur de inimicis suis: si, inquam, hæc  
 narratio sic intelligatur, est fabulosa, hoc enim præ-  
 ceptum omnis populus observavit præter Jonatam  
 filium Saulis, qui illud ignoranter transgressus est,  
 gustando parùm mellis, quia scilicet illud præceptum  
 „non audiuit. Vt constat ex 1. Reg. 14. v. 14. Et adiu-  
 „rauit Saul populum, dicens, Maledictus vir, qui co-  
 „mederit panem vsque ad vesperam, donec vlciscar  
 „de inimicis meis: & non manducauit populus pa-  
 nem, &c.

Sextò, in quinto capitulo, sic inquit Alcorani li-  
 „ber: Christus sciens Iudæos in sua incredulitate  
 „pertinaces, dixit: Quis in Dei nomine me sequetur?  
 „Viri quidam albis vestibus induti dixerunt: Nos in  
 „Dei nomine te sequentes in Deum credimus. Et  
 „dixerunt: O Creator nos huic libro adhibentes fi-  
 „dem, legatumque tuum imitantes fidelibus adscri-  
 be. Vbi per viros indutos vestibus albis intelligit  
 Apostolos, per legatum intelligit Christum, & per li-  
 brum Evangelium litteris viuibilibus scriptum. Et  
 hæc fabulosa sunt, quia nec Apostoli vestibus albis  
 induti incedebant, neque Christus librum Evange-  
 liorum à se scriptum, & compositum ostendit Apo-  
 stolis, sed ore tantum docuit, & post eius Ascensionem

in Cœlum & Spiritus Sancti missionem sancti quatuor Evangelistæ divinitus inspirati diversis locis, & temporibus Evangelium scripserunt.

Septimò, in duodecimo Alcorani capitulo fabulose narrat historiam Sacrificij Abelis, & Caini. Sic enim ait: Illis (scilicet Cain, & Abel) holocaustum Deo igni supposito facientibus, alterius holocaustum minime Deo collectum est. Vnde alteri (scilicet Cain) dicenti fratri suo, ego te interficiam; alter respondit: licet manum tuam ad inferendam mihi mortem extenderis, ego nequaquam manum meam ad te extendam. Hæc narratio fabulosa est. Nam Genes. 4. v. 5. legimus, quod obtulit Cain de fructibus terræ munera Domino: Abel quoque obtulit de primogenitis gregis sui, & de adipibus eorum, & respexit Dominus ad Abel, & ad munera eius; ad Cain vero, & ad munera eius non respexit. Porro ubi nos legimus, respexit Dominus ad Abel, &c. Theodotio transtulit: Inflammavit Dominus super Abel, & super munera eius. Circa quod uniformiter docent Doctores quod Abel offerente ignis de Cœlo veniens oblationem eius incendit: quemadmodum 1. Paralipomen. 7. v. 1. de oblatione Salomonis, & 3. Reg. 18. v. 38. de oblatione Eliæ scriptum est, Non itaque Abel, & Cain ignem supposuerunt oblationibus suis: sed illis offerentibus, Deus ignem de Cœlo misit super oblationem Abelis, & non super oblationem Caini. Rursus, quod dicit de colloquio inter fratres illos fabulosum est: nam ex Scriptu-



ra constat, quod Cain dixit dolosè fratri: *Egrediamur in agrum; cumque essent in agro, occidit eum.* Si autem prius minatus fuisset mortem, non egrederetur Abel cum illo in agrum.

Octavò, in decimosexto Alcorani capitulo significat, peccatum Angeli fuisse, quia noluit se humiliare, & prosternere coram Adamo, ut Deus præcipiebat. Sic enim Deum loquentem introducit: Ego præcepi, ut Angeli patri vestro (scilicet Adæ) se humiliarent, præceptoque meo omnes, excepto Beelcebud, paruerunt. Quod sæpe reperit in Alcorano, nam alio loco asserit, Deum Angelis præcipisse, ut se in terram prosternerent coram Adam. Sed istud non consonat Scripturis, in quibus aliæ causæ ruinæ Angelorum docentur, ut Isai. 141. Ezechielis 28. Deinde si vnus duntaxat Beelcebud inobediens fuit, vnus tantum esset Diabolus, siquidem Angeli boni post adimplerionem præcepti, statim beatificati sunt: constat autem Diabolos esse in magno numero. Nam Marci 5. Christus ab vno obsessio legionem Dæmonum abstulit. Et Job 4. asseritur, quod Deus in Angelis suis reperit prauitatem. Et in Apocalipsi Draco dicitur traxisse secum tertiam partem stellarum, quia nimirum Lucifer tertiam partem Angelorum decepit.

Addit præterea in eodem capitulo: Deo autem illum, scilicet Beelcebud, interrogante, qua de causa non obediret, respondit: Ego factus de igne, illi de terræ limò plasmato præualeo. Cæterum hoc esse

esse mendacium non solum contra Historiam, sed contra Philosophiam constat, nam vt docent Averroes, Avicena, & omnes Peripatetici Philosophi cum Aristotele, Intelligentiæ, seu Angeli carent materia, & sunt substantiæ spirituales, & immateriales.

Nondò, in eodem capite 16. dicit: Quod Deus præcepit Noe, vt hominibus persuaderet, vnum solum invocare adorareque Deum, & quod ei plurimi contradixerunt, quasi multorum deorum cultores, quos idcirco Deus submersit. Sed hæc narratio fabulosa est, constat enim in prima mundi ætate, quæ duravit ab Adam vsque ad Noe, idololatriam non fuisse. Et Genes. 6. dicitur Deum immisisse diluvium, non ob peccatum idololatriæ, sed ob nefanda carnis scelera: *Omnis quippe caro corruerat viam suam.* In illa namque prima mundi ætate propter recentem creationis mundi memoriam, vnum dumtaxat Deum mundique creatorem homines adorabant. Idololatria autem post diluvium à Nino Rege cæpit, vt tangitur Sapientiæ 14. v. 15. Acerbo enim luctu dolens, pater, cito sibi rapti filij fecit imaginem: & illum, qui tunc quasi homo mortuus fuerat, nunc tanquam Deum colere cæpit, & constituit inter seruos suos sacra, & sacrificia. Vel vt dicunt alij, idololatria cæpit à Nembroth.

Decimò, eodem capite fabulose narrat miracula, Moyſis per virgam facta: ait enim, quod cum serpens Moyſis devorasset serpentes Magorum Pharaonis, omnes Magi superati genua sua coram Moy-

„ Moysē flectebant, confitentes se Deo Moysis su-  
 „ biacere. Idcirco Pharaō indignatus dixit eisdem:  
 „ Manibus vestris, pedibusque abscisis suspendam  
 vos. Hanc narrationem esse fabulosam constabit le-  
 genti cap. 7. 8. & 9. Exodi.

Vndecimo ex dictis eiusdem capitis manifestè  
 evincitur Mahumetum has Historias imperitè, & sine  
 luce veritatis Alcorano inseruisse. Nam ibidem sic  
 „ legitur: Homines Pharaonis dixerunt ad eum, si  
 „ Moysen, & Fratrem eius terram tuam sic vastare,  
 „ tuamque gentem sibi allicere dimiseris, Idolum  
 „ tuum, & te prorsus negligendo dimittent. Respon-  
 „ ditque Pharaō: Ego fortis, & potens super eos, eo-  
 „ rum infantes occidam, fœminasque custodiam. Hic  
 „ manifestè cernitur Mahumeti imperitia, & igno-  
 rantia. Constat enim ex capite decimo Exodi, occi-  
 sionem masculorum infantum, & custodiam, seu re-  
 servationem fœmellarum, cœpisse antequam Moyses  
 natus esset; & illum Pharaonem, qui eam occisionem  
 præcepit, alium fuisse ab eo, coram quo Moyses mira-  
 cula operatus est.

Addit Mahumetus in eodem capite 16. quod *post-*  
*quam filij Israel mare rubrum miraculose transierunt,*  
*submersis Ægyptijs, inveniētes homines idolorum cultor-*  
*es. precati sunt Moysen, ut eis similiter imagines consti-*  
*tueret.* Sed hoc fabulosum esse, facile evincitur. Con-  
 stat enim ex cap. 13. Exodi, quod filios Israel de  
 Ægypto eductos non duxit Deus per terram Phili-  
 tim, quæ vicina erat, sed circumduxit per desertum,



vsque ad montem Sinai, quin in toto illo itinere civitatem aliquam, vel populum invenerint: constatque eos vitulum conflatilem adorasse propè montem Sinai, & ob peccatum occisa fuisse viginti tria millia hominum: & non devenisse ad terras habitabiles, & ad gentes idolatras nisi post multum temporis. Et incredibile est, quod filij Israel statim post transitum maris rubri, in quo tam diram Dei ultionem contra idolatras viderant, petivisse à Moysè, ut ipsis constitueret idola.

Decimotertio, ex eodem capite deprehenditur alius error Mahumeti contra veritatem Historiæ: ait enim, quod Loth increpavit gentem suam, videlicet Sodomitas, ob scelus inauditum à nemine prius perpetratum. Constat enim ante diluvium hoc peccatum fuisse commissum ab hominibus, ut enim dicitur Genes. 6. *Omnis caro corruerat viam suam.*

Quartodecimo, in eodem capite affirmat, Moysen reliquisse Aaronem, tanquam sui Vicarium, & cum primum in montem Sinai ascendit, instantè Deum orasse, ut ostenderet sibi faciem suam, Deum vero ipsi respondisse: Me non videbis, si mons à te visus loco suo permaneat: eo autem montem ascendente, ipsum montem in minimum atque minutum pulverem redactum esse: vnde Moysen quasi mortuum cecidisse, postquam autem curatus est, dixisse: Deus ego tuus sum, & primus inter credentes. Verum hoc fabulosum esse constat ex cap. 33. Exodi, in quo legimus, post tabularum digito Dei scripta-

rum collationem, & vituli aurei confractionem, legisque lationem, Moysen hoc modo Deum orasse: *Ostende mihi faciem tuam.* Falsum est ergo quod Mahumetus narrat, nempe illum hoc postulasse antequam legem, & tabulas susciperet.

Præterea ex Scriptura 2. Exodi 19. constat, Deo in montem descendente, montem ipsum fumasse, & terribilem apparuisse, verumtamen integrum permansisse. Moysenque sæpè in illum ascendisse, & ex illo descendisse; abeuntibusque filiis Israel, montem integrum fuisse relictum. Et dato, quod in pulverem fuisset reductus, verisimile non est, Deum voluisse, ut Moyses vir sanctissimus, ita læderetur; cum posset illum in aëre sustinere, sicut tenuit filios eorum, igne patrem eorum deglutiente, Num. 26. vel saltem illum cadentem præservare à læsione, sicut in novo Testamento aliquos sanctos ab alto ruentes ab omni læsione servavit immunes. Quis deinde non videat, esse insigne mendacium, quod Moyses fuerit primus in Deum credens, cum ante illum Abraham, Isaac, Jacob, & multi alij in ipsum crediderint.

Quinto decimo, in eodem capite 16, affirmat, auream statuam à filiis Israel conflata, sonitum, quasi stertentis emisisse; filios autem Israel sonitum, illum audientes, confessos fuisse, se errasse, & statim dixisse: Nisi Deus misericordiam fecerit, nos perdidis annumerabimur. Hanc narrationem esse falsam constat ex capite 32. Exodi, ubi dicitur, quod cum Moyses de monte descendit, & appropinquavit

ad castra, vidit vitulum, & filios Israel ducentes choros in honorem Idoli. Non ergo poenituerant antequam Moyses de monte descenderet.

Decimosexto, in eodem capite narrat, Moysen reversum multa commotum iracundia increpuisse filios Israel propter peccatum vituli, & *Fratrem suum arripuisse cum capillis*. Et addit: *Illi qui taurum adoraverunt, poenituerunt*. Verum ex textu Exodi 32. v. 26 constat iubente Moysa occisos fuisse viginti tria milia hominum ex ijs, qui vitulum adoraverant: & altera die orasse Dominum ut parceret populo superstiti.

Decimoseptimo, Mahumetus in eo capite de seipso testatur, *se Nuncium Dei*, esse legendi, & scribendi nescium, sui tamen mentionem reperiri in Testamento veteri ac novo, ibique esse praenuntiatum: sic enim „habet Alcorani textus: Imitatores Nuntij atque „Prophetæ scribendi nescij, cuius nomen atque „mentio reperitur in testamento, ac Evangelio. Ex his duobus primum est verum, Mahumetum fuisse legendi, & scribendi nescium. Et propterea, quia fuit omnino imperitus, non aliam habuit notitiam Historiarum veteris, & novi Testamenti, nisi eas, quas a Iudæis, & Christianis accepit, & ideo illas confuse percipiens, mille fabulis fœdavit.

Quod autem dicit, ipsum fuisse praenuntiatum in veteri, & novo Testamento, & tanquam Prophetam Dei promissum, est insigne mendacium, ut supra ostendimus cap. 13. pag. 198. Verum tamen est



Mahumetum in Scriptura fuisse prænuntiatum à  
 „ Christo Mathæi 24. dicente: Surgent multi Pseu-  
 „ do-Prophetæ, & seducunt multos. Et Luc. 21. Hie-  
 „ rusalem calcabitur à gentibus, donec impleantur  
 „ tempora nationum. Et Cornelius à Lapide expo-  
 „ nens verba illa Apocalypsis 6. 8. Et ecce equus  
 „ pallidus, & qui sedebat super eum, nomen illi mors,  
 „ & infernus sequabatur eum, & data est illi potestas  
 „ super quatuor partes terræ, interficere gladio, &c.  
 Cum Ioachimo Seraphino, Firmano, Pannonio, &  
 Pereirio, ait per equum pallidum intelligi sectam  
 Mahumetis, Turcas, & Sarracenus, insensissimos, &  
 celeberrimos iam à mille annis hostes Christiano-  
 rum.

„ Hi enim (inquit) post Gothos, Arrianos, aliosque  
 „ priscos hæreticos mox Ecclesiam gravissimè in-  
 „ festarunt, & iugiter infestant: estque hæc quasi  
 „ quarta ætas Ecclesiæ. Hæc secta rectè comparatur  
 „ equo: quia planè irrationalis est, brutalis, & carna-  
 „ lis. Hic equus est pallidus, quia respondet Sessori  
 „ suo; Sessor enim eius est pallida mors. Rursus pallor  
 „ significat Sarracenorum invidiam, livorem, &  
 „ odium in Christianos, eorumque nequitiam, &  
 „ malitiam, insuper libidinem: in hac enim suis præ-  
 „ celluit Mahomet, eamque lege tua permisit, imò  
 „ promissit: vnde, & polygamiam induxit. Libido  
 „ enim spiritus, & sanguinem exhaurit; itaque facit  
 „ pallidos, & luridos. Denique pallor notat eorum-  
 „ dem avaritiam, uti videmus Turcas auri esse cupi-  
 dil-

„ dissimulos, ideoque apud ipsos auro venalia iura.  
 „ Avari enim ob curas, & metus congerendi, & con-  
 „ servandi opes, palleſcunt. Quo circa argutè Dio-  
 „ genes rogatus, cur aurum pelleret? Quia multos,  
 „ inquit, habet sibi inhiantes, & insidiantes, teste  
 „ Laertio lib. 6. Huius scelus est Mors, idest Maho-  
 „ met, qui deficiente secta Arij, mox ortus est reg-  
 „ nante Heraclio Imperatore, suamque sectam pro-  
 „ pagavit gladio, nimirum omnes sibi resistentes oc-  
 „ cidendo: hoc enim erat Mahumetis symbolum,  
 „ quod quotidie Sarraceni in suis moskæis si e fanis  
 „ vsque ad rabiem inelamant: Non est Deus nisi vnus,  
 „ & Mahomet Apostolus eius. Quicumque hoc re-  
 „ cipere, & profiteri volebant, necabantur ab eo; qui  
 „ vero recipiebant, servabantur, ideoque dicti sunt  
 „ Muselmanni, idest servati & liberati à morte (, ra-  
 „ dice schalam, quæ Hebraicè, & Arabicè significat,  
 „ esse salvum, incolumem, prosperum) sed hi peiore,  
 „ scilicet spirituali, morte ab eo occidebantur: sequi-  
 „ tur eum infernus, idest Anti Christus: est enim ipse  
 „ præcursor Anti-Christi, qui erit victorum abyſſus,  
 „ & quasi infernus; illiquè viam præparat; putatur  
 „ enim secta Mahumetana duratura vsque ad Anti-  
 „ Christum, ait Firmanus; adeoque Ioannes Annius,  
 „ & alij putarunt, ipsum Mahumetum esse Anti-  
 „ Christum. Rursum, totus infernus, omnesque Dæ-  
 „ mones ad iuvandum Mahometem, eiusque sectam  
 „ propagandam videntur concurrille. Tertiò pro-  
 „ priè sequitur eum infernus, quia plurimos ipse præ-

„ Gothis, aliisque hæreticis ad infernum detrulit.  
 „ Ipsius enim secta victorijs plurimis non tantum  
 „ Trapezuntinum, & Constantinopolitanum, duo  
 „ Orientis Imperia, sed & maiorem orbis partem  
 „ occupavit, & plura in dies occupat; adeò vt nuper  
 „ subacta maiori Hungaria, & Transilvania, iam  
 „ Germaniæ, Italiæ, & Poloniæ immineat, idque per  
 „ Christianorum Principum dissidia; hisce enim  
 „ crescit; & Christiani quasi exæcati id non vident,  
 „ aut non curant. Vnde dicitur hic per quatuor par-  
 „ tes terræ grassata; huic proinde datum est interfi-  
 „ cere gladio, fame, morte, & bestiis terræ incolas  
 „ orbis. Hæ enim sunt quatuor plagæ Dei, de quibus  
 „ ait Ezechiel capite 14. 21. Si quatuor iudicia pes-  
 „ sima, gladium, & fames, ac bestias malas, & pesti-  
 „ lentiam (quam Ioannes vocat mortem) immisero  
 „ in Hierusalem, vt interficiam de ea hominem, &  
 „ pecus. Sarraceni enim multos Christianos gladio,  
 „ alios fame, alios ærumnis, indeque consequente  
 „ peste, alios alijs generibus mortis, alios etiam leo-  
 „ nibus, vrsis, alijsque bestiis obijciendo occiderunt.  
 „ Hactenus P. Cornelius.

Decimo octavo Mahumetus in capite 20. Alcora-  
 „ ni, ait: Quod Deus præcepit Noe fabricare arcam,  
 „ non præmonendo incredulos, ac iniustos, quatenus  
 „ mergerentur. Hoc constat esse falsum, quia omnes  
 „ Doctores tam Christianorum, quam Hebræorum  
 „ sanctique Patres concorditer dicunt, Deum per San-  
 „ ctum Noe hortatum fuisse peccatores ad pœnitent-  
 „ tiam



tiam ; eisque minatum fuisse diluvium , nisi vitam emendarent. Et cum certum sit ex cap. 6. & 7. Genes. Noe in fabricanda arca centum, & amplius consumpsisse annos, dubitari non potest, interrogatum fuisse à plurimis toto illo tempore ad quid arcam fabricaret; & virum Dei eis veritatem aperuisse, & toto illo tempore præconem fuisse Divinæ Iustitiæ imminentis. Quod Christi prædicator facile amplificare poterit; præsertim cum semper fuerit cōsuetudo Dei in veteri Testamento præmonere homines de futuro supplicio, nisi à peccatis desisterent, & pœnitentiam agerent.

Decimo nono, in eodem capite 20. sic ait Mahu-  
 „ metus : Noe in arcam conscendens filium suum ex  
 „ alia parte stantem advocans ait: fili nobiscum equi-  
 „ ta, ne sis ultra incredulus. Qui respondit : ad mon-  
 „ tem, qui ab aqua me proteget, proficiscar. Cui  
 „ Noe : Nihil nisi cui Deus misericordiam fecerit,  
 „ hodie salvari poterit. Eos ita colloquentis vnda  
 „ disgregavit. Sed hoc fabulosum esse, convincitur  
 ex Scripturæ testimonio Genes. 7. ubi ait: *Et ingressus est Noe, & filij eius, vxor eius, & vxores filiorum eius cum eo, in arcam, propter aquas diluvij.* Constatque ex cap. 6. v. 31. Noe tres tantum habuisse filios, Sem, Cham, & Iapheth, & hos omnes cum illo ingressos, & egressos fuisse ex arca Genes. 7. v. 18.

Vigessimo, in eodem cap. 20. hæc habet in Dei persona: *Abraham meis nuncijs sibi missis gaudium, atque salutem afferentibus vitulum attulit saginatum: sed*

*illis manum non apponentibus, hic stupidus, & timidus factus est.* Loquitur hic Mahumetus de tribus Angelis, qui venerunt ad Abraham. Constatque evidenter hanc narrationem esse fabulosam: nam Genesis 18. dicitur: *Talisse Abrahāum vitulum tenerrimum, & coxisse illum: tulisse quoque butyrum, & lac, & posuisse coram eis.* Additque textus vers. 9. *Cumque comedissent, dixerunt ad eum, &c.* Ergo falsum est, non comedisse, nec apposuisse manum; & fabula est, quod Abraham stupidus factus, quia illi comedere noluerunt.

Vigesimo primo, in eodem cap. 10. ait Alcoram: *Tres illos Dei nuntios Abrahamum admonuisse, ne causam Sodomorum ulterius tractaret.* Verum hoc quoque constat esse falsum. Nam eo cap. 18. v. 23. dicitur, Abrahamum obsecrasse Dominum ut parceret Sodomitis, si inter eos invenirentur quinquaginta iusti: & id obtinuisse; & rursus obsecrasse, ut parceret propter quinquaginta quinque: & tertio, ut parceret propter quadraginta: & quarto ut parceret propter triginta. Quinto, ut parceret propter viginti. Sexto, ut parceret propter decem, si ibi invenirentur. Et his omnibus vicibus exorasse, quod oraverat. Quis non videat Abrahamum Virum Sanctissimum non toties, & cum tanto charitatis ardore oraturum fuisse pro Sodomitis, si Angeli id prohibuissent?

In eodem cap. asserit Mahumetus, Angelos dixisse Iohi, ut egrederetur cum tota gente sua, *Præter non mulierem, id, quod cæteri, passuram.* Significans, Iohi non aduxisse secum uxorem suam. Quod constat

stat esse falsum. Nam Angeli apprehenderunt manum eius, & manum vxoris, & filiarum, & eduxerunt eos. Et postea vxor Loth conversa est in statuam Salis, quia respexit retro Gen. 19. v. 26.

Vigessimo tertio: in capite vigesimo primo Alcorani narrat Mahumetus historiam de somnio Ioseph, quod refertur Genes. 37. persecutionem, quam passus est à fratribus, eius venditionem, & reliqua, & innumera miscet mendacia contra id quod textus sacer habet. Cartusianus enumerat in narratione huius Historiæ Iosephi prout habetur in illo cap. Alcorani triginta mendacia, & fabulas. Inter alia dicit Mahumetus, Deum manifestasse Jacobo filium suum esse positum in cisterna, quod constat esse falsum, quia si sciret, operam daret, ut eum liberaret.

Secundò dicit, mulierem emptoris Iosephum reperisse in suo thalamo, ipsumque præcatam esse ut secum concumberet. Constat autem ex cap. 39. Genes. vers. 7. & 11. id esse falsum. Tertio dicit, Iosephum à domina sua sollicitatum parum abfuisse à consentiendo, *Fere tamen vtriusque consensus fuit*, inquit Mahumetus; licet postea à Deo inspiratus fugerit. Sed ex cap. 39. v. 8. constat ab initio acriter ipsam reprehendisse. Quarto dicit, mulierem illam quando fugientem Iosephum sequabatur apprehendisse subuculam eius, eamque rupisse, quasi ille nudus ex lecto surrexisset ad arripiendam fugam. Constat tamen ex textu, non tunicam interiorem, sed pallium exterius apprehendisse: nam ille *relieto in manu eius pallio fugit*. Mic-



to alia fabulosa, quæ hic interferit. Christi prædicator, si aliquem Mahumetanum Alcorani peritum inveniatur, postulet ab eo, ut Historiam Iosephi prout in illo libro legitur, enarret, & mendacia facile redarguet.

Vigesimo quarto, in cap. 27. Alcorani dicit Mahumetus: *Deus Alexandro Regi, omnium rerum scientiam dedit.* Hoc fabulosum esse constat; quia Alexander Aristotelem habuit præceptorem, & quamvis multa ab illo didicerit, multo plura ignoravit; & passim ab illo interrogabat, quæ ipse nesciebat. Constatque Alexandrum idolatram ambitiosum, & libidonosum fuisse: quomodo ergo à Deo omnium rerum scientiam accepit?

Vigesimo quinto, in cap. 28. ait: *Deus dixit ad Zachariam, habebis filium nomine nunquam ante cuiquam imposito, videlicet Ioannem vocandum.* Sed hoc est apertè falsum, quia nomen Ioannis frequens erat apud Hebræos. Ibidem ait: *Ismael fuit Propheta.* Quod tamen confictum videtur. Nam Genes. 16. v. 12. de eo dixit Angelus: *Hic erit ferus homo, manus eius contra omnes, & manus omnium contra eum.*

Vigesimo sexto, cap. 46. Alcorani asserit, quod Abraham ducens filium suum ad immolandum dixit ei: *O fili mihi in visione nuntiaturum est, quod te decollarem,* sed hoc est contra textum Genes. 22. v. 7. nam Isaac dixit patri suo. *Ecce ignis, & ligna, ubi est victima?*

Mitto alia dicta Alcorani, quæ manifestè contradicunt Historijs Sacris; quorum aliqua in superioribus

bus sectionibus attigimus; vt mendacium illud, quod Christus non sit crucifixus. Duo tamen insigniora mendacia circa Anuntiationem, & partum Virginis seorsim confutanda sunt.

## CAPVT XIII.

*Confutatur fabula Alcorani asserentis, Angelum Gabrielem apparuisse B. Mariae Virgini descendenti e domo parentum in terram Orientalem, & tunc illi annuntiasse Christi miraculosam Conceptionem. Vbi recensentur laudes, quae in Alcorano de B. Virgine dicuntur.*

**S**Eipsum Mahumetus Prophetam ignorantem appellavit; siquidem in cap. 16. Alcorani, Scipsum vocat Nuncium Dei legendi, scribendi vè nescium. In eo, quod seipsum Prophetam appellavit mentitus est, in eo autem, quod ignorantem dixit, verissimè pronuntiavit: nam cum Historias Sacras solum ex relatione Christianorum consulere noster, eis postea immiscuit mille mendacia, dum tanquam sibi revelatas rusticis Arabibus proposuit. Vt inter alia cernitur in Historia Anuntiationis, & Nativitatis Christi, de quibus nunc agendum.

Igitur Pseudo-Propheta iste sic in cap. 28. Alcorani rem narrat: introducit Deum sic loquentem: Mariae verius locum orientalem à sua gente discedenti spiritum nostrum, id est, Angelum missimus. Cuius visu illa pavescit, Deum rogat, vt se ab illo  
tuea-

„ tueatur. Quam spiritus ille affatus est, nihil nisi! De  
 „ nuntius sum, qui tibi puerum optime crescentem  
 „ promittit. Respondit ipsa, cum virum non tetigi,  
 „ puerum quomodo habebō? Ait ille: Hoc Deo leve  
 „ est atque possibile.

Verum ex Evangelio Lucæ constat Beatam Vir-  
 ginem fuisse intra domum, cum illi Angelus apparuit:  
 id enim satis aperte ostendunt verba Lucæ cap. i. v.  
 26. *Missus est Angelus Gabriel à Deo in Civitatem Galli-*  
*læ, cui nomen Nazareth ad Virginem, &c. Et ingressus*  
*Angelus ad eam dixit, &c.* Vt enim ponderat Venera-  
 bilis P. Petrus Canisius. lib. 3. de Maria Deipara Vir-  
 gine cap. 1. significanter dixit Evangelista, *Ingressus*  
*Angelus ad eam*, vt palam nobis indicet, Virginem suo  
 decoro servientem, id est, non foris vagantem, sed do-  
 mi potius latitantem, privatimque sua curantem, &  
 sacris vacantem studijs. Hinc Maldonatus hunc lo-  
 cum exponens merito reprehendit audaciam Hære-  
 ticorum, qui dubitant, an Maria fuerit in secreto do-  
 mus suæ, cum eam Angelus salutavit, & credere ma-  
 lunt eam fuisse apud cognatum aliquem suum cum  
 ancillis laborantem, dicitque illos Iudaico esse inge-  
 „ nio. Itaque non magis inquit illis, quam apocrypho  
 „ illius Protoevangelij Authori, quod Jacobi nomine  
 „ circumfertur, credendum est, vbi scriptum est. B.  
 „ Virginem forsam ad hauriendam exiisse aquam, cū  
 „ illi Angelus apparuit. Vtrumque enim, & Evange-  
 „ listæ, & antiquis omnibus repugnat Authoribus.  
 „ Nam & Lucas cum Angelum ad eam ingressum di-  
 „ cit,



„cit, sine dubio significat eam intra domum fuisse, &  
 „id Ambrosius, Eusebius Emislenus, & Andrazas  
 „Hierosolimitanus, & Beda, & Bernardus affirmant.  
 „Sunt etiam qui putant clauso domus ostio, Ange-  
 „lum ad Beatam Virginem penetrasse, quod & quia  
 „Angelo, cum spiritus esset, opus non fuit aperire, &  
 „quia ad sanctitatem, puritatemque pertinebat Vir-  
 „ginis, clauso esse ostio; valde credibile iudico.

Certissimumque est Angelum missum fuisse ad  
 Civitatem Nazareth: non ergo Maria discesserat à  
 sua gente, ut Mahumetus fabulatur. Maria enim, non  
 solum erat desponsa, sed verè nupta Iosepho, cum  
 Christum concepit, ut probat Maldonatus in cap. 1.  
 Matth. v. 16. Principua enim causa, cur Spiritus San-  
 ctus voluerit Christum ex nupta nasci, hæc ab omni-  
 bus fuisse creditur, ut Virginis honori consuleretur:  
 atqui non est consultum, si desponsa tantum non dum  
 nupta concepit. Dicit autem Evangelista, Angelum  
 missum ad Virginem desponsaram, & non dixit mis-  
 sum ad Virginem nuptam, non quod nupta non esset,  
 & cum Iosepho tanquam cum marito habitaret, sed  
 quia ut Chrysostomus adnotavit, non magis à viro  
 cognita, quam sponsæ, quæ nondum nuptæ sunt. Ita-  
 que cum B. Virgo Christum concepit, iam verum  
 erat Matrimonium inter Iosephum, & Mariam, ut  
 probat Augustinus lib. 5. contra Iulianum Pelagia-  
 num cap. 9. & lib. 1. de nuptijs & concupiscentia cap.  
 11. & tenent, aut omnes, aut optimi Theologi, inquit  
 Maldonatus. Ergo fabula est, quod Maria discesserat

à sua gente, cum Christum concepit : quomodo enim Virgo Sanctissima virum suum relinqueret ? Quod autem B. Virgo Sanctissima fuerit, testatur ipse Mahumetus in Alcorano in cap. 5. & in cap. 74. nam ibi introducit Angelum sic loquentem. *O Maria cunctis viris, fœminisque præclarior, soli Deo perseveranter studens ! Et rursus ab eodem dicitur : O Maria Deus utique elegit te, & purificauit te, elegit te telaram super mulieres sæculorum ! Iterum vero : O Maria, Deus anuntiauit tibi Verbum ex ipso : nomen eius Iesus Filius Mariæ, & erit honorabilis in hoc sæculo, & in futuro. Quid autem eo luculentius ? Maria se dirigendo nihil malitiæ, aut prauitatis operata est : unde nostram ei animam insuslauimus. Sic in persona Dei loquitur Mahumetus, & in propria persona de eadem loquens inquit : *E viris multi perfecti fuerunt, nulla autem ex mulieribus vnquam perfecta fuit nisi Maria Mater Iesu. Ita refert Canisius lib. 3. de Deipara cap. 20.**

Et sane S. Lucas quæ scribit de Anuntiatione Angeli ad Mariam, ab ipsa Virgine accepit, vt probat Maldonatus, in cap. 1. Lucæ num. 8. *Quedam enim scribit, quæ nemo præter Virginem ex ijs à quibus Lucas audire posset, quæle est illud de mirabili Conceptione, & de mortu Baptistæ, & istud de Anuntiatione Angeli.*

## CAPVT XIII.

*Anuntiationem factam esse in domo Virginis , probatur  
contra Mahumetanos ex miraculosa illius  
translatione in Lauretanum.*

**F**ALSITATIS convincitur illa narratio Alcora-  
ni; nam domum B. Virginis propter stupendum  
opus Incarnationis Verbi, quod Deus in ea operatus  
est, illustravit Dominus maximis miraculis , vt enim  
inquit Spondanus in Apparatu ad Annales Ecclesia-  
sticos num. 26. Domus illa , in qua de Verbi Incar-  
natione sanctissima Virgo cœleste accepit Nun-  
tium , adhuc magno miraculo non tantum integra  
perseuerat, sed Angelorum ministerio ab infidelium  
manibus vindicata, in Dalmatiam primum , inde in  
Italiam translata est in agrum Lauretanum, Piceni  
Provinciæ, quod per insigne, ac nobillissimum , ve-  
tustatis monumentum totus Christianus Catholicus  
orbis veneratur, ac colit. Quæ verba sumpsit ex Ba-  
ronio tom. 1. ad an. 9. num. 1. De hac miraculosa  
translatione domus B. Virginis agit latè P. Canisius lib.  
5. de Deipara cap. 25. & fusissime P. Horatius Turle-  
linus nostræ Societatis, libris quinque ea de re cons-  
criptis.

Rem narrat Canisius ex probatissimis Authoribus  
eo cap. 25. nimirum ex Blondio Historiographo , &  
rerum Italicarum peritissimo, ex Baptista Mantuano  
su.



sui quidem sæculi Theologo, & Poeta laudatissimo, & ex Hieronymo Angelica Reipublicæ Recanatensis à secretis, viro valde sincero, & rerum ad præsentem historiam pertinentium diligentissimo exploratore, in libello de historia B. Virginis Lauretanæ, quem Summo Pontifici nuncupavit, & ex Leandro Alberto Historiographo Italico. Summa historiæ est: *Non esse mirandum* si Lauretana Ædes ingentem apud omnes obtineat authoritatem: eo enim loco Beatissimæ Virginis cubiculum contineri, in quo eadem, & nutrita, & post modum ab Angelo salutata, adeoque Spiritu Sancto obumbrabata Christum in utero conceperit, & conceptum magna ex parte educarit. Hoc Sacrum cubiculum primum in Nazareth Gallileæ opido constructum, post Christum vero in Cælos receptum, in domum orationis, sive sacellum ab Apostolis commutatum, & divinis vñibus consecratum, deindeque à Christianis reverenter habitum esse, quoad Palestina demum sub Cisdroa Rege immanissimo Christianis adempta in Agarenorum potestatem devenit: Postea vero Angelorum ministerio ad Illicos propè Castellum, cui nomen est *Flumen*, translatum est. Deinde anno 1294. decima die Decembris Bonifacio Octavo Pontifice Maximo, miro modo ex inde Angelorum manibus transvectum super æquora, in agro Recanatensi consedit, in medijs nemoribus nobilissimæ cuiusdam mulieris eius civitatis, cui nomen fuit Laureta.

Nec fides huius historiæ labascit, quod mirabilis,

& iuxta naturam impossibilis hæc traslatio fuerit : vt enim rectè Baptista Mantuanus ait: Mirum id sanè, atque adeo incredibile non immerito videretur, si virtutem Cælestem excluderemus, quæ & Habacuc Prophetam Dan. 14. ex Palestina in Babilonem transtulit, ac eundem incolumen suis illico restituit. Vnus Angelorum centum octoginta Assiriorum millia sine armis, sine copijs, nocte vna percussit, prostravit, extinxit 4. Reg. 16. Rursus Angelico ministerio effectum est, vt Philippus Christi Discipulus, velut per aera deportatus, nobili Eunocho consociaretur, eoque baptizato ad suos in Azotum confestim rediret, longis itinerum spacijs brevissimo tempore confectis, vt omnes subitam illam translationem, atque restitutionem eiusdem hominis admirarentur. Actor. 8. Quid vero magis prodigiosum videatur, quam Eliam 4. Reg. 2. ex hominum conspectu subito rapi, & curru igneo excipi, & in loca remotissima devehì, ac demum post multa sæcula in Palestinam reverti, & in maiestate quadam conspici postquam vero in monte Matth. 17. cum Christo de futuro eius excessu colloquutus esset, statim rursus evanescere. Nec defuerunt, qui cum Gregorio Neocæsariensi tanta fide excellerint, vt rupes & montes ingentes oratione sola moverint, atque in alium locum transtulerint. Quo circa cum divinæ virtuti nihil possit resistere, & similibus miraculis refertæ sint veteres historiæ, quas nullus in vniversum, nisi perfictæ frontis homo abijcere possit, certe non adeo incredibile videri debet.

Mariæ quoque domunculam Deo sacram, cum male neglecta iaceret, impijs ademptam esse cultoribus, & invisibili quadam virtute ad locum honestiorem tandem demigrasse, vbi ad verum, & salutatem Christianæ gentis vsum, & fructum converteretur. An non omnia propter electos? Quibus & Angeli Sancti, utpotè spiritus administratorij, sive ( ut loquitur Cyprianus serm. de Nativit. Christi ) salutis nostræ ministeriales, in ijs præsertim rebus propense serviunt, quæ ad Christianæ fidei, ac pietatis profectum magis, ac magis in pijs animis excitandum, fovendumque spectant. Quis autem non videat hoc Mariæ cubiculum, non modo propter personæ quondam in habitantis nobilitatem nos ad amorem, & honorem quendam rapere, verum etiam velut pulcherrimum quoddam esse symbolum, quo parvi, & magni semper, multumque commoneantur de Sanctissimæ Virginis vita, & conversatione iam olim in eo loco transacta, deque Christi Domini, & Matris eius domestica, & per quâ suavi familiaritate ibidem habita, sed & de proprio Christiani hominis officio per hanc velut imaginem adumbrato? Nihil enim nobis in omni vita, si sapiamus, diligentius curandum, ac elaborandum est, quam ut nostros animos, velut sedes virgineas, & domos spirituales hospiti Christo præbeamus, eiusque mysticæ matres post MARIAM, & naturalem & spirituales Domini Matrem efficiamur. Id vero fiet pulcherrimè, si ad voluntatem Dei præstandam nos die nocteque componam, illumque Christus, sermonem



Intimis animi sensibus complectamur: *Quicumque fecerit voluntatem Patris mei qui in Cælis est, ipse meus frater, soror, & Mater est.* Matth. 12.

## CAPVT XV.

*Exploditur fabula Alcorani affirmantis, B. Mariam Christum peperisse, cum iuxta palmam consisteret, & alia fabulosa narrantis.*

**M**AHVMETVS in Alcorano cap. 28. hæc habet: Maria imprægnata cum puero concepto in locum remotum aufugit, tandem menstruo partum præcedente destillante, cum iuxta palmam consisteret, dixit: utinam morti, oblivioni, que succumberem, antequam hoc mihi cõtigisset. Christus autem subitus egressus est: ipsamque consolans, ne timeas, inquit: ego enim tecum hic assideo: deinceps Deus ipsam allocutus iniunxit, ut palmam excuteret, atque de eius fructibus decidentibus vesceretur, atque roboraretur. Additque eos qui eam videbant gestantem puerum, & cognoscebant eius parentes esse iustos, & sanctos, ei exprobrasse vitam turpiter actam cum suorum dedecore, & quasi culpabilem, ac fornicariam reprehendisse; ipsam vero, ut suam innocentiam defenderet, ab eis rogasse, ut infantem illum de veritate interrogarent: tunc vero infantulum in hanc vocem erupisse: *Ego sum, Dei minister, qui tibi librum tribuens me Prophe-*

tam constituit. Concludit Mahumetus: *Hoc est de Christo Maria filio verbum verax.* Dicere debuisset, *verbum mendax, & fabulosum.* Hæc enim narratio plura continet mendacia quàm clausulas. Imprimis manifestum est, Prophetas antiquos annuntiasse, Christum nasciturum in Bethalem, vt constat ex Micheæ 5. & ita responderunt Sacerdotes Herodi interroganti Math. 2. v. 6. *Et tu Bethalem terra Iudæ nequaquam minima es in Principus Iudæ: ex te enim exiet dux, qui regat populum meum.* Deinde clarè constat Christum natum esse in Bethalem, vt narrat Mathæus cap. 2. *Cum natus esset Iesus in Bethalem, &c.* Idque mundo publicavit aduentus Magorum, qui ducti ab stella ingressi sunt Hierosolymam dicentes, *ubi est, qui natus est Rex Iudæorum? &c.* Illumque ducti ab stella quæsierunt, & inveniunt in Bethalem, & adoraverunt, offerentes ei aurum, thus & mirram Math. 2. v. 11. Constat etiam ex occisione Innocentium; nam Herodes *occidit omnes pueros, qui erant in Bethalem, & omnibus finibus eius à bimatu; & infra* Math. 2. 17. supponens Christum ibi natum esse. Constat tertio ex Lucæ 2. cap. Mariam ascendisse cum Iosepho in Bethalem qb edictum Cæsaris, & ibi impletum fuisse tempus pariendi, & peperisse, & reclinasse Infantem in præsepio: & Pastores ex admonitione Angeli venisse: *Et inuenisse Mariam, & Ioseph, & Infantem positum in præsepio.* Fabulosum ergo est, quod B. Virgo in locum remotum aufugerit, quali ad vitandam infamiam fornicationis, quam ei imputabant. Certum enim est,

est, Beatam Virginem Matrimonium contraxisse cum Iosepho, & Christum reputatum fuisse filium Iosephi ab omnibus, qui mysterium ignorabant: nam propter honorem Mariæ ne scilicet putaretur mulier fornicaria, Spiritus Sanctus disposuit, ut Christus nasceretur de Virgine nupta. Ergo falsum est, quod tanquam inhonesta fuerit reprehensa. Falsissimum etiam est, hanc Virginem purissimam profluvium sanguinis in partu passam fuisse: sicut enim sine opera viri, & sine delectatione concepit, ita peperit sine dolore, immo cum ingenti spiritus sui gaudio, & sine alijs imperfectionibus, quibus aliæ feminae obnoxia sunt. Hæc est enim Virgo illa, de qua Isaias cap. 66. v. 7. prædixit: *Antequam parturiret peperit*, id est, antequam dolorem pariendi sentiret: *Antequam veniret partus eius, peperit masculum*, id est, antequam veniret dolor ex partu peperit Christum. *Quis audivit unquam tale? Et quis vidit huic simile?* Partus nanque iste fuit miraculosus. Et infans ille, quamvis corporis quantitate esset infans, iudicii tamen, ac sapientiæ perfectione erat vir, iuxta prophetiam Hieremiæ cap. 31. *Novum fecit Dominus super terram femina circumdabit virum*, id est in utero gestabit Christum, qui erit plenus sapientia in utero perinde, ac si foret iam grandævus vir.

Nec illud dictum, *Vtinam morti, oblivioni que succumberem antequam hoc mihi contigisset*, concordat cum summa perfectione, quam de B. Virgine prædicat Mahumetus, ut vidimus paulo sup. c. 13. Nec cum



illo privilegio, quod concessum fuisse soli Christo eiusque Matri affirmat liber *Alkoam* magnæ authoritatis apud Mauros, & Turcas Discipulos Mahumeti: in illo enim libro sic legitur: *Nullus ex filijs Adam nascitur, quem non tangat datam: & ideo plorat vociferans ex eius tactu, præter Mariam, & Filium eius.* Vt refert Canisius lib. 3. de Deipara cap. 20. Hinc enim sequitur Beatam Virginem, neque peccatum originale contraxisse, neque actuale commississe. Si autem res ita se habuit, quomodo in illa impatientiæ verba erumperet? Si virgo concepit, & virgo permansit in ipso partu, vt fatentur Mahumetani, vt constat ex cap. 3. pag. 54. non ergo menstruum passa est. Denique fabulosum est, quod Christus infans locutus sit: etsi enim posset, voluit tamen aliorum infantum conditionem naturalem subire. Quod autem narrat infantem dixisse, sibi à Deo datum librum; si intelligatur de libro materiali Evangeliorum, fabulosum est: nam Evangelia Apostoli scripserunt post Christi Ascensionem.

## CAPVT XVI.

*Error Alcorani contra Mathematicam.*

**I**N Alcorano (secundum quod illo utebantur Mauri cum distinctione librorum) lib. 2. cap. 9. & lib. 3. cap. 19. & lib. 4. cap. de *Dominatione*, dicitur, stellas esse in primo cælo. Cum tamen constet ex Mathematica esse in octavo. Liber Sunæ, qui est paris au-

thoritatis eum Alcorano ( vt vidimus capit. 1.) affirmat illas alligatas esse cœlo, ab ipsoque pendentes catenis aureis: & maximam stellarum non excedere magnitudinem magni montis. Idque ipsum narrat Mahumetus in Alcorano; quando depingit fabulosam suam Ascensionem in Cœlum, nimirum lib. 2. cap. 11. asseritque Dæmones ascendere in Cœlum ad audienda secreta divina; stellas vero, cum primo eos vident, concitato cursu, & assumpto titio-  
ne ignito, illos fugare. Quæ omnia ridicula, & fabulosa sunt, cum stellæ corpora sint inanimata, & cœlo ipso infixa, & tantæ magnitudinis, vt minima stellarum firmamenti sit quater supra sexagies maior glo-  
bo aquæ, & terræ, vt docet P. Ricciolus insignis Ma-  
thematicus.

Deinde liber Sunæ affirmat, Deum fundasse ter-  
ram supra Tauri cornua; & terremotus tunc contin-  
gere, quando taurus ille movetur. Sed quis illi tauro  
herbam porrigit, vt alatur? Deinde si cornibus terram  
sustinet, vbinam figit pedes? Certe necesse est vt pe-  
des habeat sursum versus Cœlum, & caput deorsum,  
quia gravia deorsum gravitant. Hæc deliria refert  
Ioannes Andræas in sua confutatione sectæ Mahu-  
metanæ cap. 5. & cap. 8.

Deinde Mahumetus sæpè in Alcorano docet, sep-  
tem tantum esse cœlos; sed tamen lib. 2. cap. 11. po-  
nit octavum cœlum, in quo Deus existit. Caterum  
vera Mathematica præter septem cœlos Planetarum,  
& octavum cœlum in quo existunt stellæ fixæ, ponit

nōnum cælum, quod dicitur primum mobile, & præterea Empireum.

In cap. 63. Alcorani dicitur, *Appropinquavit hora Lunæ quæ bipartita est*, in hoc loco dicunt Mahumetani alludi ad miraculum sui Prophetæ. *Aiunt enim Mauri*, (inquit S. Petrus Paschasius num. 154.) *Lunam ad Mahumetum venisse, illamque in suo sinu accepisse, & in duas partes diuisisse, & postea illas inter se iunxisse.* Rem vero sic narrant cæci Mahumetani. Dicunt enim quod cum quadam die esset cum Discipulis suis, illi ab eo postularunt, vt faceret coram ipsis aliud quod miraculum; tunc vero Mahumetum digitis versus Lunam concrepasse; hac vero digitorum percussione Lunam in duas partes fuisse diuisam, & medietatem illius cecidisse supra montem *Elicer*, qui ad latus Meccæ situs est, alteram vero medietatem supra montem *Rufum*, qui situs est è regione ad latus oppositum: Mahumetum vero collegisse illas duas Lunæ partes, & illas intromisisse per manicas subuculæ, & inter se coniunxisse, & compegisse. *Hinc Turcæ venerantur Lunam, illamque in vexillis castris præferunt*, vt inquit Cornelius à Lapide in Apocal. pag. 218. Quis hæc audiens risum continere possit, & non miretur homines rationis compotes hæc credere? Globus Lunæ maior est, quam ingens regnum; quia saltem complectitur decimam nonam partem globi terræ, & aquæ: quomodo cadere potuit, quin totam Arabiam opprimeret? Quomodo in manicas tantæ molis corpus potuit Mahumetus intromittere? Quo-

mo-



modo rem tam insolitam, & tam sensibilem, & palpabilem nullus scriptor memoriæ tradidit, sicut tradidere eclypsim Solis, quæ in morte Christi accidit.

## CAPUT XVII.

*Errores Alcorani contra Philosophiam Naturalem.*

**L**iber Alcorani cap. 24. in persona Dei sic loquitur: *Hominem de terra, & luto plasmavimus, Diabolo prius ex igne pestifero creato.* Hoc est contra veram Philosophiam, quæ docet Angelos esse immateriales, & incorporeos. Rursus est contra Sacram Historiam, quia prius Deus Angelos creavit, quam elementum ignis formaverit. Siquidem Angelos creavit prima die simul cum cælo. Elementum vero ignis postea.

Rursus lib. 1. cap. 4. & lib. 4. cap. cuius titulus est, de *Quo guerat*, dicit animalia bruta resurrectura in die iudicii, & taurum cornuperam, qui alios boves fecit, huius facti rationem redditurum. Et similiter arietes, qui oves facto imperu contuderunt. Præterea Mahometus in libro Sunæ affirmat, omnes arietes, quos Mauri in suo paschale iugularunt, resuscitaturos in die iudicii, & preces fusuros ad Deum pro ijs, qui ipsos sacrificarunt: & quando S. Michael in statera animas appenderit, accursuros arietes illos, & seipso collocaturos in ea parte stateræ, in qua bona opera ponuntur, ut oppositæ parti malorum operum præ-

ponderet. Et hac de causa Mahumetani multos in  
pachate occidunt arietes, quamvis ex præcepto le-  
gis vnum tantum teneantur iugulare. Et hinc sequi-  
tur animalia bruta in die iudicii premio vel pæna  
afficienda. Hæc refert Ioannes Andræas in confuta-  
tione Alcorani cap. 4. quæ sunt planè ridicula: nam  
certum est animas brutorum nō esse immortales; nec  
esse capaces peccandi, cum iudicio rationis, & libero  
arbitrio careant: & inter animalia solum hominem  
capacem esse resurrectionis, quia constat anima im-  
mortali, quæ non perit simul cum corpore, vt animæ  
brutorum pereunt, quia sunt materiales, & cor-  
poræ.

Affirmat etiam Mahumetus, quando Abraham in  
procinctu erat ad iugulandum filium suum Isaac, &  
illum immolandum Deo, adventasse Archangelum  
Gabrielem, & portasse arietem, qui per quadraginta  
continuos annos in Paradyso pascuerat, vt eum loco  
filij Abraham sacrificaret. Cum hanc fabulam Ioan-  
nes Andræas retulisset, per locum à Mahumetanis  
rogat, numerent quot excrementios globulos aries  
ille in Paradyso ē ventre egressus.

Præterea lib. 3. Alcorani cap. 9. affirmat Mahume-  
tus formicam quandam ita vocem extulisse, quod  
illam Salomon audierit à tribus milliari-  
bus distantia.

## CAP XVIII.

*Errores Alcorani contra Dei misericordiam.*

**I**N octavo capitulo Alcorani inquit Mahumetus. *Male operantes neque ante mortem, sed in ipso mortis articulo digredi volentes, & similiter incredulos morientes Deus abhorrens pœnis affligit.* In quibus verbis affirmat eandem fore sortem hominum peccatorum, qui usque ad horam mortis pœnitentiam differunt, & in illa hora à peccatis digredi volunt, & de illis pœnitentiâ agunt, ac de incredulis, qui in fidelitate moriuntur, qui absdubio damnantur. Hoc autem est error contra Dei misericordiam, qui per Ezechielem cap. 18. universaliter promissit: *In quacunque hora ingemuerit peccator, omnium iniquitatum eius non recordabor.* Et homines in desperationem præcipiat.

Præterea c. 9. docet Deum non remittere peccata graviora, sed dumtaxat minora. Ita enim inquit: *Deus summe criminalia peccata, videlicet ceteris maiora, sed minora, cui vult condonat.* Quis ita cæcus, qui non videat hoc assertum iniuriosum esse Dei misericordiæ, quæ cum sit infinita nulla peccatorum gravitate potest vinci. Et sanè sicut non est magna laus medici, quod medeatur infirmitatibus ordinarijs, & exiguis: sed quod morbos penè desperatos curet; ita &c. Quis non videat hanc Mahumeti cogitationem præcludendo ianuam veniæ magnorum criminum, aditum re-

clu-



cludere alijs maioribus, in quæ homines desperantes devenia primi peccati gravioris concitato cursu ruët, Est præterea hoc placitum contra promissiones divinas veteris & novi Testamenti, in quibus generaliter veniam offert omnibus peccatoribus, quibuscunque irretiantur delictis, dummodo peccata dimittant, & pœnitentiam agant. Immo iuxta doctrinam Apostoli Roman. 6. tanta est Dei pietas, vt frequenter vbi abundavit delictum, abundet & gratia.

Est etiam hæc doctrina contra id, quod in scriptura legimus, nempe Deum sapè remississe ingentia crimina; qualia fuerunt crimina Regis Manasses, quæ Deus propter pœnitentiam dimissit, vt constat ex 2. Paralym. cap. 33. & ex 4. Reg. 21. Quæ maiora crimina, quam peccatum idololatriæ, blasphemix, occisionis Prophetarum, & similium? quæ tamen propter pœnitentiam dimissa esse à Deo, in scriptura legimus. Multique ex Christi crucifixoribus veniam propter pœnitentiam impetrarunt. Hoc argumentum facile amplificare poterit Evangelicus prædicator.

Item cap. 12. Alcorani dicitur. *Homines prauos ad viam rectam Deus minime dirigit.* Hoc non solum est contra divinam misericordiam, sed contra experientiam, & contra id quod ex Scriptura constat. Sanè Mahumetus ipse aliquando fuit idolatra, & ipse fateretur se misericorditer à Deo vocatum fuisse ad amplectendam veram fidem. Saulus crudelis fuit Christi hostis, & Christianorum inimicus, & mirabiliter à Christo conversus est. Actor. 9. & per Isaiam cap. 42.

Deus ipse loquitur dicens: *Deducam cæcos* (id est vitij obtenebratos) *in viam quam nesciunt*. Denique si homines pravos ad viam rectam Deus non dirigit, in via prava semper necessario manebunt: quia nec à Diabolo, neque à se ipsis sine Dei auxilio, & directione, educuntur à via prava ad rectam.

CAPVT XVIII.

*Error Alcorani contra Dei providentiam trahentem homines ad veram Fidem, & pietatem per miracula.*

**C**APITE 19. Alcorani dicit Mahumetus: *Constat nihil cælestium, siue terrestrium, neque miracula, seu virtutes incredulis quidquam proficere*. Cur hoc dixerit, facile cernitur; quia enim ipse miracula facere non valebat, ea quasi inutilia reiecit. In primis Mahumetus ipse in sequenti capitulo supponit miracula utilissima esse ad convertendos infideles, ac proinde sibi ipsi contradicit. Nam cap. 20. hæc habet: *increduli dixerunt ad Huth: Nos propter verba tua nequaquam refutabimus, quod adoramus, cum tu minime cum miraculis & virtutibus ad nos accedas*. Id autem ideo Mahumetus dixisse creditur, ne ipse solus inter Prophetas ac nuntios videretur absque miraculis advenisse. Estque error manifestus, quod miracula nihil prosint ad conversionem infidelium. Constat enim Deum dedisse Apostolis potestatem patrandi miracula in confirma-

tio-

tiorem doctrinæ, quam prædicabant, ut infideles traherent ad fidem. Et cum Divus Petrus curavit claudum à nativitate in nomine Iesu, occasione huius miraculi quinque millia hominum conversi sunt, ut dicitur Actor. 4. v. 4. *Multi autem eorum, qui audierant verbum crediderunt, & factus est numerus virorum quinque millia*, & ut narrat idem Lucas in suo Evangelio cap. 23. Centurio videns miracula, quæ in morte Christi acciderunt, nimirum, quod tenebræ factæ sunt super uniuersam terram ab hora sexta usque ad nonam, & quod Christus voce magna spiravit dicēs: *Pater in manus tuas commendo spiritum meum, glorificauit Deum dicens, vere hic homo iustus erat, & omnis turba eorum, qui simul aderant ad spectaculum istud, & videbāt, quæ fiebant, percutientes pectora sua reuertebantur. Martyresque passim & constantia in tormentis, & miraculorum virtute multos ad fidem Christi infideles converterunt, ut legimus in Breviario Romano s. Februarij in Actis Sanctorum Faustini, & Iobitæ, & in Actis S. Ianuarij Episcopi die 19. Sept. & in Actis S. Martinæ Virginis die 30. Ianuarij, & sic de alijs, & Christus Dominus Ioann. 14. planè testatur miracula ad conversionem incredulorum multum con-*

*ferre. Nisi signa (inquiens) & prodigia videritis, non creditis.*

§:§:§



## CAPVT XX.

*Error Alcorani contra Dei providentiam permittentem, ut amici sui in hac vita tribulationem patiantur, ut in alia coronentur.*

**M**AHVME TVS in capite duodecimo Alcorani hæc habet: *Vos Iudei, & Christiani, si Dei Filij, sique dilecti estis, prout vos dicitis, cur vobis culpas, & peccata gerentibus pœnas, & malum infert? Quæ verba non nisi ab homine totius spiritualis sapientiæ experite proferri potuerunt, sunt enim incitiæ plena: ad providentiam nanque Dei spectat filiorum suorum adoptivorum, & amicorum peccata hic punire, ne in alia vita durius puniat: hic per flagella eos corrigere, & admonere, ut resipiscant, & rectam virtutis semitam sectentur, & per adversos casus premere, ne rebus caducis nimium inhærentes æterna fastidiant: & tribulationibus quasi stimulo pungere, ut ad patriam cœlestem concitato cursu tendant. Hinc Deus Apocal. 3. v. 19. inquit: Ego quos amo, arguo, & castigo. Et Paulus ad Hebræos duodecimo v. 6. Quem enim diligit Dominus castigat, flagellat autem omnem filium, quem recipit. Et Angelus Raphael Sancto Tobia cap. 12. v. 13. dixit: Quia acceptus eras Deo, necesse fuit, ut tentatio probaret te. Et Salomon Prov. 3. v. 11. inquit: Disciplinam Domini, fili mi, ne abijcias, nec desicias cum ab eo corripieris: quem enim diligit, Dominus corripit: & quasi pater*

## 510 Demonstr. contra Mahumet.

*in filio complacet sibi. Et Sanctus Job cap. 5. inquit: Beatus homo, qui corripitur à Domino. Et per Hierem. cap. 30 ait Dominus: Castigo te in iudicio, ut non tibi videaris innoxius. Atque in 2. Mach. cap. 6. v. 13. Spiritu Sancto dictante scriptum est: Et enim multo tempore non sinere peccatores ex sententia agere, sed statim ultiones adhibere magni beneficij est indicium. Estque manifestum reprobationis signum, quando homines graviter peccant, & tamen in hac vita à Deo non puniuntur; cum enim Deus sit summè iustus, nullum peccatum relinquit omino impunitum. Vnde si in hac vita non punit ut pater ad correctionem puniet in alia ut iudex ad vindictam, & exterminationem. Vnde de reprobis loquens Deus per os Davidis Psalm. 80. inquit: Dimisi eos secundum desideria cordis eorum, ibunt in aduentionibus suis. Et similiter Paulus ad Hebr. 12. Si extra disciplinam estis, ergo adulteri, & non filij estis. Quare Deum hic non punire peccatores, licet videatur miseratio, est maxima indignatio, ut ponderat Bernardus serm. 42. in Cant. expendens verba illa „ Isaïæ cap. 26. num. 10. Misereamur impio, & non „ discet iustitiam: in terra Sanctorum iniqua gessit, & „ non videbit gloriam Domini. Audi Bernardum: Mi- „ sericordiam hanc ego nolo: super omnem iram mi- „ seratio ista sepiens mihi vias iustitiæ. Satius profe- „ cto mihi, iuxta Prophetæ consilium, apprehendere „ disciplinam, ne quando irascatur Dominus, & „ peream devia iusta: volo irascaris mihi pater mise- „ ricordiarum, sed illa ira, qua corrigis devium, non „ qua*

qua extrudis de via. Hinc per Prophetam Ezechielem terribiliter minatur Deus cap. 16. v. 42. *Auferetur Zelus meus à te: & quiescam, nec irascar amplius.* Solo auditu contremisco, inquit Bernardus. ibidem postquam recitavit hæc verba: *Vides quia tunc magis irascitur Deus cum non irascitur? Si te zelus deseruit; amor: & nec eris amore dignus, qui indignus castigatione censeris.* Certè dum maritus uxorem zelat, & reprehendit; amat adhuc, & secum retinet: cæterum postquam illi libellum repudij concessit, nihil amplius de illa curat, nec propter adulterium castigat. Sic ergo se Deus gerit cum reprobis, quos hic non castigat. Quod alia similitudine explicatur: nam quando medico spes affulget de futura infirmi salute, prohibet illi nocitura, quæ appetit, quando autem nihil infirmo vetat, sed omnia eius voluntati permittit, iam res deplorata est. Sic ergo, &c.

Non ergo ideo debuit putare Mahumetus se à Deo delectum, quia in hac vita Deus illum non punivit, sed prosperitatem ei indulxit: quia potius hinc evincitur, illum abominabilem coram Deo fuisse, si quidem in hac vita eum ut pater non correxit, in alia castigaturus tanquam severissimus iudex. Ut enim 2. Machab. cap. 6. v. 14. de magnis, & cæcis peccatoribus dicitur, *Dominus patienter expectat, ut cum iudicii dies aduenerit, in plenitudine peccatorum puniat.*

Nec gloriari possunt Mahumetani, quasi Deo placeant, quia prævalent Christianis eosque sæpè opprimunt. Dei enim mos est uti malis, & infidelibus ut in-



strumento, & tanquam virga ad flagellandum fideles,  
 atque electos suos, correctis autem & castigatis filijs  
 virgam illam proijciet in ignem. Vt constat ex verbis  
 Dei per Isaiam cap. 10. *Ve Assur* ( id est Regi Afsirio-  
 rum ) *Virga furoris mei, & baculus ipse est.* Vtitur infi-  
 delibus, & peccatoribus tanquam malleo, & incude  
 ad efformanda prætiosa vasa; quibus dona sua in  
 æternum committat; & quæ in Cœli abaco reponan-  
 tur. Id explicat optime Michael de Medina lib. 1. de  
 ,, recta in Deum fidæ fol. 6. & 7. Nullum certe popu-  
 ,, lum tot tantisque afflictionibus oppressum accepi-  
 ,, mus, quam Israeliticum populum, cum tamen vt  
 ,, cunque inter omnes mortales Deum coleret: con-  
 ,, tra verò nullis tam applausit fortuna, quam pro-  
 ,, phanis illis nationibus. Babilonijs, Afsirijs, Ægyp-  
 ,, tijs, Philistinis, Romanis, &c. Admirandum profe-  
 ,, cto divinæ proidentiae consilium, vt cum & vetere  
 ,, illo sæculo duos populos habuerit, idolatrarum  
 ,, vnum, & veræ Religionis expertem; Religiosum al-  
 ,, terum, suæque saltem cognitionis participem, illum  
 ,, tanta rerum affluentia, tantoque bellorum successu,  
 ,, contra hunc tantis, & internis, & externis cladibus,  
 ,, & calamitaribus fuerit prolecutus, vt cum hic in-  
 ,, scelix apud omnes finitimas gentes sit habitus, ille  
 ,, in toto orbe felicissimus iudicari potuerit. Hoc pro-  
 ,, fecto non alio consilio factum est, quam quod ad  
 ,, populi sui peccata coercenda, satellitibus, non qui-  
 ,, buscumque, sed summa virium humanarum potentia  
 ,, præditis, Deus indigeat. Nec enim principes, in vin-

„ dictam malefactorum inermes, & imbelles mini-  
 „ stros assumunt, sed ingenti illos, & hominum, & ar-  
 „ morum potentia circundant, ut in peccatores, quā-  
 „ tumvis potentes, intrepidi irruant. Non ergo infi-  
 „ delis populi felicitatis, & fortunæ applausus inde  
 „ provenit, quod eorum Religio sit vera, nostra con-  
 „ tra falsa, sed quod velit populum suum, in discipli-  
 „ na contineri, qua ratione virga furoris Assur, &  
 „ exercitus Domini Romani vocantur, quod volun-  
 „ tatem eius quasi ministri iustitiæ exequendo perfici-  
 „ ant. Inundante igitur peccatorum diluvio, necesse  
 „ est ministrorum Dei potentiam excrecere. Atque  
 „ id quidem licet totius aliquando populi fidelis  
 „ peccatis contingat, potissime vero Regum, &  
 „ Præfectorum vivendi licentia, provenire docce-  
 „ mur: nunquam enim non est verum illud. *Quidquid*  
*delirant Reges plebsuntur Achivi?*

„ Id non modo pessimorum Regum, Jeroboam,  
 „ Achab, Ochoziæ, Joram, Achaz, Manasis, Hosæ,  
 „ Ioachim, &c. ingenti Israelitici populi malo, do-  
 „ cent Historiæ, sed non minus atrocibus exemplis  
 „ Ecclesiastici annales. Totum certe Ecclesiasticum  
 „ Imperium, quod olim ab Occidente in Orientem,  
 „ & à Septentrione in Meridiem extendebatur,  
 „ Romanorum, & Constantinopolitanorum Princi-  
 „ pum tyranis, & licentia vivendi perdidit, & infide-  
 „ libus prodidit, Hispaniam nobilissimam Europæ  
 „ Provinciam Vitigis, & Roderici Regum Gotho-  
 „ rum criminosa vita, post enormem totius regionis

vaſtitatem, Sarracenis tradidit.

Et ſanè quod hæc duo rectè cohæreant, nempe aliquem eſſe eximiè ſanctum, & dilectum Deo, & tamen in hac vita multa perpeti temporalia mala; negare non poteſt Mahumetus, qui confitetur Chriſtum Dominum, & Beatam Mariam eius Matrem homines fuiſſe ſanctiſſimos, & omnis peccati expertes: conſtat enim Chriſtum Dominum à Iudæis paſſum fuiſſe calumnias, perſecutiones, ludibria, verbera, & mortem ignominioſiſſimam; & eius Matrem gladio compaſſionis fuiſſe tranſfixam, & dum in Ægyptum fugit cum puero Ieſu multos ſuſtinuiſſe labores: ergo ſtat optime populum Chriſtianum eſſe Deo dilectum, & tamen multas temporales calamitates perpeti.

## CAPVT XXI.

*Error Alcorani contra providentiam, Dei permittentem homines fideles à Diabolo tentari.*

**C**Apite 21. Alcorani ſic loquitur Mahumetus: *Impoſſibile Diabolo quidquàm facere niſi incredulis.* Hic eſt error manifeſtus contra Dei providentiam, quæ permittit Diabolum tentare fideles, iuſtos, & ſanctos. Sic permiſſit, ut tentaret Chriſtum, ut enim inquit Mathæus cap. 4. *Ieſus ductus eſt in deſertum ab ſpiritu, ut tentaretur à Diabolo.* Quod de Spiritu Sancto intelligendum eſſe, probat Maldonatus, & Chriſtus Dominus Luc. 22. verſ. 31. dixit: *Simen, Simen,*



ecce Satanas expetiuit vos, vt cribaret sicut triticum: ego autem rogaui pro te vt non deficiat fides tua. Hinc Christus docuit Discipulos suos Matth. 6. vers. 13. vt orarent, dicentes, Ne nos inducas in tentationem; postulando, vel ne nos permittat à Diabolo tentari, vel vt nobis conferat gratiam, qua tentationem vincamus, & Matth. 26. v. 41. dixit: *Vigilate, & orate, vt non intretis in tentationem.* Et Apostolus Petrus Epist. 1. cap. 5. fideles hortatur: *Sobrii stote, & vigilate, quia adversarius vester Diabolus tanquam leo rugiens circuit querens quem deuoret, cui resistite fortes in fide.* Sanè Job, Vir Sanctissimus erat, & tamen Diabolus multa illi intulit mala temporalia: & S. Antonium Abbatem, aliosque Sanctos Viros, permittente Deo ad maius ipsorum meritum varijs molestijs & plagis affecit. Quid quod ipse Mahumetus in cap. 21. Alcorani narrat persecutiones, quas Ioseph Patriarcha, quamvis iustus, passus est: & dicit Iosephum in carcere detentum esse; quia suggerente Diabolo quando principem pincernarum rogavit, oblitus est nominare nomen Dei. Certumque est Diabolum potissimum suis tentationibus aggredi fideles, & iustos, vt à recta salutis via avertens, ad infernum trahat. Et Christus Luc. 8. testatur, quosdam ad tempus credere, & in tempore tentationis recedere. Cum enim vera fides sit primum salutis fundamentum, Diabolus enixe conatur, homines à vera fide avertere, & ad falsam trahere. Et hinc clarissimum argumentum formatur ad probandam veritatem Christianæ Religionis, & falsitatem sectæ

Ma humetanæ, quia Diabolus homines tentat, ne Christiani fiant; vel à fide Christi deficiant: nunquam autem Mauris persuadet, vt à sua secta discedant. Assumptum varijs exemplis comprobari potest: insigne est illud Theophili Presbiteri, qui tempore Iustiniani Imperatoris chirographum signatum Diabolo tradidit: *Quo negabat Christum, eiusque Matrem*, quia Diabolus ei promissit suam opem ad obtinendum Officium Ecclesiasticum, à quo per invidiam deturbatus fuerat, sub conditione, quod Christum, eiusque Matrem abiuraret. Quod exemplum habes in magno speculo exemplorum part. 1. dist. 14. exemplo 24. desumptum ex speculo historiali Vincentij lib. 21. cap. 69. & 70. illud etiam celebre, quod legitur in vita S. Basilij in vitis Patrum, & habetur in eodem speculo magno exemplorum dist. 8. exemp. 80. de quodam iuvene, qui vt nobilem Virginem Matrimonio sibi copularet, ad maleficum accessit, & ab illo instructus, Diabolo scriptum fecit, in quo fatebatur se Christo, & Baptismati, & Christianæ Religioni abrenuntiare: & sic Matrimonio illius virginis potitus est. Postea vero pœnitentia, & orationibus S. Basilij à Deo obtinuit, vt Diabolus scriptum restitueret, & ab eius insidijs liberatus est.

## CAPVT XXII.

*Confirmatur doctrina præcedens exemplo recenti Mahumetanae feminae, quam à suscipiendo Baptismo Daemon ei apparens deterrebat.*

**A**NNO 1671. publicas conciones habuimus P. Ioannes Gabriel Guillem, & ego ad Mahumetanos Xera, Gadibus, Portu Sanctæ Mariæ, Sanlucar de Barrameda, & alijs Civitatibus: non pauci in illis conversi sunt: solemnique pompa Baptismus illis administratus est: Xera, & Gadibus in publico foro erectum est ingens tabulatum, in quo Cathecumeni cum patrinis, & viris primarijs, tum Ecclesiasticis, tum Secularibus assidebant: in Portu autem erectum est intra Templum. Gadibus Illustrissimus Episcopus Cathecumenos Sacro fonte tinxit: Xera, & Sanlucar Vicarius Illustrissimi Archiepiscopi Hispalensis. Erat in Portu pius, & nobilis Ecclesiasticus, qui habebat ancillam Mahumetanam, cuius conversionem ardentè desiderabat, & enixe a Deo postulabat: eius pertinaciam in concionibus publicis expugnare non potuimus: bonus eius herus suam sortem deplorabat, seque infelicem dicebat, quandiu eius ancilla Christi fidem non amplecteretur: illam ferventer sæpe allocutus est; cessit tandem huius feminae obstinatio, & se Christianam esse velle palam professa est, cum ingenti domini sui consolatione.



Dilatus est Baptismus sollemnis per aliquod tempus, donec Cathecumeni bene in rebus fidei instruerentur. Vt hanc instructionem perficerem, ego redij è Civitate de Sanlucar; in qua æstivo tempore eo anno commorati sumus, ad Portum Sanctæ Mariæ. Iam omnia parata erant ad solemnem Baptismum. Diabolus moleste ferens illius Mahumetanæ conversionem, quadam die, dum illa sola existeret, in triclinio domini sui ei sub forma fœdissimi Ætiopis apparuit, & terribilibus oculis eam aspiciens; minis terruit, & imperavit, ne Baptismum susciperet; & quia dies sollemnis appropinquabat, in quo Cathecumeni abluendi erant, ut illa erubesceret cum alijs ad Ecclesiam in solemni processione procedere, illi forciculam obtulit, præcipiens, ut crines detonderet, sperans fore, ut denudata capillis non auderet in publicum prodire: tenuit illa; tunc Diabolus ferociori vultu minas ingeminans ita illam terruit, ut horrore percussa, & ingenti metu consternata quasi ex anguis in terram corruerit: & ne formato Crucis signo illum fugaret, ita brachia eius retro contorsit, & manus atque digitos ita inter se implicuit, ut nulla humana industria id contingere potuerit. Advenit ea tempestate herus; ancillam reperit humi iacentem, oculis scillan-tem, & præ terrore fatiscentem, brachia contorta habentem, & faciem pallore exangui contextam: monet ut nomen Iesu invocet, & signo Crucis se muniat, & cum illa brachia movere non posset, devotus Sacerdos aqua benedicta eam aspergens, & Dei opem

plorans, brachia, & manus ancillæ expedit, & illa signum Crucis formans, & nomen Iesu, & B. Virginis invocans, in se redijt. Et omnia, quæ acciderant hero suo narravit. Indeque non parum in fide confirmata est, & ardentius Baptismum desideravit: sic apud se discurrens: Diabolus salutem hominum insidiatur, & illos ad infernum ducere vult; si ergo à Religione Christiana suscipienda me vult amoverere, signum est, quod illa vera est, & certa ad Cælum via. Sic confirmata alacriter Baptismum cum alijs triginta septem in templo suscepit.

## CAP V T XXIII.

*Error Alcorani contra Dei iustitiam, & misericordiam.*

**I**N capite 28. Alcorani hæc habet Mahumetus: *Sciendum neminem esse, qui non ad ignem, quoniam hoc Deus mandavit proficiscatur: ubi corporaliter etiam increduli perseverabunt: timentes autem Deum salvabuntur.* Non loquitur Mahumetus indifferenter de igne Purgatorij, & de igne Inferni damnatorum, sed determinate de hoc, ad quem increduli deferuntur. Est autem error manifestus, & enormis, contra Dei iustitiam, & misericordiam, quod omnes homines in ignem Inferni Deus proijciat; cum plurimi iusti, & sancti ex hac vita decedant, quos Deus in ignem damnatorum non proijcit, sed ignem Purgatorij, si in hac vita pro reatu suorum peccatorum plene non satisfac-

erunt; vel in Cælum statim eos evehit, & visione beatifica donat, si omnino purificati decedunt. Rursus certum est, pueros qui in lege nova ante vsum rationis cum Baptismo decedunt, statim ad Cælum evolare, & pueros decedentes cum circumcisione in lege Veteri ante vsum rationis in sinum Abrahamæ deportatos esse, ubi nulla erat pœna ignis. Immo pueri decedentes cū solo originali non detruduntur in Infernum damnatorum, in quo pœna ignis vrit, sed in Lymbum, in quo pœnam damni tantum patiuntur; æquitas enim, & misericordia Dei non patitur, eos pœna acri ignis torqueri, qui propria voluntate nullum peccatum commisserunt. Et quamvis ex adultis homines iusti in peccata venialia labantur; exploratum tamen est, multos ex hac vita ita puros decedere, ut statim in Cælum volent. Sic enim S. Anton. Abbas animam S. Pauli primi Eremitæ vidit ab Angelis in Cælum deferri, & S. Severinus animam S. Martini, & S. Benedict. animam S. Germ.

Rursus error est, eos qui in Infernum semel labuntur damnatorum, inde vnquam extrahendos: nam ex Sacris Litteris constat pœnam Inferni nunquam finiendam, ut ex illo Isaïæ ultimo: *Vermis eorum non morietur, & ignis eorum non exstinguetur.* Et ex illo Christi Matth. 25. *Ite maledicti in ignem æternum, qui paratus est Diabolo, & Angelis eius.* Et Marci 9. ter in vno orationis contextu docuit pœnas Inferni esse perpetuas illis verbis: *Mitti in gehennam ignis inextinguibilis, ubi vermibus eorum non moritur, & ignis non exstinguitur.* Idem



constat ex Judith 6. & Eccl. 7. & Apocal. 14. & 19. & ex verbis Baptistæ Matth. 3. *Paleas autem comburet igni inextinguibili.* Et Daniel. 12. Sicut enim ad misericordiam, & iusticiam remunerativam Dei pertinet, quod merces bonorum sit æterna; ita pertinet ad iustitiam punitivam Dei, quod pœna impiorum sit æterna: cum enim animæ sint immortales, & tempus viæ, sit finitum, duratio præmij, & pœnæ debet esse æterna, ubi enim locus non est merendi, & demerendi, debet esse locus vel præmium accipiendi, vel pœnam subeundi.

## CAPVT XXIV.

*Quomodo Mahumetani fabulentur Mauros ab Inferno extrahi.*

**E**XISTIMANT cæci Arabes, animas suorum defunctorum ab inferno extrahi; quia postquam corpora defunctorum humata sunt elargiantur Alfaqino suo, qui est veluti Parrochus eorū, octo drachmas elemosynæ titulo, ut animam defuncti Deo commendet. Ille vero non aliud suffragium, nec aliud sacrificium pro illa offert, quam legem Alcorani illis diebus legere; arbitrantur enim tantum valere apud Deum illam Alcorani lectionem, ut vi illius anima omnino mundetur; & Mahumetus illam ab inferno extrahere teneatur; quod illum præstare existimant, quia se coram Deo vultu tristi sistit; tunc vero ab illo Deus rogat, *Cur tristis es Mahomete, & ille respondet, quomodo tristis non sum, si in inferno est Maurus?* Tunc

vero Deus, Mahumeto, *Vade* (inquit) & *Maurum ab inferno educito* Mahumetus vero accedens verticis crine apprehensum Maurum deducit ab orco, & secum in Paradysum vehit: & ideo Mahumetani in vertice pusillum comæ nutriunt, reliqua abrasa, ut illo extrahantur ab inferno. Quasi vero, vel anima crines habeat, vel Mahumetus in continuo futurus sit motu descensus, & ascensus; vel continuo simulaturus sit illam vultus tristiciam. F. Antonius del Castillo in suo Itinerario Hierosolymitano lib. 3. cap. 3. affirmat, Hierosolymis supra portam *Auream* extare duo sacella, in quibus credunt Mauri Christum, & Mahumetum futuros in die iudicij, quando venerit Christus ad iudicandum mundum; Mahumetum tamen futurum in sacello dextro. Dicunt insuper: Christum tunc dicturum Gentilibus: *Ite in infernum, quia fidem non habuistis*, Iudæis vero; *Ite in infernum, quia me voluistis occidere*: Christianis; *Ite in infernum, quia vestram legem non observastis* denique Mahumetanis; *Ite in infernum, quia peccastis*. Tunc vero Mahumetum rogatum pro suis Mauris, & Christo dicturum: *Propter me & mei amorem isti in infernum mitendi non sunt; si autem eos illuc misseris, amici non erimus*: Christum vero his precibus exoratum, responsurum: *Propter Mahumetum omnes Mauri in Cælum eant*. Tunc autem Mahumetum convertendum esse in magnum caprum, lance vellere coniectum animas vero Maurorum convertendas in pulices, & insinuas velleri illi deportandas à Mahumeto in Paradysum. Quis hanc fabulam audiens, risum teneat?

## CAPVT XXV.

*Perniciosus alius Alcorani error contra Dei iustitiam affirmantis homines per confessionem Mahumetane sectæ sine bonis operibus, & cum magnis criminibus fore saluandos.*

**M**AHUMETVS in Alcorano (vt testatur S. Petrus Paschalius num. 135. & num. 153) Mauros de sua propria salute certos, & securos reddit, si in mortis hora in vnum crediderint Deum, & quod Mahumetus sit eius nuntius. Asseritque quod quamvis in die iudicii in vna stateræ lance ponantur innumera, & gravissima peccata, si tamen in alia reponatur fragmen papyri longitudinem atque latitudinem digiti non excedentis, in quo scripta sint hæc verba: *Leylehe illa, Alla, Mahomad, Arraculu, Alla, hoc est, non est nisi vnus Deus, & Mahumetus est eius nuntius, & Propbeta*: statim hæc pars alteri præponderabit.

Sed hic est error manifestus contra Dei iustitiam; quis enim non videret, æquum non esse, vt Dominus servum rebellem, & in obedientem non minore præmio afficiat, quam servum obedientem? Certe si aliquis famulus erga herum suum hoc modo segeret, vt palam fateretur: *Agnosco te esse Dominum meum legitimum, nolo tamen mandatis tuis obedire*; is dignus supplicio foret: ergo dignus supplicio est, qui credit in Deum, & tamen quod Deus præcipit opere exequi  
non



non vult. Vnde Christus Dominus Matth. 7. vers. 21. verissimè pronuntiavit, *Non omnis qui dicit mihi, Domine, Domine, intrabit in Regnum Cælorum. Quia vt inquit Apostolus Iacobus cap. 2. 26. Fides sine operibus mortua est.* Ac proinde anima in vitam æternam ducere nequit.

## CAPVT XXVI.

*Errores alij Alcorani contra lumen rationis.*

**M**AHUMETVS vt supra vidimus capit. 3. pagin. 63. docet: *Vnunquenque saluari in sua lege, Iudeos, Christianos, Turcas, &c.* Et docet vltimam hominis fœlicitatem consistere in delectationibus gustus, & tactus, & vtrunque est error manifestus contra rationem; vt ibidem, capit. 11. pagin. 126. ostendimus.

Sed nunc verba Alcorani proferamus: igitur in primo capite sic ait: *Sciendum generaliter, quoniam omnis rectè viuens, siue Christianus, siue Iudeus, seu lege sua relicta in aliam tendens, indubitanter diuinum assequatur amorem.* Quod perinde est, ac asserere vnunquenque saluari posse in quacunque lege dummodo secundum præcepta illius vitam instituat. Sed præter quam quod hoc est contra evidentem luminis naturalis rationem vt ibi demonstravimus, Mahumetus sibi ipsi aperte contradicit. Nam in tertio capite hæc habet in Dei persona: *Tuam legem propter aliam mutans, & in ea manens, hic, & in alio seculo reus igne indeficiente peribit.*

Et

Et cap.6.inquit.*Christiani volentes imitatores legis Mahumeti ad suam conuertere legem efficiunt eos, qui antea boni fuerunt,malos. Alia adduximus (supra capit. 1. pag.379.*

## CAPVT XXVII.

*Error Mahumetanorum circa corpora, & animas defunctorum.*

**I**OANNES Andræas sæpè citatus in suo libro contra Mahumetanos cap. 5. testatur esse articulum fidei inter Mahumetanos, quod statim postquam corpus defuncti sepelitur, adveniunt ad eius sepulchrum duo Angeli nigri, quos Arabice vocant, *Munquiri*, *Guanequir*, alterque eorum affert secum clavam ferream, alter vero vncinum, & corpus illud in sepulchro fodere faciunt, vel geniculari, & corpus illud induit animam extrinsecus, sicut tunicam interiorem, seu subuculam induimus, cæterum vsque ad renes tantum. Et statim Angeli illi interrogant, an credat in Mahumetum, eiusque legem, seu an credat Mahumetum esse Dei Prophetam, & eius legem esse à Deo latam? an in hoc mundo bona opera fecerint? nimirum an fecerit Zalá (quod est præces quasdam ad Deum fundere) an ieiunium *Romadam* observaverit, an decimas solverit, & elemosynas dederit? Si bonam rationem reddit, abeunt inde Angeli nigri, & veniunt duo Angeli nive cãdidiore, qui corpori illi se comites adhibent, vsque ad diem iudicij, alterque eorum ipsis capite, alter vero cruribus brachia supponit. Si vero

malam rationem reddit defunctus, Angelus clavam tenens tanto impetu illud percutit, vt septem stadia descendere cogat; alter vero vncino ferreo statim extrahit: primus iterum percutit, & deijcit; secundus iterum extrahit, & sic vicissim descendere, & ascendere cogunt vsque ad diem iudicij.

Hac de causa sepulchra nimis profunda faciunt, & concaua relinquunt, ea tegendo tabulis, vel lateribus, ne terra immediate corpus tangat: & vt remaneat in tumultu spatium vacuum vt defunctus possit federe, vel genuflectere. Et eadem de causa pedes, & caput cadaveris soluta ab omni vinculo relinquunt, vt possit assurgere. Ob timorem Angeli malleatoris, & Angeli vncinatoris quotidie post Zalà primæ auroræ recitant orationem quadam, cuius substantia est hæc: *Libera nos Domine ab interrogatione duorum Angelorum, & à tormento sepulchri, & à via praua. Amen.*

Quis non rideat tam crassum, & fabulosum errorem? Nam si anima decedit in peccato, statim ad infernum detruditur, & non reddit ad locum corporis, quousque in die iudicij cum illo reuniatur. Si autem ab omni reatu libera è corpore egreditur, statim ad cælum convolat, & inde ad corpus non regreditur, quousque illud gloriosum reddat. Rursus quomodo vivificare potest corpus prout oportet vt tormenti capax sit si illud interne non informat, & solum extrinsecus vestit? Deinde cum certum sit corpus in pulverem reverti, quomodo potest vsque ad diem iudicij in sepulchro illam pœnam pati descendendi, & as-



cendendi: Vt Mauri hunc errorem deponant, monendi sunt, vt aperiant monumenta defunctorum, & comparent ridiculam esse fabulam illam quam credunt.

## CAPVT XXVIII.

*Error Alcorani affirmantis Diabolos credentes Mahumeto fuisse ab inferno liberatos.*

**M**AHVME TVS In Alchorano lib. 4. cap. 9. quod intitlatur *Elgam*, id est, de Dæmonibus, affirmat turmam quamdam Dæmonum audivisse quadam die ipsum Mahumetum legentem Alcoranum Mauris, & hac lectione maxime delectatos fuisse, quia animadverterunt se posse salvari, si in Mahumetum crederent, & Mahumetani fierent: & ita factos fuisse Mahumetanos, & ab inferno liberatos esse. Hic est error manifestus contra Scripturas, ex quibus constat pœnam Dæmonum esse æternam, vt vidimus c. 23. & inde facile evincitur esse fabulam; quia si aliqui Dæmones ab inferno liberati sunt, quia crediderunt Mahumetum esse Dei Prophetam, & eius legem suscep-  
runt, cito infernus vacuus maneret; quia omnes  
Dæmones vt ab illis pœnis liberarentur,  
hoc ipsum facerent.

## CAPVT XXIX.

*Error Alcorani circa durationem inferni.*

**M**AHVME TVS in Alcorano lib. 1. cap. 13. affirmat, infernum non duraturum ultra mille annos; eoque temporis spatio finito omnes damnatos ab inferno extrahendos. Qui etiam fuit error Origenis. Richoldus libro de Turcarum moribus cap. 12. affirmat Mahumetanos existimare, post diem iudicii Mahumetum ob suam magnam auctoritatem & potentiam educiturum ab inferno omnes damnatos, cuiuscunque sint conditionis. Sed hic est error manifestus contra Scripturas veteris, & novi Testamenti, ut constat ex cap. 23. pag. 519.

## CAPVT XXX.

*Error Alcorani contra Dei sanctitatem, & hominis libertatem.*

**M**AHVME TVS in Alcorani cap. 34. docet, Deum ab æterno ita præfinisse, & prædeterminasse quidquid homines in tempore facturi sunt, ut liberum non sit homicidæ homicidium vitare, nec adultero adulterium, quia omnia hominum opera ita subiacent Dei voluntati, ut nihil facere possit homo, nisi illud ad quod fuerit à Deo destinatus fatali quadam

dam necessitate. Quod hoc sentiat Mahumetis, testatur Doct. Martinus d: Vivaldo in eruditis glosis marginalibus quibus illustravit librum, cui titulus, *Zelus Christi, contra Iudeos, & Sarracenos*, compositum à Doct. Petro de Cavalleria: nam numero marginali 853, inquit: *Decimotertio, Mahumetus tollit liberum arbitrium*. Ex hoc errore consequens est alius, quod nimirum Deus homines ad peccandum impellat; quem errorem docuisse videtur Mahumetus in Alcorano Azorà, sen cap. 22. Nam ut testatur Aeneas Silvius (postea Papa Pius Secundus) lib. 1. Epistolarum Epist. 396. hæc verba habentur in eo capite: *O Deus quibus vis bonam, & quibus vis malam vitam præbes*. Et hoc ipsum testatur Theatrum vite humanæ tom. 1. fol. 5. & Cathecism. Patriarch. lib. 1. Dialog. 15.

Et hunc errorem satis indicant Mahumetani; nam cum eis dicimus: *Heus tu Amete, heus tu Haly, vis Christianus fieri?* Respondet: *Quando Deus voluerit*. Quasi dicant iam à Deo statum est, an futurus sim Christianus, an non. Si statum est, infallibiliter Christianus siã. Si non est statum, infallibiliter non ero, quia Deus non vult, ut ego Christianus sim: si autem Deus non vult, quomodo sine eius voluntate ego potero Christianus fieri? Ut ego sim Christianus, requiritur quod Deus id velit: Deus autem non vult ut modo sim Christianus, quia si vellet, quomodo ego possem non esse Christianus? Quod si Deus non vult ut ego modo convertertar ad fidem Christi, quomodo ego potero velle quod Deus non vult? Expectemus, ergo, ut Deus ve-



lit me petere Baptismum, & tunc ego petam.

Hunc errorem renovauit Calvinus lib. 3. institutionum cap. 21. §. 71. vbi ait: *Dicimus, aeterno, & immutabili consilio Deum semel constituisse, quos olim assumere vellet in salutem, quos rursus exitio deuouere.* Et cap. 23. §. 8. *Non dubitabo simpliciter fateri, voluntatem Dei esse rerum necessitatem, atque id necessario futurum esse, quod ille voluerit.* Contra hunc errorem agunt late Doctores Chatolici. Est enim contra lumen rationis; quia vt inquit August. lib. 3. de lib. arbit. cap. 18. *Quaecumque ista causa est voluntatis, si ei resisti non potest, sine peccato ei ceditur: quis enim peccat in eo quod nullo modo cadere potest?* Et vt idem inquit lib. de duab. anim. capit. 12. *Peccati reum teneri quenquam, quia non fecit quod facere non potuit, summae iniquitatis est atque insania.* Et vt ait idem S. Doct. in lib. de vera Religione cap. 14. *Tam certum, & omnibus manifestum est, neminem peccare in eo quod necessitate facit, vt nulla hic doctorum paucitas, nulla indoctorum turba dissentiat.* Et lib. de duab. animab. contra Manichæos sic scribit: *Nonne hoc cantant, & in mortibus pastores, & in theatris poetae, & indocti in circulis, & docti in Bibliotecis, & Magistri in scholis, & Antistetes in sacris locis, & in orbe terrarum genus humanum?*

Idque constat manifestissime ex Sacris Litteris, vt ex illo Eccles. 15. v. 14. *Nam Deus ab initio constituit hominem, & reliquit illum in manu consilij sui.* Vnde Dominus Caino Gen. 4. 7. *Nonne si bene egeris recipies, sin autem male, statim in foribus peccatum tuum aderit? Sub te erit appetitus eius (peccati scilicet) & tu dominaberis illius*

*illius* (appetitus scilicet, quo ad peccatum propendes, & alliceris.) Et Deur. 15. *Considera, quod hodie proposuerim in conspectu tuo vitam, & bonum, & contrarium mortem, & malum, &c.* Et infra: *Testes hodie inuoco Cælum, & terram, quod posuerim vobis vitam, & mortem, benedictionem, & maledictionem. Elige ergo vitam vt viuas, & diligas Dominum Deum tuum.* Et Iosue 24. 15. *Sin autem malum vobis videtur, vt Domino seruiatis, optio vobis datur: eligite hodie quod placeat.* Et 2. Reg. 24. 12. *Trium tibi datur optio, elige vnum, quod volueris ex ijs, vt faciam tibi.* Et Eccl. 3. 1. *Erit illi gloria eterna, quia potuit transgredi, & non est transgressus, facere male; & non fecit.* Et Matth. 19. 17. *Si vis ad vitam ingredi, serua mandata.*

Estque impium, & blasphemum Deum facere Authorem peccati, vt enim inquit David Psal. 5. *Quoniam non Deus volens iniquitatem tu es.* Et ibidem. *Odisti omnes, qui operantur iniquitatem.* Et Sapient. 14. 9. *Similiter autem odio est impius, & impietas eius.* Et Hieron. 19. 5. *Ædificauerunt excelsa Baalim: quæ non precepit, nec locutus sum, nec ascenderunt in cor meum.* Evidentique ratione concluditur Deum non esse Authorem peccati: nam cum Deus dicat, *Non machaberis, non occidas, non furtum facies;* nequit velle vt homines machentur, farentur, & occidant; sic enim vellet vt agerent contra eius voluntatem, & sibi ipsi repugnarét. Impossibileque est, vt Deus efficaciter velit homines facere id quod serió prohibet ab hominibus fieri: at prohibet peccata fieri ab hominibus: ergo non vult efficaciter,

vt homines peccata faciant. Tertio quia impossibile est, vt homo peccet dum adimplet Dei voluntatem, & id facit, quod Deus vult efficaciter, vt homo faciat. Quarto, quia Deus nequit ad infernum detrudere homines, quia fecerunt eius voluntatem; hoc autem contingeret, si Deus homines suo decreto efficaci antecedenti adigeret ad peccandum. Quinto, quia Deus nequit hominem damnare, quia non fecit aliquid impossibile: impossibile autem est hominem vitare peccatum ad quod perpetrandum à Deo necessitatur: & certum est Deum damnare hominem, quia peccauit: ergo certum est hominem non necessitari à Deo ad peccandum.

## CAPVT XXXI.

*Quomodo perurgendi sunt Mahumetani qui interrogant, quando conuertendi sunt ad fidem Christianam? Respondent: Quando Deus voluerit. Vbi exemplis, & aptis similitudinibus explicatur, prædestinationem, & præscientiam Dei non auferre nostram libertatem.*

**C**VM in hac responsione supponant errorem illum nuper relatum, urgendi sunt exemplo lepidissimo, quod ex Cæsareo refert Becanus in Manuali controversiarum lib. 3. cap. 4. num. 4. vt convellat perniciosissimum dilemma, quo homines perditī sequētes errorem Calvini de decreto divino antecedente adi-



adigente homines, vel ad bona opera, vel ad prava, mittere cruciantur, & in desperationem aguntur, sic enim discunt: *Vel ab æterno sum prædestinatus vel reprobatus*: si prædestinatus, necessario salvabor, etiamsi pessime vixero; si reprobatus, necessario damnabor, etiamsi vellim bene vivere. Quo dilemate misere cruciantur miseri, dum se expedire nequeunt, & refert Augustinus lib. de bono persever. cap. 15. quendam Monachum sui Monasterij, eò fuisse adductum hac argumentatione, ut tandem deserta vita religiosa ad sæculi voluptates reversus sit, & perierit. Qui est fructus illius impiæ doctrinæ, quam cum Mahumero sectatur Clavinus. Ut hoc perniciosum dilemma convellat Becanus, loco citato hoc exemplum refert.

Ludovicus Landgravius, propter deploratam vivendi licentiam à Viris Religiosis correptus, ac graviter monitus, ut ad bonam frugem rediret, antequam inopina morte præveniretur: pro excusatione hoc adferebat: *Si prædestinatus sum, nulla peccata poterunt mihi regnum Cælorum auferre: si reprobus, nulla bona opera conferre.* Item illud: *Cum venerit dies mortis meæ, certo moriar. Illum nec bene vivendo potero extendere, nec male vivendo prævenire.* Quid factum? Incidit in gravem morbum: Medicum ad se vocat. Is, ut erat vir prudens, & verborum Landgravi memor: Domine mi, inquit, frustra me vocas. Nam si venit hora mortis tuæ, certo morieris, nec possum te iuvare. Si non venit, nō indiges mea ope. Quid ita vero, ait Landgravius? Quin iuvame antequam mors adrepas. Tum Medicus: si pu-

tas vitam corporis conſervari poſſe adhibita medici-  
na; cur ſimiliter non credis, vitam animæ iuvare poſſe  
pœnitentia, & contritione? Hoc verbo vicit Medicus,  
& Landgravio perſuaſit.

Ratio vero eſt, quia cum Deus velit omnes homi-  
nes ſalvos fieri, & ad agnitionem veritatis venire, nul-  
lum hominem efficaciter deſtinat ad pœnas inferni  
niſi ſub conditione quod homo ipſe contra Dei vo-  
luntatem malè operetur, & divina transgrediatur præ-  
cepta: vnde nunquam habet decretum abſolutum, &  
efficax damnandi, & detrudendi ad flammam æter-  
nam ignis, quouſque ex aliſſima æternitatis ſuæ ſpe-  
cula videat hominem pro ſuo libito, & contra Dei  
voluntatem peccaturum & vitam finiturum in pecca-  
to: vnde non ideo malus eſt homo, & perſeverat in  
peccato, quia Deus voluit illum damnare; ſed potius  
ideo voluit illum damnare, quia prævidit malum ex  
propria electione futurum & perſeveraturum in pec-  
cato.

Et dum Deus prædeſtinat ad coronam gloriæ, non  
deſtinat ad finem ſine medijs, ſed ordinat hominem  
ad finem gloriæ per medium bonorum operum, quæ  
relinquit in hominis poteſtate, & præcipit ut homo  
illa bona opera exercean, quando habet poteſtatem  
non exercendi: vnde homo ſic diſcurrere debet: ſi  
prædeſtinatus ſum, id eſt, ſi à Deo ordinatus ſum ad  
vitam æternam per certa media, quæ in mea ſunt po-  
teſtate conſequendam; gloriam conſequar, ſi illa me-  
dia adhibuerim: ſi autem non adhibuerim, non conſe-  
quar,

quar, quia Deus non me destinavit ad gloriam nisi ut consequendam medio exercitio bonorum operum, quæ relinquit in mea potestate. Si sum reprobatus, id est, si à Deo ordinatus sum ad infernum propter mea peccata, quæ libere commissurus sum, certo damnabor, si illa peccata committam, unde ad vitandam damnationem vnicum medium est vitare peccata. Quia cum certissimum sit, Deum neminem sibi obedientem, & sua præcepta observantem, & in bono perseverantem, damnare: & certum rursus sit, non damnaturum peccatorem, qui pœnitentiam in hac vita egerit, & perseveraverit in bono, certè si ego, ut possum, peccata nova evitem, & de præteritis pœnitentiam egero, non damnabor, sed salvus ero.

Id optimè explicat S. Vincentius Ferrerius, serm. de prædestinatione, qui habetur ad finem tomi tertij, suorum operum pag. mihi 531. his verbis: Omnes, quales sumus, sive prædestinati, sive præsciti, debemus conari ad bonam vitam perseverantem: Regula est Theologiæ, quod quando Deus ordinavit aliquem finem, ordinavit etiam media ad illum finem, sine quibus non potest venire ad illum finem. Etiam si non dixit, intelligitur dixisse, ut patet, quia si Rex facit aliquem gubernatorem, intelligit quod faciat iustitiam, etiam si non ponat in mandamento, &c. Nota, quomodo salvandi scribuntur in libro prædestinationis, scilicet, *Salvabitur Ioannes per innocentiam*, Petrus per pœnitentiam, &c. Ita quod non solum scribitur finis sive terminus, sed etiam via, sive



„ medium per quod, &c. Idem de præscitis, etsi Papa  
 „ facit Episcopum; intelligitur, quod sit Sacerdos,  
 „ etiam si non dixit. Idem in natura de pluvia per nu-  
 „ bes, &c. Ita de prædestinatione. Ideo ibi est triplex  
 „ defectus in illis, qui dicunt, *Quid me oportet operari?*  
 „ &c. Primo est ignorãtia, quia quando scribitur in li-  
 „ bro prædestinationis *Talis saluabitur*, ponitur etiam  
 „ via, & medium per quod, quia per humilitatem, vel  
 „ misericordiam, &c. Ideo respicere finem sine me-  
 „ dio, est ignorantia, & talis deficit dicendo: *Quid me*  
 „ *oportet laborare?* &c. Immo certe oportet operari: alio-  
 „ quin auferres vnã partem prædestinationis, scili-  
 „ cet viam, & medium per quod, &c. Ideo Gregor. 1.  
 „ Dialog. & ponitur 23. quæst. 4. cap. *Obtineri*: Ipsa  
 „ perennis regni prædestinatio ita est ab omnipoten-  
 „ te Deo disposita, vt ad hoc electi ex labore perue-  
 „ niant, quatenus postulando mereantur accipere,  
 „ quod eis omnipotens Deus ante sæcula disposuit  
 „ donare. Ideo si non vis ire ad infernum, remove  
 „ viam, & medium, nempe peccatum, & non ibis:  
 „ Esaiæ 3. *Vae impio in malum*. Secundus defectus, est  
 „ stultitia dicere; *Quid me oportet facere bonum?* &c.  
 „ Nota qualiter scit Deus omnia futura, scit si hodie  
 „ prandebis, sicut si salvaberis. Si dicis, quid me oportet  
 „ parare cibum pro prandio? &c. Nullus facit ar-  
 „ gumentum de prandio, & arguit de anima. Idem, si  
 „ est infirmus, quid me oportet vocare medium? quia  
 „ iam scit Deus, si ero curatus, &c. Si debes sanari, via  
 „ est per medicinas, &c. Item, scit Deus, si hoc anno  
 „ ha-

„ habebitis blandum (id est agrorum fructus) quid er-  
 „ go oportet arare? &c. Responsio: quia illa est via.  
 „ Item scit Deus, si Rex habebit victoriam de inimi-  
 „ cis, quid oportet habere gentes armorum? Respon-  
 „ sio: quia illa est via ad victoriam, &c. Tertius defe-  
 „ ctus est error maximus. Vnde negare Trinitatem,  
 „ error est contra vnum articulum solum, & sic de  
 „ alijs: sed dicere, quod prædestinati non debent fa-  
 „ cere bona opera, est error contra omnes articulos,  
 „ quos destruit: v. g. quare Deus voluit incarnari?  
 „ Respondeo, vt homines ascenderent in Cælum. Et  
 „ numquid sciebat Deus, an homines saluarentur.  
 „ Quid oportebat ipsum incarnari? Et sic de alijs. Item  
 „ de quo seruit fides, Baptismus? &c. Quia ante ista  
 „ Deus sciebat, qui essent saluandi, &c. Magnus est  
 „ error sumere finem sine medio. Modo ergo finalis  
 „ conclusio est, vt dicit thema, *Manete in me*, scilicet  
 „ per bonam vitam, *et ego in vobis* per gratiam. Ideo  
 „ 2. Pet. 1. Fratres satagite vt per bona opera certam  
 „ vestram vocationem, & electionem faciatis: Hæc  
 „ enim facientes non peccabitis aliquando. Sic enim  
 „ abundanter ministrabitur vobis introitus in æter-  
 „ num regnum Domini, & Salvatoris nostri Iesu-  
 „ Christi. Hactenus Sanctus Vincentius.

Est ergo stulta illa responsio Mahumetanorum,  
*Vel Deus statuit vt ego sim Christianus, vel non, &c.* Deus  
 enim statuit vt tu sis Christianus, si tu volueris admit-  
 tere doctrinam fidei, illamque audire, & expendere:  
 statuit, vt sis Christianus, si auferas impedimenta fidei

Christianæ, nempe pluralitatem vxorum, & ritus Mahumetanos: & vult vt admittas doctrinam fidei, quia in hunc finem sua admirabili providentia disposuit, vt captivus traheris ad terras Christianorum, & vt tibi fides vera anuntiaretur: in hunc finem sæpè internè te vocat, vt iugum Christi suscipias. Deus non trahit homines ad fidem necessitando, sed suadendo, & alliciendo: tibi autem suadet, vt Christianus fias; quia tibi proponit rationes efficaciter persuadentes, Fidem Christi esse veram, & sectam Mahumeti esse falsam: & voluntas manifesta Dei est, quod homines deserant fidem falsam & amplectantur veram: sicut voluntas Dei est, quod homines non furentur, non mæchentur, non iniuria afficiant proximos. Vnde sicut stultum esset dicere: *Si Deus vellet vt ego non furarer, ego furtum non fecissem*: ita stultum est dicere, si voluntas Dei esset, vt ego Christianus sim, ego Christianus fierem. Constat enim homines per Dei voluntatem non semper efficaciter trahi ad id quod Deus vult, quia voluntas Dei est, vt homines à vitijs absterneant, & virtutem sectentur, & tamen frequenter à vitijs non absterneant, nec virtutem sectantur. Et ratio est, quia Deus vult vt homines hæc opera liberè exerceant, illosque relinquit in manu consilij sui, & ideo ipsi sæpissimè Dei voluntati resistunt, sicut Stephanus dixit Iudæis: *Vos semper Spiritui Sancto resistitis*. Vnde sicut stultè responderet Maurus fur, & adulter, si interroganti: *Quando desines furari & adulterari?* Responderet: *Quando Deus voluerit*. Ita stulte mihi interro-



gianti : *Quando conuertendus est ?* Respondes : *Quando Deus voluerit.* Iam enim Deus vult , vt convertaris ad Christum : & suam voluntatem tibi exponit per lumen rationis , quo cognoscis sectam Mahumetanam esse falsam , & Religionem Christianam esse veram : Deus tamen te non cogit , neque tibi necessitatem infert ; quia vult vt convertaris liberè & cum merito ; tu autem huic voluntati Dei resistis , cum non vis relinquere sectam Mahumetanam ; sicut resistis voluntati Dei , dum non vis deferere vitia.

Quomodo autem scientia & prædestinatio Dei libertatem non tollat creaturæ aptè explicabo hac similitudine , qua vtitur S. Vincentius Ferrerius in sermone illo de prædestinatione. Existit speculator in alta turri , vnde intuetur duas vias , & exitus illarum ; alteram initio asperam , sed securam ; alterum initio delectabilem & planam , sed periculofam & latronibus plenam : ex illa specula detegit , eos , qui tendunt per viam delectabilem & planam , quæ à sinistris est , tandem cadere in quoddam præcipitium : eos vero , qui tendunt per viam initio asperam , quæ est à dextris , tandem pervenire ad locum fœlicitate plenum. Desiderans vero , vt viatores omnes perueniant ad locum illum fœlicem , clamat è turri , Amici , viatores , deserite viam sinistram , & carpite dextram : quia sinistra , quæ delectabilis & plana est , ducit ad præcipitium & mortem ; dextra vero , quamvis aspera appareat , ducit ad locum fœlicem. Plerique vero ex viatoribus sinistram ingrediuntur , quia delectabilis & plana , & per  
illam

illam gradiuntur: speculator vero ex altitudine turris intuetur eorum præcipitium. An in hoc casu visio speculatoris detegentis præcipitationem & perditionem eorum, qui gradiuntur per viam sinistram, est causa cur illi præciperentur? minimè. Neque enim ideo illi præcipitantur, quia speculator videt; sed potius speculator videt, quia illi præcipitantur. Vnde potius illi sua voluntaria præcipitatione sunt causa, quod speculator videat, & non è conuerso. Nec illa speculatoris visio illis libertatem adimit, sed qui præcipitantur, libere præcipitantur, & quia volunt: quia si viam dextram carperent, & illi insisterent, efficerent, vt speculator videret oppositum.

Sic ergo res se habet in nostro casu. Existit Deus in alta suæ æternitatis specula, vnde omnia tanquam præsentia despicit quæ in tempore sunt. Duæ sunt viæ, altera spatiosa & lata, quæ ducit ad perditionem: altera aspera, quæ ducit ad vitam. Clamat Deus per os Prophetarum, & Apostolorum, & per internas inspirationes: *Hæc est via, ambulate in ea, & non declinetis neque ad dexteram neque ad sinistram.* Isai. 30. 21. id est neque amore prosperitatis temporalis, neque timore aduersitatis deseratis viam rectam mandatorum Dei, quæ ducit ad vitam: omnibus hominibus præstat auxilia necessaria ad ambulandum per viam rectam, sed illi ob difficultatem viæ huius, arripiunt viam latam, per quam tendunt ad perditionem. Deus ex alta specula æternitatis infœlicem eorum exitum prospicit: & tamen hac sua scientia non est causa cur ipsi pereant:

neque enim ideo illi præcipitantur, quia Deus videt,  
 sed potius ideo Deus videt, quia illi præcipitantur. Vt  
 enim inquit Hieronymus in caput 26. Hieremiæ,  
 non quia Deus scit futurum aliquid, idcirco futu-  
 rum est; sed quia futurum est, nouit Deus, qui præ-  
 scius futurorum. Et ut ait Origenes lib. 7. in Epistol.  
 ad Romanos explicans illud, quos præsciuit: Non  
 propterea erit aliquid, quia id scit Deus futurum;  
 sed quia futurum est scitur à Deo antequam fiat.  
 Et ut loquitur Damascenus in Dialogo contra Mani-  
 chæos pag. 562. Prævidens Deus ea, quæ à nobis  
 sponte futura erant; videlicet, quæ in nostra sunt  
 potestate, virtutem dico & vitium, prædestinat ea,  
 quæ non sunt in nostra potestate. Præscientia Dei  
 vera est, & aliter quam ipsa habet, res fieri nequit;  
 sed ipsa non est causa, cur quod futurum est, omni-  
 no fiat; sed quia hoc vel illud facturi sumus, ideo  
 prænoscit: prænoscit autem multa, quæ ipsi non  
 placent, sed horum causa non est. Et ut ait Augusti-  
 nus lib. 5. de civitate cap. 10. Neque enim ideo pec-  
 cat homo, quia Deus illum peccaturum præsciuit;  
 imò ideo non dubitatur ipsum peccare, cum pec-  
 cat, quia ille, cuius præscientia falli non potest, ip-  
 sum peccaturum esse præscivit; qui si nolit, omnino  
 non peccat: sed si peccare noluerit, etiam hoc ille  
 præsciuit. Et ita loquuntur alij Patres apud Fasolum  
 tom. 2. pag. 47. & apud Lessium in opusculo de gratia  
 efficaci cap. 3.

En ergo apertissimam rationem, cur prædestinatio



diuina licet infallibilis sit, non auferat nostram libertatem: quia prædestinatio secundum Augustinum nihil aliud est, quam *præscientia & preparati beneficiorum Dei*, quibus certissime liberantur quicumque liberantur; ac proinde duo includit, nempe voluntatem diuinam conferentem ea beneficia & dona, quibus homines de facto liberantur ab æterno interitu, & vitam consequuntur æternam: & præscientiam, per quam Deus videt, quod homines illis donis & beneficijs bene vsuri sunt. Ex ijs duobus primum nequit auferre libertatem, quia Deus dat auxilia, & dona præuenientia, quæ necessitatem non inferunt, sed talis sunt naturæ vt eis possit voluntas creata *dissentire si velit, eaque abijcere*, vt definit Tridentinum: vel *illis resistere*, vt definit Senonense Concilium: præscientia autem Dei, qua præuidet arbitrium creatum bene vsurum illis donis, nequit officere libertati, quia non est causa nostri operis, sed potius nostrum opus est quasi causa illius præscientiæ. Neque enim ideo homo rectè operabitur, & perseverabit in bono, quia Deus scit; sed è contra ideo Deus scit, quia homo sic perseverabit.

## CAPVT XXXII.

*Demonstratur Alcoranum non esse testimonium Dei,  
quia fabulis ridiculis plenum est.*

**A**SSVMPTVM probatur primo, ex dictis in toto capite præcedenti. Secundo, ex dictis cap.

cap. 1. pagin. 372. Tertio ; quia teste Ioanne Andræa cap. 8. sui libri , Mahumetus in Alcorano lib. 2. cap. 11. narrat, sibi Almedinæ commoranti apparuisse Angelum Gabrielem septuaginta alarum paribus , secumque adduxisse brutum quodam niue candidius, nomine *Alborach*, & iussisse, vt in illud conscenderet, brutum vero equitem admittere noluisse, nisi facta prius sponsione, quod ipsum in paradysum esset adducturus; Mahumerum vero ita spōdisse; & sic equum illum se facilem præbuisse; & confestim conscendisse; & Angelo dextrante peruenisse citissime in Templum Sanctum Hierusalem ; & ibi in occursum eius processisse Prophetas omnes, illumque tanquam maximum Dei Prophetam salutasse, ad fores autem Templi appositam esse scalam, quæ cælum contingebat: & per eam conscendisse ad primum cælum, & post illud alios sex penetrasse; primum cælum esse argenteum, secundum aureum, tertium, quartum, quintum, & sextum ex varijs lapidibus pretiosis, septimum vero lucis; in primo cælo stellas suspensas esse ex catenis aureis, & maximam illarum esse sicut montem, qui iuxta Almedinam extat. In primo cælo inuenisse Adamum, qui eum arctè complexus est, & gratias Deo egit, quia talem filium ei donare dignatus est: in secundo inuenisse Noe: in tertio Abrahamum: in quarto Iosephum: in quinto Moysem: in sexto Ioannē Baptistam: in septimo Christum. In omnibus his cælis affirmat se vidisse varios Angelos diuersis muneribus destinatos: sed specialiter narrat, se in septimo

cœlo vidisse Angelum, qui septuaginta millia capita habebat; & in singulis capitibus septuaginta mille linguas, & singulis linguis septuaginta mille voces formabat; quibus Deum laudaret.

Deinde dicit, manente Angelo comite in septimo cœlo, se sine socio ad octavum cœlum ascendisse, & immensæ altitudinis iuga superasse, & inuenisse nives, & pluvias, & iam præ nimio frigore pene defecisse; tunc vero audisse vocem dicentem sibi: *Amplius appropinqua Mahomete, & creatorem tuum saluta*: hac autem voce confortatum prope Tronum Dei ascendisse, Deum vero manum suam super humeros eius posuisse, illam vero ita frigidam fuisse, ut præ nimio frigore eius contactum vix ferre posset. Hic Deum magna ipsi secreta manifestasse, & præcepta dedisse. Postea rediisse ad septimum cœlum, & Angelum, qui eum comitabatur eum duxisse ad videndum paradysum, quem Deus Mauris præparauerat. Hæc deliria referre sufficiat, quia illa quivis poterit impugnare.

Quarto, teste eodem Ioanne Andræa in capite 5. sui libri 1. Mahumetus lib. 3. cap. 9. (secundum Alcoranum, qui legitur sine distinctione librorum, est caput 36.) narrat Salomonem cum exercitibus suis tum Dæmonum, tum hominum, tum avium peruenisse proprè *fluvium formicarum*. Et cum adhuc per leucam distaret, audiuisse vocem cuiusdam formicæ, quæ cæteris præcipiebat ut se reciperent in antra sua, ne conculcarentur ab exercitu Salomonis. Et in illo



illo itinere locutum fuisse cum vpupa, quæ illi multa dixit de Regina Sabà, & cum vpupa illa epistolam misisse ad Reginam. Cum vero scivisset, Reginam Sabà in occursum ipsius à sua curia iam processisse, Dæmonem coegisse, vt palatium ipsum Reginae Sabà in ictu oculi illuc transportaret: idque Dæmonem præstitisse; atque ita Reginam à Salomone in suo ipsius palatio fuisse exceptam, & propterea potentiam Salomonis fuisse admiratam.

Quinto, lib. 3. Alcorani cap. 14. (teste Ioanne Andrea) affirmat, quod Salomon habebat plures Dæmones in ergastulo catenis & compedibus ligatos: & cum morti appropinquavit præcepit, vt cadaver suum vnguentis condirent, & medicaminibus præservatum in Sella Regia collocarent, vt quasi vivus timeretur. Ita vero fuit executioni mandatum. Cæterum in ipsius dextera virga apposita est, cuius extremitas terræ infixæ erat: à qua egrediens vermis virgam corrossit; & sic Salomon in terram corruit; & hoc pacto Dæmones cognoverunt, eum esse mortuum, & sic à pœnis liberati sunt.

Et cap. 43. Alcorani in persona Dei sic loquitur:  
 „ Davidi diuitias abundanter contulimus, & montes  
 „ ac aves illi parere fecimus: ferrumque moliri præcepimus: ipsum quoque locustas bonas ex inde texere iussimus. Salomoni quoque ventos, & pluvias  
 „ vespere, ac mane parere fecimus, suæque manui mineralia auri & Diabolos, opifices, vt illi pro vello  
 „ suo aras & imagines, & paropsideas, ac amphoras

5, fabricarent subiecerimus. Hæc tamen fabulosa esse facile constabit legenti libros Regum, & Paralipomenon.

Item cap. 47. hæc habet: *Pharao iussit sibi edificium usque ad celestium attactum portarum parari, ut sic Moyses Deum conspiceret.* Hæc & alia multa fabulosa habet in; Alcorano, quæ libens omitto. Duas tamen historias vel potius ridiculas fabulas præterire non possum, quas Mahumetus scriptas reliquit, in responsione ad quasdam quæstiones, quas illi proposuerunt tres Rabini Iudæorum, de quibus supra mentionem feci cap. 1. pag. 375. Inter has quæstiones una fuit, cur sepulchrum Moysis ignoretur? Ut huic responderet, sequentem fabulam composuit, & ijs verbis recitavit: Moyses cum solus per desertum vagaretur, forte sepulchrum apertum vacuumque invenit recte ad quantitatem suam effosum: quod admirans cepit ad propriam staturam metiri. Interea Angelus mortis venit ad interficiendum Moysen. Quem cum cognovisset Moyses, quæsit: ad quid venisti? Respondit: Missus sum pro anima tua. Cui Moyses, quomodo ergo putas eam eripere? Per os enim non poteris, quo locutus sum cum Domino: neque per aures, quibus vocem Dei audiui: neque per oculos, quibus faciem Dei vidi: neque per manus, quibus donum Dei recepi: neque per pedes, quibus montem Sinai ascendi. His auditis abiit Angelus Domini, formaque mutata, attulit pomum de paradyso, quod cum olfaciendo porrigeret, recepit Moyses;

cumque naribus apponeret, accipuit eum Angelus  
 per nates, per quas tanquam coniungens, animam  
 seius extorsit; quo facto, mansit corpus eius in se-  
 pulchro nunquam reperto. Planissime est hæc ridicu-  
 la, & fabulosa esse. Veritas constat ex capite ultimo  
 Deuteronomij. Alia quaestio, seu interrogatio fuit:  
 cur caro porcina edi non debeat. Vnde interrogat-  
 ioni satisfaceret Mahumetus sequentem fabulam  
 contexit: Iesus Christus (inquit) dum rogaretur à  
 Discipulis, ut modum arcæ Noe, habitumque su-  
 perstitis in eo generis humani exponeret, rogantes  
 audiens, formulam ex luto inter manus suas confe-  
 ctam proiecit humi, & ait surge in nomine patris  
 mei, & surrexit homo canus: cui Christus: tu quis  
 es? Respondit: Ego sum Iaphet filius Noe. Cui Iesus  
 ita ne canus mortuus es? Respondit: Nequaquam,  
 sed in hac ipsa hora putans me ad diem iudicij sur-  
 gere, metu canus effectus sum. Præcepit ergo Iesus  
 Iaphet, ut omnem historiam arcæ Discipulis rogan-  
 tibus exponeret. Tunc ille rem omnem à primor-  
 dio narrans, pervenit ad locum ubi cum domus se-  
 cessus pondere, inquit, egestionis arcæ minime suadet,  
 & timuimus valde. Consultum itaque Pater Noster Deū:  
 cui Deus; adducit inquit, elephancem, & xeræ post-  
 riora dorsu eius super locum, & fecit sic. At ubi ele-  
 phas summum suum hominum egestionem iniiecit, surre-  
 xit sus grandis: quæ cum massam omnem disperde-  
 ret conceptum insuetis naribus edidit murem: qui  
 cum tabulas roderet, consulto Domino, percussit



„ Pater Noe id illico leonem in fronte : percussus leo  
 „ concitus, flamine anxio catum naribus eiecit. Satis  
 „ ne ergo videtur causæ Abdia, vitandi animal im-  
 „ mundum? Hucusque Mahumetus; qui similes fabu-  
 las, & ineptias adhibuit in responsione ad multas alias  
 interrogationes, quas Iudæus Abdias, & alij duo Ra-  
 bini ei proposuerunt.

## CAPVT XXXIII.

*Ostenditur legem Mahumeti non esse à Deo, quia lex Domi-  
 ni conuertens animas, à quo procul abest  
 lex Mahumeti.*

**C**VM finis legis Dei sit animas ad Deum ducere,  
 & veram sanctitatem procurare, qua anima  
 coniungitur Deo, illique placet; nequit esse lex divi-  
 na illa, quæ vitia non cohibet, & virtutes promouet, &  
 media ad generandam veram sanctitatem non habet.  
 Talem autem esse legem Mahumeti, facile est proba-  
 re ex dictis; cum illa proponat tanquam articulos fi-  
 dei, & veritates salutares mille errores; & præcipiat,  
 vel consulat, vel saltem vt licita permittat multa fœda  
 & illicita; & hominum corda sursum non eleuet, sed  
 potius rebus terrenis, & delectationibus corporis, &  
 bonis sensibilibus immergat. Sed nunc breuiter hoc  
 ipsum ostendendum est, tum à posteriori, tum à prio-  
 ri. A posteriori quidem, quia nullus fuit vnquam in-  
 ter Mahumetanos homo verè sanctus, cuius sanctita-

tem Deus mundo ostenderit per signa illa & virtutes, quibus in Ecclesia Christi in omni sæculo Deus multorum sanctitatem ostendit, tam virorum, quam foeminarum. Hoc assumptum Christi prædicator amplificare poterit in medium producendo ea quæ sincerissime & verissime narrat Fr. Antonius del Castillo è Seraphica Familia, qui inter Turcas diu versatus est, in suo *deuoto peregrino*, seu *itinerario Hierosolymitano* lib. 3. cap. 6. vbi describit vitam & mores eorum, quos Turcæ vt sanctos venerantur, & *Morabitos*, *Turlacos*, vel *Truncos* appellant.

CAPVT XXXIV.

*Quales sint Mahumetanorum sancti.*

**E**ST doctrina inter Mahumetanos recepta, homines ieiunando, eleemosinas largitudo, à delectationibus carnis abstinendo, & pœnitentiam agendo initio vitæ suæ, tandem acquirere naturam Angelicam, & impecabiles reddi, & in præmium vitæ anteaetæ posse iam quidquid libuerit deinceps facere, & quancunque delectationem capere. Audiamus Thomam Bocium tom. 1. de signis Ecclesiæ lib. duodecimo cap. 20. pag. mihi 543. vbi hæc scribit: Est inter Turcas quorundam, qui religiosissimi habentur, secta. Vocantur hi Turlachi. Mos est istis palam per obscœnitatem spurcissimam coire cum quibusvis, ipsis etiam belluis, præcipue vero cum asinabus, qui-

bus ipsi vehantur: & quo fidentius hæc ij. perpetrarint, eo sanctiores existimantur. Id ego, si in vno, aut altero scriptore legissem, nullo modo inducere in animum possem, vt crederem: sed omnes, qui Turcarum mores laus deſcribunt, id constantissime affirmant, in his Ioannes Antonius Menauinus Genuëſis, Theodorus Spanduginus Cantacuzenus, Bellonus Gallus, Ioannes Leo Africanius; qui quidem è Mahumetano-  
rum sanguine ortus Mahumetique diu addictus, cum fuisset à noſtris captus, Romanque Leone X. Seden-  
te adductus, Christo se dedit, & Africæ deſcriptionem; moresque ſuæ Gentis proprio libro diligentissime notatos nobis reliquit. Adiecit hæc aliud longe obſcœniſſimum, ſolitos huiusmodi homines, vbi eos impetus libidinis arripuerit, violatæ mulierẽs obvias, quas poſuerint in medijs vijs, niſi obſtiterint illæ, præ naturalis; qui reliquus eſt humanæ menti, pudore. Quod verò eſt inſaniſſimæ mentis, & ad præſens argumentum ſpectat tanta ſuperſtitione, defixi populi tenentur, vt credant, hos homines diuiniſſimos, mulieres vero, quæ compreſſæ fuerint ab iſtis, ex hoc facto quali conſecratas, ac ſanctiores effectas. Secundum ſit illud. Siquis inter Mahumetanos, ac præcipue Turcas, inciderit in amentiam, ac mentis ſtuporem, pro ſancto habetur, & honore præcipuo, cœleſtique acunëtis colitur, quamuis fui ioſos ipſi conſtringant, & cadant. Refert idem Ioannes Leo, à Rege Tunetæ ex ædificatas fuiſſe non ignobiles ædes, bonaque assignata ſatis opulenta ſtupido cuidam, vnde aleban-



tur illius sectatores, & cognati multi. Ex his indicare possumus reliqua istorum. Qui vult legere, fidenda multa ad hoc pertinentia, videat itinerarium Ludouici Barthenæ cap. 5. & seq. lib. 2. Addit Ioannes Leo Africanus lib. 3. Historiæ Africanæ cap. 43. se vidisse vnum ex his Morabitis, seu Tarlachis publicè aggredi in platea Babylonix, seu Cayri foeminam nobilem egr:edientem ex balneo, & cum illa coram omnibus coivisse: peracto autem turpissimo concubitu, statim certatim omnes confluisse ad tangendas in venerationis signum vestes illius foeminæ, quas iam sacras arbitrabantur; maritum vero illius, re cognita, mille gratias egisse Deo ob foelicem sortem suam: & ad manifestandam cordis sui lætitiā publicum parasse convivium, fortunatum se existimans, quia Propheta Mahumerus sub specie delectationis capiendæ vxorem suā diuinis voluit sanctificare fauoribus. Idenque testatur Fr. Antonius del Castillo. Persuasum enim habent cæci isti homines Prophetam Mahumetum hos turpissimos congressus inspirare illis Morabitis, vt quasi nomine illius, & personam ipsius agentes commisceantur foeminis, vt illis ipsarumque domui insignia conferat beneficia: & hinc oritur, quod mulieres illas à Morabitis cognitas vt rem sacram, & à Mahumeto sanctificatam venerentur.

Quis non videat, turpissimam, & abominandam esse legem, quæ tales fructus producit, animasque non ad Deum convertere, sed in bestias transformare.

Conferat hic Christi prædicator puritatem Religio-  
 nii Christianæ cum hac impuritate : & in medium  
 proferat vitam & gesta eorum, quos Sancta Ecclesia,  
 vt Sanctos colit: discurrat per singula sæcula, & bre-  
 viter enumeret celebriores sanctos, qui in singuli flo-  
 ruerunt, vt Mahumerani oculos aperiant, & lucem  
 veritatis videant. Vt autem præ oculis habeat sanctos  
 famosiore, qui singulis sæculis floruerunt, legat Car-  
 dinalem Bellarminum in tomo concionum scilicet. 6. de fi-  
 de, vbi breuiter & dilucidè eos proponit : & Patrem  
 Franciscum Aias nostræ Societatis tom. 1. de Imit-  
 tat. Christi, tract. 5. à cap. 23. vsque ad 37. vbi copiosè  
 & eruditè rem tractat.

## CAPVT XXXV.

*Offenditur legem Mahumeticam carere medijs perueniendi ad  
 sanctitatem. Et primò de Maurorum  
 Zalà, seu oratione.*

**M**IRVM non est, quod lex ista homines non du-  
 cat ad sanctitatem, quia cum sanctitas à Deo  
 prouenire debeat medijs instrumentis ab ipso desig-  
 natis, & ad generandam sanctitatem aptis, eiusmodi  
 instrumentis carent. Vniuersale instrumentum est  
 oratio, & obsecratio (qua à Deo aliquid petimus ob  
 eius misericordiam, & ob Christi merita) vt enim in-  
 quit Chrysostomus lib. 1. de orando Deo, *Oratio est*  
*instar clauis cuiusdam, per quam omnes Dei thesau-*

ros possumus aperire, & ex illis accipere quidquid nobis commodum videtur ad æternam salutem consequendam. Et ideo Christus Matth. 7. & Luc. 12. ad orationem homines hortatur dicens: Et ego dico vobis petite & dabitur vobis: quærite & inuenietis: pulsate & aperietur vobis: omnis enim qui petit, accipit & qui quærit inuenit, & pulsanti aperietur. Quod Christus explicat similitudine ab humanis ducta: Si enim vos, cum sitis mali, nostis bona data (quæ non à vobis habetis, sed aliunde accepistis) dare filiis vestris, quanto magis Pater vester de cælo dabit spiritum bonum petentibus se.

Hoc instrumento vniuersali ad omnia saluti opportuna faciliè obtinenda carent Mahumetani: etsi enim sæpe repetant formulam orandi, quam *Zalà* vocant, in ea nihil petunt: dicunt enim solum hæc verba: *Deus magnus est, & Mahumetus à dextris Dei existit. Benedictus sit Deus.* Quæ verba cum magnis cæremonijs proferunt, quodcumque faciunt *Zalà*. Faciem enim versus meridiem vertunt, vt testatur S. Petrus Paschasius num. 84. & iam oculos in cælum attollunt, iam caput vsque ad terram demittunt; oculos utraque manu abstergendo, & quasi lingendo, & maxillas contrectando. Quinquies autem in die faciunt hanc orationem, sen *Zalà*; nimirum 1. prima aurora: 2. *meridie*: 3. quasi hora quarta post meridiem: 4. cum sol occidit: 5. hora & dimidia à prima nocte. Habent etiam sua rosaria satis longa, quæ nimirum centum globulis constant; quæ percurrunt, & in singulis glo-



bulis hæc tantum dicunt, verba, *Bismila*, idest, *nomen Dei*. Et hæc rosaria recitare, sæpe repetendo illam vocem, *Bismila*, seu *nomen Dei*, esse existimant magnum suffragium ad extrahendas animas defunctorum ab inferno. Conferat Christi prædicator hanc formulam orandi cum formula orandi, qua Christiani utuntur, dum orationem Dominicam, & salutationem Angelicam proferunt; & exponat petitiones septem, quam Pater noster continet, & preces, quas continet *Salve Regina*; atque laudes B. Virginis, quas continet salutio Angelica, & salutarem petitionem: ut Mahumetani hæc inter se comparantes, veritatem agnoscant.

## CAP V T XXXVI.

*De Mahumetanorum lotionibus, & lauacris.*

**M**AHUMETVS in Alcorano cap. 12. hæc habet: Viri boni cum oratum surrexeritis facies vestras, ac manus & brachia vsque ad cubitum, & pedes vsque ad tibias abluere, & capillos reuolvendo abstergere, & post coitum mulierum, vos balnari oportet. Infirmi autem & in itinere positi, ab egestu, aut mulierum coitu venientes, & aquam minimè reperientes, facies suas, & manus terræ mundæ pulvere tergant: Deus namque vestram mundiciam diligit. Idem repetit cap. 9. his verbis: Post coitum, & egestionem, & antequam orent, abluantur, &c. Et si aqua non adsit, terræ mundæ pul-

„pulvere, quasi aqua terendo mudentur. Verum  
 hæc vana & superstitiosa esse, & à perfidis Iudæis de-  
 sumpta, facile est probare. Deus enim mundiciem in-  
 teriorem animæ præcipue quærit, & hanc præcipit.  
 Anima autem non inquiritur egestione, quæ opus  
 naturale est, neque coitum cum vxore legitima, quando  
 vxoratus ad consortem accedit ex desiderio prolis ad  
 obsequium Dei educandæ, vel ex fine honesto red-  
 dendi debitum, vel se liberandi à periculo incontinen-  
 tiæ: ergo superstitiose tunc præcipitur lotio illa. Si  
 autem coitus sit illicitus, macula, quam anima ex illo  
 opere contraxit, non ablutione exteriori corporis, sed  
 animi contritione, & veniæ petitione, & feruenti ora-  
 „tione ad Deum fusâ, obtinenda est. Vnde Christus  
 „Matth. 15. 19. De corde exeunt cogitationes malæ,  
 „homicidia, adulteria, fornicationes, furta, falsa testi-  
 „monia, blasphemæ. Hæc sunt, quæ coinquinant ho-  
 „minem: non lotis autem manibus manducare, non  
 „coinquinat hominem. Quod à Iudæis illas ablutio-  
 nes sumplerit Mahumetus, probari potest: nam vt  
 „Marcus testatur cap. 7. 3. Pharisei & omnes Iudæi,  
 „nisi crebro laverint manus non manducant, & tenen-  
 „tes traditionem seniorum. Et à foro (scilicet ve-  
 „nientes) nisi baptizentur non comedunt: & alia  
 „multa sunt, quæ tradita sunt illis servare, baptisma-  
 „ta calicum, & vrceorum, & paramentorum, & le-  
 „ctorum, in quibus scilicet ad mensas accumbe-  
 „bant. Quia enim in foro omne genus hominum ver-  
 sabatur, Iudæi, & Gentiles, mundi, & immundi; cum-

## CAPVT XXXVII.

*De Mahumetanorum ieiunio.*

**M**Ahumetus in Alcorano capite secundo ita loquitur: Tota die ieiunate, nocte ieiunium solvite, & tunc comedentes & bibentes quantum libuerit, ferè vsque ad principium horæ, quæ solis ortum antecedit. Sanctus Petrus Paschasius, num. 85. de hoc ieiunio loquens, inquit: Mauri statim ac dies lucefcere cœpit ieiunare incipiunt, & nihil comedunt, neque bibunt, neque cum mulieribus coeunt; sed post solis occasum, cum nox iam suas tenebras super terram fundere cœpit, comedunt, & bibunt, & cum mulieribus coeunt.

Habent autem ieiunium continuatum per integrum mensem lunarem, quod *Ramadân* appellant. Non habet vero fixam anni stationem, sed iam vno, iam alio tempore incidit: & sæpè incidit in æstate, quando menses colliguntur: tantoque rigore illud observant, vt quamvis siti pereant, nec fauces quidem aqua humectare liceat, quia si aliquis deprehenderetur ieiunium solvisse, illicò suspenderetur.

Hoc tamen ieiunandi præceptum à Deo non esse, neque aptum disponere homines ad sanctitatem; nec ex temperantia, sed ex superstitione procedere; facillè probatur; vt enim testantur Spanduginus, Cambinus, Nicolaus è Nicolais, ac Petrus Bellonus

apud



apud Bocium, tom. 1. de signis Ecclesiæ, signo 46. cap. 3. cum Turcæ hæc ieiunia agunt, licet vsque ad noctem cibum non gustent, tamen ubi advesperascit, sic insatiabili aviditate corripuntur, ut totas noctes vorando, & bibendo consummant. Et ut scribunt viri Religiosi qui diu inter Mauros captivi detenti sunt, postquam Mauri initio noctis voracissimè comedunt, siue ex piscibus, siue ex carnibus, & cubitum eunt; media nocte procedit per vi-  
cos homo, quasi publicus præco clavam gerens, qui fores percutiens alta voce clamat: *Surgite. Mauri ad comedendum, & bibendum, & gignendos filios contra Christianos.*

Et sanè cum naturalis ratio dicter, ut de cibo & potu non plus sumatur quàm utile sit naturæ ac expediens animæ ad bene agendum; & tota penè nocte ad libitum epulari valde gravet naturam; & animam impediat ab exercitijs virtuosis; lex ita comedendi post ieiunium est divinæ atque naturali legi contraria. Secundo, quia cum lex divina iubeat, ut sensualitas reprimatur, & sub rationis dominio servetur; nequit esse à Deo lex, quæ consulit, vel saltem tamquam licitum permittit torhoris ad libitum comedere, & bibere, & sensualitati frænas laxare. Tertio, quia cum finis ieiunij sit vitia comprimere, passiōes frænare, pro culpis præteritis satisfacere, mentem elevare, & ad contemplationem divinorum disponere, nequit Deum habere Authorem lex illa quæ post ieiunium licentiam præbet so-

ingurgitandi per totam noctem : quia hoc ipso ea admittit, quæ impediunt omnia illa bona, quæ per ieiunium intenduntur.

Conferat Christi prædicator hoc ieiunium cum ieiunio Christianorum, & illam Mahumeti doctrinam cum doctrina Christi, sic præcipientis, Luc. 21. *Videte ne graventur corda vestra crapula, vel ebriotate, aut curis huius sæculi.* Et Luc. 6. *Vae vobis, qui saturati estis, quia esurietis.* Et cum doctrina Petri Epistola 1. cap. 2. sic monentis : *Charissimi, abstinete vos à carnalibus desiderijs, quæ militant adversus animam.* Et Pauli, Roman. 8. dicentis : *Si secundum carnem vixeritis, moriemini; si autem spiritu facta carnis mortificaveritis, vivetis.*

CAPITULUM XXXVIII.

Concluditur ex dictis, quam impudenter Mahumetus dixerit, suam legem esse supra omnes.

**I**N cap. 18. Alcorani sic legitur : *Nuncium suum, videlicet Mahumetum, cum via recta, legoque bona Deus misit, ut ipsam manifestet, & super omnes leges extollat.* Verum hoc esse mendacium impudenter confictum à Mahumeto, constat evidenter ex dictis in toto capite præcedenti : & ex dictis in his postremis capitibus constat nullam ex conditionibus legis Domini convenire legi Mahometi. Hic Christi prædicator facile potest probare, omnes proprietates legis

gis Dei, convenire cum summa perfectione legi  
Christianorum.

## CAPVT XXXIX.

*Quamvis Mahumetus in Alcorano dicat, sibi non esse da-  
tam à Deo potestatem faciendi miracula: tamen  
aliqua testibus carentia in sui commen-  
dationem finxit.*

**I**N capite 15. Alcorani introducitur Deus sic lo-  
quens cum Mahumeto: Tu nequaquam ad  
incredulos cum manifestis Dei miraculis venies,  
quoniam ea velut otiosa atque contraria reputa-  
rent: Nisi sciremus, eos tibi non credituros, sicut  
nec alijs crediderunt, daremus tibi signa atque  
prodigia. Increduli licet omnes virtutes, omnia  
que Dei viderent miracula, numquam nisi tecum  
disputatione facta crederent: cum dicant hæc ne-  
quaquam fieri nisi per prævias incantationes.  
Hæc astutè confixit Mahumetus, ut declinaret igno-  
miniam, & dedecus, quod ex publica obmurmura-  
tione Iudæorum contra ipsum, resultare ipsi poterat  
apud sui sectatores: palam enim Iudæi obmurmu-  
rabant, Mahumetum non esse Prophetam, quia non  
habebat potestatem faciendi miracula, ut diximus,  
cap. 1. pag. 12.

Ut æstimationem tamen apud suos lucraretur ali-  
qua de se confixit, quæ refert Ioannes Andreas, cap.



70. sui operis contra Aleoratum: ne tamen de falsitate convinceretur, ea confinxit quæ testes non habuerunt, vel quæ coram testibus iam mortuis narrabat facta.

I. Est illud de pectore sibi aperto, & guta nigra extracta: de quo supra cap. 5. pag. 393.

II. Quod cum esset septemdecim annorum, & camelos domini sui duceret, Deus miraculosè illum protexit nube ne à nimio solis ardore vreretur.


III. Quod illum in spelunca sæpe Angelus Gabriel visitaverit.

III. Quod ipsum redeuntem ex colloquio cum Angelo arbores, lapides, & aves salutabant.

V. Quod cum calore solis premeretur, vocavit arbores procul existentes, ut sibi umbram facerent; & illæ statim accurrerunt.

VI. Quod se iter agente, & in contemplatione Dei absorto, magnus truncus arboris per medium scissus est, ut pergenti viam præberet.

VII. Quod cum ab ipso patruus eius, & alij (qui iam obierant, quando hoc primum narravit) postularent, ut coram ipsis miraculum faceret, lunam divisit, ut habes supra cap. 16. pag. 502.



## CAPVT XXXX.

*Miracula, quæ de Mahumeto narrant Sarraceni.*

**H**Æc enumerat P. Cornelius á Lapide in Caput XIII. Apocalyps. pag. 218. Primum, quod sine dolore prodierit ex utero matris, circumcillus, & hilaris. Secundum, quod in eius natali omnia idola per totum orbem corruerint. Tertium, quod Lucifer arreptus ab Angelis, tunc immerſus ſit in profundum maris. Quartum, quod venti, aves, & nubes de eius educatione decertarint. Quintum, quod aſſina voce humana eum vocaverit *ſyggillum Prophetarum*. Sextum, quod nubes atra ſemper, etiam cælo ſereno, eius capiti incubuerit. Septimum, quod lunam bipartito diſiſam coniunxerit, & compegerit: hinc Turcæ venerantur lunam, illamque in vexillis caſtris præferunt. Octavum, quod Angelus ſit ei locutus. Nonum, quod arbor ſici ab eo evocata, ei ſe humiliter inclinaverit. Decimo, quod bos & agnus ei tamquam maximo inter nuncios Dei locuti ſint: Quo circa aſſerunt Mahumetis nomen fuiſſe ante mundi creationem in conſpectu Dei: & quod niſi fuiſſet, nequaquam mundum condidiſſet.

## LIBER SEXTVS.

## IN QVO TRADDITVR PRA-

xis conuertendi Mahumetanos petita ab experientia Authoris, & designantur themata

Concionum, & loca etiam ex

toto opere, quibus expleri  
possint.

## CAPVT PRIMVM.

*Quantum expediat publicas ad Mahumetanos  
Conciones habere.*



**I**N PRIMIS vtilissimum est publicas Conciones ad Mahumetanos habere in Urbibus, & oppidis, vbi illorum non est adeo exiguus numerus, vt sunt Malaca, Portus Sanctæ Mariæ, Gades, Hispalis, Xera, Calpe, S. Lucar de Barrameda, Velezmalaga, Granata, & alia oppida Bæticæ Provinciæ; item Martitum, & alia ciuitates maritimæ in Hispania prope mediterraneum. Harum concionum multiplex est fructus. i. Ipsorum Mahumetanorum conuersio, qui his sermonibus publicis non parum commouentur; vt



constat ex dictis in hoc tractatu : & sanè concurrente fidelium multitudine ad has conciones , ardens desiderium in ipsis excitatur de Mahumetanorum reductione, illamque à Deo enixe postulant , & sæpè obtinent.

Secundo , cum multi sint occulti Iudæi in magnis urbibus; ubi viget commercium, ut in ciuitatibus maritimis; & cum non possimus directè conciones in Hispania habere contra Iudæos , qui non nisi occulti & incogniti habitare in his regnis possunt; oportet ut hæ conciones contra Mahumetanos publicè habeantur ; nam ad illas venire non renuunt Iudæi; & saltem curiositate ducti confluunt. Et cum plurima ex argumentis, quæ contra Mahumetanos fiunt , militent contra perfidos Iudæos; vna opera omnes conuincuntur, & Christi minister sub titulo prædicandi Mahumetanis potest contra Iudæos discursus & argumenta dirigere. Et ita ego præstiti Hispali , & maximè optauì ut conciones istæ fierent in Ecclesia Cathedrali, vel propè illam, quia illuc sine nota, & sine incommodo concurrere poterant huiusmodi homines : inclementia tamen temporis coegit anno præterito 1679. Ut conciones incæptas ad ianuam Maioris templi, quæ meridiem respicit , prosequerer in Domo Professæ Societatis Iesu, in qua anno 1672. habitæ fuerant conciones illæ, in quibus 38. Mahumetani Baptismum petierunt.

Tertio, quia in magnis urbibus Indiarum commercio frequentatis degunt occulti non pauci hæretici,

vt Hispali, Gadibus, Malaca, & etiam Matrìto, qui libenter ad has conciones audiendas veniunt; & occasione arrepta potest Catholicus concionator aduersus illos sermonem conuertere, eosque argumentis premere. Id ego sæpè obseruari, præsertim quando impugnabam illum Mahumetanorum errorem, quod vnusquisque possit in sua lege saluari: tunc enim conuertere sermonem contra Sectarios Calvinistas, & Lutheranos fatentes esse salutem in Ecclesia Catholica Romana. Item quando recensentur notæ, quibus manifestè comprobatur, Ecclesiam Christi esse veram Dei Ecclesiam, & sectam Mahumetanam esse Sinagogam Satanæ, facile est discursum dirigere contra hæreticos; nam signa veræ Ecclesiæ Christi in sola Catholica, & Romana Ecclesia reperiuntur. Item cum ex deprauatis Mahumeti moribus, & ex contradictionibus Alcorani falsitas Mahumetanæ sectæ deregitur, idem argumentum torquetur contra Sectarios Lutheranos, & Calvinistas. Et ita ego præstiti Malacæ, Gadibus, & Hispali.

Quarto, istæ conciones vtilissimæ sunt ipsis Christianis Catholicis, vt in fide magis radicentur, & crescente fidei fervore, & viuacitate, crescant reliquæ virtutes. Et in oris maritimis, vnde quotidie Christiani à Mauris captiui abducuntur, est res ista maximè necessaria: quia plebei homines ignorantes motiva credibilitatis, quibus manifeste demonstratur, Religionem Christianam habere Deum Authorem, facile à Mahumetanis seducuntur, & à Christo deficiunt. Vn-

de Christiani Prædicatores deberent in ijs præcipuè locis populo expendere argumenta illa, quibus Christus suam diuinitatem probauit, & reliqua omnia, quæ in prima parte ego confeci. Utinam Oratores Christiani omisis discursibus alijs prorsus inutilibus, quos sæpe concionibus inserunt, quandoque populo Christiano exponerent argumenta illa, quibus euidentissimè demonstratur, Deum reuelasse mysteria Religionis Christianæ. Experientia me docuit, fideles, maximam consolationem accipere ab eiusmodi concionibus, & intimè commoueri ad agendas Deo gratias pro beneficio Fidei Christianæ, sine qua impossibile est Deo placere. Observaui ego non semel, aliquos fideles auditis ijs argumentis quibus probaui Christi Domini diuinitatem contra Mahumetanos, & Indæos lachrimas continere non potuisse ob redundantiam spiritualis consolationis, quæ eorum animus reficiebatur.

Certe cum in Domo Professæ Societatis Iesu Matritensi anno 1670. conciones publicas ad Mahumetanos primùm habuimus, tanta erat has conciones audiendi auiditas, vt necessarium fuerit fores templi, & domus prætoriæ cohorte cingere, vt aditus reservaretur Magnatibus, & Principibus fœminis. Et quamvis hæc diligentia prudenter præmissa fuerit; tamen multi Dynastæ vix potuerunt liberum ingressum inuenire, & magno cum labore locum ad audiendum consecuti sunt. Inter Procetes primariæ sortis quidam,



dam; vir severæ frontis, & non modici supercilij, & qui signa tantæ affabilitatis exhibere non solebat, cum prædicatorem audivit de Christi divinitate disputantem, & euidentiā argumentorum expertus est, quibus Veritatem Religionis Christianæ ostendit; se continere non potuit, quin illum è pulpito reuertentem ad cubiculum insequeretur; ipsumque arctè complexus est, & gratias habuit pro concione tantæ utilitatis & consolationis.

Cum primum Hispali, anno 1672, ad Mahumetanos publicè verba fecimus in Domo Professā, quæ in mediculio ciuitatis sita est, necesse fuit ob multitudinem auditorum, eodem tempore simul in duobus locis prædicare: in Templo scæminis, viris autem in peristylio domus, quod amplissimum est, & quinque milia hominum capere potest, qui ex pavimento, & ex fenestris, & pergulis concionem audiebant. Contigit autem, ut dum concio haberetur, non semel plueret: & quamvis per tegulas, & canales aqua supra auditores copiosè decideret: & concionator ab illis rogaret, ut loco illo decederent, quia periculum erat ut aqua usque ad interiora penetraret: ab ipsis impetrare non potuit, ut locum illum desererent, nec ut paterentur, concionem interrumpi per aliquod temporis intervallum. Tanta enim cum voluptate conciones illas audiebant, ut indignum iudicarent ob vllum temporale incommodum hoc bono privari.

Quinto, his utilitatibus accidit, quod cum fideles vident aliquem ex Mahumetanis argumentis convi-

Etum, publicè Baptismum petere, lætitiā continere non possunt, Deum laudant, & ei ex intimo cordis affectu gratias agunt, quia cor illius infidelis tetigit, ab eo præcantur ut ei constantiam, & perseverantiam largiatur: illumque arctè amplexantur, & alia charitatis signa ei exhibent; & multarum virtutum actus exercent: & hic publicus plausus, & conclamatio infideles accendit, & emollit, & fideles maxime consolatur. Id ego sæpissimè expertus sum, præsertim Malacæ, Hispali, Xeræ, Gadibus, Calpe, & Matriti.

Sexto, non exigua est utilitas, quod his concionibus instruuntur Christiani perspicacis ingenij, & bono intellectu præditi, ut cum Mahumetanis servis possint de Religione disputare, & illos ad Christianismum adhortari, & veritatem Religionis Christianæ argumentis ostendere, quæ à concionatore audierunt. Ipsique Mahumetani quamvis tunc non convertantur, ex concionibus colligunt fidei semina, quæ postea suo tempore fructum faciant; ut constat exemplo illo, quod narravi cap. 6. pagina 84. Et alijs duobus, quæ illi adiunxi eodem capit. & ex ijs, quæ ibi dixi cap. 10. pag. 120.

## CAPV T II.

*Quomodo Mahumetani conuocandi sunt ad has conciones publicas audiendas.*

**V**T has conciones utiliter audiant, curandum est, ut non tam vi cogantur, quam rationibus, &

& benevolentiae signis adducantur : & ut libentes veniant, providendum imprimis illis est pecunia, quam singulis diebus pendere solent dominis suis: cum enim arceantur propter concionem ab operibus, in quibus mercedem diurnam lucrantur, qua solvunt heris suis vectigal diurnum, de quo conventum est inter illos; debet aliunde merces illa compensari. Servi namque Africani plerumque pascisci solent cum heris suis, & quotidie pendant in tributum drachmas aliquas, donec libertatem acquirant; & tributum illud lucrantur sudore vultus sui, & ex mercede diurna partem reservant ad propriam sustentationem, partem ad solvendum tributum dominis suis. Vnde ut sine violentia ad conciones adducantur, vel heri remittere debent illius diei vectigal; vel illis donandum est, unde solvant. Libenter autem veniunt si sciant, post concionem eis tribuendum esse tantum pecuniae, quantum possent lucrari, vel onera portando, vel agros colendo, vel alio modo laborando. Vnde optimus modus eos congregandi est, pecunias quaerere, quibus solvant vectigal illius diei. Scientes enim se tantudem lucraturos audiendo concionem, quantum lucrarentur tota die laborando, libenter accedent. Hoc modo usus sumus Hispali anno 1672. Nam quamvis primò Dominus Archiepiscopus in Paræcijs edictum publicari iusserit, quo monebat, ut heri suos servos & ancillas adducerent in Domum Professam Societatis, & huius rei executionem impensè commendavisset Vicario Domini Assistentis, seu Propratori, qui Ministros iu-



stitiæ distribuens per vicos, seu vicinities civitatis  
 eos cogeret in vnum, postea tamen meliori inito  
 consilio, epistolium scripsi ad Dominum Michaelē  
 de Mañara equitem Calatravensis militiæ, præstantis  
 sanctimonix virum, & amore Dei, & zelo animarum  
 flagrantem, qui Præfectus erat, vel Frater Maior So-  
 dalitatis *Charitatis*, quæ Hispalensi nobilitate constat;  
 „ ferè sub hac forma: Domine mi, Deus Charitas est, &  
 „ qui manet in Charitate in Deo manet: nisi Charitas  
 „ hoc munus suscipiat congregandi Mahumetanos,  
 „ nihil agemus; quia barbari isti si compellantur à Sa-  
 „ tellitibus Domini Assistentis, non lubentes, sed coa-  
 „ cti audient; ac proinde sine fructu. Rogo ergo te, vt  
 „ rem hanc commendes Sodalibus Charitatis. His  
 acceptis litteris, congregavit Sodales, & re inter ipsos  
 consulta, decretum est, vt huius Sodalitatis equites  
 inter se partirentur vicos, & Paræcias civitatis, & sin-  
 guli curarent Mauros congregare, qui in suo vico,  
 vel Paræcia degebant: Sodalitasque ipsa in se sumpsit  
 onus solvendi Mahumetanis præmium illud, quod illi  
 lucrari poterant; & in hoc insigni charitatis opere  
 expendit sexcenta scuta; quia singulis Mahumetanis  
 venientibus ad concionem, ea finita, donabatur certa  
 pecuniæ summa, vnde ea die ali possent, & heris suis  
 tributum solvere. Mirum est qua diligentia, quo zelo,  
 & charitatis ardore Dominus D. Michael de Mañara  
 & reliqui huius nobilissimæ Sodalitatis alumni con-  
 versioni Maurorum operam navaverint. Eos secum  
 adducebant ad concionem, non vi, sed amore, & in  
 ipsa

ipsa concione inter ipsos sedebant, & verbis ardentibus adhortabantur, ut Baptismum peterent; preces ad Deum fundebant, eleemosinas, ieiunia, flagellationes, & alias mortificationes Domino offerebant pro eorum conversione. Et huic *Charitatis Hispalensis nobilitatis* insigni pietati debetur felix exitus harum concionum, in quibus quadraginta quatuor conversi sunt, quorum octo supra triginta vna die solemniter baptizati sunt à Domino Archiepiscopo, & late narratur in historica Relatione, quæ de hoc solemnī Baptismo typis mandata est. Certe non alium solemniorē triumphum habuit vnquam Hispalensis civitas postquam à Sancto Ferdinando debellata est, quam illum, quem illa die spectavit. Instituta est sollemnis processio in qua ducebantur triumphantium more cathecumeni à Domo Professæ Societatis in Ecclesiam Cathedralē, in qua erectum erat ingens theatrum in eo ipso loco in quo in hebdomada sancta collocatur celebre illud *Monumentum*, quod omnibus admirationi est, ut in editiori loco administratus Baptismus posset ab omnibus spectari. Processionem præibat *Imago crucifixi*, quæ est insigne *Sodalitatis Charitatis* proprium: Sanctam Imaginem præaccensis cereis immediate sequabantur triginta sex pauperes, quos Sancta Sodalitas vestivit: subinde cathecumēnos ipsos comitabantur Charitatis Sodales, qui trecentorum numerum implebunt, & Religiosi Societatis; alij à dextris, alij à sinistris cathecumenis associati.

Et

Et sic peractus est Baptismus ea pompa, & maiest a te, quæ in ea Relatione describitur.

Quantum Deo placuerit cura illa quam Sancta Sodalitas Charitatis suscepit donandi Mauris prætium, quo tributum diurnum solverent, manifestavit eventus singularis anno præterito 1679. in quo Missiōnem repetens in illa civitate, conciones quoque publicas ad Mahumetanos habui. Rogavi Dominum D. Michaelē de Mañara ut nunc eandem curam suscipere Sodalitas Charitatis circa Maurorum conversionem, quam prius susceperat anno 1672. hoc munus libentissimè amplexa est: cæterum cum tota illa provincia annonæ penuria laboraret, siquidem trium librarum panis quinque drachmis emebatur: & Sodalitas Charitatis ingentem pecuniæ summam quotidie alendis pauperibus infunderet, non habebat Sancta Sodalitas unde solveret denarios illos diurnos Mauris donandos: & re maturè inter Sodales deliberata, decretum est non posse eleemosinas à fidelibus collatas ad pauperum sustentationem, & ægrotantium curationem in alios usus quantumvis pios converti; & huius decreti Author præcipuus fuit Dominus D. Michael de Mañara; qui tandem conclusit, sibi vī Fratri Maiori Sodalitatis incumbere onus industriè quærendi prætium donandum Mauris Sequenti die illum de hac re nihil cogitantem convenit civis Hispalensis, quem antea non noverat; qui in hunc modum eum allocutus est: hic affero, Domine D. Michael, mille scuta in eos pios usus expendenda, in quibus sancta Cha-



Charitas solet eleemosinas sibi erogatas expendere. Tunc ille omnino immemor Maurorum, satius erit, inquit, ut mihi designes opus, in quo vis hanc pecuniam expendi: vix hæc verba protulerat, cum recordatus est pretij Mauris donandi, nihil tamen exterius pronuntiavit: illius autem eleemosinæ largitor quasi cogitationem Domini D. Michaelis legeret, illicò adiecit, meæ voluntatis est, ut hanc pecuniam expendas in eo opere pio, quod nunc in tua cogitatione voluis: & cum tunc cogitatione volueret eleemosinam elargiendam Mauris, miratus est singularem Dei providentiam, quam in se confidentibus exhibet. Hunc mirabilem suæcessum mihi narravit Dominus D. Michael paucis diebus antequam incideret in morbum, quo ingenti cum luctu totius Hispalensis civitatis & vberrimis pauperum lachrimis sublatus est die 9. Maij anno 1679. Et cum ego eventum mirarer, alios mihi tunc mirabiliores narravit, quos sæpe expertus est. Huius præclari viri vitam & gesta in lucem hoc anno edit R. P. Ioannes de Cardenas nostræ Societatis Exprovincialis, satis ex suis scriptis orbe, & civitati Hispalensi ob pietatem notus. Ego sanè id sanè obtestari possum, sæpe hanc cogitationem animum meum subiisse, fore ut aliquando Dominus Michael de Mañara in altaribus collocaretur: sæpe cum illo de rebus divinis locutus, ardentis in Deum amoris in illo manifesta signa deprehendi: cum de Deo loquebatur, totus ardebat, & quasi extrinsecus passus extra se veluti rapiebatur: nihil aliud quæ-

rebat, nihil aliud cogitabat quam maiorem Dei gloriam, & proximorum salutem, pauperumque & ægrotorum levamen. Epistolam apud me habeo Patris Cardenas, in qua testatur, huius viri corpus post septem menses effossum integrum & incorruptum repertum esse. Et sanè quamvis mihi diceretur eum mortuos suscitasse, nihil mirarer. Nam mihi eius vitam & mores contemplanti, sæpè occurrit, non aliter vixisse, quos Ecclesia in altaribus veneratur.

Quod si Sodalitas Charitatis provinciam hanc non sibi vendicasset; illam absdubio amplexus fuisset Illustrissimus pauperum P. Dominus Archiepiscopus D. Ambrosius Ignatius de Espinola & Guzmam, quia ultra quingentorum ducatorum millia tempore famis in alimonia pauperum expendit. Et sanè hoc opus dignissimum est Episcoporum largitate. Vbi autem Episcopi non fuerint, vel Sodalitates aliæ similes Hispalensi Charitati (si fortè in toto orbe Christiano perfectè similem habet illustris illa Sodalitas) quærenda est eleemosina inter divites populi. Vbi autem Mauri non de proprio vivunt, sed heris suis tanquam famuli ministrant, monendum est, ut domini illos ad conciones adducant; idque illis iniungendum est à Prætoribus urbis præconis voce, si opus fuerit. Et cura huius rei committenda est Sacerdotibus pijs, alijsque personis devotis, qui invigilent, ne ullus Mahumetanorum à concione absit. In ipsa autem concione expedit, ut Mahumetanæ sceminæ à Mahumetanis viris separentur; ne illas volentes petere Baptismum cohibeant: &

ne se mutuo impediunt infideles inter miscendi sunt cum Christianis, viri cum viris, & fœminæ cum fœminis. Experientia enim docet, quod ubi Mahumetani inter se coniuncti sedent, obdurati & pertinaces detinent dociles, ne Baptismum petant.

## CAPVT III.

*Quod pro Maurorum conuersione preces, eleemosinae, ieiunia, & alia pia opera à Christianis exercenda sunt, ut prædicatio effectum sortiatur. Vbi singularia huius rei exempla ab Hispalensibus exhibita recensentur.*

**C**VM infidelium conversio non sit opus hominis currentis, sed Dei miserentis, quia ut ait Christus: *Nemo potest venire ad me, nisi Pater meus traxerit eum*: non solum concionator debet enixè à Deo postulare, ut internè illuminet quos ipse externè admonet: sed à Christianis auditoribus rogare, ut intimo cordis affectu postulent à Deo illorum conversionem, & pro illa impetranda eleemosinas, ieiunia, & alias mortificationes Deo offerant. Idque initio singularum concionum debet impensè commendare. Et hac in re reliquæ Christiani orbis civitates imitari possunt insignem pietatem, & religiosum fervorem Hispalensium, qui vix cognoverunt, Missionarios Societatis. Publicas velle ad Mahumetanos conciones habere anno 1672. cum ad expugnandam eorum



perfidiam, Deo pro eorum conversione obtulerunt communionem, Missas, ieiunia, poenitentias, & mortificationes in magno numero. Persona nobilis obtulit pro singulis qui converterentur quinquaginta Missas: alia obtulit, in servire pauperibus hospitalis feria sexta nudis pedibus & cruribus. Alia pro singulorum conversione corpus suum cilicio cingere, & exosculari vlcus foetidius pauperum in hospitali iacentium (& hic fuit D. Michael de Mañara.) Alia persona voti Domino abstinenciam perpetuam à carnibus, si emolliret cor cuiusdam obstinati Mahumetani, cuius conversionem vehementer desiderabat; conversus est ille, & ipsa votum suum religiosè adimplet. Puer decennis à parentibus Mahumetanis genitus, & in prima infantia baptizatus miram ostendit pietatem; nam à primis annis totam doctrinæ Christianæ summam diligenter didicit, & ab usu rationis suorum parentum conversionem sitiens pro illa preces ad Deum fundebatur, & ferventer ipsos hortabatur ut Christiani fierent, in hac autem occasione, in qua Mauris prædicabamur, coram multis se provolvit ad pedes obstinati patris, illosque exosculatus, cum lachrimis rogavit, ut duritiem illam deponeret, & Baptismum peteret: qua pietate omnium oculos & amorem in se convertit. His diebus, quibus conciones habebantur, puer iste aquam afferebat ijs, qui in tanta gentium præsura sitiebant: & ex eleemosinis, quas ipsi viri pijs erogabant ob hanc pietatem, octo drachmas congregavit, quas tradidit Sacerdoti ut quatuor Missas

Deo offerret pro conversione suorum parentum.  
 Sodalitas Charitatis Deo promissit, tot pauperes  
 in integrum vestire, quot Mauri converterentur: id  
 quod cumulatissimè adimplevit. Primariæ nobilitatis  
 fœminæ inter Mahumeranas sedebant, eisque plena  
 charitatis viscera ostendentes, verbis ardentibus,  
 affectibus ardentioribus ad Christum trahere cona-  
 bantur. Inter has eminuit Princeps fœmina inter  
 Hispaniæ Proceres sanguine clarissima, quæ non so-  
 lum fœtidis Mahumeranis assidebat, easque arctè  
 complectebatur; sed flexis genibus integram con-  
 cionem, audiebat, quæ plerumque per horam cum  
 dimidia, & quandoque duas protrahabatur; Deo  
 offerens hanc pœnitentiam, vt illarum duritiem  
 emolliret. Quandoque necessarium fuit sedilia ab  
 vno in alium locum mutare: tanta autem devotione  
 has conciones Hispalenses equites audiebant; vt  
 cum adessent servi & famuli, quibus hoc imperarent,  
 ipsi suis manibus subsellia, & sedilia transportabant.  
 Omnibus his concionibus adfuit Illustrissimus Ar-  
 chiepiscopus, qui Africanos, qui Baptismum petie-  
 rant spirituali gaudio plenus arctissimè amplecteba-  
 tur, eos verbis suis in fide confirmans, & ad arden-  
 tius desiderandum Baptismum inflammans. Huic  
 Hispalensium pietati post Deum debetur tam nume-  
 rosa Maurorum conversio, cum pro magnitudine  
 civitatis exiguus sit numerus eorum mancipiorû, qui  
 Hispali degunt, quia vix attingit trigessimam partem  
 eorum, qui Gadibus, in Porto Sanctæ Mariæ, & Ma-  
 læz commorantur,

Charitatem & pietatem Hispalensium animadvertentes Africani non minus illa, quam concionibus ipsis movebantur ad fidem amplectendam: quam aliqui eo ardore susceperunt, ut prædicatores effecti alios ad Christum traherent. Maurus quidam vxoratus eam lucem in concionibus à Deo accepit, ut domum suam reversus vxori suæ prædicare cæperit eam adhortans, ne hanc occasionem amitteret lucrandi æternam animæ salutem: & quia eā obstinatam vidit, ei omnem suam supellectilem, & pecuniam donans, & nihil sibi reservans, Christo contentus, eam dimisit, nolens amplius cohabitare cum muliere, quæ fidem Christi amplecti nolebat; idque ipsum alius præstitit, dimisit enim vxorem, sibi nimis charam, quia converti noluit: vtrumque tamen post aliquot dies Dominus consolatus est; quia mulieres illæ exemplo maritorum permotæ, Christum agnoverunt, & mariti eas cum ingenti lætitiæ admiscerunt.

Turca quidam tanto cum fervore fidem Christi professus est, ut quamvis haberet sufficientem pecuniam ad sui redemptionem; maluerit illam pecuniam alteri Africano, qui ipsius admonitione & exemplo conversus fuerat, donare, ut libertatem emeret, quam propria libertate frui. Vno ex ijs diebus, in quibus Mahumetanis prædicabatur, accepit litteras Africana ancilla ab Algerio, quibus monebatur, eius redemptionem peractam esse, facta commutatione inter ipsam, & civem Hispalensem, qui captivus in



Algerio detinebatur: quibus generose respondit malle se captivam in Hispania inter Christianos commorari, quàm cum libertate ad perfidiam Mahumetanam redire.

Fuit inter Hispalenses cives non nullus, qui tantò gaudio affectus est ob conversionem mancipij sui, ut statim ipsum libertate donaverit, quamvis bonis fortunæ non abundaret. Multi ex Patrinis fervorem eorum, quos in Baptismo tenuerunt, videntes, eorum libertatem emerunt.

## CAPUT IV.

*Singulare exemplo puellæ sexennis orantis pro Mahumetanorum conversione.*

**P**RÆFATIS exemplis aliud adiungo; quod abundè probat quantum apud Deum valeant ferventes orationes iustorum pro imperranda Maurorum conversione: inter familias nobiles, quæ Malacæ morum integritatem & præclaram pietatem cum sanguinis claritate coniungunt, non postremum locum obtinet familia Domini D. Iosephi Azedo del Castillo. Habebat eques iste filiam sexennem, Marianam nomine, cuius certe intelligentia erat supra ætatem, pietas atque devotio supra naturam: nemo illam alloquebatur, qui non miraretur tam vividas rationis scintillas; ita ut mihi dubium non fuerit, eam in illa ætate iam capacem esse suscipiendæ Eucharistiæ; quia tam rationis compos erat, eoque iudicio polle-

bat, quo vix aliæ pollent in nono vel decimo ætatis anno. Habebant parentes eius ancillam Mahumetanam, cuius conversionem desiderabant, eam vero à Deo impetravit virguncula illa sexennis, nam ingenua coram altari provoluta magno devotionis affectu vitam suam Deo obtulit pro conversione ancillæ: *Obsecro Domine (inquiens) ut nobis concedas conversionem huius ancillæ: ut illa Christo viuat ego libenter moriar: ego vitam meam tibi offero pro eius salute.* Non potuit non maximè Deo placere huius Angeli oratio: & ita quod postulavit obtinuit, nimirum conversionem ancillæ, quæ ob amorem huius puellæ Mariana appellata est; cuius reductione remuneravit Deus Christianam curam, quam adhibuerunt parentes illius puellæ in ipsius educatione; pietatem enim à pijs parentibus hauriens, non prius incæpit vivere, quàm devotionem ostendere, & orationes recitare. Accidit casus iste ad extremum anni 1669.

## CAPVT V.

*Quantum expediat quod Mahumetani ad Fidem conversi magna cum solemnitate baptizentur.*

**R**ATIO, & experientia docent, multum omnino referre quod Mahumetani, & Iudæi, qui inter Christianos convertuntur, cum solemnî apparatu ducantur ad sacrum fontem, & quod si fieri potest ab Illustrissimis Episcopis, vel Archiepiscopis cum

ingenti pompa baptizentur. Primo, quia cum homines rudes res spirituales in seipsis attingere non possint, manuduci debent per hæc exteriora ad ipsarum cognitionem. Et ideo Christus Dominus Sacramenta novæ Legis in signis exterioribus, & sensibilibus instituit. Vt enim inquit D. Thomas 4. contra gentes cap. 56. *Sicut cæteris rebus, ita etiam homini Deus providet secundum eius conditionem, est autem talis hominis conditio, quod ad spiritualia & intelligibilia ea capienda naturaliter per sensibilia deducitur: oportuit igitur spiritualia remedia hominibus sub signis sensibilibus dari.* Et propterea S. Ecclesia tot sacras ceremonias instituit in administratione Baptismi, ut illius mirabiles effectus his signis declaret. Secundo, quia tam infideles, quàm fideles dum sacras illas ceremonias spectant, & solemnitatem considerant, qua confertur, magnum aliquid ibi apprehendunt, sicut revera est; quod sane non facerent, si solum viderent homines exterius ablui. Tercio, quia infideles contemplantes hilaritatem cathecumenorum, & spirituale gaudium fidelium, & auctoritatem Episcopi administrantis, hinc moventur ad venerationem Baptismi, & sæpe excitantur ad illud petendum, ut sequentibus exemplis constabit.

Quando ad finem anni 1669. Malacæ conciones publicas habui ad Mahumetanos, aderat tunc puella Mahumetana duodecim annorum, arguta valde & perspicacis ingenij, quam paucis antea mensibus captivam abduxerant ex Oran: erat illa in secta



Mahumetana pertinacissima; eiusque conversionem frustra sæpè tentaverat pia fœmina, cui ut ancilla inserviebat; & quamvis quadam curiositate ducta memoriam mandaverat quatuor primas cathecismi orationes, quas sæpè reperebant famulæ illius domus; eius tamen cor longe erat à credendo, quod ore proferebat. Tristitia maxima, & impotenti rabie afficiebatur, quando aliquis Mahumetanorum Baptismum petebat; & quadam die tam acerbè tulit conversionem Mahumetanae fœminæ, cuius cor in concione Deus emollivit; ut faciem propriam vnguibus fœdaverit præ doloris & impatientis furoris æstu; secundum consuetudinem illius barbaræ gentis, apud quos fœminæ in occasionebus magnæ tristitiæ vnguibus faciem lacerant. Huius tamen puellæ cor Deus mirabiliter mutavit, ea die, qua Illustrissimus Episcopus triginta tres cathecumenos, cum magna solemnitate sacro fonte lustravit, ut diximus supra. cap. 1. pagin. 61. Petivit illa à domina sua facultatem ad spectandam solemnem processionem cathecumenorum, qui à Collegio Societatis ad Cathedralem Ecclesiam ducebantur, ubi eos expectabat Illustrissimus Episcopus, qui erigi mandavit ingens tabulatum iuxta sacri Templi fores, ut sacra illa functio libere ab immensa populi multitudine spectari posset. Spectavit puella quasi stupefacta hilaritarem, quam vultu præferebant cathecumini, spirituale gaudium Christianorum, magnificam illam pompam, & devotionem, qua tota nobilitas cathecumenos comitabatur, omnibus alta

voce cantantibus nostræ fidei mysteria : irrupit per mediam multitudinem , vt in tabulatum ascenderet , & sacras ceremonias intueretur : & insus accensa , exterius fervorem spiritus promebat , veniebat honeste cooperta subtili pallio , seu nebula serica ; & faciem , caputque discooperiens , hilaritate vultus , & verborum fervore ardorem internum prodens , alta voce ab Illustrissimo Episcopo Baptismum petit : ille benigne ad se vocans , & in visceribus charitatis recipiens , eius vocationem explorat , & motivum petendi Baptismum inquit , & cognito virgunculæ fervore , me interrogat an puella illa posset tunc cum alijs baptizari quamvis non esset instructa eo pacto quo adulti ante Baptismum instrui debent ? quia propter ætatis tenebritudinem videtur posse , inquit , vt parvula reputari ; & aliunde periculum non est perversionis , quia existit in domo devotæ fœminæ , omnino separata à Mahumetanorum commercio , & intra breves dies potest integre instrui eiusque fervor hoc præmium postulat vt eam alijs baptizetur : mæstitia enim non exigua illi erit si Baptismus differatur . Prudentissimæ rationes istæ Illustrissimi Episcopi mihi persuaserunt posse illi tunc Baptismum administrari ; omnique ratio dubitandi ablata est , cum compertum est , eam memoria tenere symbolum : & sufficienter capere mysterium Trinitatis , & Incarnationis , & reliqua quorum fides explicita exigitur ab adultis . Itaque dum alij baptizabantur , breviter eam ibi instruximus , & post alios ibidem solemniter baptizata est cum festi-

vo omnium plausu, & cum maxima consolatione Illustrissimi Episcopi, qui vehementer admirabatur ingentem lætitiā quam vultu præferebat propter beneficium suscepti Baptismi.

Similem eventum expertus sum Xera anno 1671. erat ibi Turca adolescens, corporis, & oris elegantia conspicuus, & qui potius Matriti, quam in Africa educatus videbatur: conceperat ille ali quando propositum suscipiendi Baptismum, & iam orationes didicerat, & mysteria fidei sufficienter noverat. Sed perfidus Mahumetanus, qui magnæ erat authoritatis apud suos, eum ab hoc proposito deturbavit, illumque omnino decepit, ut in Mahumetana secta persisteret; & satagebat ne conciones audiret, quas ibi prædicavimus. Permanebat adhuc in sua perfidia toto illo tempore quo missio Xeretana duravit, nempe tempore Quadragesimæ. Cæterum post aliquot menses solemniter baptizati sunt Mahumetani, qui conversi fuerant. Non enim ibi potuimus remanere tempore illo, quod necessarium erat ad Cathecumenorum instructionem. Urgebat enim Missio Gaditana, quam enixe Illustrissimus Episcopus poscebat, & civitas desiderabat, ob ingentem cladem, quam ingens ventorum procella intulerat, naves in Portu submergens, & domus non paucas subvertens, & ædificia quatens, urgebat etiam missio Portuensis, quam excellentissima Ducissa de Medinaceli impetrabat. Post has Missiones peractas, & post Missionem habitam in Civitate de Sanlucar, Xeram migravimus ad Baptis-



tissimum solemnem in quo quindecim Mauri Sacro fonte expiati sunt. Erectum est ingens theatrum in maximo foro, vulgo *Arenal*, confluit innumerabilis hominum turba, Cathecumeni stipati equitibus, & Religiosis Societatis in processione ducti sunt ad locum Baptismi, sicut Malacæ factum fuerat.

Adolescens ille Turca hoc spectaculum contemplans, & Sacrum apparatus intuens ita commotus est, ut alta voce medio in foro clamare cepit. *Volo Christianus esse, & cum cæteris baptizari*: locum date, ut possim theatrum conscendere: & per confertam multitudinem perumpens, tandem ascendit, & magno fervore Baptismum petijt. Illum ego examinavi, & inveni sufficienter instructum in mysterijs fidei, quæ aliquando didicerat: & quanta potui celeritate disposui, ut Baptismo cum reliquis tingeretur à Vicario Domini Archiepiscopi: suo fervore, & vultus elegantia omnium oculos in se rapuit, & summo cum gaudio Baptismum suscepit.

Tertio, annò 1670. tempore Pentecostes celebratus est solemnis Baptismus Matrili in nostro Collegio Imperiali, in cuius capacissimo templo ingens tabulatum erectum, & ornatum erat prout sacra hæc functio postulabat: ibique inspectante Hispania nobilitate, undecim vel duodecim Cathecumeni, qui perfidi Mahumeti sectam deseruerant, convicti argumentis, quæ adversus illam confecimus in nostra domo Professæ, ab Illustrissimo Episcopo Archadiæ (nam eminentissimus Cardinalis Archiepiscopus Toletanus D.

Paschasius de Aragon, vel defectu integræ valetudinis, vel alijs curis, & negotijs legitimè impeditus, per seipsum hoc munus exequi non potuit ) Sacro fonte illustrati sunt. Egressa est processio Cathecumenorum à domo Professâ eos stipantibus à dextris, & à sinistris Dynastis, & Regni Proceribus. Adolescens Mahumetanus hanc solemnitatem admiratus à Deo in hoc itinere illuminatus est; in tota via oculos avellere non poterat à Cathecumenis, & quamvis sæpè vi repulsus sit ne ilis appropinquaret, eius tamen perseverantia obtinuit, ut per mediam turbam perrumperet, & tabulatum ascenderet; ubi alta voce Baptismum petijt: qui tamen tunc ei administratus non est, quia non erat adhuc instructus in rebus fidei. Hi casus manifeste probât, convenientissimum esse eiusmodi Baptismata cum pompa, & magno apparatu celebrari.

CAPUT VI.

*Quomodo expugnanda sit obstinatio Mahumetanorum, qui veritatem Religionis Christianæ cognoscentes, Baptismum suscipere detrectant, vel differunt.*

**Q**UANDO Christi prædicator agnoverit, intellectum Mahumetanorum convictum quidem esse, cæterum voluntatem adhuc revellem existere; minas Dei ingeminet, novissima ponderet, severitatem divini iudicii, & terribilitatem penarum inferni

expendat; & effigiem animæ damnatæ è pulpito ostēdat. Cum in secunda Missione Hispalensi primo ad Mahumetanos verba fecimus, post aliquot conciones, animadvertens prædicator duram obligationem quorundam; de inferno sermonem instituit; effigiem hominis damnati ostendit; & ad extremum ad parietem, vel columnam, cui suggestum innitebatur, conversus, & sudorem, quo madebat frons eius, manu mundans, æstu quodam fervoris abreptus, manum sudore madidam, columnæ marmoreæ impegit alta voce inclamans, *Columnæ, parietes, audite verbum Domini, & testes mihi estote, quod veritatem huic obduratæ genti prædicaverim.* Et ad Mahumetanos faciem vertens, & minacia verba proferens, *go, ego, in Dei* (inquit) *iudicio vester Fiscalis ero, ego vestram duritiam coram supremo iudice accusabo, sudor iste testis erit locupletissimus; ignorantiam ibi allegare non poteritis; luce meridiana clarius vobis ostendi, Mahumetum non Dei Prophetam, sed Seducatorem nequissimum fuisse, & extra Christi Religionem salutem non esse: satis arbitror vester intellectus convictus est; sed rebellis adhuc voluntas existit. O bone Deus frange horum lapidum duritiam, & ex illis filios Abrahæ constitue! Hæc & alia terribilia verba fulminavit. Et adspirante divina gratia, cuiusdam obstinatissimi durities tandem fracta est; extorsere terrores, quod elicere rationes non potuerant: siquidem ad Baptismum ijs minis tractus est. Solent obstinati Mahumetani, dum quid respondeant, non occurrit, ad hanc res-*



ponfionem confugere: Pater meus Maurus, avus meus Maurus, proavus Maurus; & ego quoque Maurus usque ad mortem. Sed hanc esse stultam responfionem, facile convincitur, sicut stulta, eadem responfio posita in ore Gentilis idolatræ, vel obstinati Hebræi Iudaizantis. *Pater meus idolatra, avus meus idolatra, &c.* Et sicut stultū esse, & dicere: Pater meus in inferno est, avus in inferno &c. Maiorum vita prava non est imitanda, sed deferenda: eorum præcipitium fugiendum, non quærendum est, &c.

Quid expectas ut convertaris? An quod Deus miraculum aliquod faciat ad te convertendum. Sed Deo mos non est miracula sine necessitate facere. Iosue 5. v. 2. *Defecitque manā postquam comederunt de frugibus terre, nec vfi sunt ultra cibo illo filij Israel.* Stella, quæ apparuit Magis, & eos duxit in Hierusalem; cum illuc pervenerunt, disparuit; quia enim iam ibi non erat necessaria ubi Christi notitia aderat; voluit Deus ne existeret otiosa; & ideo Iob cap. 5. dixit: *Nihil in mundo sine causa fit.* Ideo Christus noluit miracula coram Herode facere, quia otiosa erant, & solum ad curiositatem quærebantur. Luc. 23. 3. Certe tentare Deum petendo miraculum, non est medium aptum ut convertaris: nec ut ad Christum venias bona dispositio est, expectare ut tibi miraculose appareat.

Sanè si tu fidem non habes ijs, quæ conscientia tua tibi dictat, nec ei, quod probant miracula, quæ Christus fecit in confirmationem suæ doctrinæ: nec mira-

enlis, quæ fecerunt Apostoli in confirmationem suæ prædicationis: nec credis mirabili mundi conversioni; nec innumerabilium Martyrum præconio, qui sanguinem suum fuderunt in defensionem veritatis, quam ego vobis prædicavi: nec Christianus fies, quamvis ipse Christus tibi appareat. Luc. 16. *Si Moysen, & Prophetas non audiunt, neque si quis ex mortuis surrexerit credent.* Chrysostom. Gen. 9. in Lucam: *Si sciuisset Deus, quod mortui excitati uiuentibus essent profuturi, neququam omisisset, neque tantum lucri præterisset, qui cuncta nobis profutura procurat.* Lazarus, & Christus surrexerunt, & nec Lazaro, nec Christo crediderunt perfidi Iudæi.

Dum autem moras nectunt, & in tempus futurum prospiciunt, urgendi sunt verbis illis Spiritus Sancti: *Ne tardes conuerti ad Dominum, nec differas de die in die, subito enim veniet ira illius.* Si bonum est, Christianum esse: hoc bonum non est differendum. Si modo non vis fieri Christianus, forsam veniet tempus, quando velis, & non possis: vt enim inquit Augustinus serm. de verbis Apost. Petri, & Pauli: *Cum vult non potest, quia quando potuit noluit, ideo per malum velle perdidit bonum posse.* Et lib. 3. de lib. arb. c. 18. *Illa est pœna peccati instissima, vt amittat vnusquisque illud, quod bene vti noluit, cum sine vlla difficultate posset, si vellet: id est, vt qui sciens recte non facit, amittat scire, quod rectum est; & qui rectum facere cum posset, noluit, amittat posse cum velit.* Hinc Gerson tractatu de parvulis ad Christum tradendis: *Plerumque fit iusto Dei iudicio, vt qui gratiam*  
Dei,

Charitatem & pietatem Hispalensium animadvertentes Africani non minus illa, quam concionibus ipsis movebantur ad fidem amplectendam: quam aliqui eo ardore susceperunt, ut prædicatores effecti alios ad Christum traherent. Maurus quidam vxoratus eam lucem in concionibus à Deo accepit, ut domum suam reversus vxori suæ prædicare cœperit eam adhortans, ne hanc occasionem amitteret lucrandi æternam animæ salutem: & quia eā obstinatam vidit, ei omnem suam supellectilem, & pecuniam donans, & nihil sibi reservans, Christo contentus, eam dimisit, nolens amplius cohabitare cum muliere, quæ fidem Christi amplecti nolebat; idque ipsum alius præstitit, dimisit enim vxorem, sibi nimis charam, quia converti noluit: utrumque tamen post aliquot dies Dominus consolatus est; quia mulieres illæ exemplo maritorum permotæ, Christum agnoverunt, & mariti eas cum ingenti lætitiæ admiserunt.

Turca quidam tanto cum fervore fidem Christi professus est, ut quamvis haberet sufficientem pecuniam ad sui redemptionem; maluerit illam pecuniam alteri Africano, qui ipsius admonitione & exemplo conversus fuerat, donare, ut libertatem emeret, quam propria libertate frui. Vno ex ijs diebus, in quibus Mahumetanis prædicabatur, accepit litteras Africana ancilla ab Algerio, quibus monebatur, eius redemptionem peractam esse, tacta commutatione inter ipsam, & civem Hispalensem, qui captivus in



Algerio detinebatur: quibus generosè respondit malle se captivam in Hispania inter Christianos commorari, quàm cum libertate ad perfidiam Mahumetanam redire.

Fuit inter Hispalenses cives non nullus, qui tantò gaudio affectus est ob conversionem mancipij sui, ut statim ipsam libertate donaverit, quamvis bonis fortunæ non abundaret. Multi ex Patrinis fervorem eorum, quos in Baptismo tenuerunt, videntes, eorum libertatem emerunt.

#### CAPUT IV.

*Singulare exemplo puellæ sexennis ærantis pro Mahumetanorum conversione.*

**P**RÆFATIS exemplis aliud adiungo; quod abundè probat quantum apud Deum valeant ferventes orationes iustorum pro impetranda Maucorum conversione: inter familias nobiles, quæ Malacæ morum integritatem & præclaram pietatem cum sanguinis claritate coniungunt, non postremum locum obtinet familia Domini D. Iosephi Azedo del Castillo. Habebat eques iste filiam sexennem, Marianam nomine, cuius certe intelligentia erat supra ætatem, pietas atque devotio supra naturam: nemo illam alloquebatur, qui non miraretur tam vividas rationis scintillas; ita ut mihi dubium non fuerit, eam in illa ætate iam capacem esse suscipiendæ Eucharistiæ; quia tam rationis compos erat, eoque iudicio polle-

bat, quo vix aliæ pollent in nono vel decimo ætatis anno. Habebant parentes eius ancillam Mahumetanam, cuius conversionem desiderabant, eam vero à Deo impetravit virguncula illa sexennis, nam ingenua coram altari provoluta magno devotionis affectu vitam suam Deo obtulit pro conversione ancillæ: *Obsecro Domine* (inquiens) *ut nobis concedas conversionem huius ancillæ: ut illa Christo viuat ego libenter moriar: ego vitam meam tibi offero pro eius salute.* Non potuit non maximè Deo placere huius Angeli oratio: & ita quod postulavit obtinuit, nimirum conversionem ancillæ, quæ ob amorem huius puellæ Mariana appellata est; cuius reductione remuneravit Deus Christianam curam, quam adhibuerunt parentes illius puellæ in ipsius educatione; pietatem enim à pijs parentibus hauriens, non prius incæpit vivere, quàm devotionem ostendere, & orationes recitare. Accidit casus ille ad extremum anni 1669.

## CAPUT V.

*Quantum expediat quod Mahumetani ad Fidem conversi magna cum solemnitate baptizentur.*

**R**ATIO, & experientia docent, multum omnino referre quod Mahumetani, & Iudæi, qui inter Christianos convertuntur, cum solemnî apparatu ducantur ad sacrum fontem, & quod si fieri potest ab Illustrissimis Episcopis, vel Archiepiscopis cum

ingenti pompa baptizentur. Primo, quia cum homines rudes res spirituales in seipsis attingere non possint, manuduci dehent per hæc exteriora ad ipsarum cognitionem. Et ideo Christus Dominus Sacramenta novæ Legis in signis exterioribus, & sensibilibus instituit. Vt enim inquit D. Thomas 4. contra gentes cap. 56. *Sicut cæteris rebus, ita etiam homini Deus providet secundum eius conditionem, est autem talis hominis conditio, quod ad spiritualia & intelligibilia ea capienda naturaliter per sensibilia deducitur: oportuit igitur spiritualia remedia hominibus sub signis sensibilibus dari.* Et propterea S. Ecclesia tot sacras ceremonias instituit in administratione Baptismi, ut illius mirabiles effectus his signis declaret. Secundo, quia tam infideles, quàm fideles dum sacras illas ceremonias spectant, & solemnitatem considerant, qua confertur, magnum aliquid ibi apprehendunt, sicut revera est; quod sane non facerent, si solum viderent homines exterius ablui. Tertio, quia infideles contemplantes hilaritatem cathecumenorum, & spirituale gaudium fidelium, & auctoritatem Episcopi administrantis, hinc moventur ad venerationem Baptismi, & sæpe excitantur ad illud petendum, ut sequentibus exemplis constabit.

Quando ad finem anni 1669. Malacæ conciones publicas habui ad Mahumetanos, aderat tunc puella Mahumetana duodecim annorum, arguta valde & perspicacis ingenij, quam paucis antea mensibus captivam abduxerant ex Oran: erat illa in secta



Mahumetana pertinacissima; eiusque conversionem frustra sæpè tentaverat pia fœmina, cui ut ancilla inserviebat: & quamvis quadam curiositate ducta memoria mandaverat quatuor primas cathecismi orationes, quas sæpè repetebant famulæ illius domus; eius tamen cor longe erat à credendo, quod ore proferebat. Tristitia maxima, & impotenti rabie afficiebatur, quando aliquis Mahumetanorum Baptismum petebat; & quadam die tam acerbè tulit conversionem Mahumetanae fœminæ, cuius cor in concione Deus emollivit; ut faciem propriam vnguibus fœdaverit præ doloris & impatientis furoris æstu; secundum consuetudinem illius barbaræ gentis, apud quos fœminæ in occasionebus magnæ tristitiæ vnguibus faciem lacerant. Huius tamen puellæ cor Deus mirabiliter mutavit, ea die, qua Illustrissimus Episcopus triginta tres cathecumenos, cum magna solemnitate sacro fonte lustravit, ut diximus supra cap. 1. pagin. 81. Petivit illa à domina sua facultatem ad spectandam solemnem processionem cathecumenorum, qui à Collegio Societatis ad Cathedralem Ecclesiam ducebantur, ubi eos expectabat Illustrissimus Episcopus, qui erigi mandavit ingens tabulatum iuxta sacri Templi fores, ut sacra illa functio libere ab immensa populi multitudine spectari posset. Spectavit puella quasi stupefacta hilaritarem, quam vultu præferebant cathecumini, spirituale gaudium Christianorum, magnificam illam pompam, & devotionem, qua tota nobilitas cathecumenos comitabatur, omnibus alta

voce cantantibus nostræ fidei mysteria : irrupit per  
 mediam multitudinem , vt in tabulatum ascenderet ,  
 & sacras ceremonias intueretur : & intus accensa , ex-  
 terius fervorem spiritus promebat , veniebat honestè  
 cooperta subtili pallio , seu nebula serica ; & faciem ,  
 caputque discooperiens , hilaritate vultus , & verbo-  
 rum fervore ardorem internum prodens , alta voce ab  
 Illustrissimo Episcopo Baptismum petit : ille benigne  
 ad se vocans , & in visceribus charitatis recipiens , eius  
 vocationem explorat , & motivum petendi Baptis-  
 mum inquit , & cognito virgunculæ fervore , me in-  
 terrogat an puella illa posset tunc cum alijs baptizari  
 quamvis non esset instructa eo pacto quo adulti ante  
 Baptismum instrui debent ? quia propter ætatis tene-  
 ritudinem videtur posse , inquit , vt parvula reputari ;  
 & aliunde periculum non est perversionis , quia exi-  
 stit in domo devotæ fœminæ , omnino separata à Ma-  
 humetanorum commercio , & intra breves dies po-  
 test integre instrui eiusque fervor hoc præmium po-  
 stulat vt cum alijs baptizetur : mæstitia enim non exi-  
 gua illi erit si Baptismus differatur . Prudentissimæ  
 rationes istæ Illustrissimi Episcopi mihi persuasserunt  
 posse illi tunc Baptismum administrari , omnique ratio  
 dubitandi ablata est , cum compertum est , eam me-  
 moria tenere symbolum : & sufficienter capere my-  
 sterium Trinitatis , & Incarnationis , & reliqua quo-  
 rum fides explicita exigitur ab adultis . Itaque dum  
 alij baptizabantur , breviter eam ibi instruximus , &  
 post alios ibidem solemniter baptizata est cum festi-

vo omnium plausu, & cum maxima consolatione Illustrissimi Episcopi, qui vehementer admirabatur ingentem lætitiā quam vultu præferebat propter beneficium suscepti Baptismi.

Similem eventum expertus sum Xera anno 1671. erat ibi Turca adolescens, corporis, & oris elegantia conspicuus, & qui potius Matriti, quam in Africa educatus videbatur: conceperat ille aliquando propositum suscipiendi Baptismum, & iam orationes didicerat, & mysteria fidei sufficienter noverat. Sed perfidus Mahumetanus, qui magnæ erat authoritatis apud suos, eum ab hoc proposito deturbavit, illumque omnino decepit, ut in Mahumetana secta persisteret; & satagebat ne conciones audiret, quas ibi prædicavimus. Permanebat adhuc in sua perfidia toto illo tempore quo missio Xeretana duravit, nempe tempore Quadragesimæ. Cæterum post aliquot menses solemniter baptizati sunt Mahumetani, qui conversi fuerant. Non enim ibi potuimus remanere tempore illo, quod necessarium erat ad Cathecumenorum instructionem. Urgebat enim Missio Gaditana, quam enixe Illustrissimus Episcopus poscebat, & civitas desiderabat, ob ingentem cladem, quam ingens ventorum procella intulerat, naves in Portu submergens, & domus non paucas subvertens, & ædificia quatiens, urgebat etiam missio Portuensis, quam excellentissima Ducissa de Medinaceli impetrabat. Post has Missiones peractas, & post Missionem habitam in Civitate de Sanlucar, Xeram migravimus ad Baptis-



tismum solemnem in quo quindecim Mauri Sacro fonte expiati sunt. Erectum est ingens theatrum in maximo foro, vulgo *Arenal*, confluit innumerabilis hominum turba, Cathecumeni stipati equitibus, & Religiosis Societatis in processione ducti sunt ad locum Baptismi, sicut Malacæ factum fuerat.

Adolescens ille Turca hoc spectaculum contemplanus, & Sacrum apparatus intuens ita commotus est, ut alta voce medio in foro clamare cæperit. *Volo Christianus esse, & cum cæteris baptizari*: locum date, ut possim theatrum conscendere: & per confertam multitudinem perrumpens, tandem ascendit, & magno fervore Baptismum petijt. Illum ego examinavi, & inveni sufficienter instructum in mysterijs fidei, quæ aliquando didicerat: & quanta potui celeritate disposui, ut Baptismo cum reliquis tingeretur à Vicario Domini Archiepiscopi: suo fervore, & vultus elegantia omnium oculos in se rapuit, & summo cum gaudio Baptismum suscepit.

Tertio, anno 1670. tempore Pentecostes celebratus est sollemnis Baptismus Matriti in nostro Collegio Imperiali, in cuius capacissimo templo ingens tabulatum erectum, & ornatum erat prout sacra hæc functio postulabat: ibique inspectante Hispania nobilitate, undecim vel duodecim Cathecumeni, qui perfidi Mahumeti sectam deseruerant, convicti argumentis, quæ adversus illam confecimus in nostra domo Professæ, ab Illustrissimo Episcopo Archadiæ (nam eminentissimus Cardinalis Archiepiscopus Toletanus D.

Paschasius de Aragon, vel defectu integræ valetudinis, vel alijs curis, & negotijs legitimè impeditus, per seipsum hoc munus exequi non potuit ) Sacro fonte lustrati sunt. Egressa est processio Cathecumenorum à domo Professæ eos. Itipantibus à dextris, & à sinistris Dynastis, & Regni Proceribus. Adolescens Mahumetanus hanc solemnitatem admiratus à Deo in hoc itinere illuminatus est; in tota via oculos avellere non poterat à Cathecumenis, & quamvis sæpè vi repulsus sit ne ilis appropinquaret; eius tamen perseverantia obtinuit, ut per mediam turbam perumperet, & tabulatum ascenderet; ubi alta voce Baptismum petijt: qui tamen tunc ei administratus non est, quia non erat adhuc instructus in rebus fidei. Hi casus manifeste probant, convenientissimum esse eiusmodi Baptismata cum pompa, & magno apparatu celebrari.

CAPUT VI.

*Quomodo expugnanda sit obstinatio Mahumetanorum, qui veritatem Religionis Christianæ cognoscentes, Baptismum suscipere detrectant, vel differunt.*

**Q**UANDO Christi prædicator agnoverit, intellectum Mahumetanorum convictum quidem esse, cæterum voluntatem adhuc revellem existere; minas Dei ingeminet, novissima ponderet, severitatem divini iudicii, & terribilitatem pœnarum inferni

expendat; & effigiem animæ damnatę è pulpito ostēdat. Cum in secunda Missione Hispalensi primo ad Mahumetanos verba fecimus, post aliquot conciones, animadvertens prædicator duram obligationem quorundam; de inferno sermonem instituit; effigiem hominis damnati ostendit; & ad extremum ad parietem, vel columnam, cui suggestum innitebatur, conversus, & sudorem, quo madebat frons eius; manum mundans, æstu quodam fervoris abreptus, manum sudore madidam, columnæ marmoreæ impegit alta voce inclamans, *Columnæ, parietes, audite verbum Domini, & testes mihi estote, quod veritatem huic obduratę genti prædicaverim.* Et ad Mahumetanos faciem vertens, & minacia verba proferens, *go, ego, in Dei* (inquit) *iudicio vester Fiscalis ero, ego vestram duritiem coram supremo iudice accusabo, sudor iste testis erit locupletissimus; ignorantiam ibi allegare non poteritis; luce meridiana clarius vobis ostendi, Mahumetum non Dei Prophetam, sed Seducatorem nequissimum fuisse, & extra Christi Religionem salutem non esse: satis arbitror vester intellectus convictus est; sed rebellis adhuc voluntas existit. O bone Deus frange horum lapidum duritiem, & ex illis filios Abrahæ cōstitue!* Hæc & alia terribilia verba fulminavit. Et adspirante divina gratia, cuiusdam obstinatissimi durities tandem fracta est; extorsere terrores, quod elicere rationes non potuerant: siquidem ad Baptismum ijs minis tractus est. Solent obstinati Mahumetani, dum quid respondeant, non occurrit, ad hanc res-

pon-



ponfionem confugere: Pater meus Maurus, avus meus Maurus, proavus Maurus; & ego quoque Maurus usque ad mortem. Sed hanc esse stultam responfionem, facile convincitur, sicut stulta, eadem responfio posita in ore Gentilis idolatræ, vel obstinati Hebræi Iudaizantis. *Pater meus idolatra, avus meus idolatra, &c.* Et sicut stultum esse, & dicere: Pater meus in inferno est, avus in inferno &c. Maiorum vita prava non est imitanda, sed deferenda: eorum præcipitium fugiendum, non quærendum est, &c.

Quid expectas ut convertaris? An quod Deus miraculum aliquod faciat ad te convertendum. Sed Deo mos non est miracula sine necessitate facere. Iosue 5. v. 2. *Defecitque manna postquam comederunt de frugibus terræ, nec usi sunt ultra cibo illo filij Israel.* Stella, quæ apparuit Magis, & eos duxit in Hierusalem; cum illuc pervenerunt, disparuit; quia enim iam ibi non erat necessaria ubi Christi notitia aderat; voluit Deus ne existeret otiosa: & ideo Iob cap. 5. dixit: *Nihil in mundo sine causa fit.* Ideo Christus noluit miracula coram Herode facere, quia otiosa erant, & solum ad curiositatem quærebantur. Luc. 23. 3. Certe tentare Deum petendo miraculum, non est medium aptum ut convertaris: nec ut ad Christum venias bona dispositio est, expectare ut tibi miraculose appareat.

Sanè si tu fidem non habes ijs, quæ conscientia tua tibi dictat, nec ei, quod probant miracula, quæ Christus fecit in confirmationem suæ doctrinæ: nec mira-

culis, quæ fecerunt Apostoli in confirmationem suæ prædicationis: nec credis mirabili mundi conversioni; nec innumerabilium Martyrum præconio, qui sanguinem suum fuderunt in defensionem veritatis, quam ego vobis prædicavi: nec Christianus fies, quamvis ipse Christus tibi appareat. Luc. 16. *Si Moyses, & Prophetas non audiunt, neque si quis ex mortuis surrexerit credent.* Chrysostom. Gen. 9. in Lucam: *Si scivisset Deus, quod mortui excitati viventibus essent profuturi, neququam omisisset, neque tantum lucri præterisset, qui cuncta nobis profutura procurat.* Lazarus, & Christus surrexerunt, & nec Lazaro, nec Christo crediderunt perfidi Iudæi.

Dum autem moras nectunt, & in tempus futurum prospiciunt, vrgendi sunt verbis illis Spiritus Sancti: *Ne tardes conuerti ad Dominum, nec differas de die in die, subito enim veniet ira illius.* Si bonum est, Christianum esse: hoc bonum non est differendum. Si modo non vis fieri Christianus, forsam veniet tempus, quando velis, & non possis: vt enim inquit Augustinus serm. de verbis Apost. Petri, & Pauli: *Cum vult non potest, quia quando potuit noluit, ideo per malum velle perdidit bonum posse.* Et lib. 3. de lib. arb. c. 18. *Illa est pœna peccati iustissima, vt amittat vnusquisque illud, quod bene vti noluit, cum sine vlla difficultate posset, si vellent: id est, vt qui sciens recte non facit, amittat scire, quod rectum est; & qui rectum facere cum posset, noluit, amittat posse cum velit.* Hinc Gerson tractatu de parvulis ad Christum tradendis: *Plerumque fit iusto Dei iudicio, vt qui gratiam Dei,*

*Dei, vel neglexerit, vel repulerit, abutens domis Dei, & talentis summi Patris familias, in primo ætatis vigore dum fas erat, postmodum ad eam veniendi, nequaquam recursus habeatur.*

Narrat hic Christi prædicator exemplum illud, quod legitur in speculo Magno exemplorum part. 2. dist. 9. exemplo 215. de illo peccatore, qui pœnitentiam, cum posset agere, protrahens; in hora mortis constitutus clamabat, *O pœnitentia, pœnitentia, ubi es, quod te inuenire non possum? Iusto Dei iudicio nunc pœnitere non valeo, quia cum potui nolui, & hoc dicens mortuus est.* Item illud, quod ex Cardinali Petro Damiano narrat idem speculum dist. 1. exemplo 94. de illo peccatore, qui pœnitentiam protrahens vsque ad mortem, in illo articulo constitutus, cum de alijs rebus sermo miscebatur, vigil attendebat; cum autem ei de pœnitentia agenda monebatur, statim ob dormiebat; & raptus in infernum à Diabolo est, &c. In hunc scopum potest ponderari illud 1. Reg. 26. 12. *Omnes dormierant, quia sopor Domini irruerat super eos.* Super quod Salvianus: *Sopor infunditur, ut perditio sequatur.*

Possunt in hoc assumptum expendi verba illa Proverb. 1. 24. *Quia vocavi, & renuistis, &c.* Et illa Psalmi 17. 42. *Clamauerunt, nec erat qui saluos faceret, ad Dominum, nec exaudiuit eos.* Item illa Iob 27. 9. *Num quid Deus audiet clamorem eius, cum venerit super eum angustia? Aut poterit in omnipotente delectari, & inuocare Deum omni tempore?* Demum illud Christi Matth. 25. 11 *Domine Domine aperi nobis.* At ille respondens ait: *nescio vos.*

Cum



Cum ego Mauris Malacæ prædicavi ad finem anni 1669. honestus, & valde spiritualis Sacerdos, nomine Dominus Christophorus Brito, habebat servum Mahumetanum, cuius conversionem vehementer desiderabat: eum de hac re sæpè allocutus est, sed irritò: adduxit illum ad conciones, sed neque prædicatio, neque exempla aliorum illi persuadere potuerunt: denique ut nihil intentatum relinqueret, illum ad me adduxit initio anni 1670. ut privatim illi veritatem manifestarem: quantum potui laboravi, ut illum ad Christum traherem, sed frustra. Cito eius duritiem Dominus punivit: nam cum essem in nostro Complutensi Collegio de Jesus del Monte, accepi litteras illius Sacerdotis subscriptas die 19. Augusti anni 1670. in quibus hæc formalia verba continebantur: *Miserabilis ille Maurus fratris mei servus infelicitè obiit, violenter occisus; idque tam celeriter, ut post insulsa vulnera statim mortuus corruerit, sic Deo castigante duritiem cordis eius, nobis manet dolor, quod infelix ille noluerit Doctrinam in sermonibus auditam ad animæ suæ salutem convertere, sicut alij conuerterunt.*

## CAP V T VII.

*Quid consulere debeat Christi prædicator Mauris, quibus persuadere non potuit ut Baptismum peterent.*

**C**VRET Christi minister Mauros pertinaces, quos sermonibus flectere non potuit, blandè,

& charitative alloqui, illisque consulere, vt lucem à Deo petant, vt cor illorum tangat, ad Christi fidem amplectendam, si illa sit ad salutem necessaria, & ad deferendam Mahumeti legem, si verum sit quod Christiani credunt, eam esse certam ad æternam perditionem viam. Legatur in hunc scopum consilium, quod dedit. P. Ignatius de las Casas Corduvæ Mahumetano ægrotanti, supra capit. 6. pagin. 93. vt scilicet ex toto corde dicant illam orationem, quæ in Alcorano legitur: *Doce nos Domine viam rectam, & bonam.* Et quod ego dedi Fatimæ Malacæ, vt supra pagin. 61. & quod dedi Hispali Ioanni Baptistæ pagin. 91.

Refert Cardinalis Baronius tom. 2. ad anno 130. apparuisse senem venerabilem Sancto Iustiuo Philosopho, & Martyri, cum adhuc esset idolatra, eique dixisse: *Veram Philosophiam non posse nisi in schola Christi reperiri, & addidisse: At tu votis & precibus tibi ante omnia lucis portas aperiri postula: neque enim ab aliquibus percipiuntur aut intelliguntur præter quam si Deus, & Christus eis concesserit intelligentiam.*

Insuper admoneat Mahumetauos, quod si velint à Deo lucem impetrare ad cognoscendam veritatem, non solum debent eam à Deo petere, sed vitia fugere, & peccata vitare: hæc enim sunt impedimentum, & quasi murus, ne lux de Cælo veniens animam illuminet. Vt enim inquit Hieremias cap. 5. 25. peccatoribus loquens: *Peccata vestra prohibuerunt bonum à vobis.* Et vt ait Isaias c. 59. 2. *Iniquitates vestre diuiserunt*

*Inter vos, & Deum vestrum, & peccata vestra absconderunt faciem eius à vobis, ne exaudiret. Et Sophonias c. 1. 17. Ambulabunt vt cæci, quia Domino peccauerunt. Et David Psal. 39. 13. Comprebenderunt me iniquitates meæ, & non potui vt viderem. Ideo Christus Ioan. 7. 16. Mea doctrina, non est mea, sed eius, qui misit me. Siquis voluerit voluntatem eius facere, cognoscet de doctrina, vtrum ex Deo sit, an ego à me ipso loquar. Et Spiritus Sanct. Ecclesiast. 1. 33. Fili concupiscens sapientiam conuersa in stitiam & Deus præbebit illam tibi. Item David Psal. 83. 13. Non priuabit bonis eos, qui ambulant in innocentia. Et Ecclesiasticus cap. 2. 20. Qui timetis Deum diligite illum, & illuminabuntur corda vestra.*

Consulendum etiam illis est vt in hunc finem impetrandi à Deo lucem aliquas eleemosynas secundum suam possibilitatem pauperibus erogent: & ad hoc persuadendum narretur ipsis, quod S. Lucas Act. 10. refert de conversione Cornelijs Centurionis, quam medijs oratione, & eleemosynis impetravit: siquidem. Angelus dixit ei: *Orationes tuæ, & eleemosynæ tuæ ascenderunt in memoriam in conspectu Dei.* Act. 10. 4. Proferat etiam in medium exemplum S. Casildæ filiæ Almenonis Mauri Regis Toletini, quæ propter eleemosynas, quas Christianis Captivis largiebatur, à Deo meruit illuminari, & baptizata ad magnam pervenit sanctitatem, vt scribit Mariana lib. 9. histor. Hispan. c. 3. Aliud exemplum admirabile refert Bar. rom. 7. ad an. Christ. 537. cuiusdam fœminæ Gẽtilis, quæ propter eleemosynam, quam pauperi laqueo se suspendere



volenti dedit, quo illum à suspendio liberavit, miraculosè meruit baptizari, & à turpi vita revocata est, & æternam salutem obtinuit.

Item, quando quidem B. Virginem vt eximie sanctam venerantur, consulendum ipsis est, vt ab ipsa præcentur, vt si vera sunt, quæ Christiani de filio eius credunt, quod scilicet sit verus Deus, à Deo ipsis impetret lucem ad suscipiendam fidem Christianam; sin vero in sua Religione moriantur.

Denique si aliquem Mahumetanum inveneris Christi prædicator, qui libros Hispanica lingua conscriptos legere sciat, vt ego inveni, ei consulat, vt libros devotos legat. R. P. Ludovicus Granatensis in Prologo 2. part. symboli refert, quod Maurus captivus nomine Hamete habebat apud se librum eiusdem Authoris de oratione, & meditatione, & in eo frequenter legebat; & cum famuli eiusdem familie ob hoc riderent, ipsumque quadam die interrogarent: *Quid tu hic legis?* Ille respondit: *Sinite me: ego scio quid faciam;* tandem lectionem continuando meruit ab illo illuminari, qui Eunuchum reginæ Candaci legentem Isaiam illuminavit Act. 8. & Baptismum petijt.

## CAPUT VIII. ET VLTIMUM.

*Insinuantur Verba Scripture, quæ pro themate concionum contra Mahumetanos seligi possunt. Et quomodo ex dictis expleri possint.*

**P**RIMUM Thema: *Sine fide impossibile est placere Deo.* ad Heb. 11. 6. nequit dari arbor sine radice,

neque domus, vel ædificiū sine fundamento: neque salus æterna animæ rationalis sine vera fide: est enim fides fundamentum spiritualis ædificij, in quo in hac vita hospitari debemus. Deum intra animas nostras, ut in alia vita ipso hospitetur nos in suo Cælo: spes est veluti parietes, & charitas est quasi tectum, ut docet August. Fides autem generatur in anima audiendo prædicatores, qui Verbum Dei annuntiant. Ut enim inquit Apostol. Rom. 10. 17. *Fides ex auditu, auditus autem per Verbum Christi, id est, auditus credentium est per verbum prædicatorum, quod est Verbum Christi*, ita D. Thom. explicat verba hæc.

Hic explicare debet prædicator; Sanctissimam Christi Religionem docere, & præcipere neminem violenter cogendum esse ad fidem suscipiendam; quia fides vera, quæ sit salutis æternæ fundamentum, debet esse libera, & voluntaria adulto credenti: posse tamen incredulos cogi ad audiendum: quia credere non possunt nisi audiant, & audire nequeunt sine prædicante; ut inquit idem Apostolus: *Quomodo credent ei, quem non audierunt? Quomodo autem audiverunt sine prædicante?* Loquatur Deus hominibus per os hominum, quos ad prædicandam mittit; sicut loquutus est Ninivitis per os Ionæ, & Hebræis atque Ægyptijs per os Moyses: & sicut loquutus est filiis Israel per os Prophetæ Isaïæ, Hieremïæ, & reliquorum; & sicut loquutus est mundo per os Christi, & post Christum per Apostolos ab ipso missos in univèrsam mundum ad prædicandum Evangelium. Item sicut frangatium no-

lentem manus medici admittere, possumus ligare, & cogere, ut sinat medicinam sibi applicari: Ita quia Christiani certi sumus, & tanquam fidei articulum tenemus neminem extra fidem Christi salvari posse; iure merito possumus infideles cogere ad audiendam prædicationem veræ fidei. Sed quamvis possemus vos, ò Mahumerani, cogere ad audiendas conciones; nolumus tamen neque ad hoc ipsum violentia uti; sed rogamus, & obsecramus, ut veniatis, & ut excusationem non habeatis, operam dedimus, ut nihil emolumenti temporalis amittatis dum ad concionem venitis. Itaque nullum damnum vobis accidere potest ex ijs concionibus: siquidem illis auditis, liberum vobis erit, vel Christi fidem amplecti, vel in vestra perseverare. Potest autem ex eisdem maximum vobis commodum accrescere: si enim verum est, quod vobis prædicabo, ut verissimum esse certo credimus Christiani, vestra æterna salus hinc pender. A vobis hoc vnum propter magni Dei reverentiam postulo, ut attendatis ad ea, quæ dixerò; sancte enim obtestor me in hac prædicatione nihil aliud intendere quam æternam salutem vestram, quam diligo sicut propriam, & pro qua paratus sum vitam meam ponere. Si vera vobis non apparuerint, quæ dixerò, manete in vestra Religione: si autem vera esse cognoveritis, debetis illam deserere, & Christianam amplecti. O Pater misericordiarum! O Deus totius consolationis! qui neminem vis perire, sed omnes vis salvos fieri, & ad agnitionem veritatis venire, illumina mentes horum hominum, quos



quos tanquam proximos propter te diligo, & quibus æternam fœlicitatem ex animo desidero, vt cognoscant te verum Deum & quem misisti Iesum Christum. Loquere Domine intus ad cor eorum, dum ego externe loquor ad aures; scio Domine, neminem posse venire ad Christum, nisi tu traxeris eum: trahe ergo Domine eos ad Filium tuum. Et vos ó Christiani, viscera charitatis ostendite erga hos proximos vestros, date vestris orationibus efficaciam verbis meis; petite ex toto corde conversionem istorum fratrum à Deo: offerre illi pro illorum salute Missas, Comuniones, elemosynas, ieiunia, pœnitentias, & alia pia opera: probè nostis, quam verum sit, quod summa veritas Christus dixit Ioan. 12. *Nemo venit ad me, nisi fuerit ei datum à Patre meo*: rogate ergo illum vt det donum fidei his fratribus nostris, & vos ó charissimi, & dilectissimi Mahumetani, quando quidem Deum Cœli, & terræ Dominum colitis, rogate impense in cordibus vestris, vt si ego prædicator veritatis sum, ab ipso vere missus, vobis supernè mittat lucem, qua veritatē cognoscatis, & robur, vt veritatem cognitam profiteamini: si autem seductor sum, vos ab errore, & falsa fide liberet. Quid hac petitione æquius? Quid rationabilius?

Hoc exordio præmisso, & in hunc modum captata beneyolentia Mahumetanorum, sermonem inchoet à prima demonstratione proposita cap. 1. pag. 57. remque amplificet, & sermonem finiat in medium proferendo aliquod exemplum ex ijs, quæ supra habentur à pag. 82. & in fine concionis in brevem epilogum re-

ducat, quæ fusc dicta sunt in eius decursu, & vehementiam affectuum comovens, auditores hortetur ad petendum Baptismum publice, & confitendum Christum coram hominibus, ut ipsos ille confiteatur coram Angelis Dei. Fideles comoveat ut hoc instanter à Deo precentur, & cum illis aliquam ferventem orationem vocalem ad Deum, & B. Virginem fundat ad impetrandam illorum conversionem. Parata habeat Rosaria: & si aliquis auditorum Baptismum petat, & sit vir iubeat, ut ad pulpitem adducatur, ibique cum arctissimo amplectatur: & Rosarium collo eius imponat in testimonium fidei. Si autem sit foemina, ei Rosarium porrigat, cæterum propter honestatem ab amplexu abstinere; & hoc munus amplexandi mulieres conversas committat alicui foeminae nobili ex circumstantibus. Hanc praxim concionandi ego servavi.

*Secundum Thema. Si non credideritis, quia ego sum, moriemini in peccato vestro.* Ioan. 8. 24. horum verborum explicationem quære in disp. de divinitate Christi 1. part. Quia primum fundamentum fidei Christianæ, in quo discernimur à Iudæis, & Mahometanis, est credere quod Christus est Filius Dei naturalis, verusque Deus; oportet ut Christi prædicator coram Mahometanis unam, vel duas conciones instituat de Christi divinitate. Ad hoc autem assumptum explendum proferat argumenta in illa disputatione à me expressa. Item liber 3. cap. 1. pag. 146. *Tertium Thema* potest etiam ad prædicandum de Christi divinitate assumi hoc thema: *Hæc est autem vita æterna, ut cognos-*

*caste te solum verum Deum & quem misisti Iesum-Christum.* Ioan. 17. 3. cuius explicationem habes ibidem 1. part.

*Quartum. Lex Domini immaculata conuertens animas.* Psalm. 18. 8. vide explicationem huius thematis cap. 9. pag. 443. habes copiosam materiam ibidem à pag. 443. vsque ad 470. item à pag. 523. vbi describitur vita Morabiturum. Item huc spectat impurus eius Paradysus cap. 11. pag. 126.

*Sextum. Testimonium Domini fidele.* Psalm. 18. 8. vide ad hoc explendum à pag. 470. ad 547.

*Septimum. Charissimi nolite omni spiritui credere, sed probate spiritus, si ex Deo sunt; quoniam multi Pseudo-Prophetae exierunt in hunc mundum.* 1. Ioan. 4. vel hoc: *Multi Pseudo Prophetae surgent: & seducent multos.* Matth. 24. 11. vel istud: *Ex fructibus eorum cognoscetis eos.* Matth. 7. 16. ad probandum Mahumetum non fuisse Dei Prophetam, expende contradictiones Alcorani à pag. 371. vsque ad 387. Item eius impuram vitam pag. 391. Item modum quo sectam suam inuexit à pag. 15.

*Octauum. Tres sunt qui testimonium dant in Caelo, Pater, & Filius, & Spiritus Sanctus, & ij tres vnum sunt.* Ioan. 8. ad probandum contra Mahumetanos primo pluralitatem personarum in Deo, vide cap. 3. pagin. 174. Item cap. 4. pag. 190. vide thematis explicationem pag. 237. & inde pete argumenta ad probandam Trinitatem Personarum in Deo. Præcipue vero argue ex miraculis, & revelationibus expensis cap. 6.



pag. 211. Item ex dictis pag. 354. quia Arriani nunquam claruerunt miraculis. Huc spectat colloquium, quod habui cum Hamete Solimam à pag. 252. vsque ad 276.

*Nonum.* Ecce ascendimus Hierosolymam, & filius hominis tradetur ad illudendum, & crucifigendum, & tertia die resurget. Matth. 20. Convincatur falsitatis Mahumetanæ sectæ ex eo, quod negat mortem Christi ex lib. 4. cap. 1. pag. 307. vsque ad 334.

*Decimum.* Testimonia tua credibilia facta sunt nimis. Psalm. 92. vide huius thematis explicationem 1. part. Lex vera debet habere evidentia argumenta credibilitatis, quibus demonstretur illam esse à Deo datam: hæc autem argumenta non habet lex Mahumeti, ut probatur cap. 2. demonstrat. pag. 62. & vincitur impura Mahumeti vita, & ex perversis dogmatibus, & erroribus eius, & ex modo illam introducendi. Christi autem lex habet evidentia credibilitatis signa. Ea breviter recensentur cap. 2. pag. 172. expendatur argumentum petatum à constantia, & alacritate Martyrum, quam spectantes Gentiles conversi sunt, ut habes 1. part. cap. 10. & 2. part. pag. 364.

*Undecimum.* Interrogate, quæ sit via bona, & ambulate in ea, & inuenietis requiem animabus vestris. Hierem. 4. hic expendatur quanta sit obligatio Mahumetanorum inquirendi, an sua lex sit à Deo. Vide ad hunc scopum cap. 3. pagin. 384. vsque ad 390. Convincatur non esse viam bonam sectam Mahumeti, ex impura vita Mahumeti: quia iniusta præcipit: quia pluralita-

tem vxorum, & liberam eas repudiandi licentiam licitam facit: quia sodomiam, & bestialitatem licitas facit: quia euidenter fabulatur Evangelia esse corrupta, vide à pag. 334. vsque ad 370.

*Duodecimum. Testimonium fidele sapientiam præstans parvulis.* Pl. 18. ostendatur legem Mahumeti sapientiam non præstare parvulis. 1. quia non ordinat homines ad supernaturalem finem, & diuinum, in quo iuxta S. Thomam consistit, quod præstet sapientiam parvulis, pag. 126. Secundo, quia proponit vt res veras fabulas ridiculas, vide à pag. 542. Tertio, quia contra euidentissima testimonia Evangelij, & omnium hominum, fabulatur circa Annunciationem, & Partum B. Virginis, vt cõstat ex pag. 493. vsque ad 497. Quarto, quia non habet orationem, sacrificia, & alia media eleuantia hominem ad Dei contemplationem, & amorem, vide à pag. 521. Quinto, quia eos, quos Mahumetani vocant sanctos, brutales, & bestiales facit. Afferat hic prædicator Christi exempla sapientiæ, quam Religio Christiani tribuit pueris innocentibus: v.g. Iusto, & Pastori, quam tribuit Agneti, Catherinæ, Cecilix, Theresiæ, Teclæ, & alijs.

*Decimum tertium. Euntes in mundum vniuersum prædicare Euangelium omni creatura.* Marc. vlt. conferat Christi prædicator modum, quo lex Christi introducta est in mundo per pauperes Piscatores, contradicentibus orbis Principibus, cum modo, quo inuenta est secta Mahumetana, & convincet illam esse veram, & hanc falsam. Ad hoc explendum thema legatur dis-

putatio de divinitate Christi, legatur c. 39. à pag. 560.  
Item expendat miracula, quibus floruerunt in omni  
saeculo Sectatores Christi, vt breviter, & dilucide  
facit Cardin. Bellarm. in tomo concionum, concione  
6. de fide, & impotentiam faciendi miracula, quam de  
seipso fatebatur Mahumetus, & miracula ridicula,  
quæ in sui commendationem confixit, vt constat ex  
pag. 560. & ex pag. 12. n. 8. & 9. & ex cap. 2. à pag. 15.  
vique ad 30.

*Decimumquartum. Ambulate dum lucem habetis, vt  
non vos tenebræ comprehendant. Ioan. 12. 35. ad expug-  
nandam duritiem Maurorum, qui auditis concioni-  
bus nolant ad Christum venire, quamvis veritatem  
cognoscant, vide lib. 6. cap. 6. & 7. à pag. 586. Item ad  
impugnandam illam communem exculationem, Con-  
uertar quando Deus voluerit, vide à pag. 528. vbi im-  
pugnatur error Mahumetanorum asserentium  
Deum destinare homines ad malum, &  
omnia ex necessitate evenire.*

¶ 5:5 ( )





# INDEX

## SECUNDÆ PARTIS

MANVDUCTIONIS AD CONVER-  
SIONEM MAHVMETANORVM.

### PARS SECVNDÆ.

IN QVA FALSITAS MAHVMETANÆ

*Sectæ convincitur, pariterque veritas Religionis  
Christianæ, quæ primâ parte demonstrata est, no-  
vis iterum argumentis stabilitur.*

### LIBER PRIMVS.

**P**roemialis, exhibens brevem notitiâ de Mahumet  
vita, & moribus, de Alcorani erroribus, & de artibus  
quibus secta hæc introducta est.

Cap. I. Brevis notitia de Mahumetanorum errori-  
bus, & qua arte Mahumetus suam sectam invexit.  
pag. 5.

Cap. II. Quo pacto Mahumetana secta introducta  
sit? pag. 15.

§. I. Qualiter Arabum historici sui Prophetæ vitam,  
& gesta narrant? pag. 30.

## Index

§. II. Aliæ notitiæ de Mahumeti vita, & moribus, pag. 36.

Cap. III. Mores, & instituta Mahumetanorum, pag. 51.

### LIBER SECVNDVS.

*IN quo continentur apertæ aliquæ demonstrationes contra hanc sectam, quæ confirmantur ex mirabilibus quorundam Mahumetanorum conversionibus: specialiter verò falsitas Alcorani convincitur ex eo quod ponat ultimam felicitatem hominis in delectationibus corporis.*

Cap. I. Prima demonstratio inde petita, quod ante Mahumeti adventum per sexcentos, & amplius annos in Christiana Religione homines salvari poterant: ex quo evidenter infertur illam esse veram, & sectam Mahumetanam ipsi oppositam, esse falsam, pag. 57.

Cap. II. Secunda demonstratio petita ex eo quod Mahumetus prohibuerit suis omnem de Religione disputationem, & voluerit legem suam gladio potius, quam rationibus persuaderi, pag. 62.

Cap. III. Tertia demonstratio inde petita, quod Alcoranus, docet vnumquemque posse in sua lege salvari, Christianum in Christiana, Mahumetanum in Mahumetana, & Iudæum in Iudaica, pag. 65.

Cap. IV. Quarta demonstratio inde petita, quod salvatio in lege Christi sit certa ex dictis Alcorani; in

## Secundæ Partis:

Mahumerana autem sit dubia , pagin. 69:

*Cap.V.* Quinta demonstratio petita ex eo , quodd ex confelsione Alcorani Christus est Messias in lege antiqua promissus, & Sanctissimus Propheta, pag. 73.

*Cap.VI.* Sexta demonstratio , quodd vera Religio est illa , quam homines ad moriendum eligunt ; sectam autem Mahumetanam nullus vnquam Christianus admoriendum prælegit ; cum interim passim Mahumetani eligant ad moriendum Religionem Christianam , quam ad vivendum nunquam suscipere voluerunt. Vbi narrantur mirabiles conversiones Mahumetanorum in hora mortis, pag. 77.

*Cap.VII.* Septima demonstratio petita ex eo , quodd nullus vnquam Christianus ex desiderio suæ salutis, divitias, vxorem, & filios, & temporalia commoda reliquerit, vt ad Mahumetanos transiret ; e contra verò multi Mahumetani hoc fecerint, vt in terras Christianorum migrarent. Vbi narrantur mirabiles vocaciones ad Fidem Christi, pag. 99.

*Cap.VIII.* Mirabilis conversio Regis de Fez, postea Balthazaris de Loyola Societatis Iesu, pag. 105.

*Cap.IX.* Alia exempla, pag. 116.

*Cap.X.* Singularis Dei providentia , quam Author expertus est in Mahumetanorum conversione , satis probat, Religionem Christianam esse necessariam ad salutem viam, pag. 119.

*Cap.XI.* Convincitur falsitatis sectæ Mahumetanæ ex eo, quodd ponat hominis beatitudinem in delectationibus carnalibus , gustus, & tactus, pag. 126.



## LIBER TERTIVS.

*In quo ex dictis Alcorani, & ex Scripturis Divinis, quas admittit, & ex Divinis visionibus, & miraculis probatur Divinitas Christi, & Trinitas Personarum. Vbi etiam apponitur longum colloquium, quod Author habuit cum arguta Mahumetano: & varijs similitudinibus exponuntur mysteria Incarnationis, & Trinitatis: & docetur quomodo agendum sit cum Infidelibus, qui ob difficultatem mysteriorum nostrae fidei illam recipere detestantur: & demonstratur legem Christi abrogari non potuisse per legem Mahumeti, quamvis lex Moysis sit abrogata per legem Christi.*

*Cap. I. Demonstratur Divinitas Christi ex dictis Alcorani, ubi Christum appellat Verbum Dei, & ex libris Divinis, quibus Mahumetus iussit haberi fidem, pag. 146.*

*Cap. II. Probatur Divinitas Christi, & veritas Religionis Christianae ex notis, & insignibus, quibus dignoscitur, illam esse à Deo, pag. 172.*

*Cap. III. Iterum ostenditur Divinitas Christi, & pluralitas personarum in Deo ex ipso Alcorano, & ex Scripturis, quas Mahumetus admittit, pag. 174.*

*Cap. IV. Solvitur crassa quaedam obiectio Mahumeti,*

## Secundæ Partis:

q, & exponitur quo pacto sine uxore propriè Filius Deo conveniat, pag. 199.

Cap. V. Cur Evangelion dixit: *Verbum homo*, sed, *Verbum caro factum est*, pag. 202.

Cap. VI. Ostenditur contra Mahumetan os plures personarum in Deo, & Christum esse Filium naturalem Dei, verumque Deum ex Divinis testimonijs, visionum, & miraculorum, pag. 211.

Cap. VII. Narratur miraculum Divæ Virginis, quæ Cæsaraugustæ crus puero abscisum restituit anno 1640, pag. 220.

Cap. VIII. Alia B. Virginis miracula ex certis historijs à P. Iacobo Massenio narrata, quibus probatur, illam esse Dei Matrem & Christum esse verum Deum, pag. 225.

Cap. IX. Probatur Trinitas Personarum contra Mahumetum: & ostenditur, illum stulte negasse hoc mysterium, quia demonstrari non potest, Eius cum Simone Magi similitudo: ubi quomodo Augustinus inductus fuerit ad deferendum errorem, in quo præter quod videlicet nihil credi debeat, quin firma præratione probetur, pag. 237.

Cap. X. Proponitur colloquium, quod Author habuit cum Mauro arguto, & inter suos gradito, qui volebat Christianæ Fidei nomen dare, quia capere non poterat quomodo Deus sit Trinus in Personis, & quomodo potuerit fieri Homo. Vbi symbolis, & similitudinibus explicantur Mysterium Trinitatis, & Incarnationis, pag. 252.

§.II. Rationes probabiliter suadentes pluralitatem personarum in Deo, pag. 258.

§.III. Exponitur quomodo in Deo detur Pater, & Filius, & Spir. Sanct. pag. 260.

§.IV. Cur in Deo dentur tres Personæ, neque plures neque pauciores, pag. 262.

§.V. Quomodo exponendum sit Mysterium Incarnationis ex S. Thoma, pag. 263.

§.VI. Explicatur Mysterium Incarnationis varijs similitudinibus, pag. 272.

Cap. XI. Quomodo Prædicatores Evangelici persuadere debent Infidelibus, vera esse mysteria nostræ fidei, pag. 277.

Cap. XII. Demonstratur, legem Mahumeti non successisse legi Christi, sicut lex Christi successit legi Moyſis. Vbi exponitur quomodo lex Christi non sit opposita legi Moyſis; sed eius adimpletio, & perfectio: & convincuntur Iudæi contententes, Sacramentum circumciſſionis, & ceremonialia legis antiquæ debere in æternum durare, quia sunt à Deo Instituta, pag. 285.

Cap. XIII. Demonstratur, legem Christi non potuisse abrogari per legem Mahumeti, quamvis lex Moyſis sit abrogata per legem Christi, pag. 297.



## Secundæ Partis.

### LIBER QVARTVS.

*In quo demonstratur, Christum mortuum esse, & resurrexisse, contra id, quod Alcoranus fabulatur; & exponitur, cur Deus fieri voluerit homo passibilis: & ostenditur, nec novum nec vetus Testamentum fuisse corruptum à Christianis, ut Mahumetus finxit.*

*Cap. I. Demonstratur contra Mahumetanos, Christum mortuum esse, & resurrexisse: indeque evidenter ostenditur, Alcoranum mendacijs, & fabulis plenum esse, pag. 307.*

*Cap. II. Crucis miracula clarè probant, Christum in ea mortem sustinuisse, pag. 315.*

*Cap. III. Cur Deus factus sit homo, & pro hominibus pati voluerit, pag. 322.*

*Cap. IV. Exponitur ex Patribus cur Deus voluerit fieri homo passibilis, & mortem Crucis subire, pag. 327.*

*Cap. V. Demonstratur contra Mahumetanos, neque vetus, neque novum Testamentum esse adulteratum; & inde evincitur, Alcoranum utriusque Testamento contradicentem, esse librum mendacem, & Diaboli suggestionem compositum, pag. 334.*

*Cap. VI. Demonstratur, vetus Testamentum non esse depravatum à Iudæis, ut Mahumetani fabulantur, pag. 337.*

## Index

*Cap.VII.* Demonstratur, novum Testamentum non esse corruptum: & inde convincitur, doctrinam Alcorani ipsi contrariam esse falsam. Vbi recensentur Hæreses præcipuæ contra Trinitatem, & Incarnationem, & Concilia Generalia, in quibus damnatæ sunt, pag. 343.

## LIBER QUINTVS.

*In quo ex contradictionibus Alcorani, ex fabulis, quibus est refertus, ex erroribus manifestis contra Historiam, contra Mathematicam, & Philosophiam, ex impura Mahumeti vita, & moribus eorum, quos Mahumetani Sanctos appellant, evidenter demonstratur, legem contentam in Alcorano non esse legem Dei, nec illi convenire ullam ex proprietatibus legis Divinæ, quas David descripsit.*

*Cap.I.* Evidentes contradictiones in Alcorano contentæ manifestè probant, Mahumerum non fuisse Dei Prophetam; sed Diaboli ministrum. Vbi cur vinum Mauris prohibuerit? pag. 371.

*Cap.II.* Cur tot in Alcorano reperiantur contradictiones? pag. 382.

*Cap.III.* Ostenditur, inexcusabiles esse Mahumeranos, qui legentes in Alcorano, & percipientes quæ docet, non deserunt Mahumeti legem, pag. 384.

*Cap.IV.* Colloquium inter Patrem Ignarium de las

Ca-

## Secundæ Partis.

Cafas, & Mahumetanum quendam; ex quo probatur, Mahumetanos solo rationis ductu posse cognoscere Alcorani falsitates, pag. 387.

*Cap. V.* Impura Mahumeti vita clarè probat, eum non fuissè Dei Prophetam, sed sagacem Regnorum deprædatorem, pag. 391.

*Cap. VI.* Ideo Diabolus Mauris persuadet, Mahumetum fuissè Virum Sanctum, ut eius vitia sub larvâ virtutum imitantes, in infernum cum ipso detradantur, pag. 407.

*Cap. VII.* Pluralitas vxorum, & eas repudiandi licentia, quam lex Mahumeti præscribit, clarè demonstrat, eam non esse legem Dei, pag. 413.

*Cap. VIII.* Facilitas repudiandi vxores, quam Mahumeti lex concedit, clarè ostendit, eam non habere Deum Authorem, pag. 429.

*Cap. IX.* Demonstratur, nullam ex proprietatibus legis Domini assignatis à Davide, convenire legi Mahumetanæ, pag. 443.

*Cap. X.* Ostenditur, legem Mahumetanam non esse immaculatam, quia multa iniusta præcipit, & multa turpissima ut licita permittit, pag. 444.

*Cap. XI.* Demonstratur, legem Mahumeti non esse immaculatam, quia Virginitatem prohibet, & omnibus imponit obligationem nubendi, cum ad vigesimum quintum annum pervenerint, pag. 460.

*Cap. XII.* Ostenditur, Alcoranum non esse legem, & testimonium Dei, quia testimonium Domini fidele Alcoranum verò plenum est erroribus, mendacijs, & fabulis, p. 470.



## Index

*Cap. XIII.* Confutatur fabula Alcorani asserentis, Angelum Gabrielem apparuisse B. Mariæ Virgini descendenti è domo parentum in terram Orientalem, & tunc illi annuntiasse Christi miraculosam Cōceptionem. Vbi recensentur laudes, quæ in Alcorano de B. Virgine dicuntur, pag. 489.

*Cap. XIV.* Annuntiationem factam esse in domo Virginis, probatur contra Mahumetanos ex miraculosa illius translatione in Lauretum, pag. 493.

*Cap. XV.* Exploditur fabula Alcorani affirmantis, B. Mariam Christum peperisse, cū iuxta palmam consisteret, & alia fabulosa narrantis, pag. 497.

*Cap. XVI.* Error Alcorani contra Mathematicam, pag. 500.

*Cap. XVII.* Errores Alcorani contra Philosophiam Naturalem, pag. 503.

*Cap. XVIII.* Errores Alcorani contra Dei misericordiam, pag. 505.

*Cap. XIX.* Error Alcorani contra Dei providentiam trahentem homines ad veram fidem, & pietatem per miracula, pag. 507.

*Cap. XX.* Error Alcorani contra Dei providentiam permittentem, vt amici sui in hac vita tribulationes patiantur; vt in alia coronentur, pag. 509.

*Cap. XXI.* Error Alcorani contra providentiam Dei permittentem, homines fideles à Diabolo tentari, pag. 514.

*Cap. XXII.* Confirmatur doctrina præcedens exemplo recenti Mahumetanæ fœminæ, quam à suscipien-

## Secundæ Partis.

piendo Baptismo Dæmon ei apparens, deterrebat,  
pag. 517.

*Cap. XXIII.* Error Alcorani contra Dei iustitiam,  
& misericordiam, pag. 519.

*Cap. XXIV.* Quomodo Mahumerani fabulentur,  
Mauros ab inferno extrahi, pag. 521.

*Cap. XXV.* Perniciosus alius Alcorani error con-  
tra Dei iustitiam affirmantis, homines per confесси-  
onem Mahumetanæ sectæ sine bonis operibus, & cum  
magnis criminibus fore salvan dos, pag. 523.

*Cap. XXVI.* Errores alij Alcorani contra lumen ra-  
tionis, pag. 524.

*Cap. XXVII.* Error Mahumetanorum circa corpo-  
ra, & animas defunctorum pag. 525.

*Cap. XXVIII.* Error Alcorani affirmantis, Diabolo  
credentes Mahumeto fuisse ab inferno liberatos,  
pag. 527.

*Cap. XXIX.* Error Alcorani circa durationem in-  
ferni, pag. 528.

*Cap. XXX.* Error Alcorani contra Dei sanctitatem,  
& hominis libertatem, prg. 528.

*Cap. XXXI.* Quomodo perurgendi sunt Mahume-  
rani, qui interroganti, quando convertendi sunt ad  
Fidem Christianam: respondent: *Quando Deus volue-  
rit.* Vbi exemplis, & aptis similitudinibus explicatur,  
prædestinationem, & præscientiam Dei non auferre  
nostram libertatem, pag. 532.

*Cap. XXXII.* Demonstratur, Alcoranum non esse  
testimonium Dei, quia fabulis ridiculis plenum est,  
pag. 542.

## Index

*Cap. XXXIII. Ostenditur, legem Mahumeti non esse à Deo, quia lex Domini convertens animas, à qua procul ab est lex Mahumeti, pag. 548.*

*Cap. XXXIV. Quales sint Mahumetanorum Sancti, pag. 549.*

*Cap. XXXV. Ostenditur, legem Mahumeti carere medijs perveniendi ad sanctitatem: & primò de Maurorum Zalà, seu oratione, pag. 552.*

*Cap. XXXVI. De Mahumetanorum lotionibus, & lavacris, pag. 554.*

*Cap. XXXVII. De Mahumetanorum ieiunio, pag. 557.*

*Cap. XXXVIII. Concluditur ex dictis quã impudenter Mahumetus dixerit, suam legem esse supra omnes, pag. 559.*

*Cap. XXXIX. Quamvis Mahumetus in Alcorano dicat: sibi non esse datam à Deo potestatem faciendi miracula; tamen aliqua testibus carentia in sui commendationem finxit, pag. 560.*

*Cap. XXXX. Miracula, quæ de Mahumeto narrant Sarraceni, pag. 562.*

## LIBER SEXTVS.

*In quo tradiditur praxis convertendi Mahumetanos: & petita ab experientia Authoris, & designantur themata concionum, & loca etiã ex toto opere, quibus expleri possint.*

*Cap.*



## Secundæ Partis.

*Cap. I.* Quantum expediat publicas ad Mahumetanos conciones habere, pag. 563.

*Cap. II.* Quomodo Mahumetani convocandi sunt ad has conciones publicas audiendas, pag. 568.

*Cap. III.* Quod pro Maurorum conversione preces, elemosynæ, ieiunia, & alia pia opera à Christianis exercenda sunt, ut prædicatio effectum sortiatur. Vbi singularia huius rei exempla ab Hispalensibus exhibita, recensentur, pag. 575.

*Cap. IV.* Singulare exemplum puellæ sexennis orantis pro Mahumetanorum conversione, pag. 579.

*Cap. V.* Quantum expediat, quod Mahumetani ad fidem conversi magna cum solemnitate baptizentur, pag. 580.

*Cap. VI.* Quomodo expugnanda sit obstinatio Mahumetanorum, qui veritatem Religionis Christianæ cognoscentes, Baptismum suscipere detrectant, vel differunt, pag. 586.

*Cap. VII.* Quid consulere debeat Christi Prædicator Mauris, quibus persuadere non potuit ut Baptismum peterent, pag. 591.

*Cap. Vlt.* Insinuantur verba Scripturæ, quæ pro the-  
mate concionum contra Mahumetanos seligi possunt: & quomodo dictis expleri possint, pag. 594.



**P**ag. 13. l. 17. accēdebant, lege accēdebant. Pag. 25. l. 17. accē-  
leres, lege inēcleres. Pag. 35. l. 15. suauē, lege suauī. Pag. 42.  
l. 4. reuēsi, lege reuēsi. Pag. 49. l. 1. in minere, lege imminere,  
l. 18. habebant, lege haberent. Pag. 52. l. 3. Comes de Iarandilla,  
lege de Oropelia. Pag. 59. l. 13. qui, lege quæ. Pag. 62. l. 5.  
providi, lege providit. Pag. 81. l. 21. Mariā, lege Marianā. Pag.  
85. l. 5. ab salutem via, lege ad salutis viam. Pag. 87. l. 14. eum,  
lege cum. Pag. 88. l. 22. hac, lege hęc. Pag. 102. l. 7. Domine,  
lege Dominæ. Pag. 112. l. 14. iuxta ritum, lege iuxta ritum, l. 25.  
diuinis, lege diuinis. Pag. 116. l. 5. Curduvensem, lege Cordu-  
vensem. Pag. 120. l. 15. recipimus, lege recepimus. Pag. 132. l.  
20. esse, lege esset. Pag. 151. l. 7. tam, lege iam. Pag. 163. l. 2.  
Calcamentorum, lege Calcamentorum. Ibid. l. 22. dixisses, lege  
dixisse. Pag. 167. l. 24. mote, lege more. Pag. 170. l. 18. ipsum,  
lege ipsam. Pag. 180. l. 1. haber, lege habeo, & l. 3. bares, lege  
bases. Pag. 200. l. 1. suscipiatur, lege suspiciantur. Pag. 224. l. 1.  
quem, lege quam. Ibid. l. 15. animam, lege animal. Pag. 211. l.  
21. quias, lege quas. Pag. 118. l. 25. præstinæ, lege pristinæ. Pag.  
227. lin. 1. vobis, lege verbis. Pag. 229. l. 13. scurra, lege scur-  
ra. Pag. 231. l. penult. febris, lege fabris. Pag. 309. l. 12. aulis, le-  
ge aulus. Pag. 325. l. 21. dagna, lege digna. Et l. 22. supplico, le-  
ge supplio. Pag. 330. l. 20. ignit, lege gignit. Et l. 21. benefico,  
lege beneficio. Pag. 333. l. 4. occasio, lege occasionem. Pag. 334.  
l. 7. Christi, lege Christo. Pag. 338. l. ult. non sit verisile, lege  
non sit verisimile. Pag. 345. l. 24. opportherent, lege opponerent.  
Pag. 358. l. 7. configunt, lege confingunt. Pag. 361. l. 18. Euan-  
gelisti, lege Evangelistis. Pag. 391. l. 1. De, lege Dei. Pag. 393.  
l. 4. pulcharum, lege pulchrum. Pag. 401. l. 16. umaritum, lege  
maritum. Pag. 419. l. 15. libris, lege liberis. Pag. 420. l. 26. mu-  
lierunt, lege mulierum. Pag. 435. l. 17. dixerit, lege duxerit. Pag.  
444. l. penult. caput, lege capite. Pag. 447. l. 23. illi, lege illum.  
Pag. 449. l. 23. infer, lege infert. Pag. 454. l. 22. coniugi. lege  
coniungi. Pag. 497. l. 2. imprægnatæ, lege iam prægnata. Pag.  
503. l. 16. paschale, lege paschate, & ibid. l. resuscitatuos, lege  
resuscitatuos. Pag. 504. l. 20. per locum, lege per iocum. Pag.  
505. l. 8. penitentiā agunt, lege penitentiam agunt. Ibid. l. 13.  
præcipiat, lege præcipiat. Pag. 533. l. 2. miterē, lege misere.  
Pag. 543. l. 9. spondisse, lege spondisse.

